




ZEILLER, FRANZ VON

Praelectiones academicae
in Heineccii elementa iuris
civilis secundum ordinem
institutionum adnexis
praecipuis iuris austriaci
differentiis vulgatae.

Kurzbeck
Viennae
1781

books2ebooks – Millions of books just a mouse click away!



European libraries are hosting millions of books from the 15th to the 20th century. All these books have now become available as eBooks – just a mouse click away. Search the online catalogue of a library from the eBooks on Demand (EOD) network and order the book as an eBook from all over the world – 24 hours a day, 7 days a week. The book will be digitised and made accessible to you as an eBook. Pay online with a credit card of your choice and build up your personal digital library!

What is an EOD eBook?

An EOD eBook is a digitised book delivered in the form of a PDF file. In the advanced version, the file contains the image of the scanned original book as well as the automatically recognised full text. Of course marks, notations and other notes in the margins present in the original volume will also appear in this file.

How to order an EOD eBook?



Wherever you see this button, you can order eBooks directly from the online catalogue of a library. Just search the catalogue and select the book you need.

A user friendly interface will guide you through the ordering process. You will receive a confirmation e-mail and you will be able to track your order at your personal tracing site.

How to buy an EOD eBook?

Once the book has been digitised and is ready for downloading you will have several payment options. The most convenient option is to use your credit card and pay via a secure transaction mode. After your payment has been received, you will be able to download the eBook.

Standard EOD eBook – How to use

You receive one single file in the form of a PDF file. You can browse, print and build up your own collection in a convenient manner.

Print

Print out the whole book or only some pages.

Browse

Use the PDF reader and enjoy browsing and zooming with your standard day-to-day-software. There is no need to install other software.


Build up your own collection

The whole book is comprised in one file. Take the book with you on your portable device and build up your personal digital library.

Advanced EOD eBook - How to use

Search & Find

Print out the whole book or only some pages.



With the in-built search feature of your PDF reader, you can browse the book for individual words or part of a word.

Use the binocular symbol in the toolbar or the keyboard shortcut (Ctrl+F) to search for a certain word. "Habsburg" is being searched for in this example. The finding is highlighted.

Copy & Paste Text



Click on the “Select Tool” in the toolbar and select all the text you want to copy within the PDF file. Then open your word processor and paste the copied text there e.g. in Microsoft Word, click on the Edit menu or use the keyboard shortcut (Ctrl+V) in order to Paste the text into your document.

Copy & Paste Images



If you want to copy and paste an image, use the “Snapshot Tool” from the toolbar menu and paste the picture into the designated programme (e.g. word processor or an image processing programme).

Terms and Conditions

With the usage of the EOD service, you accept the Terms and Conditions. EOD provides access to digitized documents strictly for personal, non-commercial purposes.

Terms and Conditions in English: <http://books2ebooks.eu/odm/html/ubw/en/agb.html>

Terms and Conditions in German: <http://books2ebooks.eu/odm/html/ubw/de/agb.html>

More eBooks

More eBooks are available at <http://books2ebooks.eu>

I

157046


S. G. — q. 11. 1.

Ex

Biblioth. Augustin. Vienn. in
via regia.

19

8



PRAELECTIONES

ACADEMICAЕ

I N

HEINECCII ELEMENTA

IVRIS CIVILIS

SECVNDVM ORDINEM INSTITUTIONVM

ADNEXIS PRAECIPVIS IVRIS AVSTRIACI

DIFFERENTIIS

VULGATAE

A

FRANCISCO ALOYSIO

ZEILLER

I. V. D. I V R. N A T.

A C

INSTIT. IN VNIV. VINDOB. PROF. PVBL.

EXTRAORD. ET ACADEMIAE ROBORE-

TANAE SOCIO.

VIENNAE,

TYPIS JOSEPHI NOBILIS DE KVRZBECK

M D C C L X X I.

I
157046





Proemium Heinecii.

§. I. - XVII.

Quoniam integrum legum Romanarum historiam secundum Ordinem historiae iuris civilis cl. de MARTINI praemisimus, atque in eiusdem cap. VIII. ea, quae de compilatione corporis iuris Iustiniani strictim hoc proemio proponit Heinecius, latius iam exposita sunt, iisdem hoc loco supersedemus.

LIBER PRIMVS.

TIT. I.

DE IUSTITIA ET IURE.

§. XVIII.



Ex Inscriptione, vulgo *Rubrica*, huius capituli, seu tituli de *Iustitia et Iure* explicari potest, quod acute iam monuerat CICERO: esse aliud artēm ipsam, aliud, quod propositum sit arti. de finib. V. 6. Scilicet iuri systematice sumto, seu legum

scientiae, operam daturis id propositum esse debet, actiones omnes legibus attemperare, aut, quod ideni est, iustitiam colere. (*de MARTINI exercit. iur. nat. §. 211.*). Quum porro id, propter quod causa efficiens et intelligens aliquid agit, ut ipsum sit, vel fiat, finis dicatur (*cit. exerc. iur. nat. §. 57.*), manifestum est, finem studii nostri esse iustitiam: *te propter colimus teges, animasque ferarum exuimus* dixit de iustitia CLAVDIANVS consul. *Manl. Theod. v. 192.*; quae sane cum ad securitatem, seu salutem reipublicae, tum quoque ad vitae futurae felicitatem spectat, ut docet APOSTOLVS *ad Tit. II. 12.*: quapropter interpretes, qui hosce duos postremos scientiae nostrae fines statuere maluerunt, a nobis haud dissentunt. Quoniam vero scientia eligendi media ad finem bonum est *sapientia*, mirum non est, si Romani iureconsulti, ut olim Aegyptiorum philosophi apud LABERTIVM *de vit. phil. proem.*, et dein stoae sectatores apud STANLEIVM *bist. phil. doctr. stoic. p. 2. cap. 15. sapientiae antistites*, seu *sacerdotes* appellari voluerunt; quod veram, seu, ut ait CICERO *de orat. I. 43.*, *praepotentem et gloriosam philosophiam* affectarent, non simulatam *I. I. §. 1. D. b. t.* Haec enim iam in pallio, barba, vultu, et sonitu vocis obiurgatorio consistebat, fuitiles, inanes, et argutiarum plenas tractabat quaestiones, nihilque ad vitam ordinandam promouentes. vid. GELL. noct. Attic. XIV. 3. Inepte igitur ACCVRSIUS in *gloss. ad l. cit. sacerdotis nomen a iureconsultis Romanis*

nis ethnicis ideo adhibitum fuisse putabat, quod, vti christianaee religionis antistites in danda poenitentia, ita et iureconsulti in iudicando suum cuique tribuant; plures huiuscemodi Accursii nugas ridet AVREL. DE JANVARIO *in Republica iurecons.* Tenetis modo, auditores ornatissimi, laborum nostrorum scopum: intellectum solida legum notitia imbuere, tum flettere voluntatem ad illorum custodiam: in quo vera posita est philosophia. Quis vero non indignetur opinatis hodiernis philosophis, qui ab aequi et boni notitia abhorrentes, *ut putentur sapere, caelum vituperant* PHAEDR. VI. fab. 6., v. 26., et omnia legum vincula abrumpere adnituntur.

§. XVIII.

Iustitiam strictissime acceptam in iure naturali definiuimus virtutem edendi actiones iustas, hoc est, suum altetius non violandi, seu tribuendi cuique suum (*exerc. iur. nat. §. 165.*); quoniam autem virtus habitu, hic vero facilitate ac promptitudine, et porro actibus uniformibus, et frequentioribus seu *constantia* ac *perpetua voluntate* agendi continetur: perspicuum est, VLPIANVM, cui iustitia est *consans et perpetua voluntas ius suum cuique tribuendi* l. 10. pr. D. b. 1. et pr. 1. b. 1. nobiscum conuenire. Frustra igitur est Heineccius, qui definitionem non nisi ex principiis philosophiae moralis stoicae putat esse declarandam: siquidem iam ARISTOTELI iustitia virtus dicitur,

*qb. quam quis plus non sumit, aut vindicat,
quam oportet. Nicomach. V. 4. Magn. Mor. I.
34.: tum vero CICERONI, qui non stoicus
fuerat, sed peripateticus Tusc. quaeſt. IV. 34.,
iustitia virtus est, atque *habitus animi* (qui ex
difformibus, vel paucis actibus non consurgit)
ius suum cuique tribuens. Heren. III., et de fin.
V. 23.: virtus autem ab eodem quoque defini-
tur *consentiens cum ratione et perpetua con-
stantia: parad. III.*, et *constans et perpetua vi-
tae ratio. de leg. I. 17.*, cui opponatur vitiosi-
tas, seu *habitus aut affectio in tota vita incon-
stans et a se ipſa dissentiens. Tusc. quaeſt. IV.
13.* Non erat itaque cur HOTTOMANVS com-
ment. inst. ad b. I., aliique serio contēderent
definitam esse ab VULPIANO iustitiam diuinam,
quae vtique suum alteri propriæ tribuere non
intelligitur Cic. de nat. deor. III. 15., seu
deam Iouis filiam; de constanti enim, ac per-
petua voluntate, seu habitu loquitur, qui ho-
mines tantum attingit. Superest, vt videamus,
an non sola iustitia *externa*, et actionis potius,
quam *interna* et personae (exerc. iur. nat. §. 168.)
in studio iuris ciuilis fuisset definienda, quod
videtur Heineccio: siquidem cogitationis poe-
nam in foro nemo patiatur I. 18. D. de poenis,
quo sensu etiam CICERONI: *iustitia est obtem-
peratio scriptis legibus, institutisque populo-
rum I. de leg. 15.* Sed salua res est. Primo
enim constat ex imputationis doctrina etiam
leges humanas ad animum agentis simul spe-
ctare, et ideo Kartaginenses in crucem tolli
voluerunt imperatores, qui *prospero euentu*,
*pra-**

prauo consilio rem gerebant. LIV. XXXVIII. 48., finis praeterea vniuersae iurisprudentiae est, non tantum cautos, sed etiam bonos ciues efficere l. 1. §. 1. D. b. t., qui porro latius patet, quam sola externa iustitia, qua si simus contenti, nec primum iuris praeceptum, quod infra trademus: *honeste viuere*, nec quae in iure ciuili occurrit, iurisurandi doctrina amplius constabunt. Praesto autem esse imperanti ciuili etiam remedia virtutis promouendae alio loco docebitur. cf. de MARTINI posit. de iure ciuitatis §. 110. et seq. §. 220. et seq.

§. XX.

Nulla quidem in libris iuris Romani reperitur partitio iustitiae, quia tamen iureconsultus PAVLVS in l. 17. §. 3. D. *commod.* observavit esse *quaedam voluntatis et officii magis*, veluti rem alteri *commodare*, *fuscipere mandatum*: *quaedam necessitatis et obligationis*: scilicet *vsum rei commodatae intempestive non auferre*, *mandatum consumare*, *implere*; inde recte concluditur, discrimin, quod alibi dedimus, inter actiones iustas et aequas (*exerc. iur. nat.* §. 163.), iam in iure Romano reperiri; atque ab hoc discriminе GROTIUS l. 1. de I. B. et P. c. 1. §. 8. diuisionem duxit iustitiae in *expletivicem*, et *attributricem*.

§. XXI.

Ac *expletricem* quidem proprie, et stricte iustitiam cum Aristotele nominauit, quae suum cuiusuis respiciat, seu facultatem, et ius perfectum, quod generatim coniunctum est cum iure cogendi; *attributricem* vero dixit, quae respieiat alterius *meritum* ac *dignitatem*, ad quam porro custodiendam nemo cogi possit. Ita qui pecuniam dat mutuam pauperi, *aequus* est, iustitiam attributricem seruat seu aequitatem; qui vero mutuum restituit, est *iustus*, seruat iustitiam expletricem. Hinc ad pecuniam mutuam dandam nemo cogi potest, cogi autem potest, qui accepit, ut restituat: scilicet qui pecuniam mutuam dare negat, alterum non laedit, et ideo ius cogendi eidem non tribuit, qui vero mutuum soluere detrectat, infert lactionem, et porro ad ius defensionis et coactionis viam pandit, quae omnia in exercit. inv. nat. §. 153. seqq. satis dilucidauiimus. Illud tamen animaduertere oportet, in definitione iustitiae ab VLPIANO data, quae ad svvm *cuique tribuendum* pertinet, tantum iustitiam stricte talem, seu expletricem contineri; vt ergo etiam iustitia attributrix eidem generi subiiciatur, definienda fuisset ab auctore iustitia latius cum CICERONE: *constans et perpetua voluntas cuique tribuendi ius suum, vel dignitatem.* ad Heren. III. 2. de Inuent. II. 53.

§. XXII.

§. XXII.

Tria assignantur iuris praecepta: *honeste viuere, alterum alterum non laedere, suum cuique tribuere* §. 3. l. b. t. l. 10. §. 1. D. eod., ac duo posteriora quidem iustitiam expletricem exhaustiunt, suntque omnium officiorum perfectorum fons atque principium (*exerc. iur. nat.* §. 157.), qui enim alterum non laedit, officia implet perfecta negatiua, et absoluta, qui vero suum cuique tribuit, officiis fungitur perfectis affirmatiuis, atque hypotheticis. Sed minus recte auctor primo praecepto: *honeste viuere iustitiam attributricem circumscribit*: qui enim honeste viuunt, non modo aliorum utilitatibus student, sed etiam sui curam gerunt, pietatem colunt, et ceteras virtutes omnes (*exerc. iur. nat.* §. 161.); quo sensu scripsit MACROBIUS *Somn. Scip. l. 1. c. 8. de iustitia venientia innocentia, amicitia, concordia, pietas, religio, affectus, humanitas*. His virtutibus vir bonus primum sui, atque inde reipublicae rector efficitur, iuste ac prouide gubernans humana, diuina non deserens. Vnde conficitur valde hallucinari illos, qui iuris vniuersi doctrinam in tam paruum et angustum locum concludunt, ut tantum officia perfecta complectatur. v. CICERO *de legib. l. 5.*; sed hanc caussam iam alibi egimus (*exerc. iur. nat.* §. 215. seqq.). Itaque non moramur Thomasiūm, qui praeente iam Balduino in *not. ad Inst. b. t.* praeceptum primum *temperantiae*, secundum *fortitudini*, tertium vero *iustitiae* putat re-

spondere; qua enim opus est fortitudine, ut nemini noceamus? An vero Romanae leges, quae ciuibus concubinas, seruis in suum corpus saeuire, contrahentibus circumuenire se inuicem permiserunt, ab his praeceptis deflexerint, id suis locis est diiudicandum.

§. XXIII.

Iustitiae vniuersalis, et particularis notiones primum ab ARISTOTELE sunt proditae. Ac ille quidem iustitiam vniuersalem, siue latissime acceptam, definiuit virtutem faciendi, quod lex facere iubet, prorsusque cuncta, quae ex virtutibus ducuntur. *Magn. Mor.* I. c. 34.; particularem vero, et stricte sumtam, ob quam quis plus non sumit, aut vindicat, quam oportet, et aequalitatem seruat. *Nicom.* V. 4. Non igitur diuidere voluit iustitiam Philosophus, sed vocabuli ambigui variam significationem explanare. Porro idem ARISTOTELES hanc particularem iustitiam considerauit, prout vel in rebus commutandis, vel in diuidendis sese exerit, et eatenus *commutatiuam* dixit, vel *distributiuam*: itaque falluntur commentatores, qui distributiuam confundunt cum attributrice; prior enim officia adhuc respicit perfecta, posterior autem solum imperfecta. Quare autem Aristoteles in iustitia commutativa proportionem arithmeticam, in distributiva vero geometricam seruari docuerit, et in quot errores desuper prolapsi sint interpretes, id iam alibi a nobis fuit expositum (*exerc.iur.nat.*

§. 166. et segg.). Hic id tantum addemus: primum iuris praeceptum ad iustitiam vniuersalem et virum bonum etiam in statu solitudinis, secundum ad iustitiam particularem et quidem commutatiuam in statu societatis hypothetico commode referri posse.

§. XXIV.

Sequitur altera pars tituli scilicet *de iure*. Iam vero omne id, quod conuenit seu oportet facere graecos δέου, latinos ius dixisse alibi ostendimus (*exerc. iur. nat.* §. 84.). Inde autem orta est varia iuris significatio, ut iam quod aequum est et bonum *I. II. D. b. t.*, iam legem *lib. I. Tit. 2. Instit.*, iam attributum personae seu facultatem moralem *lib. I. T. 3. Instit.*, iamque legum scientiam seu iurisprudentialm, vti in inscriptione huius tituli: de *Iustitia et Iure* designet. A voce *Ius iustum*, a iusto autem iustitiam gramatici nominarunt. cf. PRISCIANVS *lib. 4. sub fin.* Vbi igitur VLLIANVS nomen iuris a iustitia descendere docuit *I. I. D. b. t.*, id de iure pro legum scientia accepto intelligere oportet: iustitiae enim notio iuris disciplina est antiquior; ut porro disceptatio interpretum, qui rubricam *de iure* et *iustitia* concipiendam putabant, abeat in logomachiam.

§. XXV.

§. XXV.

Definiuerat iureconsultus CELSVS iurisprudentiam *artem boni et aequi* l. I. pr. D. b. t., eius nimirum, quod beat: quod oportet facere, ac seruat aequalitatem. Sed VLPIANO illa dein placuit definitio, quod sit: *Diuinorum et humanarum rerum notitia, iusti, atque iniusti scientia* l. IO. §. 2. D. b. t.: quem etiam TRIBONIANVS est fecutus §. I. I. b. t. scilicet veteres *philosophiam diuinorum et humanarum rerum scientiam* vocabant. PLVTARCH de *placit. phil. init. CICERO. Tusc. quaest. IV. 26* et de *offic. II. 2. SENECA epist. 89.*; quum igitur iam adfirmaret Euphrates apud PLINIVM I. ep. IO. esse hanc *philosophiae et quidem pulcherrimam partem, agere negotium publicum, cognoscere, iudicare, promovere et exercere iustitiam, quaeque ipsi doceant in usu habere*: mirum non est, Vlpianum, qui veram et non simulatam philosophiam a iureconsultis affectari merito contendebat, genus iurisprudentiae in philosophia, seu *diuinorum et humanarum rerum notitia*, differentiam vero a ceteris philosophicis disciplinis *in iusti et iniusti scientia* collocasse: non erat ergo, cur LEYSERVUS Medit. ad Pandect. spec. 2. et MVRATORIVS de *naeuis iurisp. c. I.*, aliique plures illam definitionem veluti vanam et ampulosam exagitarent. Sane non modo pontifices maximos, qui iuri operam dabant, arbitros et iudices rerum diuinorum et humanarum vocat FESTVS voce: *ordo*, atque ad hos, vt testatur CICERO, de omni-

*omnibus diuinis humanisque fuit relatum de orat. III. 33., sed etiam Ateius Capito diuini et humani iuris sciens a TACITO annal. III. 70. nominatur. Accedit ab Vlpiano iurisprudentiam, quae non ex ciuilibus modo et humanis, sed simul ex naturalibus et gentium praeceptis seu diuinis legibus collecta est §. 4. l. b. t., fuisse descriptam. Haec vtique diuinorum et humanarum rerum seu officiorum CICERO ad Attic. IV. 16. notitia est, ac in eo versatur, vt iustum ab iniusto, aequum ab iniusto secernat. cf. exerc. iur. nat. §. 213. Nec quisquam verba: *iniusti notitiam calumnietur, nosse enim et iniustum oportet, vt sibi, aliisque ab eo caueatur.* Quorsum pertinet illud QUINTILIANI instit. orat. XII. 1. v. 35. *Verum et virtus quid sit, aduersa ei malitia detegit, et aequitas fit ex iniqui contemplatione manifestior, et plurima a contrariis probantur.**

§. XXVI.

Quum prudentia omnis sit facultas bene sapienterque excogitata recte exequendi, et hinc iurisprudentia non tantum scientia, sed simul actione cernatur (exerc: iur. nat. §. 211.), facile concedimus, iurisprudentiam concinnius posse definiri, quod sit *habitus leges recte interpretandi, atque ad eas adcommodandi species obuenientes;* at eatenus tantum recedimus ab auctore, quod non leges *speciebus obuenientes,* sed *species legibus diximus adplicandas.* Corrupti enim saeculi est testimonium, monente

LI-

LIVIO, quum sibi quisque leges aptas facit, nec suos potius mores ad eas adcomodat. *I. 3. c. 20.* Is itaque iurisprudentis, seu iureconsulti, nomen tantum meretur, qui non modo theoreticam habet legum scientiam *I. 17. D. de legib.*, sed etiam, quoties noua causa, consultatioue acciderit, eam legibus apte novit applicare, et ita praxim exercere. Differunt porro iurisprudentes tam a *iurisscientibus*, qui rationem legum explicare quidem possunt, sed praeceos sunt ignari, quam a *iurisperitis*, qui legum notitia, quae ab experientia usque hauritur, imbuti tantum de factis singularibus possunt disceptare, quo sensu non homines modo, sed cetera quoque animalia naturalis iuris perita cenieri traduntur in *I. 1. §. 3. D. b. t.* (cf. *exerc. iur. nat. §. 212.*) Atque ex hisce nouum argumentum ducitur contra illos, qui philosophiam seu scientiam a genere iurisprudentiae remouendam esse opinati sunt: quod ius ciuile non ex ratione, sed ex lege scripta cognoscitur. Enimuero est etiam *iuris ciuilis scientia* CICERO *de orat.* *I. 46.*, quam qui profitentur, et rationes legum exponere, et demonstratione saltem hypothetica uti debent (*exerc. iur. nat. §. 213.*). Quidquid ius ciuile ex praeceptis quoque naturalibus et gentium collectum est, ac propterea CICERO eius disciplinam ex *intima philosophia hauriendam esse* docuit. *de leg. I. 2.?* Nunc cum auctore utramque iurisprudentiae partem explanabimus.

§. XXVII

Doctrinam interpretationis generatim ex-
posuimus in iurisprudentia naturali ad *Posi-*
tiones iur. nat. cl. de MARTINI cap. 22.
atque ibi audiuimus, eum interpretari,
qui scopum rei alicuius declarat: verissime
porro dixit *CELSVS l. 17. D. de legib. scire*
leges non est verba earum tenere, sed vim ac
potestatem. Ita verba legis: *Sabbatha sanctifi-*
ces tenebant quidem Pharisei, putantes au-
tem aegrotum die Sabbathi curare non licere,
vim et potestatem legis, scilicet: Sabbathum
propter hominem factum esse, et non hominem
propter Sabbathum, minime agnouerunt. MATH.
XII. 10. seqq.. Hoc qui faciunt aucupes dicun-
tur syllabarum, et leguleii. CICER. de orat.
l. 51.

§. XXVIII.

Est autem interpretatio vel *authentica*, si
ab expressa ipsius legislatoris voluntate profi-
ciscitur, vel *visualis*, si vsu et moribus inua-
luit, et eatenus in iudicando obseruatur, vel
doctrinalis, si a doctoribus et iureconsultis
habeat originem. *Authentica* et *visualis* non-
nisi in iure positivo, cui derogare et obrogare
aliquid fas est: *doctrinalis* vero etiam in
iurisprudentia naturali locum habet. De *au-*
thentica interpretatione loquitur *IVLIANVS in*
l. 10 II. D. de legib. Neque leges, neque
senatus consulta ita scribi possunt, ut omnes

casus, qui quandoque incidérint, comprehen-
dantur: et ideo de his, quae primo constituun-
tur, aut interpretatione, aut constitutione
optimi principis certius statuendum est. Exem-
pto sit l. fin. §. 5. c. de bon. quae lib. In
qua dixerat Iustinianus: Non licere filiisfami-
lias testari de bonis, in quibus pater habeat
vsumfructum; quum autem inde quidam con-
cluderent, illos generatim de bonis pleno iu-
re possessis testari posse, declarauit Imperator
interpretatione authentica in l. pen. c. qui test.
fac. poss., id non fuisse permisum. Eo etiam
pertinent quinquaginta decisiones a Iustiniano
*promulgatae. Ad interpretationem *visuali**
spectat l. 37. D. de legib., quae inspici vult,
*quo iure ciuitas retro in eiusmodi casibus *usa**
*fuisse, quod optima legum *interpre*s fit con-*
suetudo Ita veterant Romanae leges, aedi-
ficia ultra certum modum tollere, nihilominus
a vicino ius altius tollendi poterat impetrari,
usus scilicet mitigauerat eatenus legis rigorem.
V. l. 12. c. de aedif. priu.; quorū et hodie
auctoritas rerum iudicatarum referenda est. Inter-
*pretationem doctrinalem in *declaratiuam*,*
extensiua*, et *restrictiuam* abire vidimus *in
iure nat. c. 22. Iam supereft, vt regulas ibi
traditas exemplis legum humanarum magis illu-
stremus. Sufficit nimirum interpretatio decla-
ratiua verborum, cum quis loquitur vt sentit.
*Ideo sensus legis duodecim tabularum in *tab.**
*VI. quum nexus faciet mancipiumque, ut *lin-**
qua nuncupassit, ita ius esto, exposita signifi-
*catione vocum: *nexus*, *mancipii*, *linqua nun-**
cupassit,

cupassit, satis fuit manifestus. Quo facit illud Epicteti apud ARIAN. l. 17. Neque philosophus quis, neque iureconsultus futurus si, nisi idem grammaticus fuerit. Vbi vero quis minus dixit, quam senserat, et hinc ratio legis latius patet, quam verba, opus est interpretatione extensua. Iussarent decemuiri in Tab. V. Patrefamilias ab intestato decedente, pupilli tutelam ab agnato proximo geri: ut is onus ferret, qui sperabat successionis emolumentum. Haec ratio mouit iurisconsultos, ut tutelam libertorum extenderent ad patronos; morientibus enim libertis in impubertate, patroni successiōnem capiebant. Si denique quis plus, quam sensit, sit locutus; adeoque verbā legis latius panteat, quam ratio, ad interpretationem restriictiuam recurrendum est: ac propterea legem XII. Tabularum in Tab. I., quae permittebat generatim reum continuacem obtorto collo trahere in ius, restringere oportuit interpretatione, ne ad personas, quibus reverentia est praestanda, pertineret l. 2. D. de in ius vobis. Praeclare QUINTILIANVS XII. inst. or. c. 2. omnis iuris quaestio aut verborum proprietate, aut aequi disputatione, aut voluntatis coniectura continetur. Inprimis itaque sensum vulgarem, ac technicum legis intelligere oportet l. 7. §. 2. D. de sup. leg.; tum voluntatem legis conseruare l. 18. D. de legib., quae ex ratione tanquam momento accipit modum l. 12. et 25. D. eod.; in fraudem enim legis faceret, qui saluis verbis sententiam eius circumueniret l. 29. D. eod.; quod si sententia sit adhuc ambigua, tunc ex materia substrata, de qua

agitur *I. 80. D. de V. O. et I. 67. D. de R. I.*, ab effectu scilicet, ut vitio careat *I. 19. D. de legib.*, tum et ex coniunctis seu locis parallelis erit eruenda *I. 24. et 26. D. eod.*: quem in finem WIELINGII iurisprudentiam restitutam commendamus. Ex his autem facile est intellectu, auditores dilectissimi, miseros futuros Romani iuris interpretes, qui de comparanda sibi latini sermonis proprietate, et cognoscendis legum Romanarum caussis parum sunt solliciti; quae duo subsidia cum ex assidua latinorum scriptorum lectione, et titulo *de verborum significacione*, cum ex studio, quod praemisimus, historiae iuris repetenda sunt.

§. XXIX.

Praxis iurisprudentiae non modo in imputando, seu iudicando, sese exserit, ut putabat KOELER *Exercit. iur. nat.* §. 395., sed etiam ad respondendum, ad agendum, et ad cauendum esse necessariam pulcre CICERO obseruauit *de orat. I. 48.* Respondebant iureconsulti consulentibus, et iudicibus; agebant cauas olim patroni pro clientibus, pro quibus de iure disceptabant, et passim actiones excogitabant; cauebant ciuibus, ne in contrahendo, aliquo negotio fallerentur, in quo iurisprudentiae erematicae genere Modestinus eminuit. BRENCMANVS *de Euremat. Modestin.*; sed de his iam egimus in ordine hist. iur. ciu. c. 2. §. 3. c. 4. §. 24. 25. 28. seqq. c. 5. §. 8. seqq. et passim. Hodie respondent potissimum vniuersitates, a quibus saepius responsa iuridica peti solent, agunt

agent aduocati et cauſſarum patroni in litibus agitandis, canent praecipue notarii, cum condunt instrumenta, vel ultimas voluntates; iudicant denique, qui iudicium funguntur munere. Id qui probe praestant, nomen iurisprudentum merentur; qui autem calliditate atque astutia vtuntur, pestis sunt reipublicae, ac de foro Rabulae CICERO de orat. l. 46, et orat. XV.

§. XXX.

Prout leges vel ad statum pertinent totius populi, et mutua officia imperantium et subditorum, vel tantum ad officia ciuium inter se; ita *ius* pro iurisprudentia acceptum in publicum seu *publicum*, et *priuatum* dispescitur. Prius iterum est *vniuersale* inter omnes populos commune l. 9. D. b. t., quod ex notione populi seu ciuitatis sola ratione intelligitur, vel *particulare*, quod quisque populus veluti Germania, Anglia, Gallia sibi proprium constituit (*exercit. iur. nat.* §. 220. et seqq.): inde apparet, quare VLEPIANVS duas fecerit studii nostri *Positiones* seu partes, themata, species, scilicet *publici*, et *priuati* l. 1. §. 2. D. b. t. Alii tripartitam dederunt iuris diuisiōnem, scilicet in *sacrum*, *publicum*, et *priuatum*; sed *sacrum* Romani iam sub publico comprehendebant d. l. 1. §. 2.

§. XXXI.

Hic igitur tantum *ius publicum* particolare Romanum definitur: *quod ad statum rei*

Romanæ spectat, atque in sacris, in sacerdotiis,
bus, in magistratibus consistere dicitur l. 1.
§. 2. D. b. t., ac porro in varias abit species,
veluti in ius faeciale CICERO offic. III. 29. et
in ius senatorium PLIN. VIII. ep. 14. Contra
ius particulare Romanum priuatum, quod ad
singulorum (scilicet iure ciuitatis Romanae
vtentium) viilitatem pertinet s. 4. l. b. t.
Vtriusque exempla dedit CICERO part. orat.
c. 37. Publicum inquit, lex, senatusconsul-
tum, foedus; priuatum tabular, pactum, con-
uentum, stipulatio. Ceterum nullum esse ius
priuatum vniuersale, praeter ius naturae in
specie, iam alibi monuimus (exerc. iur. nat.
§. 221.). Evidem aliquando etiam ius priuatum
nomine publici venit, sed id non de ob-
iecto, in quo versatur, capiendum est, verum
quod publica auctoritate (a) et leges fiant,
quibus priuatorum conuentio non possit deroga-
re l. 27. et 45. D. de R. I., (b) et munera
imponantur, quemadmodum tutela princ. I.
de excus. tut., (c) et sollemnitates, veluti te-
stamentorum, sint praescriptae l. 3. D. qui test.
fac. poss., (d) denique iura quaedam dentur
non singularia, sed quae cuiilibet de populo
competunt l. 15. §. 1. D. ad l. falc. TERENT.
Phorm. act. 2. sc. 2. v. 65.

§. XXXII.

Vti omne ius particulare iuri vniuersali
tantum superadditum est, et veluti species suo
generi subiicitur (exerc. iur. nat. §. 236.),
ita et ius Romanum tam publicum, quam pri-
uatum.

uatum ex principiis communis omnium iuris declarandum est, et propterea etiam ius priuatum, de quo hic agitur, ex praceptis naturalibus, gentium, et ciuilibus collectum dicitur *I. i. §. 2. D. b. t. et §. vlt. I. b. t.* Ea profecto est summa Romani iuris praerogativa, quod ex *optimis naturae, et veritatis exemplis* sit latum CICERO Off III. 17., et propterea tot diuersorum populorum voluntates quasi uno vinculo consociauerit: unde patet adhuc necessitas disciplinam iuris naturalis iuri ciuili, fontem riuulo, praemittendi. *Quid quod vbi iure ciuili destituimur, (si casus lege non sit comprehensus) regulam aequitas suggerit I. 2. §. 5. D. de aq. et aqu. pluu., et si minus iure ciuili perscriptum est, lege tamen naturali, et comuni gentium iure sanctum est.* CICERO de Harusp. resp. XIV. cf. Exercit. iur. nat. §. 241.



T I T. II.

DE IURE NATURALI, GENTIVM, ET
CIVILI.

§. XXXIII.

Iuris vocabulo multiplices inesse significatio-
nes iam supra ostendimus (§. 24.), quod ip-
sum ex *I. 11. et 12. D. de I. et I.* confirmatur.
Hoc loco *ius* pro regula actionum, seu pro le-
ge accipitur, quam CICERO in *naturalem* et
civilem. *Harusp. resp. XIV.*, siue in *diuinam*
et *humanam*. *pro Sext. XLII.*, VLPIANVS au-
tem in *naturalem*, *gentium* et *civilem* partitus
et I. 1. §. 2. D. de I. et I.; etsi non desint
iureconsulti, qui ius *gentium* partim ad ius *natu-*
rale, partim ad ius *humanum* referrent §. *II. I. de-*
ser. diu. et §. 2. I. b. t.

§. XXXIV.

Recte auctor noster summam quoque hic
legis partitionem posuit, quod sit *diuina* vel
humana; vnde consequitur, ut etiam ius, tam
pro legum vnius generis complexu, quam pro
iurisprudentia sumtum, in *diuum* et *humanum*
diuidatur. Dicitur autem haec diuisio a legis-
latore (*exercit. iur. nat. §. 89. et §. 213.*),
spe-

spectato enim obiecto vel religionis vel
acquitatis, circa quam versatur, utrumque ius
tam naturale, quam ciuale a CICERONE in di-
uinum et humanum fuit distributum. *orator.*
partit. XXXVII.: scilicet diuinum vocat eo sen-
tii, quod officia erga Deum, humanum, quod
officia erga homines pertractat.

§. XXXV.

Lex *diuina* porro non ad obiectum, sed
ad legislatorem relata vel *naturalis* est, vel
positiva: prout ex sola rerum essentia et natu-
ra, vel tantum ex peculiari reuelatione intel-
ligi et explicari potest. Ita lex: *eole Deum*
est lex diuina naturalis, quam sola dictat recta
ratio: sed *Deum unum et trinum esse colen-*
dum, est lex diuina positiva; quippe quae pri-
mum reuelatione fuit promulgata. Evidem
Vlpiano vitio verti nequit, quod religionis re-
uelatae ignarus posteriorem hanc diuisionem
ommiserit. Ast illa a Triboniano catholico
iureconsulto non fuisset negligenda.

§. XXXVI.

Sed et in eo dormitauit TRIBONIANVS,
quod Vlpianum fecutus in *I. l. §. 3. D. de I.*
et I. ius naturae dixerit, *quod natura omnia*
animalia docuit, quodque non humani gene-
ris proprium sit, sed omnium animalium com-
mune; unde descendat maris et feminae con-
iunctio, liberorum procreatio et educatio *I. l.*

§. 3. cit.; quamuis enim etiam homines animalium genere contineantur, et verissimum sit, si philosophicas tantum rationes ducamus, eos iuste viuere, qui viuunt secundum naturam, prout Deum habet auctorem; attamen iam obseruauerat CICERO: *commune quidem esse animalium omnium secundum naturam viuere, sed naturas esse diuersas, vt aliud equo sit natura, aliud bovi, aliud homini.* finib. V. 9. Itaque hic non ius naturale animale (*exercit. iur. nat.* §. 70.) ab instinctu, et stimulis congenitis ortum, atque intus monstratum (*exercit. iur. nat.* §. 22. et §. 102.), sed ius naturale morale ex hominis natura, seu ratione (*exercit. iur. nat.* §. 29. et 103.) profluens erat exponendum. Excusant euidem interpretes Vlpianum, quod ea tantum iuris naturalis esse intellexerit, quae et a brutis, et ab hominibus fieri cognoscimus, ita tamen, vt *brutis pro ratione sit impetus, homini autem pro impetu ratio* SENECA de Ira. II. 16. quibus addit CHR. WOLFIUS trim. brum de A. 1729. c. 2., definitio-nes nominales esse arbitrarias, adeoque ius naturae etiam ex genere animalis, quod homines ac bruta comprehendit, derinari potuisse. Attamen obscuram esse, ac insolentem illam iuris naturalis notionem, nemo potest diffiteri, praesertim quod brutorum naturae plurimum inter se diuersae sunt, nec satis nobis perspe-ctac; quapropter Vlpiani definitionem SAL-MASIVS de Vsur. c. 9. falsam, GROTIUS de I. B. et P. I. c. 1. §. 11. vix ullius usus. MERIL-LIVS vero ad b. l. a mente etiam Stoicorum quip-

(quippe qui rationem haud tribuerent brutis,
PLVTARCH. de solert. anim. et l. 1. §. 3. D. si
quadr. paup.) alienam esse pronuntiarunt; nihil
tane homini est iuris cum bestiis, quae

Mutua se vertunt in pabula iuris egentes.

Iustitia ast nobis, quae res est optima cessit.

HESIOD. Oper. et dies. v. 278. seq.

§. XXXVII.

Posteaquam Vlpianus regulam actionum a
stimulis naturalibus ductam, et tam brutis,
quam hominibus communem, ius naturae ap-
pellaret; consequens fuit, ut illud ius, quod
solis hominibus commune, adeoque totius hu-
mani generis proprium est, nomine iuris gen-
tium insigniret l. 1. §. 4. D. de l. et l. Sed
tam varia inde data fuit huius iuris definitio,
ut non vnum, sed duplex ius gentium in iure
Romano reperiatur; naturale scilicet, et hu-
manum; quod interpretes recentiores *prima-*
rium, et *secundarium* nominarunt, cf. SCHNEI-
DEWIN ad §. 1. b. t.

§. XXXVIII.

Ius gentium naturale, seu primarium de-
finit CAIVS in l. 9. D. de l. et l. et l. 1. D. pr.
de A. R. D. quod cum ipso genere humano pro-
ditum est, quodque naturalis ratio inter omnes
homines constituit, et apud omnes peraeque cu-

foditur, cuius exempla dantur erga Deum religio, parentibus et patriae parere l. 2. D. de I. et I., immo iuxta FLORENTINVM etiam vim et iniuriam propulsare l. 3. D. de I. et I., quod postremum tamen primis naturae, seu iuri naturali animali potius fuisse adscribendum; quod fecit Vlpianus in l. I. §. 27. D. de vi arm., siquidem defensionis simulacrum adhuc in brutis adparet, non vero religionis erga Deum, vel obsequii erga parentes et patriam. cf. exercit. iur. nat. §. 22. et GELL. N. A. XII. 5.

§. XXXIX.

Alterum ius gentium, seu secundarium, et humanum vocabant, quod usu exigente et humanis necessitatibus gentes humanae sibi consti-
tuerunt §. 2. I. b. t. l. 46. D. de legib. LIV.
V. 36. et 37. Ex hoc, inquit HERMOGENIA-
NVS, mire rerum gestarum ordinem seruans,
*introductione bella, discretae gentes, regna condi-
ta, dominia distincta, agris termini positi,
aedificia collocata, commercium, emitiones ven-
ditiones, locationes conductiones, obligationes
institutae l. 5. D. de I. et I.* Hisce et priori-
bus exemplis inter se collatis patet, Romanos iureconsultos non tantum ius gentium, sed etiam ius naturale duplex statuisse, animale scilicet et rationale, seu, vt ait SCHNEIDEWINVS Pr. b.
2. 3. primarium et secundarium: iuri autem na-
turali secundario seu rationali peculiare nomen
iuris gentium contigisse: quod ipsum, quem
vel in sola rei natura, vel simul in alia quadam
adiunctione habeat fundamentum (exercit. iur.
nat.

nat. §. 10.), recte in duplice formam distribuitur: nimirum in *absolutum et hypotheticum*.

§. XL.

Iam inter veteres acuratiorem legis naturalis definitionem dederat CICERO: *de legib. I. 6.* quod sit: *Ratio summa insita in natura, quae iubet ea, quae facienda sunt, prohibetque contraria; quocum facit Heineccius, dum eam vocat: Ius ab ipso Deo toti generi humano per rectam rationem promulgatum: recte prouocans ad locum APOSTOLI: ostendebant opus legis scriptum in cordibus suis. ad Rom. II 14.* Esse autem propositiones moraliter obligatorias, seu leges, quae ex ipsa hominis essentia atque natura intelligi, et explicari possunt, seu naturales, et quae per stimulos innatos, et potissimum ope rationis et experientiae ex finibus rerum a Deo conditarum manifestissimis cognoscuntur; ac porro perspicuae sunt, mathematice certae, immutabiles, necessariae, aeternae, ab intrinseca actionum bonitate, vel malitia fluentes, vniuersales, sanctae, et faciles, vobis auditores, satis fuit expositum in iurisprudentia naturali (*exercit. iur. nat. c. 2. et 3.*); quae quoniam tironibus euidentiorem praestat intellectum; ideo, qui ea praetermissa iuri ciuili dant operam, non tam iustitiae quam litigandi tradunt vias, teste ipso CICERONE, et potius ignorantiam iuris litigiosam quaerunt, quam scientiam. *de legib. I. 6.*

§. XLI.

§. XLI.

Stabilita iam vera et propria iuris natura-
lis significatione, facile concipiems, leges,
quibus ciuitates, populos seu gentes, inter se
agere oportet, ius gentium constituere, quod
quatenus sola ratione intelligitur, est ipsum ius
naturale, ac porro diuinum, necessarium, et
vniuersale, per notionem gentis magis deter-
minatum, cuique negotia populorum sunt ad-
commodanda; quatenus vero arbitrariis gen-
tium moribus, pactisue inualuit, ius est volun-
tarium, particulare, atque humanum. *LIVIUS*
V. 36. et 37 vid. cit. posit. de iure ciuitatis.
§. 523. et seqq. Ita gentem a gente laedi ve-
tat ius gentium naturale, contra variae legato-
rum formae, et varii eorum honores ducun-
tur a iure gentium positio. Ceterum ius natu-
rale, et gentium a iureconsultis Romanis saepius
fuisse promiscue usurpatum, et iam supra vidimus,
et inde confirmat auctor, quod in *I. 84. §. 1.*
D. de R. I. is natura debere dicatur, *quem iu-*
re gentium, dare oportet; et quod nuptiae pa-
tris cum filia iam iuri naturae *I. 14. §. 2. D.*
de R. N., iamque iuri gentium. I. vlt. pr. D.
eod. tradantur repugnare.

§. XLII.

A iure naturali ad ius diuinum posituum
transimus. Hoc iterum duplex est, vel *vniuer-*
sale, quod toti generi humano, vel *particu-*
lare, quod vni tantum populo fuit latum. Ac
vniuersale quidem *GROTIUS* triplici tempore
fuisse

fuisse promulgatum docuit: statim post hominem conditum, iterum in reparacione generis humani per diluvium, postremo in sublimiori reparacione per Christum *I. 1. 13.* Particulare vero solus populus Hebraeus accepit. *Deuter. IV. 7.* *Enimvero nullas dari leges diuinias positiuas vniuersales, praeter euangelicas, quas diuinus seruator per vniuersum mundum iussit praedicari MATTH. XXVIII. 19. MARC. XVI. 15.*, confecimus in iurisprudentia naturali (*exercit. iur. nat. 229.*): leges particulares vero ad *mores, iudicia, et ceremonias* spectasse expositum est in *Ordin. bift. iur. ciu. c. 1. §. 11. et 12.* Nec loca ex sacris litteris ab auctore pro iure vniuersali diuino positivo adducta quidquam euincunt; siquidem verba *gen. IX. 6. qui-cunque effuderit humanum sanguinem, fundetur sanguis illius* praeceptum non continent, sed monitum, eos, qui gladio feriunt, gladio perire solere: abominationes autem in *lenit. XV. recensitae, quibus terra polluta est, ipsi iuri naturali aduersantur.* Contra matrimonia etiam inter collaterales ibi vetita sunt tantum lege Hebraeorum propria. *Non enim fecit taliter omni nationi, et iudicia sua non manifestauit eis. Psalm. CXLVII. 20.* Consentit Apostolus, qui *gentes legem non habere, praeter naturalem, tradit. ad Rom. III. 14.* Nonne haec loca sacrarum litterarum ab iis impugnantur, qui leges diuinias positiuas Adamiticas vel Noachicas gentibus obtrudunt?

§. XLIII.

Tertia nunc sece offert huius capitatis pars, nimirum *ius ciuile*, dictum a ciuitate seu concilio et coetu hominum sub eodem summo imperio communis securitatis caussa congregato. CICER. *Somn. Scip.* III, et *exercit. iur. nat.* §. 220. Definiuit ideo CAIVS hoc ius: *quod quisque populus sibi constituit, et cuiusque ciuitatis proprium est* l. 9. D. de I. et I., a PAPIANO autem praecclare *communis reipublicae sponsio* appellatur l. 1. D. de leg. Tot igitur sunt iura ciuilia, quot ciuitates: vti apud nos *ius ciuile Germanicum, Hungaricum, Bohemicum, Austriacum*. Vti vero *urbis nomine Roma, et nomine Poetae Homerus apud Graecos, et Virgilius apud Latinos venire solent,* ita *ius Romanum propter summam illius aequitatem et libertatem ius ciuile per excellentiam audit* §. 2. l. b. t. Hoc quidem nec *in toto in iure naturali et gentium recedere, vel per omnia ei scrutare, sed aliquid addere vel detrahere* dicitur l. 6. D. de I. et I., sed id non ita capiendum, quasi lex naturalis mutationis esset capax, hoc enim diserte negatur in §. II. l. b. t., sed quod iura permissiva seu libertates morales vi pacti vnionis ciuilis a communi pendant imperio, iisque pro varietate ingenii et indolis ciuium ac pro re nata vel aliquid additur, cum exempli caussa iura liberorum adquirendi paternam haereditatem, aut habendi tutorem imperfecta ex legis praescripto fiunt perfecta, vt certa portio bonorum exigi possit, aut certa persona cogi ad suscipiendam tutelam:

vel

vel contra aliquid detrahitur, si, vt hoc vtar,
facultas de rebus suis disponendi limitatur, vt
id facere non liceat, nisi certo ritu ac modo;
quemadmodum in capitibus de seruorum ma-
numissione, testamentis, et legatis audiemus.
cf. cit. pos. de iur. ciuit. §. 83. seqq. Sub-
iecta enim fuit voluntas ciuium singulorum vo-
luntati communi reipublicae vi pacti socialis
atque huic pacto non licet amplius refragari.

§. XLIV.

Duo autem sunt huius iuris ciuilis capita
vt aliud *scriptum* sit, aliud *non scriptum*. Prius
vocat Auctor cum vulgo interpretum, quod
expressa legislatoris voluntate; posterius, quod
tacito eius consensu, et diuturnis moribus fuit,
introductum. Ast inuito id faciunt linguae la-
tinæ genio, vt ait GEBÄVER. ord. inst. b. t.
§. 9., et contra apertam mentem Iustiniani;
quippe qui huius diuisionis vocabula a diuerso
Atheniensium, et Lacedemoniorum instituto
fluxisse opinatur. Cum enim vna et altera gens
legibus expresse promulgatis vteretur, etiam
amborum iura eo sensu scripta fuissent dicenda:
data igitur distinctio ab expresso et tacito le-
gislatoris consensu repeti non potuit, sed ex
eo venit, quod Athenienses suas leges *litteris*,
Lacedemonii vero tantum *memoriae* mandarent;
vt ius *scriptum* Iustiniano, de cuius mente de-
claranda hic agitur, non interpretum, sit, quod
litteris est exaratum, non *scriptum* vero quod
sine litteris obtinuit: quorsum non tantum ius
moribus introductum, sed etiam a praecone

pro-

promulgatum, immo et lex naturalis pertinet, quae quoniam *non scripta*, sed *nata est*, CICER. Milon IV., illam ideo iuris genere, quod tacito consensu, et moribus videntium comprobatum est, complecti foret absurdum. Id ipsum plenissime dilucidat locus CICERONIS orat. par. 22. XXXVII. vbi *iura, quae scripta, iis quae sine litteris sunt, opponi*, et posteriori formae ius gentium, et mores maiorum, tum consuetudinem, et quasi consensum hominum adscribi legimus.

§. XLV.

Quoniam populus Romanus, variata, ut vidimus in *ordine historiae iuris*, toties imperii forma, ius ferendarum legum initio quidem ipse sibi retinuit, tunc vero iam in plebem, tum in senatum, vel etiam in unum principem transfusit, immo aliquando edictis magistratum, et prudentum responsis vel expresse vel tacite vim obligandi adiecit; inde factum est, ut sex species iuris ciuilis Romani scripti fuerint exortae; scilicet *lex, plebiscitum, senatus-consultum, principum placita, magistratum edicta, responsa prudentum*. §. 3. l. b. t. Equidem responsa prudentum *sine scripto venire dicuntur* in l. 2. §. 5. et 12. D. de O. I., non enim sub libera republica ut iura communia litteris fuerint exarata: postquam vero sub Tiberio responsa a iureconsulto Sabino signata dari ceperunt l. 2. §. 47. eod., dein haec in corpus iuris sunt recepta, dubium non est illa quoque ad

ad ius scriptum pertinere; sed iam de singulis speciebus est dicendum.

§. XLVI

*Lex generatim est propositio moraliter obligatoria: et quidem ciuilis, si ab imperante in ciuitate sit lata: igitur legem ciuilem Romanam eam vocare oportet, quae in Romano imperio ab iis, qui summa vtebantur potestate pro communi norma fuerat sancita. Propterea etiam CICERO iuris genus *sine ullius formae praetermissione in legem, morem, et aequitatem* partitus est. Topic. VII. Iam initio Romanae ciuitatis Romulus populo haec tria concessit: *magistratus creare, de bello, si rex permisisset, decernere, et leges, latis per curias suffragiis, sancire auctoritate magistratus.* DIONYS. HAL. p. 87.: itaque, cum triginta essent curiae, sexdecim suffragia legem faciebant curiatam; sed postquam Seruius Tullius sextus rex Romanorum populum ex habitu facultatum in sex classes, hasque in 193. centurias diuisit; primae autem classi 98. centurias, et ita maiora assignauit, noua etiam comitia scilicet centuriata in omnibus fere legibus sciscendis obtinuerunt, nec amplius suffragiorum vis ac robur ex capitum numero, sed ex censu seu bonorum quantitate pendebat. DIONYS. p. 245. Ord. hist. iur. ciu. II. §. 16. Ea autem erat legum ferendarum ratio: I. legis materiam rex, tum sub libera republi- ca consul, vel alias senatorius magistratus,*

veluti interrex **CICERO** *de orat.* III. 2., dictator, tribunus militum cons. potest., decemviri, praetores, censores, tribuni plebis examinabant consilio prudentium. **CICERO** *ad Attic.* III. 23. II. Scripta legis formula communicabatur senatui, ut eius auctor fieret LIV. I. 17., quod ante inita suffragia fieri oportere a. 415. lex Publilia. LIV. VIII. 12. et a. 467. lex Mænia statuerunt **CICERO**. *Brut.* XIV. III. Inde proponebatur ad deliberandum populo in tribus nundinis, quae spatio 17., non 27. die rum, vti perperam quibusdam visum est, habebantur **ERNESTI** *cl. Cic.* voce *Trinundium*. IV. Conueniebant postea ciues die constituto in campo Martio, et interrogabantur a magistratu senatorio: *velitis, iubeatis, Quirites?* an lex placeret. *ord. hist. iur. ciu.* IV. §. 40. V. Aderant saepe, qui legem suaderent, aut disuaderent, oratores; tum si nemo erat, qui legem impediturus de coelo seruaret, obnuntiaret, intercederet, dabantur suffragia olim viua voce, tum ab a. 623. tabellis, quarum vni littera A. *antiqua probo*, alteri litterae V. R. vti *rogatis* erant inscriptae. **CICERO** I. *ad Attic.* 14. VI. Fiebat inde distinctio tabellarum, et earum numerus punctis notabatur; atque inde iuxta maiora suffragia lex fuit vel *antiquata* vel *perlata*: quare is puncta tulisse dictus est, qui suffragia obtinuit **CICERO** *pro Planc.* XXII. **HORATIVS** *de art. poet.* v. 343. VII. Leges ita perlatae statim ligno, tum etiam tabulis aeneis incidi, et nomine vel vtriusque consulis, vel eius, qui tulerat, dictatoris, praetoris, tribuni plerumque insigniri solebant,

cuius rei exemplum praebent leges Publilia, et Maenia paulo ante auditae. cf. HEINEC. *antiq. Rom. ad b. t.* Inde facile erit intellectu, quare in §. 4. I. b. t. lex fuerit definita: *quod populus Romanus senatorio magistratu interrogante, veluti consule, constituebat.* Danda quidem fuisset a Triboniano, qui iam viuebat sub monarchia, amplior legis definitio; sed philosophiae, et iurisprudentiae vniuersalis ignarus maluit veteres describere, quam legis notionem cum rei naturae, tum suae reipublicae formae attemperare.

§. XLVII.

Altera species iuris ciuilis scripti dicitur *Plebiscitum*: quod plebs plebeio magistratu interrogante, veluti tribuno plebis, constituebat §. 4. I. b. t. et *FESTVS* voce *scita*. Ex quo nimirum per centuriata comitia potentiores occupauerant rempublicam, longe deterior facta est conditio plebeiorum, quippe qui nimiis oppressi usurpis, si soluendo non erant, aut neruo, aut compedibus deuinciri solebant, et trahi in seruitutem. Donec irata plebs a. v. c. 260. secederet in montem sacrum, nec alia conditione rediret, quam acceptis propriis magistratibus, *quibus auxiliij latio aduersus consules esset* LIV. II. 33. DIONYS. p. 375. et 409., et facta simul potestate, ut *quoties tribuni concionem quacunque de re aduocarint, ei se patricii non miscerent*. DIONYS. p. 430. Ab eo tempore ceperunt *comitia tributa* plebeiorum, quae sine consensu patrum, sine auspiciis DIO-

NYS p. 598. et 605. conuocabat tribunus plebis, qui vel sorte, vel consensu collegarum fuerat designatus LIV. III. 65.; quidquid igitur plebs per suffragia virilia statuebat, erat plebiscitum, quod tabulae inscriptum ab aedilibus plebeis erat custodiendum. l. 2. §. 21. **D. de O. I.** Quamuis porro scita plebeiorum statim dicerentur leges latius sumtae, vti nos docet *lex Icilia* iam a. v. c. 261. a plebeis iussa LIV. III. 32., ne tribunis plebis conciones habentibus obstreperent patres. DIONYS. p. 431., negabant tamen patricii se huiusmodi scitis teneri, quod dein a. 305. post secessionem secundam in Auentinum montem per legem *Hortatiam* LIV. III. 55., tum a. 415. per legem *Publiliam* LIV. 8. 12., et demum a. 466. post secessionem tertiam in Ianiculum per legem *Hortensiam* dictatoriam magis magisque fuit sancitum. LIV. epit. XI. 28. GELL. N. A. XV. 27., et §. 4. l. b. t., quae omnia in ord. *bist. iur. ciu.* attigimus suo loco.

§. XLVIII.

Tertia species iuris ciuilis scripti sunt *senatus consulta*, quo nomine generatim veniunt *placita atque decreta ex maioris saltē numeri senatorum sententiis facta*. Horum autem vis ac robur cum ipsa forma reipublicae varias habuit mutationes. Statim sub Romulo centum fuerunt senatores, quibus post receptionem *Sabinorum* alii centum adiecti sunt DIONYS. p. III., nec antiqua consuetudine ultra tercentos excreuerunt DIO CASS. LIV. 14., donec decli-

declinante republica infinita fieret eorum quantitas, ac sub Julio Caesare DCCCC. Dio. XLIII. 47., et sub Augusto mille numerarentur. Dio. LII. 42. Decernebat autem senatus sub regibus de publicis negotiis, quae tam a rege, quam a populo ad illum referri oportebat. DIONYS. p. 87. LIV. I. 17. Eadem potestas mansit senatui sub initium liberae reipublicae, ut nihil sine illius auctoritate ad populum posset referri LIV. I. c.: sed auctoritati senatus cum potestas tribunitia, tum leges Horatia, Publilia, Hortensia et Maenia valde derogarunt, ut non amplius eidem liceret de plebis scitis decernere; quin potius de *senatusconsultis plebi permisum fuit suffragium*. Dyonis. I. c. et p. 676. cf. ERNESTI cl. Cicer. v. *auctoritas senatus*. Nihilominus audiuiimus in ord. bish. iur. ciu. IV. §. 20. illa potissimum iura exercuisse senatum: ut aerarium administraret, legatos audiret, mitteretque, de grauioribus litibus ius diceret, de re militari disponeret per legem curiatam, scilicet eius iussu rogatam, pacem iniret, et foedera, crimina in Italia commissa puniret v. DVKER. ad Liv. XXXIX. 14., prouincias ordinaret, curaret opera publica, ferias indicaret, et supplicationes, legumque ferendarum fieret auctor POLYB. H. VI. II., imo periclitante republica summam potestatem in consules transferret. SALLVST. bell. Cat. c. 29. LIV. III. 4. Sublata libertate Augustus antiquam quidem reipublicae speciem reliquit consilio Maecenatis, et de grauissimis rebus retulit ad senatum, quem suo splendori restitutum, et lege Senia auctum bis in mense congregari

gregari iussit, Kalendis, et Idibus. DIO. LII.
 31. 32. LIII, 21. LIV. 35. Attamen senatus-
 consulta, quibus nomen ab eo, qui relationem
 faciebat, tunc dari ceptum est, vim iuris per-
 petui nondum habuerunt; donec Tiberius, qua-
 si plebs difficile conuenire posset in tanta ho-
 minum turba l. 2. §. 9. D. de O. I., reipsa ta-
 men ut dominatum firmaret, comitia transtulit
 ex campo in curiam. TACIT. ann. I. 15. DIO. LVIII.
 21.: ab illo enim tempore, ut scribit VLPIANVS,
 qui vixit sub Caracala, non ambigebatur:
senatum ius facere posse. l. 9. D. de leg. Puta-
 uerat quidem AVG. BACHIVS. H. I. R. I. II.
 c. 2. Sect. 2. §. 2. seqq. etiam sub libera re-
 publica senatusconsultis ius perpetuum de vni-
 uerso quodam genere iuris ciuilis priuati fuisse
 constitutum: siquidem (a) plura exstant sena-
 tusconsulta de iure ciuili ante Tiberium facta,
 quae nonnisi noua lege abrogari potuerunt;
 quod vtique necessarium non fuisse, si sena-
 tus decreta lapsu vnius anni per se desissent
 obligare, (b) et ideo iam a CICERONE *ius ciui-*
le diceretur, quod ex legibus, senatusconsultis,
rebus iudicatis, iurisperitorum auctoritate,
edictis magistratum, more, aequitate consi-
tit. Topic. V. Sed hanc Bachii opinionem
 iam alibi refutauimus ord. hist. iur. ciu. IV. §. 21.
 seqq. Praeterquam quod enim VLPIANVS in
 cit. l. 9. D. de leg. primum a temporibus Ti-
 berii non ambigi *senatum ius facere posse* scri-
 psit; id ipsum etiam a POMPONIO in l. 2. §. 9.
 D. de O. I. fuit obseruatum. Consentiuunt et
 LIVIVS, qui durante republica iniussu populi
 nihil sanciri posse, ait, *quod populum teneat.*

IX. 8. , et DION. HAL. p. 86. , a quo senatus Romanus more Graecanico institutus traditur: Athenis autem lex iubebat senatusconsulta esse annua DEMOSTH. in *Orat. ad Arist.*; imo et Romani senatus decreta instituta vnius anni adpellantur, iisque vis legis diserte denegatur DION. HAL. p. 448. et 595. Sed etiam CICERO nobiscum facit, quando iuris genus sine ullius formae praetermissione, in legem, morem, et aequitatem partitur Topic. VII. Etsi igitur idem CICERO senatusconsulta iuri ciuili alibi adscribat, id tamen ita intelligendum est, quod iura facta sint consuetudine, et propter vetustatem. Inuent. II. 22. , et inde colligitur, cur illa senatusconsulta, quae tacito populi consensu, seu consuetudine, pro iure inualuerunt, non nisi noua lege abrogari possent: sane CICERO non modo senatusconsulta, sed etiam magistratum edita, res iudicatas, iurisperitorum auctoritatem aequa iuri ciuili adscribit; nec tamen cuiquam venit in mentem hisce iuris speciebus vim legis per se tribuere: sed tantum quatenus moribus populi fuerunt receptae.

§. XLIX.

Ex quo igitur, vt ait POMPONIVS, necessitas ipsa (vel potius Tiberii astutia) curam reipublicae ad senatum deduxit, vt, quidquid (ad orationem ipsius principis, vel ad eiusdem libellum, aut epistolam plenumque a quaestore candidato recitatam) idem constitueret, id pro iure perpetuo esset obseruandum. l. 2. §. 9. D. de O. I., alia facta est natura senatus-

consultorum, quae ab illo tempore possunt definiri: *ius a senatu loco populi ad orationem, epistolam, libellumue principis, aut etiam ad consulis relationem constitutum.* §. 5. I. b. t.
 Quanquam vero in iure ciuili condendo aucta sic videretur senatus potestas, hic tamen totus fere pendebat ab arbitrio principis, a quo longe alia quoque forma senatusconsultis inducta est, quemadmodum facta inter tempora reipublicae et caesarum comparatione latius patet. Nimirum sub libera republica (a) conuocabant senatum consules, tum praetores, aliquie maiores magistratus GELL. N. A. XIV. 7., simulque negotia deliberanda proponebant. (b) Id, vt iustus esset senatus ac legitimus, statis diebus fieri oportuit, non religiosis, nisi maximo discrimine CIC. sam. I. 4. DIO. XLV. 7., tum vero senatus erat indictus, (c) nec alibi, quam in templo, vel alia aede sacra haberi poterat, nec nisi adhibitis simul auspiciis. GELL. N. A. XIV. 7. CIC. ep. X. 12. (d) Ad senatum legitimum numerus 400. senatorum posteriori reipublicae tempore fuit requisitus. DIO. LIV. 35. (e) Colligebantur sententiae verbis imperatiuis LIV. IX. 8., et iuxta varios magistratum gradus. GELL. l. c. CICER. Phil. V 3. (f) Senatores vero alii vel assentire, vel dissentire, alii pedibus in alterutram sententiam ire solebant. LIV. l. c. et XXXVII. 34. GELL. l. c. (g) Aliquando intercedebant tribuni senatusconsultis, vel addita littera T. iis subscribebant VALER. MAX. II. 2. (h) Facta intercessione placebat auctoritatem praescribi, hoc est, adnotari, tum de ea re alia vice

vice ad senatum vel populum referri. **CICER.**
pro Sexto. LXV. ad diu. VIII. 7. (i) Placita
 tabulis aeneis incidi solebant, atque in aedem
 Cereris ad aediles plebis deferri. **LIV. III. 55.**
 Huiusmodi tabula omnium antiquissima extat
 in Bibliotheca augusta Vindobonensi, quae
 senatusconsultum exhibit de *Bachanalibus*. vid.
DRACKENBORCH in app. ad Liu. Ast conuer-
 sa in principatum republica (a) senatum con-
 uocabat potissimum princeps, suamque volun-
 tatem vel ipse praesens habita oratione, vel
 misso libello, aut epistola per quaestores can-
 didatos proponebat. *I. vn. §. 2. et 4. D. de*
off. quaest. (b) Bis tantum in mense senatus
 legitimus agi potuit Kalendis, et Idibus **SVET.**
August. XXXV. Ipsi autem principi conuocare se-
 natum, qua die vellet, concessum. **DIO. LIV.**
 3. (c) Idem Augustus senatores molestia au-
 spiciorum liberavit, sanxitque, ut *prius, quam*
consideret quisque, thure et mero supplicaret
apud aram eius Dei, in cuius templo coire-
tur. **SVET. I. c.** (d) Imo permisit senatuscon-
 sulta etiam fieri posse a paucioribus, quam
 CCCC. senatoribus, quorum legitimum nume-
 rum ad DC. demum limitauit. **DIO. LIV. 13.**
et 35. (e) Sententias vero non more, atque
 ordine, sed prout libuisset, perrogabat, ut
 perinde quisque animum intenderet, ac sic
 censem magis, quam assentiendum esset.
SVET. I. c. Attamen (f) paullatim obtinuit,
 ut opiniones etiam per acclamationem seruilem
 aperirentur. **PLIN. Paneg. 75.** (g) Desinente
 tunc penitus veteri tribunatu nullus iam erat
 intercedendi locus, ast si solus senatus censuit,

eius decretum principis edicto erat confirmandum. **TACIT.** ann. **XIII.** 26. (h) Hinc vero praescribebatur senatus auctoritas, cum senatores statuto numero non conuenirent. **DIO.** **LV.** 3. (i) Denique decreta senatus, antequam in aerarium deposita essent, iam non valebant. **Svet.** Aug. 94.

§. L.

Ex his iam elucescit, cur senatus consulta, sub imperatoribus facta, etiam *orationes principum* promiscue nominentur *l. 3. D. de transact.* *l. 60. D. de R. N.* Horum tamen vestigium nullum occurrit in iure Romano post Alexandrum Seuerum, etsi hic senatusconsultis conficiendis formam decentiorem praescripsérat. **LAMPRID.** *Alex.c.16. seqq., Ord hist. iur. ciu. 6. §. 18.* Id vero a grauissimis turbis, quae ab eo tempore Romanam ciuitatem usque ad Diocletianum per quinquaginta fere annos agitarunt, repetendum est. Ceterum quoniam hic ipse Diocletianus teste **EVTROPIO**: *primus fuit, qui imperio Romano regiae consuetudinis formam magis, quam Romanae libertatis inuenit. IX. 26.*, mirum non est, adeo hactenasse interpres in declaranda *l. 1. D. de constit. princ.*, in qua **VLPIANVS**, qnem longe ante, scilicet sub Caracala, vixisse nouimus, sic scribit: *quod principi placuit legis habet vigorem, utpote cum lege regia, quae de imperio eius lata est, populus ei et in eum omne suum imperium, et potestatem conferat.* Nullus sane inter veteres historiae augustae scriptores

tores reperitur, qui huiusmodi *legis regiae* faciat mentionem, imo satis constat populum Romanum post electos Tarquinios a regis nomine quam maxime abhorruisse. Cic. off. III. 21. SVET. Iul. LXXX. Dio. LIII. 17. Quapropter verba *lege regia* in cit. l. 1. D. de constit. princ. a Triboniano ex adulatione interpolata, et inde in l. 3. §. 7. Cod. de V. I. En., et §. 6. I. b. t. repetita fuisse censuerunt Schookius in *Diatribae de lege regia Tribon.*, et VINC. GRAVINA de Rom. Imp. c. 23. seqq. Contra genuinum esse quidem illum VLPIANI locum plerique permiserunt interpretes ad §. 6. I. b. t. Sed BALDVINVS Romuli electionem a populo factam TACIT. ann. XI. 22. v. ord. hist. iur. ciu. II. §. 2., HOTTOMANVS veterem legem regiam simul cum ipsa vrbe natam, de qua LIV. XXXIV. 6., BROEVs vel hanc ipsam, vel legem Valeriam a. v. c. 672. ab interrege Valerio Flacco rogatam: vt omnia, quae L. Corn. Sulla dictator creatus fecisset, essent rata. CICER. agr. III. 2. Rosc. Am. 43., et I. de leg. 7., GIPHANIUS legem regiam de patria potestate in PAPINIANI lib. sing. de adulter. in fragment. vet. iurisc. apud SCHVLTING. Iurispr. ante iust. p. 745. huc trahere voluerunt. Parum apte: ineptissime vero VVLTEIVS ad §. 6. I. b. t. legem regiam Saulis I. Reg. VIII. 11. seqq. intelligentiam esse opinatus est. Certe vti Vlpianus homo ethnicus de Hebraeorum republica scribere non cogitauit, ita nec de primordiis Romanae ciuitatis, verum de imperio loqui voluit, quod senatus et populus Romanus desinente republika nouissime transstulerat in principem, quod re- ipsa

ipsa accidisse non modo confirmant POMPO-
NIUS in l. 2. §. II. D. de O. I. Per partes,
inquit, euenit, ut necesse esset reipublicae per
unum consuli; igitur, constituto principe, da-
rum est ei ius, vt, quod constituisset, ratum
esset, et AVRELIVS in l. vn. D. de off. praef.
praet. regimentis reipublicae ad imperatores
perpetuo translatis. Sed etiam in ord. hist. iur.
ciu. V. §. I. et 2. ex TACITO ann. l. 2. III. 28.,
CENSORINO de die nat. c. 21., et DIONE LII.
15. LIII. II. 12. 16. et 17. satis demonstrauim-
us: in quo vltimo loco Dio, qui etiam vti
Vlpianus Caracallae erat coaevus, hoc pacto,
inquit, omne populi senatusque imperium ad
Augustum redit, ab eoque tempore perfecta
monarchia est constituta: et quamvis nomen re-
gum Romanis esset invisum, cum tamen, ad-
dit, ad imperatores summa nunc reipublicae re-
feratur, fieri non potest, quin sub regno Romani
sit. Hoc igitur senatusconsultum et populi sci-
tum, quo Octaniano summa rerum, et titulus Au-
gusti tributus est, nomine *legis regiae* Vlpianus
designauit; quemadmodum iam antea de Do-
mitiano PAPIRIVS scripserat: *longamque tibi Rex*
Magne, iuuentam. l. 4. *sylv. carm.* I. v. 46.
Dicebatur alias *lex Imperii.* l. 3. c. de testam.
Priuilegium Augustum l. vn. §. 14. c. de cad.
toll., aut *lex Augusti* l. 14. §. I. D. de ma-
num. Eadem iura postea obuenerunt Octa-
uiani successoribus sub auspicio imperii, vti
nos docet senatusconsultum in tabula aenea
Romae adhuc seruatum, quo Vespasiano *cun-*
da principibus solita fuerunt delata. TACIT.
hist. IV. 3. cf. GRAVINA de Rom. imp. c. 24.

Exem-

Exempla edictorum , quae cum Octavianus ,
tum eius successores considerunt , non pauca
protulimus in *ord. bift. iur. ciu. V.* seqq.

§. LI.

Etsi vero imperatoribus legum scribendis
potestas facta esset , tamen eorum pre-
cepta , ut umbra saltem maneret libertatis , spe-
ciali *constitutionum* nomine fuerunt insignita .
Itaque definitur constitutio : *principis placi-
tum , quod legis habet vigorem . l. 1. princ. D.*
de const. princ. si nimis princeps obligare
vult , ac potest . §. 6. *I. b. t.* Inde intelligitur :
cur constitutiones iuri diuino vel naturali , vel
positivo , ac publicae utilitati contrariae , nul-
lius sint valoris . *l. 6. c. si contra ius vel util.*
publ. , cur illae saltem primis temporibus con-
firmarentur senatusconsulto *l. 1. D. in quib.*
caus. pig. l. 2. c. de aedif. priu. , vel vsu pri-
mum inualescerent *l. 18. D. de his , quae ut ind.*
l. 14. D. de adpell. et relat. , curque nonnun-
quam iureconsulti ab iis recederent *l. 1. §. 14.*
D. ad l. falc. , vel quod quaedam principum
placita iuste possint ignorari *l. 5. §. 1. D. de*
diu. ver. , vel etiam quod inter se variarent *l.*
6. D. de iur. fisc. l. 1. §. 19. D. de quaest. Ex
quo autem constitutiones in corpus iuris sun-
relatae , eas communes leges esse constat . *l.*
fin. c. de leg. et const. vid . tamen Bach . *H.*
iur. l. 3. c. 1. sect. IV. §. 1-7.

§. LIL

§. LH.

Abeunt porro constitutiones in *generales*, et *speciales* §. 6. I. b. t. Illae sunt, quae ob communem utilitatem ab imperante omnibus ciuibus pro norma publicantur; haec, quae non nisi ad certae cuiusdam personae commodum spectant, aut etiam incommodum §. 6. cit.; quamuis et alios ciues eatenus obligent, ut iis non liceat derogare. Ita constitutione generali prohibuit Augustus feminas pro viris suis intercedere l. 2. pr. D. ad Sct. Vellei.: contra specialis dicitur constitutio, qua Hadrianus maiori 25. annis veniam dedit hereditatem, quam adierat, obaeratam reliquendi §. 5. I. de hered. qual. et diff. Etiam hodie constitutio generalis sponsalia minorennum sine consensu parentum vel tutorum celebrata, irrita declarat: ast si cuipiam ius praecipuum imprimendi librum, vel certum genus mercium habendi venale conceditur, id sit constitutione speciali. Generales constitutiones, prout aut ad petitionem subditorum extra iudicium, vel autem ad litem ortam dirimendam, vel denique motu proprio imperantis fiunt, vel *Rescripta*, vel *Decreta*, vel *Edicta* adpellantur: contra speciales vulgo veniunt *priuilegii* nomine. Sed iam de singulis agendum.

§. LIII.

Quemadmodum constitutiones generales, quae ad subditorum supplicationem prodeunt, *Rescripta* generatim vocantur, ita triplex occurrit rescriptorum forma: quae enim impe-
tran-

trantur a personis priuatis porrecto libello supplici, *adnotationes* seu *subnotationes* l. 1. c. de prec. imp. offer., quae a magistratibus, *epistolae* l. 6. §. 3. D. de off. proc. l. 3. §. 1. D. de testib., quae ab integra prouincia, aut vniuersitate, *sanciones pragmaticae* speciatim audiunt l. 7. c. de diuers. resp. et prag. sanct. Erat autem horum rescriptorum scopus vel iureconsultorum dissensiones tollere l. 17. D. de iur. patr., vel aequitatem supplere l. 38. D. de minor. l. 33. D. de re iud., vel leges ambiguas declarare l. 1. §. 1. et seqq. D. de quaest. Ex his vero colligitur, quare lex fundamentalis, qua ordo successionis in monarchia Austriaca postulantibus prouinciis a Carolo VI. fuit confirmatus, nomen *pragmaticae sanczionis* acceperit. Ceterum in Austria princeps ad libellos priuatorum rescribere haud solet, sed eos ad instantiam competentem remittit, ut sibi desuper fiat relatio. Rescripta ab eo solum dantur ad magistratum relationem, quae si princeps in similibus causis obtinere iubeat, *Normae* vocantur. *Vosivs collatio leg. et consuet. austri. cum iur. Rom.* §. 39.

§. LIV.

Solebant praeterea imperatores, qui simul magistratum munera ad se traxerant, caussas litigiosas, ad ipsos per adpellationem potissimum, aut a personis miserabilibus delatas, cf. *GOTHOFR. ad l. 2. c. Tb. de off. iud. adhibitis amicis, comitibus, et iureconsultis cognoscere, atque decidere. SPARTIAN. Hadr. 18.*

Ita

Ita iam Apostolus Paulus seditionis accusatus ad Caesarem prouocauit *act. XXV. 10. et 11.* Atqne haec prouocatio etiam contra rescripta ad postulationem magistratum obtenta locum habere poterat *l. 1. §. 1. D. de adpell. MERILL. obs. II. 7.* Erant autem hac decisiones aut *decreta strictius*, aut *interlocutiones*: prout vel seruato sollemni iuris ordine, vel tantum de plano sine strepitu iudicij condebantur *l. 1. §. 1. D. de const. pr. l. fin. pr. c. de leg. et constit.* Sex libros decretorum collegit iam iureconsultus Paulus CVIAC. *obseru. II. 26.*, et totidem libros cognitionum Callistratus, quae in digestis memorantur. Alio sensu *decretum* dicitur *sententia*, quae reum condemnat vel absolvit, et litem in eo iudicio finit: *interlocutio* vero, quae quaestionem solummodo incidentem, v. c. de idoneitate testimoniis, de competentia iudicis, determinat. *l. 9. c. de sent. et interl.* Apud nos supremum iustitiae tribunal principis nomine definit, quum eo adpellatum, seu, ut practici loquuntur, reuasio actorum petita est; atque hae decisiones *resolutiōnum* nomine veniunt. *Decreta* vero dicuntur mandata principis praeter legem, aut magistratus superioris ad inferiorem, vel etiam priuatum suae iurisdictioni subiectum. *Voss. l. c. §. 40.*

§. LV.

Quoniam *Edicta* sunt constitutiones generales, quibus princeps in commodum vniuersorum ciuium aliquid praecipit motu proprio
l. 1.

l. i. §. i. D. de const. princ. l. 3. c. de leg., satis patet, in quo a rescriptis, et decretis discernantur. Sed etiam differunt a *mandatis*, quae quidem motu proprio, non tamen ad omnes ciues, sed ad certas personas tantum, praecipue vero ad tribunos, notarios, comites, hodie adhuc ad magistratus, aliosque ministros publicos officii cuiusdam implendi causa diriguntur. Dantur autem mandata vel *scripta*, *commonitoria*, vel oretenus, *decreta* strictius: nemini tamen extra ordinem misso, nisi quod scripto probauerit, esse credendum, statuit *l. un. c. Theod.* et *l. i. c. Iust.* *de mand.* sola mandata principis a clarissimis magistratis prodita, quibus index dari, vel lis finiri iubetur, scriptum non requirebant *l. 2. c. eod.* In Austria edicta alia sunt vniuersalia omnes omnino subditos, alia prouincialia certas tantum prouincias respicientia; atque pro diuersitate materiae, et promulgationis varia sortiuntur nomina. Voss. *l. c. §. 40. seg.* Priora porro principis, haec vero *regiminis nomine* promulgantur. *Pat. 14. Febr. 1750.*

§. LVI.

Nunc, quaenam rescriptis, decretis, et edictis insit vis obligandi, videamus. Habent enim constitutiones legis vigorem, si princeps velit; quae igitur in certis personis, vel negotiis statuuntur, his duntaxat pro norma esse debent, nisi *constitutio generalis lex vacata est*, vel ad omnes iussa est pertinere *l. 3. c. de leg.*, et quia nihil magis voluntati aduer-

D

satur,

satur, quam error ac dolus; ideo rescriptis addebatur conditio: *si preces veritate nitan-
tur l. 7. c. de diuers. rescr.*, quae hodie ta-
men tacite inest, ac subintelligitur *c. 2. x. de
rescrip.* Igitur quae per falsa narrata, *obrep-
titie*, vel occultata veritate, *subreptitie*, impe-
trantur, nullum habent robur *l. 2. c. de leg.*,
qui porro obreptionis, vel subreptionis dant
exceptiones, audiendi sunt *l. 2. c. si contra
ius vel vtil. publ.* Idem dicendum est, si iuri
tertio quaesito, aut publicae vtilitati repugnant
l. 6. c. eod. l. 3. et 7. c. de prec. imp. off. De-
nique si desit dies, consul, aut consueta prin-
cipis subscriptio, quae olim nonnisi *sacro en-
causto*, seu colore purpureo ex cocto murice
et trito conchilio, fieri poteret. *l. 3. 4. et 6.
c. de div. rescr.* cf. *Gothofr. ad l. 1. c. Tb. Tit. 2.*

§. LVII.

Postquam *decretum* inter constitutiones ge-
nerales supra retulerat auctor, parum sibi con-
stare visus est, quod modo illa ius tantum in-
ter partes facere contendit. Enimvero haec
ipsa discrepantia in legibus Romanis occurrit.
Scilicet **VLPIANVS** in *l. 1. §. 1. D. de const.
princ. quodcumque imperator vel cognoscens de-
creuit, vel de plano interlocutus est, vel edicto
praecepit, legem esse docet. Contra **THEODO-
SIVS** et **VALENTINIANVS**: nec generalia iura
esse, sed leges facere his duntaxat negotiis,
atque personis, pro quibus fuerint promulgata,
statuerunt *l. 2. c. de leg.* Quod ipsum in *l. 3. c.
eod.* ab iisdem imperatoribus fuit repetitum:
inter.*

interlocutionibus, quas in uno negotio iudicantes protulimus, aut postea proferemus, non in commune praeiudicantibus. Sed dein in alia omnia iterum iuit IVSTINIANVS: dum in l. 12. c. eod. sententiam ab imperatoria maiestate di- etiam legem esse iussit, non solum illi caussae, pro qua producta est, sed et omnibus simili- bus. An dicamus cum WISSENBACHIO ad d. d. l. l. decreta quidem sollemniter facta vim communis iuris habere, non autem interlocu- tiones? ast huic conciliationi obuersatur VL- PIANVS l. c.: quippe qui non modo decreta, sed etiam interlocutiones edictis comparauit: tenendum itaque cum auctore, tam decreta, quam interlocutiones ius tantum facere inter partes, nec aliter in constitutiones generales abire, quam si imperans se id velle declarauit. Sane qui sententiam dicit, is factum legi iam existenti adipicere debet, seu imputare, non autem ius nouum concedere generatim, vnde illud non *ex praeiudicatis*, quae saepe apud idem tribunal inter se repugnant, *sed ex legibus esse iudicandum*. Quum vero aliquando vel no- uae emergant species, et *lis mota legis occa- sionem postulet* l. 3. c. de leg., vel lex ambigua authentica indigeat interpretatione; vtique de- creta constitutiones fiunt generales, (a) si, vti loquitur THEODOSIVS in l. 3. cit. princi- pes censuerint ea, quae in certis negotiis statu- ta sunt, similium quoque causarum fata compon- nere, aut (b), vt tradit IVSTINIANVS, si im- perialis sensus legem dubiam est interpretatus in l. 12. c. cit. §. 1.

§. LVIII.

Itaque sola edicta id natura sua habent, ut sint praeceptum commune. Eo enim animo semper feruntur, ut omnes obligent ciues *l. 3. c. de leg.*, et ideo etiam *epistolae generales l. 1. §. 2. D. de fugit.*, *leges perpetuae l. 2. c. vbi quis de curial.*, *leges edictales in perpetuum valiturae l. 6. c. de sec. nupt.* *leges sacratissimae l. 9. de leg.* nuncupantur. Propterea *GEBAVERVS* in *ord. Inst. b. t.* constitutiones in *vniuersales*, vti edictum et sanctiōnem pragmaticam, et *particulares*, vti epistolam, decretum, mandatum; et *speciales*, vti priuilegium est partitus. Postquam tamen rescripta, et decreta legum codici sunt inserta, dubium non est, quin faciant ius commune; eo enim animo fuerunt promulgata, ut pro communi norma habeantur, cf. tamen *NOODT. Dioclet. et Maxim. c. 2.*

§. LIX.

Sequuntur constitutiones *speciales*, quae etiam *Priuilegia* vulgo vocari solent, quia de singulis ciuibus concepta sunt; *veteres autem priua dixerunt, quae nos singula dicimus GELL. N. A. X. 20.* In eo vero fundamentum habent, quod, etsi socios vnius ciuitatis aequo iure vti par sit, et iura non in singulas personas, sed generatim constituantur *l. 8. D. de leg.*, tamen nonnunquam coueniat, boni publici causa, iura vnius ciuis augere, aut diminuere. vid. *position. de iure ciuit. cit. §. 91.*

§. LX.

DE IURE NATURALI, GENTIUM, ET CIVILI.

§. LX.

Definitur vero constitutio specialis in §.
6. l. b. t., qua imperans ob meritum aliquid indulget, vel si quam poenam irrogat, vel si cui sine exemplo subuenit: haec igitur est personalis et personas non transgreditur l. c. Ita Vespasianus, pulsis philosophis omnibus, soli Musiano in urbe manere indulxit Dio. LXVI. 12. 13.: contra Hadrianus Umbriciam matronam, quod ex leuissimis caussis ancillas atrocissime tractasset, in quinquennium relegavit l. 2. D. de his, qui sui vel alien. Denique Helvius Pertinax Silvio Candido, per libellum notificanti, se patrem esse sexdecim puerorum, subuenit remittendo munera l. 5. §. 2. D. de iure immunis; quod ipsum accidit, si quis vel *lege soluitur*, dispensatur, vel eidem *gratia legis* fit l. 1. §. vlt. D. de quaest. Etsi autem constitutio specialis, ac priuilegium promiscue soleant usurpari, non eadem tamen semper est harum vocum significatio. Priuilegii enim nomine in XII. Tabulis id tantum veniebat, quod in aliquius poenam irrogabatur Cic. pro dom. XVII., et catenus discrepabant a reliquis legibus specialibus in fauorem alicuius rogatis, qualis erat lex Manilia pro Pompeio apud CICERONEM. Sed etiam hae leges speciales, in alterius commodum factae, sub genere priuilegii postea comprehensae sunt. GELL. N. A. X. 20. Vnde et lex pro Augusto rogata Priuilegium Augustum nuncupatur in l. vn. §. 14. c. de cad. toll.: quorsum spectat locus Cviacii: non idem priuilegium in XII. Tabulis, et priuilegium per-

sonale in aliis legibus. obs. XV. 8. Denique priuilegii denominatio ad omne ius praecipuum, pro certis personis, vel caussis, aut quodam personarum genere constitutum, fuit porrepta: ut iam omnia beneficia legis designet, tam generalia, quae pro re nata cuique ciuii competere possunt, veluti beneficium divisionis et ordinis, si fideiubeat; beneficium inuentarii, si haereditatem adire velit; beneficium praelationis in rebus creditis Tit. D. de priuile. cred., quam etiam specialia, quae nonnisi pro certo personarum ordine locum habent: quorsum pertinent priuilegia fori et canonis pro clericis, hypothecae tacitae in dote pro vxoribus, et varia priuilegia fisci: atque haec sunt, quae etiam iura dicuntur singularia, contra tenorem rationis propter aliquam utilitatem introducta l. 16. D. de leg. Differt tamen beneficium legis a priuilegio strictius sumto. Nam illud ad constitutiones generales, hoc ad speciales pertinet; illud in corpore iuris continetur, non autem hoc; illud denique nec peti a singulis, nec probari oportet, hoc vero impetratur speciatim, et facta eius concessio probanda est.

§. LXI.

Ex hisce intelligitur diuisio priuilegii in odiosum et fauorable. Odiosum est, quo poena extra ordinem maior, quam lege definita est, infligitur. Ita Traianus filium, quem pater male contra pietatem adficiebat, coegit emancipare l. vlt. D. si quis a par. manum. Contra dicitur fauorable, si alicui ius quoddam prae-

praecipuum ob meritum indulgetur: talis fuit lex pro Menandro lata, ut et si ad suos mitte-
retur, tamen ciuis Romanus maneret *l. 5. D.*
de capt. et post. vid. et LIV. XXXIX. 1. 19.
Et si vero priuilegia irrogare veterant XII. Ta-
bulae; id tamen licebat in maximo comitiatu,
vti contra Cuiacium ostendit *GRAVINA or. iur.*
1. 2. c. 74. ex loco CICERONIS: ferri de sin-
gulis, nisi centuratis comitiis noluerunt. de leg.
III. 19. Translata autem populi potestate in
vnum, etiam priuilegia a principe ex iusta cau-
sa poterant irrogari; quorum exempla iam su-
pra attulimus. Ast non licebat Galbae adhuc
proconsuli ciuem Romanum propria auctorita-
te, quod pupillum, cui substitutus heres erat,
veneno necasset, cruce afficere. *Svet. in Gal-*
ba. IX.

§. LXII.

Noua iam appareat differentia inter consti-
tutiones speciales, et priuilegia latius sumta
Illae enim semper sunt personales *§. 6. b. t.*,
haec vero prout vel personae, vel caussae, do-
ti, mercaturae, nundinis, conceduntur, in
personalia, et realia abeunt *l. 196. D. de R.*
I., et ibi *GOTHOFRED.*; personalia cum per-
sona extinguntur, realia vero ad successores
transeunt: quare immunitas mere personalis
non porrigitur ad heredes; bene vero, quae
rei vel loco fuit data *l. 3. §. 1. D. de cens.* Sunt
etiam priuilegia familiae, quae tantum cum
ipsa persona morali, seu familia expirant. cf.
LV. CAPITOL. Gordian.

D 4

§. LXIII.

§. LXIII.

Quacunque autem significacione priuilegium accipiatur, illud semper a potestate legislatoria pendet *posit. iur. ciuit. §. 91.*; vnde consequitur, vt (a) tantum ab eo tribui possit, qui gaudet maiestate; non autem (b) ab officiis publicis, quorum est leges executioni mandare, non vero noua iura sancire, nisi ea facultas ab imperante iisdem diserte sit tributa: veluti si accademia ius habeat creandi comites palatinos; vt (c) etiam priuilegii virtus sit, obligare non modo personam, in quam irrogatur, si fuerit odiosum, sed etiam, si sit fauorabile, reliquos ciues, ne in usu priuilegii turbent priuilegiatum, cui caeteroquin iuri pro se tantum introducto renunticre licet: vt (d) interpretatio priuilegii doctrinalis ex verborum proprietate, materia substrata, et ratione, quae mouet concedentem, aliisque interpretandi regulis sit ducenda. Errant porro illi, qui odiosa et mere gratuita restringi, contra fauorabilia ac onerosa extendi oportere arbitrantur. Occurrit enim priuilegium odiosum in *l. fin. D. si quis a par. man.*, in quo interpretatio *ex sensu* obtinuit: dum patri filium emancipare coacto non modo ius patriae potestatis constitutione principis, sed etiam ius successionis filio postea mortuo interpretatione doctrinali Neratii Prisci fuit ademtum; vt (e) constitutiones personales ad exemplum pro aliis personis quidem trahi non possint *§. 6. l. b. t.*; contra vero beneficia imperatoris, si id et verba et ratio patiantur, nec alterius iuri repugnant,

quam

quam plenissime interpretari debeamus l. 3. c. de const. princ. ; vt (f), si tamen duret dubitatio, recurrentum sit ad imperantem pro interpretatione authentica, cuius aestimationis est, quem modum esse velit sui beneficii l. 191. D. de R. I., et ibi GOTHOE. ; vt (g), quamvis dispensatio saepius cum priuilegio confundatur, veluti si quis iam dispensationem a tributis, iam vero priuilegium immunitatis obtinuisse dicitur, tamen dispensatio plerumque ad vnicum actum, priuilegium vero ad omnes actus eiusdem generis pertineat; illa porro sit nuda lege solutio, qua libertas naturalis recuperatur, hoc vero ius nouum atque praecipuum in ciuitate tribuat impetranti. Sane quis potest etiam pro tota vita dispensari, v. c. a lege non comprehendendi carnes certis diebus, et contra priuilegium v. c. monetandi pro vna vice tantum obtainere: vt (h) denique iisdem modis cessent priuilegia, quibus cetera iura et leges mutantur, aut desciscunt; quae tamen priuilegia peculiari conuentione simul nituntur, tantum reuocari possint ab imperante ex publicis caussis, ex quibus nimirum ius quaeſitum adimere subditis licere docetur in cit. posit. de iur. ciuit. §. 183. Singulare est, in Austria priuilegia morte principis expirare, ideoque a successore eorumdem confirmationem petendam esse. Excipiuntur tamen ea, quae conditionem personarum concernunt, veluti legitimatio, collatio nobilitatis, tum ea, quae consensum principis ad valorem certorum actum, vt ad erigenda fideicomissa, maioratus, necessarium continent. Pat. 14. Decembr. 1741.

§. LXIV.

Quintam speciem iuris Romani scripti constituebant **EDICTA MAGISTRATVVM**. Vocatur autem magistratus latiori significatione, quiunque negotia publica sibi concredita administrat **LIV. I. 59. et XLV. 5.**, strictius vero, qui iuri dicundo praest **I. 2. §. 13. seqq. D. de O. I.** Vidimus in *ord. hist. iur. c. 2. §. 5.* ipsos reges, quos designabat populus, fuisse summos magistratus; quorum vices vel praefectus urbi, vel interrex extra ordinem gerebant: regibus autem exactis, extitisse magistratus *ordinarios*, consules, tribunos plebis, aediles, quaestores, tum censores, atque praetores, urbanum ac peregrinum; *extraordinarios* vero interregem, dictatorem, decemuiros, tribunos militum cons. pot. *Ord. hist. iur. c. 4. §. 3. 4. seqq.* Horum alii *maiores* dicti sunt, quod maioribus auspiciis lege curiata electi etiam potestate concendi gauderent; veluti consules, praetores; alii *minores*, quia minoribus auspiciis in comitiis tributis nominati prehensionem, seu ius cogendi non habebant, ut aediles et quaestores **Gell. N. A. XIII. c. 12-15.** Praeter istos *urbanos* magistratus aderant magistratus *prouinciales*, scilicet proconsules, propraetores, tum praefides, qui in prouinciis potestatem exercebant. Quemadmodum autem reges non nudarent iudices, sed quidquid e republica esse videbatur, nec adhuc legibus fuerat definitum, editis in publicum edictis fanciebant *Ord. hist. iur. ciu. II. §. 9.*, ita dein consules, tum, qui, consulibus bello occupatis, adiecti sunt, censors

fores, et praetores, ceterique magistratus de
 rebus ad suam curam pertinentibus, populo
 vel sub auspicio muneris, vel extra ordinem
 pro re nata e Rostris edicebant: quae edicta
 apud forum palam: vnde de plano recte legi
 possent, albo, id est, *tabulis quernis* publice
 proponebantur *l. 7. D. de iurisd.*, *Ord. hist.*
iur. ciu. IV. §. 13. Ex his autem apparet **DIONYSIVM HALICARNASSEVM**, qui inter cetera
 munia, a Romulo regiae potestati statim ab
 initio assignata, et illud fuisse scribit, *ut omnis*
iuris, quod vel natura dictat, vel pacta, et
tabulae fanciunt, curam ageret. *p. 87.*, per ta-
 bulas edicta regia in tabulis quernis postea
 proposita intellexisse, et hoc sensu per anticipa-
 tionem seu prolepsim fuisse locutum: perpe-
 ram itaque, qui in *Biblioteca Germanica Be-*
rolinensi cl. auctoris nostri ordinem hist. iur.
ciu. recensuit T. 19. P. 1. p. 25., cumdem
 prolepsim ad **XII. Tabulas**, saeculo quar-
 to ab **v. c. primum factas**, pretendere voluisse
 arbitratus est: illi enim in *ord. hist. iur. ciu.*
II. §. 4. de edictis regiis fuit sermo; quae
§. 9. sequ. ibi. tabulis quernis inscripta fuisse
 cum **RITTERO ad Heinec. hist. iur. §. 4.**
 coniecit. Sed redeamus in viam. Ab his-
 ce diuersis magistratibus ortum duxerunt edi-
 cta, seu *leges censoriae*, de ciuium disciplina,
 de locatione vestigialium, et operum publico-
 rum, tum edicta aedilitia, quorum tria adhuc
 extant capita: de vitiis rerum venalium *l. 1.*
§. 1. l. 38. D. de aedil. edict., de bestia noxia,
 qua vulgo iter fit *l. 40. seq. eod.*, de eo, qui
 puerum castrauerit *l. 27. §. 28. D. ad l. Aq.*

Edi-

Edicta tribunitia de rebus tam publicis, quam priuatis, veluti de appellationibus CIC. off. III. 20. et Verr. II. 41.; *Edicta proconsularia* de omni statu publico, priuatoque. Tanta enim potestate proconsul vtebatur in prouincia, quanta omnes magistratus in vrbe: ut nihil esset, quod non per ipsum expediretur l. 7. §. 2 et l. 9. D. de off. proc. Atque hoc est Ius HONORARIVM ab horum *bonore* seu munere adpellatum l. 2. §. 10. D. de O. I. cf. ord. hist. iur. IV. §. 14. seqq.

§. LXV.

Praecipue autem hic pertinent *Edicta Praetorum*, seu ius praetorum, quod, vt ait APPIANVS, *praeores introduxerunt, adiuuandi, vel supplendi, vel corrigendi iuris civilis gratia propter vitilitatem publicam* l. 7. §. 1. D. de I. et I. Scilicet dicebantur *adiuuare* ius ciuile, si facta adplicabant legibus, veluti si heredi scripto bonorum possessionem dabant secundum tabulas, si ius dicebant inter partes litigantes, si debitores, qui soluendo non erant, addicebant creditoribus: *supplere*, quoties aequitas aliquid decerni postulabat, et si lege ciuili destituerentur; inde data dolo laevis *contra decipientes actio* de dolo ab Aquilio praetore, cum antea deesset remedium CICER. de off. III. 14.: denique annuente populo Romano etiam *corrigere*, quoties scilicet sumnum ius summa fuisse iniuria. Ita admissi etiam filii emancipati, praeteriti in testamento, ad paternam hereditatem contra tabulas; ita patrum

DE IURE NATURALI, GENTIVM, ET CIVILI. 61

ctum metu iniusto extortum, iure ciuili validum, quod coacta voluntas etiam voluntas esset, re-scindebant praetores data actione quod metus caussa CICER. ad Q. Fr. II. 7. Quum tamen praetores videri nollent *contra legem facere l. 12. §. 4.* D. de publ. in rem aet. l. 12. §. 1. D. de bon. poss., ideo variis vtebantur ambagibus, et (a) noua excogitabant vocabula; veluti cum filiis emancipatis, qui amplius non erant in familia, et ideo ad hereditatem ius non habebant, eam dabant nomine *possessionis bonorum.* (b) Restituebant in integrum, v. c. laefos propter actatem, absentiam, dolum, metum, aut ex alia iusta caussa, ac si nullum negotium fuisset gestum. (c) Dabant exceptiones, v. c. iis, qui promissionem metu, doloue extortam implere recusabant. (d) Denique aliquid, quod verum non erat, fingeabant saepius, v. c. bonaे fidei possessorem rem vsucepisse contra tertium titulo infirmiori possidentem, vel contra eum, qui domino iuste absente rem usucperat, non usucpisse. Inde occasionem sumfere THOMASIVS naeu. iurisp. Iust. I. 7., tum HEINECC. antiq. iur. I. II. 24. et hist. iur. I. 68+ seqq., aliisque calumniandi edicta practorum, quibus ius ciuile fuerit euersum, adstipulante loco DIONIS hist. XXXVI. c. 2. edit. Reimar. Neque vero, ait, praetores omnia iura statuerant, quae ad contractus dirigendos pertinenterent: neque id simul semelque fecerant, neque scripto iuri steterant, sed illud mutauerant saepius, multaque in hac re ad gratiam, vel odium certoram hominum, velut fieri afferet, gerebantur. Evidem abusos aliquando fuisse

fuisse malos praetores sua potestate, ac partium studio repentina aliquando edicta etiam intra annum, prout res incidebat *I. 7. pr. D. de iurisd.*, vulgasse, nemo iuerit inficias, si modo legat **CICERONEM Ver. I. 43. et 45.**; quum tamen praetores sub auspiciu[m] munieris edictum ordinariu[m] e Rostris reicitare, et publice propone[re] tenerentur, et non modo tribunus, sed etiam alter praetor posset intercedere, vti toties a Pisone praetore peregrino in rebus a Verre tunc praetore virbis inique decretis factum docet idem **CICERO Ver. I. 46.**, facile patet, non durasse iniqua edicta. *idem I. c.*, et porro quo[r]umdam praetorum vitia perperam assignari nostro iuri praetorio, quod consentiente populo propter publicam utilitatem introductum iam supra obseruauimus cum **PAPINIANO I. 7. D. de I. et I. Praeturae vindicias contra Heineccium** scripsit, Praefide Cortio **RICHEY lipsiae 1750.**, cui et **RITTER. ad Hein. hist. iur. §. 68. seqq.** et **AVG. BACHIVS H. I. II. c. III. sect. 3. §. 9.** subscripsere. Qtioniam vero aequissimas saepe fuisse exceptiones, et restitutiones praetorias concedit **HEINECCIVS H. I. §. 70. Schol.**, **RICHEYVS** vero et iniquas inuehi potuisse haud diffitetur; ille perfidos praetores accusat, hic bonos tantum defendit, totam quaestionem in logomachiam fere abire diximus in *ord. hist. iur. ciu. IV. §. 19. Schol.* Ne autem praetoribus subitanea edicta in odium vel gratiam alicuius condere amplius liceret, cautum fuit iam a. v. c. 687. leg. **Cornelia tribunitia**: *ut statim a principio ante edicerent, quo iure essent usuri, et deinde nequaquam ab eo deflecterent* **DIO. XXXV.**

23. Huius legis etiam meminit ASCONIUS in argum. orationis CICER. pro c. Cornel. mai. reo: ut praetores, inquit, ex edictis suis perpetuis ius dicebent; quae res tum gratiam ambitiosis praetoribus, qui varie ius dicere asueuerant, sustulit: quo in loco potius perpetuo ius dicebrent legendum videtur BACHIO l. c.: siquidem edictum perpetuum primum sub Hadriano inchoauit, et verba sequentia varie ius dicere id exigant, ut annum denique edictum a perpetuo discernatur: quod postremum tamen non ita exploratum est; vocantur enim *quaestiones perpetuae* CICER. Brut. XXVII. et *perpetua iurisdictio* l. 7. D. de iurisd., quae annum tantum durabat AVERRAN. interpr. I. VI.

26. Quidquid autem ea de re sit, assentiri tamen HEINECCIO non possumus, qui in *antiq. Rom. l. Tit. 2. §. 23.* iam a. v. c. 586. senatus-consultum: ut praetores ex suis edictis perpetuis ius dicerebent, factum fuisse arbitratus est; quod id in *actis diurnis pop. Rom.*, quorum fragmenta edidit PIGHIUS annal. T. II. p. 378., reperiatur; sublestae enim fidei esse illa acta ostendit WESSELING Prob. c. vlt. Sane ante Caesarem res populi Romani referebant Pontifices in annales maximos CICER. de orat. II. 12., et, teste SVETONIO in Caesar. XX., Caesar primus instituit, ut acta senatus, et populi Romani diurna conficerentur: Suetonii fidem vero ab omni suspicione liberauit ERNESTI exc. ad Suet. I. Manserunt itaque edicta praetorum etiam post legem Corneliam *leges annuae* tantum, quibus finem adferebant Kalendae Ianuarii CICER. Ver. l. 42., nisi vel quoddam ca-

put

put a successore fuisset retentum, *vetus tractatuumque* postea nominatum, CICER. *I. c. 44.*, cui edictum *nouum* opponitur. *ibi 45.*, vel consuetudine ius fieret propter vetustatem CICER. *de inuent. II. 22.* Atque haec capita sunt, quae aliquando, vti actiones *Publiciana*, *Palliana*, *Seruiana*, cum interdictum *Saluianum*, edictum *Carbonianum* primi auctoris nomine fuerant insignita: mirum porro non est, iam tempore Ciceronis plerosque adolescentes iuris disciplinam ab edicto hausisse. CICER. *de leg. I. 5.* Atque hoc sensu praetor a Iustiniano legislator dein fuit nuncupatus *Nou. XXVI. I. §. 1.* Sed de eo quoque fuit disceptatum, an praetor peregrinus tantum ex edicto praetoris urbani ius diceret, vti docuit HOTTOMANVS *de magistr. Rom. VII. II.*, quem ROSINVS *antiq. Rom. VII. II.*, SCHILTERVS *de iur. per. §. 28.* aliique plures sunt secuti. Putabat enim in ea edicti urbani simplicitate etiam peregrinis inde ius dici facile potuisse; sed ab iis recessit REINOLD *var. 37.*, motus potissimum *I. 9. §. 4. D. de dolo malo*, in qua Labeo libros praetoris peregrini scripsisse memoratur. Enim uero Labeonem non edictum, sed officia praetoris peregrini ibi exposuisse contendit HEINECCIVS *ad Pand. de O.I. §. 41.*: quod idem Labeo libros praetoris urbani *I. 19. D. de V.S.*, et tamen alios adhuc, et ab his diuersos *libros ad edictum* scripsit *I. 1. §. 5. D. de fugit.*; hinc HEINECCIVS *I. c.*, vt praetores peregrinos propria edicta annuae iurisdictionis causia praescrisse ostenderet, potius testimonia *Valer. Max. I. c. 3.*, BOETHII *ad Cicer. top.* et THEOPHILII *paraph. inst. I. 1. Tit. 2. §. 7.* prouocauit.

Aet

Ast neque hacc testimonia sufficere visa sunt EVER. OTTONI ad §. 7. Inst. b. t. Edictum enim, quo Hispalius praetor peregrinus apud VALER. MAX. l. c. *Chaldaeos intra decimum diem abire ex vrbe et Italia iussit*, non fuit ordinarium, sed repentinum; vt adeo Boethius, et Teophilus, non tam probati rerum vetustarum interpres, dum edicta a praetoribus peregrinis facta tradunt, repentina edita, omnibus fere magistratibus permissa, cum ordinariis, ad solius praetoris urbani iurisdictionem pertinentibus, facile confundere possent: igitur certissimum, vt ait, testimonium adiecit EVER. OTTO l. c. ex CICERONE, qui epist. famil. XIII. 59. Curtio Peduceano tunc, vt ex epistola antecedente obseruat GRONOVIVS ibi, praetori peregrino scripsit: *seruabis, ut tua fides, et dignitas postulat, edictum, et institutum tuum.* Sed nedum salua res est: putat enim MASCOV. ad Grauin. l. 35., ea verba ad edictum urbanum non inepte flecti posse. Propterea CAR. CONRADI in Parerg. de praetore peregr. §. XI. magis alterum ab Ev. Ottone l. c. adductum fundamentum placuit: nimirum alio iure usos peregrinos, quam ciues, alio etiam ordine iudiciorum, quia peregrinis celeritas deberetur. Et sane a legislatoria prudentia fuisset alienum peregrinos ex iure mere ciuili iudicare, a cuius communione erant exclusi; illis itaque cum patria instituta, tum ius hominum vniuersale pro norma esse oportuit. Rem vero confecit MYLIVS Hist. Teoph. apud Reiz. excurs. III. c. 2. §. 4. excitans locum DIONIS XXXVI. 23. Praetores, inquit, omnes (non solus urbanus)

solebant iura ea, secundum quae essent iudicaturi (sub auspicio munericis) edicto proponere: addamus denique CAESARIS B. C. III. 20. testimonium, qui de Caelio praetore peregrino scribit: *initio magistratus, si quis appellasset de aestimatione, et de solutionibus, quae per arbitrum fierent, fore auxilio pollicebatur.* Opposuit autem hoc edictum Caelius Trebonio collegae suo, et urbis praetori, iratus eum a Caesare in urbana praetura sibi fuisse praelatum. DIO. XLII. 22.

§. LXVI.

Edicta magistratum, quae lex Cornelia intra annum mutari vetuerat, quaeque eate-
nus *perpetuo* erant obseruanda, demum sub Hadriano eo sensu quoque perpetuitatem ob-
tinuerunt, ut neque finito anno praetoribus ab illis discedere, aut propriis edictis, nisi pla-
ne res nouae inciderent, quidquam fancire am-
plius liceret. Scilicet modo dictus imperator Saluio Juliano iureconsulto, vti vidimus in *ord. b. s. iur. ciu. VI. §. 41.*, sui temporis celeberrimo, et praetoris munere functo, id commisit negotii, ut ex omnibus, quae tum extabant, magistratum edictis unum componeret, atque ad illius aetatis rationem attemperaret; haec itaque compilatio est, quae tam senatus decreto, quam ipsius imperatoris edicto, veluti lex in perpetuum valitura, anno, vt videtur, *aer. vulg. CXXXI. et V. C. DCCCLXXXV.*, inter quindecen-
nalia fuit confirmata, atque *edicti perpetui* no-
mine usque ad Iustinianum obtinuit. EUTROP.

VIII.

S. Montiai

VIII. 9. l. 2. §. 18. c. de v. I. En. Quoniam vero, qui postea vixerunt iureconsulti, commentaria ad hoc edictum scripsere, eiusque rationem Iustinianus in compilando digestorum corpore plerumque est secutus BYNKERSHOEK obs. II. 25.; ideo ordinem et materiam edicti perpetui restituere tentarunt GVIL. RANCHINVS, HVB. CIPHANIVS, P. PITTENIUS, demum IAC. GOTHOFREDVS in quat. font. iur. ciu., ac ipse HEINECCIVS in hist. edit. opusculo posthumo, sed imperfecto: plenioris adhuc historiae spem fecerat Ev. Otto teste REIMARO ad DION. l. XXXVI. §. 23., sed fidem, tot aliis impeditus occupationibus, nequaquam liberauit. An autem aliud adhuc edictum perpetuum, scilicet prouinciale, exstiterit, disputatur in utramque partem. Affirmat DODWELL. Praelect. Cambd. VIII. 11. p. 336., illudque etiam sub Hadriano conditum, et ab edicto urbano perpetuo plane distinctum fuisse arbitratur. Siquidem diuersa passim occurrant in digestis commentaria iureconsulti Caii ad edictum non modo urbanum v. l. 8. D. de aq. et aquae pluv. arc., sed etiam prouinciale l. 1. et 15. D. de nox. act.: ex quo duplex fuisse edictum manifesto colligatur. Id ipsum placuit EZ. SPANHEIMIO orb. Rom. Exc. II. 8., nisi quod hic edicti perpetui prouincialis auctores facit Marcum et Verum; quandoquidem ad hos imperatores dixerit ARISTIDES orat. in Romam. leges et constitutiones, quae a nemine perrumpi, persistique possent, edidisti: tum communesque omnibus leges tulisti. Contra HEINECCIVS b. l. et hist. iur. I. IV. §. 275. unicum tantum-

modo fuisse putat edictum perpetuum, quod ab urbe ad prouincias porrectum iam urbanum iam prouinciale audiret. Patere id tam ex eadem serie, et ordine, quem tenuit Caius in ambobus commentariis, quam ex formula promiscue adhibita: *ait Praetor l. 4. D. quod quis que iur. l. 1. D. si quis cauit. ait Proconsul l. 1. §. 2. quod cuiusque vniuers.*, idque confirmari ex citato Aristidis loco, in quo *communes omnibus leges factae esse dicantur*. Enim uero nullius idonei scriptoris auctoritate edicti perpetui prouincialis existentia doceri adhuc potuit: locus enim Aristidis non ad edictum, sed ad varias constitutiones generales in omnibus prouinciis promulgatas pertinet. Caius vero libros XXXII. ad edictum prouinciale quidem scripsit: ast illud non erat perpetuum, quandoquidem iam a *proconsule* in prouinciis Caesaris *l. 27. D. de nox. aet. l. 32. D. ad leg. Aquil.*, iamque a *praetore* in prouinciis senatoriis *l. 15. D. de nox. aet. l. 8. D. de publ. in rem aet.* fuerat propositum, postea autem a Caio ad ordinem edicti perpetui urbani collectum quoad capita, in quibus similitudo inter ius urbanum, et prouinciale intercedere est visa: quum tamen in aliis plurimis inter se different. Ita audiemus in progressu obtinuisse usucationem in fundo urbano et Italico, non vero in prouinciali *pr. inst. de usucap.*, porro fundum dotalem alienari potuisse a marito in prouincia, non autem in Italia *pr. inst. quib. al. lic.*, excusare a tutela tres liberos Romae, et quatuor in Italia, in prouinciis tantum quinque *pr. inst. de excusat.* Sed nec omnes prouinciae vni eidemque perpe-

tuo edicto subiici poterant; singulae enim propria vtebantur formula, et lege, iuxta quam in populi Romani venerant potestatem **Liv. XXXIII.** 31. seq. **XLV. 25. CICER. Ver. II. 13.**: vnde intelligitur locus Euangelistae **IOANN. XVIII. 31.** *Dixit ergo eis Pilatus (tunc praefes Iudeaeae) accipite eum vos, et secundum legem vestram iudicat eum.* *Dixerunt ergo ei Iudei: nobis non licet interficere quemquam;* poena scilicet crucis, quam vrgebant. Vid. **MERRILL. Not. Philol. in Pass. Christi.** Ex his autem consequitur, vt magistratus prouinciales etiam post Hadrianum primo ex lege et formula subiectionis, dein ex edicto perpetuo urbano, denique in iis rebus, in quibus nihil adhuc erat sancitum, ex suis edictis iurisdictionem exercerent, vti ostendit **AVG. BACHIVS Prolus. de edict. perp. Lipsiae. 1752.**

§. LXVII.

Sexta demum iuris Romani scripti species coaluit ex *prudentum responsis*, quae, vt definit Iustinianus, sunt *sententiae et opiniones eorum, quibus de iure permisum erat responderre* **§. 8. I. b. t. Audiuiimus autem in ordine hyst. iur. variam fuisse iureconsultorum auctoritatem, atque fortunam.** Ac statim quidem post **XII.** Tabulas initio saec. **IV.** ab **V. C.** collegium pontificum certas formulas, et conceptiones verborum, ne populus, vti vellet, institueret, excogitauit, quibus omissis nullus ciuilis actus valeret **I. 2. §. 6. D. de O. I.** Publicarunt tamen occultas has formulas primo **Cn. Flavius Appii Claudi scriba, tum Sex. Aelius**

Catus; unde ius ciuile Flauianum, et Aelianum est exortum *d. l. 2. §. 7.* Inde vero a saeculo V. non modo verborum, sed etiam rerum cognitio excoli cepit, praeeunte potissimum Tib. Coruncano; quicunque enim vñu, et experientia edoctus studiorum habebat fiduciam, vel in foro aduocari a clientibus, vel domi in folio sedens consuli consueuit *l. 2. §. 35. D. de o. l. Cic. de leg. l. 3.*; quorsum spectat et illud HORATII.

Agricolam laudat iuris, legumque peritus,

Sub galli cantum consultor ubi ostia pulsat.

I. Sat. l. v. 9.

Referebatur itaque ad iurisprudentes, ut scribit CICERO de orat. III. 33., non solum de iure ciuili, verum etiam de filia collocanda, de fundo emendo, de agro colendo, de omni denique aut officio, aut negotio. Hancque vrbanam militiam respondendi, scribendi, cauendi, CICER. pro Muraen. IX. exercebant principes ciuitatis olim quidem incondite et sine arte: donec Ser. Sulpicius Rufus ad ea, quae confuse ab aliis aut respondebantur, aut agebantur, dialecticam artem attulit, quasi lucem, et etiam litterarum scientiam et loquendi elegantiam adduxit. CICER. Brut. XLI. seq. Nondum tamen responsa vim legis habebant, nisi aut diuturnitas vñus, aut post fori disputationem rerum iudicatarum auctoritas ea in morem approbatione perduxisset CICER. Top. XVII. Caecin. XXIV. seq. cf. ord. hist. iur. ciu. IV. §. 24. 38

Pri-

Priuum sublata libertate Augustus, vt antiquae leges ad noni status rationem facilius detorquentur, nonnullis iureconsultis ex sua auctoritate permisit respondere, vetuitque iudicibus recedere ab eorum responso; ab eo igitur tempore iurisprudentes iuris conditores quoque poterant appellari. Celeberrimi autem inter hos fuere Antistius Labeo, et Ateius Capito, a quibus dein ingenio dissimillimis sectarum studia duxerunt originem *I. 2. §. 47. D. de O. I. cf. Ord. hist. iur. ciu. V. §. 8. seq.* Deferbuit vero et sectarum studium post edictum perpetuum sub Hadriano, qui porro ius respondendi non peti a viris praetoriis, sed ab iis iterum praestari solere rescripsit, qui sui fiduciam haberent *I. 2. §. vlt. D. de O. I. cf. Ord. hist. iur. ciu. VI. §. 11.* Floruerunt ab ea aetate praestantissimi iureconsulti, ex quorum commentariis totum volumen pandectarum fuit collectum. Eminebant praecipue Saluius Julianus, qui colligit edictum perpetuum, Sex. Pomponius, cui fragmentum *de origine iuris* debemus, Caius veterum institutionum auctor, dein Iulius Paulus, Domit. Vlpianus, et, qui omnes post se reliquit, Aemil. Papinianus. Ultimus fuit Heren. Modestinus, qui vixit sub Gordianis. Inde enim non modo obmutuerunt oracula iureconsultorum, sed etiam regnante Gallieno *caussidici sublati, iureconsulti necati, aut relegati sunt. LACT. de mort. persecut. XXII. cf. ord. hist. iur. ciu. VI. §. 11. et 21.* Etsi autem a Constantini data fuisset opera, vt iurisprudentiae sua redderetur dignitas, ac cuidam Innocentio facultas respondendi a principe fuerit

rit concessa EVNAP. *in vit. Christ. init.*, tanta tamen erat legum multitudo, et librorum molles, vt iuris ciuilis scientia multorum esset camelorum onus, et libertorum artificium EVNAP. *in vit. Aedes.* p. 72. MAMERT. *Paneg. Julian.* XX. Quidquid tempore Valentiniani et Valentis tam rudes erant iureconsulti, vt si auctoris veteris audirent vocabulum, piscis aut edulii nomen esse arbitrarentur, nec ullum esset tam improbum factum, quod non auctoritate alicuius doctoris excusare contenderent pecunia corrupti. AMIAN. MARCEL. XXX. 4., *Ord. hist. iur. ciu.* VII. §. 4. et 10.

§. LXVIII.

In eo sane praecipua versabatur opera iureconsultorum iam inde a XIII. Tabulis, vt legum verba, illarum ratione rite perspecta, vel tantum declararent grammaticē, vel etiam restringerent, aut extenderent sana interpretationē. Ita cum cautum fuisset in Tab. V. *Paterfamilias vti legassit - - - ita ius esto:* iureconsulti legandi vocabulum non modo ad heredis institutionem, sed eriam ad substitutionem in casum, quo prior heres deficeret, pertinere recte exposuerunt: contra quia pater nudo verborum illius legis sono vel liberos in testamento praeterire, vel etiam sine omni causa exheredare poterat, praefato erat interpretatio iureconsultorum restrictiua, vi cuius praeteritio, quasi ex errore essentiali et liberorum obliuione orta, nullam redderet ultimam voluntatem: exhereditatio autem sine iuxta causā factā facultatem

tem tribueret testamentum, veluti ab homine demente conditum, querelandi, eiusque obtinendi rescissionem pr. *I. de inof. test.*; et demum quia, vbi ratio legis latius patet quam verba, interpretationi extensiuae locus est, ideo iure consulti legem XII. Tab., quae ad tulelam pupilli, patre intestato mortuo, vocabat agnatos proximos propter spem futurae successionis, extendebant simul ad patronum, ut is quoque tutor liberti impuberis esse deberet; siquidem etiam patronus iure ad successionem liberti in impubertate defuncti gauderet §. *vn. I. de leg. patr. tut.* Pari modo actiones seu remedia, quae ex verbis legis XII. Tab. competebant pupillis contra tutores, fuerunt extensa ad minorennes contra curatores, cum eadem subesset legis ratio; atque hae actiones, quae non directe ex verbis, sed tantum ex ratione legis descendunt *utiles* fuerunt appellatae §. *vlt. I. de leg. Aquil.*

§. LXIX.

Quae cum ita sint, asperum profecto videatur, quod scribit CICERO pro Muraen. XII. nam cum multa praecclare essent legibus constituta, ea iureconsultorum ingenii pleraque corrupta ac depravata sunt. Enim uero tuetur ibi Orator partes Muraenae viri militaris contra huius aemulum in consulatu Ser. Sulpitium iureconsultum; dein in verborum formulas potissimum inuehitur et syllabarum aucupium, vti ex contextu patet. Sed iam quid sint legis actiones videamus. Eas definit POMPONIUS in *l. 2. §. 6. et 12. D. de O. I. certas et sollemnes formulas,*

*quibus inter se homines disceptarent, scilicet coram magistratu, cui data erat legis actio, siue talis iurisdictio, ut coram eo lege ac formula agere liceret l. 2. §. 1. et l. 3. D. de off. proc., seu iudicio experiri TERENT. Phorm. aet. V. Sc. VIII. v. 91. et ibi DONAT., CICER. pro Mu-
raen. XI. ibique MANVT. Eiusmodi formulam, seu legis actionem, qua res erat vindicanda, traducit CICERO l. c. cum hoc, inquit, fieri bellissime posset: Fundus Sabinus meus est: imo meus: deinde iudicium: noluerunt. Ita nimirum concipienda erat petitio: Fundus, qui est in agro, qui Sabinus vocatur, eum ego ex iure Quiritium meum esse aio: unde ego te ex iure manu consertum voco. Etsi autem cessio in iure, quae sollempnis est alienationis species, ad veram disceptionem, et litem haud pertine-
ret, nihilominus teste CAIO inst. II. I. §. 6. vo-
cata fuit legis actio, si quidem et is, cui res in iure cedebatur, rem tenens ita vindicabat: bunc ego hominem iure Quiritium meum esse aio; quum igitur ista formula, inter litigiosas rece-
pta, etiam in manumissione serui, adoptione alicuius in familiam, et emancipatione libero-
rum, ut in aliis vindicationibus, obtineret, ideo haec quoque negotia inter legis actiones sunt relata in l. 4. D. de adopt. l. 3. D. de off. proc.
l. I. D. de off. iurid. cf. ALEXANDER ad Caii Inst. I. I. 20. Non erat porro cur RITTERVS ad Hein. H. Iur. I. c. III. §. 46. tam vehementer auctorem nostrum, qui cessionem in iure, et cetera ante laudata negotia legis actionibus ad-
scribit, increparet erroris, vel cur Caium mi-
nus proprie locutum esse contenderet, vel de-
nique*

nique IAC. GOTHOFREDVM ad l. 77. D. de R. I. veluti Heineccio aduersantem produceret in medium. Ipse enim GOTHOFREDVS l. c. §. I. adoptionem, emancipationem, manumissionem *legis actiones* vocat, has vero, et *actus legi*, *timos idem esse*, ait, *non simpliciter*.

§. LXX.

Quamquam enim actio legis etiam actus legitimus latiori significatione dici possit ex linguae genio, nec ea ab inuicem distinqui patiatur CVIACIVS obs. XV 16., reipsa tamen in eo discernuntur, quod actus legitimi strictius illa tantum dicantur negotia, *quae nullam litis speciem praeferunt*, nec ab aliqua iurisdictione pendent, sed vel a magistratu ex speciali concessione, vel etiam a solis priuatis sollemni tamen ritu et modo celebranda sunt. Inde intellegitur, cur in l. 77. D. de R. I. ad actus legitimos referantur non modo (a) *mancipatio* seu nexu datio, quam perperam nonnulli confundunt cum emancipatione. HEIN. H. Iur. I. c. III. §. 46., (b) *acceptilatio* seu nexu solutio, (c) *aditio hereditatis*, seu acceptatio patrimonii a defuncto relicti, (d) *serui optio*, cum testator alicui vnum vel plures seruos ex sua familia, qui magis placuerint, optandi ius dedit, quae omnia a priuatis sine magistratu, verbis tamen conceptis, testibus praesentibus, aliisque sollemnibus geri poterant: sed etiam (c) *tutoris datio*, quae a magistratu quidem publice erat celebranda; ast non pendebat ius dandi tutorum a potestate eius ordinaria, seu iurisdictio-

ne,

ne, sed a speciali concessione, quam lex, se-
natusconsultum, vel princeps indulserat l. 6.
§. 2. *D. de tutel.* Imo eiusmodi concessione
instructus erat etiam legatus proconsulis, qui,
quamvis careret iurisdictione, nec apud eum
esset legis *actio* l. 2. §. 1. et l. 3. *D. de off. pro-
cons.*, tamen tutorem dabat l. 15. *D. eod.* Con-
tra coram illo nec manumittere, nec adoptare,
nec emancipare licebat; haec enim negotia ad
iurisdictionem non quidem stricte contentio-
sam, sed saltem voluntariam, et hinc ad legis
actiones adhuc pertinebant l. 2. et 3. *D. eod.*
l. 4. *D. de adopt.* Itaque non moramur argu-
mentum, quod contra Heineccium RITTERVS
producit l. c. Potuisse apud proconsulem, li-
cet in prouinciam, in qua ipsi iurisdictione com-
petit, nondum venerit, manumissiones, et ad-
optiones fieri: inde autem consequi, vt hisce
negotiis *actio* legis non contineatur: quod
omnis legis *actio* iurisdictionem requirat. Enim
nemo satis est, iurisdictionem adesse volunta-
riam, quae ritu veteri, vti docuimus, in su-
pradicatis *actibus* contentiosae erat simulacrum,
quaeque proconsuli statim, ac urbem egressus
fuerat, competebat l. 2. *pr. D. de off. procons.*
De his autem quinque *actibus* legitimis, quod
perperam HEINECCIVS ad omnes legis *actio-*
nes extendit H. *Iur. I. c. III. §. 45.*, traditur a
PAPINIANO in l. 77. *D. de R. I.* eos per ex-
pressam temporis, vel conditionis adiectionem
in totum vitiari: irrita igitur fuisset tutoris *da-*
tio ita facta, vt tantum anno duraret, vel vt
nonnisi post annum, vel primo, si nauis ex Asia
venerit, sumeret initium: negotia enim supra
scri-

scripta pure, nec ad diem, vel ex die oportet expediri: sed neque possunt reiterari l. 5. *D. de legat.* l. 80. §. 3. *D. de adq. hered.* CVIAC. obf. VII. 7. Addit auctor, nec per procuratorem geri l. 123. *D. de R.* l., nec explicari a pupillo sine auctoritate tutoris l. 19. *D. de auct. tut.* At vti actionibus legis prius quoque olim erat commune d. l. 123. et ibi GOTHOFRID. ; ita posterius perpetuum non est: *pupillum enim per acceptilationem etiam sine auctoritate tutoris liberari posse* docet l. 2. *D. de acceptil.*

§. LXXI.

Posteaquam singulas iuris Romani scripti species perlustrauimus, ad illam iuris non scripti partem progredimur, quae *consuetudo* appellatur, quaeque ius est moribus vtentium, et tacito legislatoris consensu introductum l. 32. pr. et §. 1. *D. de leg.* §. 9. l. b. t. Quoniam vero pro varia ciuitatis forma etiam legum ferendarum potestas vel ad monarcham, vel optimates, vel ad totum populum pertinet, ideo IVLIANVS in *cit.* l. 32. ad liberae reipublicae tempora, et formam democraticam respicit, dum consuetudinem a totius populi adprobatione deriuauit: *nam quid interest, inquit, suffragio (in comitiis) populus suam voluntatem declareret, an rebus ipsis et factis* d. l. 32. §. 1. Inde manifestum est, cur consuetudo *pro lege esse tradatur* l. 32. §. 1. l. 33. et l. 38. *D. eod.* §. 9. l. b. t., curque in Romana ciuitate non modo senatus consulta, edicta magistratum,

et

et responsa prudentum consuetudine fuerint ius facta, sed etiam varia iuris capita solis moribus sint recepta, veluti *ne inter virum et uxorem donationes valerent l. I. D. de donat. int. vir. et vx. cf. Ord. hist. iur. ciu. IV. §. 47.*

§. LXXII.

Quandoquidem consuetudo tacito nititur legislatoris consensu, qui rebus ipsis et factis tantum declaratur; facile patet, nondum existere consuetudinem, nisi actus sint: I. *frequentes l. I. c. quae sit long. consuet.* Quam parum vero frequens dici senatus vel auditorium potest, si duo vel tres adsint senatores, vel discipuli, tam parum duobus vel tribus actibus agendi frequentia, habitus, moresue continentur: II. *vniformes* perpetuo similiter et tenaciter retenti *l. 38. D. de leg. et l. vlt. c. quae sit long. cons.*, a diuersa enim agendi facultate colligitur libertas moralis, quae legem excludit: III. *animo se obligandi* ex tacita nimirum ciuium conuentione suscepiti *l. 35. D. de leg.*; quae igitur pro arbitrio ex permissione morali communiter aguntur, seu facta merae, ut aiunt, facultatis, v. c. prandere hora prima, ambulare hora septima, strenas dare Kalendis Ianuarii, consuetudinem, quae pro lege sit, non inducunt: IV. *tempore diurno*, et per *plurimos annos obseruati l. 33. et l. 35. D. b. t.* Falluntur porro, qui ad consuetudinem decem, viginti, aut triginta annos requirunt, eamque confundunt cum praescriptione: quum potius temporis vetustas ex ceteris rebus circumstantibus

pru-

prudentis iudicis arbitrio relinquenda sit arg.
l. 1. §. 2. D. de iur. delib. : *V. tege diuina tam naturali*, quam *positiva permitti l. 2. C. quae sit long. cons.*, *Nou. CXXXIV. c. 1.*; secus frustra esset etiam expressus legislatoris consensus. cf. *Exercit. iur. nat. §. 79.* Quare vetustus usus, quo occupatio bonorum naufragorum *l. 1. C. de nauf.*, tum dimications singulares, seu duella, et vulgares purgationes inualuerunt, legitimam consuetudinem haud introduxit, sed corruptelam: quorsum etiam actiones derisoriae, et naturaliter indecorae referendae sunt. Talis fuit mos, qui Erfordiae obtinuisse dicitur, ne quis, cui nomen Petrus, in senatum admitteretur. cf *LEYSER ad Pand. spec. IX. §. 4.* et *constit. omnem reipubl. §. 9. in Praefat. digest.* Ex hisce intelligimus, arduam esse valde spartam probandae consuetudinis, quae non semper a duorum aut trium testium depositione, sed a turba hominum penderet *v. l. 4. §. 2. et 3. D. de vi. bon. rap.*, qui porro inter se facile variare possunt: ac propterea consuetudinem *iuri incerto* videoas aequiparari in *l. 2. §. 3. D. de O. I.* Tutiissimum sane fuerit explorare, an non simul *contradiccio aliquando iudicio sit firmata l. 34. D. de leg.*, aut plane in collectionem redacta, cuius rei exempla in libris feudorum, et in speculis tam Saxonico, quam Suelico habemus. Id ipsum mouit Carolum VII. Regem Galliarum ut omnes consuetudines prouinciarum scribi, ad senatum referri, et sua auctoritate firmari curaret *BALDVINVS ad §. 9. I. b. t.* Diuidunt vulgo consuetudinem, quod sit vel *praeter legem*, vel
iux-

juxta legem vel contra legem, et inde varios eius effectus assignant. SCHNEIDEWIN. §. 9. b. t. n. 9. Prima nimurum nouam obligationem inducit et legem *l. 32. pr. D. de leg.*, altera vero ad legis iam latae custodiam pertinet, et si quid fuerit ambiguum, suppeditat interpretationem *l. 37. D. eod.*, tertia denique legem antecedentem, non quidem desuetudine *LIVVS XXVII. 8.*, aut simplici non vsu, sed vsu contrario, immutat tollitque *l. 32. §. 1. D. eod.* Cui non obstant verba *l. 2. c. quae sit long. consu. consuetudinis, vsusue longaeui non vilis auctoritas est, verum non usque adeo sui valitura momento, ut aut rationem vincat, aut legem.* Rescritbit enim ibi Constantinus Proculo Africæ proconsuli: frustra proferri veteres ethnicorum consuetudines, si a ratione abhorreant; si quis autem eas honeste, et legitime introductas esse contendat, tamen posse aequa, ac alia humana iura posterioribus legibus abrogari, sicut enim antecedentem legem obliterat posterior consuetudo contraria, sic etiam consuetudinem lata noua lege coarguere, et dirimere fas erit. cf. GERARD. NOODT. *ad Pand. I. Tit. III.* Ceterum consuetudo dicitur etiam vel *stylus curiae*, si ad formam, et ordinem processus pertinet v. STRYK. *diss. de Styl. cur.*, vel *obseruantia*, si in negotiis imperii publicis. RADEVICVS FRISING. *l. 1. gest. Frid. c. 16.*, vel etiam circa ecclesiasticas traditiones versetur. BOEHMER. *ius eccl. l. 1. T. 4 §. 27.* Aliquando tamen sumitur obseruantia pro praesenti praxi, et si longo usu nondum fuerit confirmata. *Instrum. Pac. Westph. Art. V. §. 12.*

§. LXXIII.

§. LXXIII.

Etsi ius Romanum scriptum ob variatam toties illius ciuitatis formam in sex species abiret (§. 45.), omnes tamen communi *legis ciuilis* nomine comprehensas fuisse supra vidiimus (§. 46.). Quum autem hodie nec plebem, nec senatum, nec magistratus, nec iureconsullos huiusmodi teneamus; vetus quoque illa iuris scripti diuisio vsum tantum praebet historicum ad pleniorem corporis iuris Iustinianei intellectum. Itaque legem ciuilem generatim definiuit auctor, quod sit: *praeceptum commune summi imperantis obligans ciues, ut ad eius normam actiones suas componant.* Quoniam vero hanc satis perspicuam legis humanae notionem interpretum turba ex iuris publici vniuersalis ignorantia miris implicauit ambigibus, necessarium est, sequentes tenere conclusiones: (a) Imperans efficere debet, vt subditi eius voluntatem intelligere possint, siue legem promulgare, vel voce praeconum, vel propositis edictis l. 3. c. de leg., c. 1. X. de postul. praelat., secus robore obligandi careret (exercit. iur. nat. §. 72.) (b) Incipit legis oblitio statim post factam eius promulgationem, nisi vacatio per aliquod tempus sit concessa Nou. LXVI. c. 1. (c) Lex est actionum regula, igitur ad actus iam praeteritos nequit pertinere, sed tantum ad futuros: negotia tamen adhuc pendentia illi erunt adplicanda, si legislator id diserte velit l. 22. D. de leg. l. 7. c. eod. (d) Nititur lex ciuilis pacto subiectionis, et eatenus communis reipublicae sponsio adpel-

F

latur

atur l. i. D. de leg.; obligat porro etiam in foro interno et conscientia. Nam, ut ait APOSTOLVS, imperans ciuilis Dei minister est, et qui resistit potestati, Dei ordinationi resistit. Rom. XIII. 2. seq. Illa tamen pacta, aut praecepta irrita esse constat, quae legi diniae vel naturali, vel positivae repugnant. (e) Inane esset imperium ciuale, si legum robur ab acceptatione subditerum penderet; quod igitur ait l. 32. §. 1. D. de leg. leges nullae alia ex causa nos tenent, quam quod iudicio populi receptae sint, verum est tantum in democratia: sed etiam hinc receptione opus est imperantis ciuilis, si ab extranea ferantur potestate, atque hoc modo receptum fuit in Germania ius Romanum Ord. hist. iur. ciu. VIII. §. 38. seqq. Imo et constitutiones ecclesiasticae ad materiam ciuilem, veluti disciplinam arbitriariam, simul spectantes indigent et placito regio, et receptione, vi cuius porro naturam induunt legis ciuilis. cf. Posit. de iur. ciuit. §. 230. Leges nostrae Austriacae diuiduntur in criminales, de delictis, eorumque poenis, et ciuiles in specie, de aliis priuatorum negotiis latae. Hae porro si ad utilitatem singulorum ciuum pertinent, iudiciales, si ad communitates, ceu personam moralem, politicae adpellari consuerunt DONNER Einleitung zur Kenntniß der oester. Rechte §. 3. Succinctam legum Austriae ciuilium historiam sistit Voss. I. c. §. 16. et seqq.

§. LXXIV.

Quemadmodum iam TULLIO recta docendi via videbatur, ut, priusquam ad leges singu-

singulas aggrediamur, vim, naturamque legis videamus. de leg. II. 4 : ita et Tribonianus prioribus duobus titulis, parte quasi generali, iuris notionem, fontes, ac varias eiusdem species, sequentibus vero, velut parte speciali, id, quod legibus sanctum, cautumque est, pertractat. Illam *ius constituens*, hanc *ius constitutum* vocant interpretes VENNVS ad inst. T. I. pr. Cum vero omnis iuris subiectum sint homines usu rationis praediti, obiectum actiones liberae (*exercit. iur. nat. §. 72.*), quatenus ad certum finem attemperandae sunt, finis porro legum civilium sit, ius suum cuique tribuere (18. seq.) sive *in re*, sive *ad rem*, frustanea denique sit haec obligatio, nisi et media legitima comparata sint ius suum persequendi (*pos. iur. nat. 613.*), seu *actiones*; omne ius, ut recte obseruat Tribonianus, vel ad *personas* pertinet, vel ad *res*, vel ad *actiones* pr. I. de iur. pers. Nam *omne, quod geritur, aut in rebus est, aut in personis, aut in attributis earum* DONAT. ad Terent. Adelph. a. 3. II. sc. 3. Vnde etiam, methodo ex Caii institutionibus desumpta l. I. et seq. D. de stat. hom., secundum tria haec capita, ceu iuris obiecta, simplicem quandam viam muniuit cupidae legum inuentati. cf. CVIAC XI. obs. 38. et MERILL. Synops. instit. Itaque libr. I. de iure personarum, quoniam parum est ius nosse, si personae, quarum causa constitutum est, ignorentur. pr. I. de iur. pers., tum de iure rerum libr. II. III. et parte IV. visque ad Tit. VI., inde denique de iure actionum differit.



T I T. III.

DE IVRE PERSONARVM.

§. LXXV.

Ius primo titulo iurisprudentiam (§. 24.), altero legem ipsam (§. 33.), nunc demum facultatem moralem seu personae qualitatem denotat. Vid. *exercit. iur. nat.* §. 84. Est vero gramaticis *persona a personando* GELL. N. A. c. 7. larua histrionum, vel habitus fictus, secundum illud PVBLII SYRI: *Heredis fletus sub persona risis est.* PHAEDR. I. fab. 7. FESTVS voce: *personata fabula.* Inde porro iureconsultis significat hominem cum statu suo *moraliter* consideratum (*exerc. iur. nat.* §. 139. Sch.). ARRIAN. ad Epict. c. 23. Quo sensu iam CICERO: *Ipsi autem gerere quam personam velimus, a nostra voluntate proficiscitur.* Itaque se alii ad philosophiam, alii ad ius civile, alii ad eloquentiam applicant. OFFIC. I. 32. vnde et in pandectis titulus huic respondens *de statu hominum* inscribitur lib. I. tit. 5.

§. LXXVI.

§. LXXVI.

Statum generatim esse complexum determinationum, quae enti actu insunt, iam alibi definiuimus (*exerc. iur. nat.* §. 54.); qui si a libertate non pendet, status *physicus* audit. Huc (a) natuitatis, (b) sexus, (c) aetatis discriminem pertinet, quo porro magnam induci iurium differentiam suis locis obseruabimus. cf. NOODT. *I. 1. Pand. I. 5. princ. Moralis* vero hominis status cum Heinccio dici potest qualitas, cuius ratione homines diuerso iure vtuntur, seu complexus iurium, quibus quis actu est instructus; vnde qui nullum ius habet, nec statum habet moralem arg. *I. 3. fin. et I. 4. D. de cap. min* (*exerc. iur. nat. sch.* §. 139.). Cum vero iura alia naturalia sint, alia adquisita, status quoque moralis vel *naturalis* est, vel *adscititus*. Eminet inter adscitios status ciuilis, qui ex legibus ciuibibus descendit. Evidem hic pro diuersitate iurium concessorum varius esse potest; inde patronorum, clientum, patriciorum, plebeiorum, magistratum, ac priuatorum variam fuisse apud Romanos conditionem saepius obseruauimus in *Ord. bift. iur. ciu.* Quia tamen iura hacc omnia vel libertatem, vel ciuitatem, vel familiam respiciunt, generalissima eius partitio est in statum *familiae*, vi cuius alii patres, alii filiifamilias: statum *ciuitatis*, vnde ciues et peregrini: denique *libertatis*, ob quem alii liberi dicuntur, alii serui *I. 1 et vlt. D. de cap. min.* Qui porro nullo harum statuum gaudet, is omnis status ciuilis expers, non iam persona

civilis est (§. 75.), sed res (*exerc. iur. nat.* §. 149.).

§. LXXVII.

Ita seruus, utpote homo, iuribus connatis, statu naturali, fruitur, ac personam naturalem sustinet; unde etiam *persona* seruulis vocatur *l. 22. D. de R. I.*: quia tamen iura omnia domino adquirit, ratione status adscititii recte eidem denegari personam diximus in *iur. nat. pos. 763.* Ideo et iure Romano, cum statu libertatis, ac, qui inde pendent, ciuitatis et familiae careat, *nullum caput*, id est, statum, *habet §. 4. l. de cap. min.*, pro *nullo febre*, et *mortuo* habendus *l. 32. et 209. D. de R. I.*, ac vix pro homine, secundum illud *IUVENALIS*: *O demens, ita seruus homo est? sat. VI. v. 221.*; quare et secundum genus hominum audit *FLORO lib. III. Rev. Rom. 20.* Est porro *περισσων* *THEOPH. paraph. inst. princ. de stip. seru.*, id est, *impersonalis*, seu personam legibus non habens *CASSIOD VI. var. c. 8.*, idcirco res *l. 32. §. 2. D. de legat. 2.*, et quidem *res mancipi* *VLP. fragm. T. 19. §. 2.*

§. LXXVIII.

Summa igitur personarum *naturalium*, seu hominum, ratione libertatis diuisio haec est: quod omnes homines aut *liberi* sunt, aut *serui pr. l. b. t. l. 3. D. de flat. hom.*, liberorum autem hominum rursus quidam *ingenui* sunt, quidam *libertini* *l. 5. pr. D. cod. §. 5. l. b. t.*

§. LXXIX.

§. LXXIX.

Liberi a libertate, serui a seruitute dicuntur; non utique ex vocabulo, (nam vox libertas liberi, ut seruitus serui nomine posterior est) sed ex re ipsa seu qualitate HOMAN. *ad instit. b. t.*; ut liberi dicantur, qui libertate gaudent: qui vero in seruitute constituti, serui. *Libertas autem FLORENTINO est naturalis facultas, quod cuique facere libet, nisi si quid vi, aut iure prohibeatur l. 4. D. de stat. bom.* Etenim, quod naturam attinet, omnes homines aequales sunt, ac liberi nascuntur *l. 4. D. de l. et l. (exerc. iur. nat. §. 142.)*; unde iam Seruius Tullius, aduocatis patriciis, mirari se dixit, *si natura, non fortuna, putarent seruos differre a liberis*, DIONYS. HALIC. *IV. 27.* Verus autem libertatis character est, *viuere, ut velis* CIC. *de off. l. 20. PERS. V. sat. 27.* Quemadmodum porro vis exercitium tantum libertatis impedit *l. 13. D. qui test. fac. poss. (iur. nat. pos. 755.)*, ita nec leges eam adimunt, sed licentiam faltem resecant (*exercit. iur. nat. §. 135.*) Legum, inquit TULLIUS, *idecirco omnes serui sumus, ut liberi esse possimus.* pro Clientio. *LIII.* Pulcre igitur seruus in libertatem restitutus apud PERSIVM: *Cur mihi non liceat iussit quodcumque voluntas?* Excepto, *si quid Mafuri rubrica notauit. sat. 5. v. 88. cf. l. 55. D. de legat. l. iunct. l. 35. C. de inoff. testam.* Concinnius tamen libertas a subiectione, de qua hic vnic agitur, definiri poterit: Independentia ab arbitrio dominico. Seruitus contra eidem FLO-

RENTINO est constitutio iuris gentium, qua quis dominio alieno contra naturam subiicitur. Cum enim libertas naturali iure connato contineatur, dominatio autem, eique correlata seruitus factio demum, ideoque iure gentium, seu naturali hypothetico (39), introducta sit (iur. nat. pos. 747. 755.) l. 64. D. de cond. indeb.; merito contra naturam esse seruitutem dici potest. *Neminem*, ait SENECA, *natura fecit liberum, neminem seruum*. *Imposuit haec fortuna postea nomina singulis.* VII. contr. 6. Breuius tamen eam dependentiam a domini arbitrio dixeris (iur. nat. pos. 753.). Vtramque Florentini definitionem stoae tribuit Heineccius: quasi in solius Zenonis, non et aliorum placitis fuisset, hominem natura liberum esse. Sane et CAESAR docuit, quod natura quisque magis studeat libertati, quam imperio. III. B. G. 10. et ipse ARISTOTELES: *e lege venisse, unus alias esset liber, alias seruus.* Polit. I. CIC. I. de offic. 17. seq.

§. LXXX.

Eo magis autem Romanis seruitus *contra naturam* videbatur, quod eam subiens vitam, ciuilem puta, deponeret, e numero personarum exemptus in classem rerum redigeretur (§. 77.), iumentis denique, ac quadrupedibus similis euaderet, teste SENECA: *nec tanquam hominibus quidem, sed tanquam iumentis abutimur.* epist. 47. cf. l. 2. et l. 27. §. 5. D. ad l. Aquil. l. 38. §. 1. et 2. D. de aedil. edit. Ast minime contra naturam est seruitus eo sensu,

su, quod rectae rationi aduersaretur; hanc enim duce licite et iuste eam introduci potuisse satis docuimus in *iur. nat. pos.* 747. cf. *I. ad Cor. VII. 20.*

§. LXXXI.

Duos ibidem modos assignauimus, quibus serui efficiuntur, pactum scilicet, et laesionem. Verna enim (proles ex ancilla nata FESTVS voc. *verna*) iure connato libertatis gaudet, etsi pro alimentis educationis, donec ea persoluerit, seruire necesse habeat (*iur. nat. pos.* 760. et seq.). Ast iure Romano ancilla rebus accensetur, hinc serui aut *nascuntur*, aut fiunt §. 4. *I. b. t. Nascuntur* ex ancillis nostris §. 4. cit. Incrementum enim rei nostrae, quod ex eadem prouenit nostrum est (*iur. nat. pos.* 445.): vt igitur, quod ex animali nascitur, ad dominum ventris spectat §. 19. *I. de diuis. rer.*, ita et partus ancillæ iure accessionis domino subiicitur (§. 77. 80.); quem ideo *subiectum seruitio vterum* eleganter vocat TACITVS *I. ann. 59.*

§. LXXXII.

Fiunt vero alii serui proxime ex *iure gentium*, alii mediante *iure ciuili* §. 4. cit. *Iure gentium* per captiuitatem; quoniam hostis ius et in res et in personas hostiles habet ad scopum belli obtinendum (*iur. nat. pos.* 641. 756.). Hinc bello capti ius ciuitatis Romanae, ac libertatis ammiserant *I. 7. D. de A. R. D.*

Exemplo Atilii Reguli apud FLORVM II. 2.
 Imo eos *senatus redimendos non censuit*, ut
militibus nostris, ait TVLLIUS, *insitum sit*,
vincere, aut emori. III. de offic. 32. Vnde ser-
 ui, quod *manu caperentur*, mancipia dicta
 sunt, v. ISID. VIII. orig. 4.; et cum duces
 Romani captiuos sub corona vendere solerent
 GELL. VII. N. A. 4., ac per hoc *seruare*, nec
 occidere, *seruos ex eo appellatos esse post*
 POMPONIVM I. 239. §. 1. D. de V. S. docet
 TRIBONIANVS in §. 3. I. b. t. DONAT. ad Te-
 rent. adelph. act. 2. sc. 1. add. HORAT. lib. I.
 Epist. 16. v. 69. Sed insulsa haec deriuatio iam
 suboluit SALMASIO de usur. p. 265., quum
 potius ab Σέρβος, vel σεργανος seruus dicatur cf.
 MENAG. amoenit. iur. ciu. c. 39. in *seruus*.
 Nec diffitemur, plures huiusmodi stoicas allu-
 siones satis contortas excidisse nostris; ut cum
testamentum, quasi *testationem mentis*, *mutuum*
 ex eo, quod *meum fiat tuum*, *peculium velut*
pufillam pecuniam, *redhibitionem*, quasi *red-*
ditionem, *diuortium a diuersitate mentium ex-*
ponunt. CAR. Duker. de lat. vet. ictor. p. 25. 27.
 462. Etimologias tamen magnam saepe in in-
 terpretando utilitatem adferre iam in *iur. nat.*
 passim a nobis animaduersum erat. Evidem
iuris gentium, seu *naturalis*, est et ea seruitus,
 quae pacto inducitur (*iur. nat. pos.* 747); qua-
 lem apud Hebraeos, et antiquos Germanos
 viguisse testantur SELDEN. VI. de *iur. nat.* 7.
 7, ac TACITVS de mor. Germ. XXIV.: imo de
 Graecis coniicitur ex GELL. II. 18. sed Ro-
 maie veterabat illam XII. Tab., in quibus lex
 erat: *de capite ciuis* (ideoque etiam libertate)
nisi

nisi per maximum comitatum ne ferunto. Tab. IX. et l. 37. D. de liber. caus.

§. LXXXIII.

Iure ciuili, et quidem Iustiniani adhuc aetate, in poenam irrogabatur seruitus I. *quum liber homo maior viginti annis ad pretium participandum sese venumdari passus est* §. 4. *l. b. t.* Solebant enim adolescentes improbi se alii tamquam seruos vendendos dare lucri participandi cupidine, quae venditio cum rata non esset (82.), ad libertatem proclamabant, ac emtorem frustrabant pretio. Quale exemplum in scenam produxit PLAVTVS in *Perfa act. I. sc. 3. v. 55.*, *aet. 3 sc. I.*, et *act. 4. sc. 3. v. 9.* Merito igitur hos (etsi contrarium sentiat Leo imp. *Nou. 59.*) libertate, quam ipsi vili accepto pretio pessimum dederunt, indignos censuit senatus sub Claudio (*Ord. hist. iur. ciu. V. §. 18.*) cf. CIC. *pro Caecin. XXXIV.* Attamen (a) fraudem supponit, (b) aetatem 20. annis maiorem, (c) ut pretium quoque ad eos perueniret *l. I. D. quib. ad lib. procl.* cf. HERACLID. *in Parad. XIII.*; alias enim improuido, ac immaturo animo grauis haec sanctio condonanda videbatur cf. *exerc. iur. nat. §. 191. 195.*, denique (d) ut alter ignorans emerit, quia non est venia dignus, qui sciens, prudensque liberum emit *l. 7. §. 2. D. de lib. causs. II.* Lex libertos aduersus patronum ingratos in pristinam seruitutem detrudit §. 1. *I. de cap. dem.* Evidem nulla antiquitus Romae concepta erat actio integrati SENECA III. *de benef. 6.*, vbi vero co-

pro-

prorupit libertorum irreuerentia, vt, nisi patrono qui aduersatus est, nec satis liber sibi videretur, nec satis frugi, nec satis honestus PLAVT. in *Persa* act. 5. sc. 2. v. 57., pri-
mum lege Aelia sentia prodita est accusatio arg. l. 30. D. qui et a quib. manum., vt in lau-
tumias darentur ad perpetuas operas HEIN. an-
tiq. Rom. l. 1. T. 6. §. 9. Tum imitatione Atheniensium vel Massiliensium Claudius impe-
rator *ingratos*, de quibus patroni quererentur,
reuoauit in seruitutem SVET. in *Claud.* XXV.
et VAL. MAX. l. 2. c. 6., tunc, quum libertus patrono accusatores submisisset l. 5. D. de iur.
patr.: extra hunc casum sub Nerone adhuc nil concessum relinquebatur patrono, quam ut vi-
cesimum ultra lapidem, in oram Campaniae li-
bertum relegeat. TACIT. XIII. ann. 26. Quid-
quod COMMODI constitutione tantum in pote-
statem patronorum redigantur, vt ministerium dominis praebeant, nec sic admoniti emtori addicantur, et pretium dominis tribuatur l. 6.
§. 1. D. de agn. et al. lib. cf. CVIAC. X. obs.
33. Denique CONSTANTINVS praecepit, vt si libertus vel leuis *offensae* culpam contraxerit a patrono id probante sub imperium mittatur l.
2. C. de libert. et eor. lib. Ex quo simul col-
ligimus, non quamvis ingratitudinem simpli-
cem, verum praeognantem hoc ius cogendi tri-
buisse l. 30. C. de lib. caus. cf. iur. nat. pos.
372. III. Illi, quibus libertas controuertitur, si, praefita cautione, *edictis citati in absentia* nibilominus per annum durauerint, omnimodo seruituti obnoxii erunt l. 1. §. 2. C. de adsert.
toll., etsi talis forte seruus non sit; idque in

poe-

poenam violatae fidei. Cviac. paratit. ad b. l.
 Praeter hos antiquo iure serui fiebant (a) qui
 censum subterfugerat, aut militiam: cum prior
 bonis in fiscum redactis, virgis caesus sub hastis
 veniret DIONIS. IV. 19. Ord. bist. iur. ciu. II. §.
 16., hunc vero populus non iudicet esse liberum,
 qui, ut liber sit, adire periculum noluit. CIC.
 pro Caecin. XXXIV. Ast poena haec vnam
 censu, et militia lecta iam diu ante Iustinianum
 exoleuit. (b) Suppicio capitali damnati;
 quum enim caput (ideoque et vita) adimi non
 posset inuito cui Romano, nisi per maximum
 comitiatum L. L. XII. Tab. T. IX., et lege Porcia,
 LIV. X. 9. CIC. V. in Ver. 64. add. aet. Apost.
 XXII. 24. seq. (Ord. bist. iur. ciu. IV. §. 44.)
 capitalis flagitii reum sententia quaesitorum
 seruum poenae effici fingebant TERTVL. apol.
 XXVII. PLIN. X. ep. 40., vt vitam quasi ser-
 uus ammitteret l. 6. §. 6. D. de ini. rupt.
 irr. fact. test. l. 29. D. de poen. cf. NOODT.
 prob. iur. ciu. III. 12. Id sustulit IMPERA-
 TOR Nou. XXII. c. 8. (c) Si apud libidino-
 sam mulierem plus valuit cupiditas, quam li-
 bertas, ancilla facta est, non bello, non pae-
 mio, (pretio legendum RAD. FORNERIVS l.
 III. rer. quot. 412.) sed connubio l. pen. C. Tb.
 ad Senatuscons. Claud.: sin consensisset domi-
 nus serui, pro liberta habebatur PAVL. II. re-
 cept. sent. 21.; quod senatusconsultum Clau-
 dianum a Vespasiano repetitum est. Ord. bist.
 iur. ciu. V. §. 15. et 20. Abrogavit Iustinianus,
 vt libertati consulat, et fulgori familiae l. vn.
 C. de senatuscons. claud. toll., sed reapse viam

stra-

strauit ad impudicas valde coniunctiones. CV-
TAC. XXI. obs. 16.

§. LXXXIV.

Quocunque autem modo serui efficiantur, aut qualescunque demum sint, nulla in eorum conditione, seu *statu* est differentia §. 5. I. b. t. Nullus enim statum habet, quisque pro mortuo habetur, non persona, sed res est (77). At differunt (a) ratione *munerum*, quae in familia obeunt. Aliorum opera magis necessaria, aliorum magis honesta - - - *discrimina quaedam sunt famulis, splendorque suis.* CLAVDIAN. in *Eutrop.* I. v. 29. vnde alii cellarii, coqui, comici, cubicularii, alii atrientes, dispensatores, medici, topiarii, pistores, scoparii notarii, negociatores, paedagogi, de quibus PIGNORIUS de *seruis*, et TIT. POPMA *de operis seru.* Amstel. 1672. cf. l. 15. §. 44. D. et §. 7. I. de iniur.; (b) ratione *dominorum*, sunt enim alii *priuati*, qui priuatis serviunt, alii *publici*, qui ad publica ministeria adhibentur; vt tabelliones, actores, notaria populi Romani. HEIN. ant. Rom. ad b. t. §. 8. i (c) ratione *calamitatis*, alii enim compeditibus vinciti laborabant, vt ianitores, ostiarii. SVENTON. de *clar. Rhet.* III., alii lautiores, vt atrientes, topiarii CIC. *parad.* V., et priores, vt dispensatores TACIT. I. bist. 49. Tolerabilior denique *adscriptitiorum*, colonorumque fors, vt quasi *ingenui* videantur l. vn. C. de *col. Thrac.*, maxime vero *statuliberorum*, quibus in diem, aut sub conditione libertas promissa; cf. XII. Tab.

Tab. VI.: vtrosque tamen reapse seruos fuisse patet ex l. 21. C. de agric. et censit., et l. 5. D. de statulib. CVIAC. not. ad Vlp. T. 2.

§. LXXXV.

In Germania quatuor olim hominum classes: nobiles scilicet, ingenuos, libertos, et seruos, postremorum vero conditionem ab illa Romanorum diuersam fuisse, memorat *TACITVS de mor. Germ. c. 25.* Medio aevo iisdem varia ministeria, potissimum circa agrorum culturam, et ceteras res rusticas iniungebantur, atque corpora eorum dominis erant obnoxia. Vnde passim glebac adscripti, et *homines proprii* (*Leibeignes*) appellari ceperunt, vindicari porro, atque cum ipso fundo alienari possunt *HEINEC. elem. iur. Germ. §. 28.* Iure Austriae vero possessoribus rerum immobilia obnoxii, *subditi* (*Vnterthanen*) vocantur, ab omni servitute expresse eximuntur, atque de rebus suis tam per actus inter viuos, quam ultimae voluntatis libere disponunt: saluis tamen dominorum iuribus. Vid. *Codex Austriac. P. II.* pag. 400. Horum alia *realia* sunt, veluti ius canonis et laudemii, operarum, decimarum, ius montanum, ius instituendi, iurisdictio realis, ius retractus, ius fisci, et ius expediendi ea, quae ad politiam pertinent: alia *personalia*, ut ius exigendi operas manuales, et famulatus, ius subditos ab emigratione cohibendi, emigrantes vindicandi, mortuarium et detracatum exigendi, ius fisci, et iurisdictio personalis. Quae iura in *tractatu de iuribus incor-*

pora-

poralibus Tit. 3. et seqq. fundata, ac recentioribus legibus magis determinata sunt. cf. Vossius *I. c. l. I. T. V. DONNER Oester. Rechte pag. 35. et seqq.*

§. LXXXVI.

Subditi quoque apud nos aut *nascuntur*, vbi tamen patris conditio attenditur, non matris, haec enim cum iura mariti sequatur, libero viro iuncta, libera, subdito copulata, subdita habetur: aut *fiant*, domicilio nimirum in territorio domini constituto. Voss. *I. c. §. 65.*

§. LXXXVII.

Hactenus de seruis. His opponuntur *liberi* (78.): ut vero cetera bona ac perfectiones, ita et libertas ex iuris Romani principiis vel natura iam, id est, nativitate inest, vel facto demum adquiritur. Priorem qui tenent *ingenui* dicuntur, qui alteram, *libertini*. Hos enim ab illis iam distinxit PLAVTVS in *milit. glor. aet. 4. sc. I. v. 15.* vbi Pyrgopolinices:

*Quid? ean' ingenua, an festuca
facta e serua libera est?*

cui respondet Palaestrio:

*vab, egone vt ad te ab libertina esse au-
derem internuncius,*

*Qui ingenuis satis respondere nequeas, quae
cupiunt tui.*

Primum de ingenuis dicamus *T. IV.*, mox de libertinis *T. V.*

TIT.



T I T. IV.

DE INGENVIS.

§. LXXXVIII.

Ingenui vox ab ingenio, quod saepe naturam denotat (*exercit. iur. nat.* §. 51.), apud probos scriptores significat, quod a natura est, seu natuum, et factitio opponitur. Ita **LVCRETIUS** *ingenuos fontes* *I. v. 230.*, **IVVENALIS** *ingenuum tophum* *III. sat. v. 20.* et **STATIVS** *ingenuos crines* *II. filu. I. v. 44.* vocat, qui natura tales sunt; ac in moralibus ingenuus passim distinquitur a simulatore. Translatione facta ad iurisprudentiam *ingenui* a gignendo dicuntur, quibus *ingenita* est libertas, seu ut **ISIDORVS** loquitur: *quasi qui in GENERE habent libertatem, non in facto, vt liberti* *IX. orig. 14.* Appellantur quoque *liberi* per excellentiam; quo sensu **VLPIANVS** liberos opponit libertis in *I. 4. D. de I. et I.* Ideo tum in *I. 2. C. Theod. de lib. causs.* dicitur: patrem filiis *libertatem adimere* non posse, *ingenuitas intelligenda est*; quoniam in servitutem vendi utique possunt, saluis tamen, ut mox docebimus, *ingenuitatis iuribus*.

§. LXXXIX.

Ingenuus in princ. I. b. t. is audit: qui statim, ut natus est, liber est. Sed finge libertate donari eum, qui in vtero ancillae latet. Hic cum libertate solem respicit, nec tamen est ingenuus; factō enim libertatem consequitur, libertas ei relinqui, et ad eam venire dicitur l. 14. C. de fideic. libertat, nec natus est ex matre libera, quod integer hic titulus ad ingenuitatem requirit. Rectius igitur cum MARCIANO l. 5. §. 2. D. de stat. hom. (quo alioquin duce usus est in hac materia Tribonianus) ingenuum dixeris: qui natus est ex matre libera. Vnde ad ingenuum tria requiruntur, (a) ut liber sit, et quidem (b) a nativitate seu ex matre libera, nec (c) unquam in insta seruitute fuerit; secus non iam ingenuus est, sed libertinus (87.).

§. XC.

Quoniam vero qui in vtero est, perinde ac si in rebus humanis esset, custoditur, quoties de commodis ipsius partus quaeritur l. 7. D. de stat. hom., nec calamitas matris ei nocere debet pr. I. b. t., per interpretationem extensiam fauore libertatis PAVL. II. R. S. 24. obtinuit regula: eum esse ingenuum, cuius mater libera fuit vel tempore conceptionis, vel gestationis, vel partus d. pr. I. b. t. l. 5. §. 3. D. de stat. hom.

§. XCI.

§. XCI.

Hinc citra dubium I. ingenuus erit, qui nascitur parente utroque ingenuo, aut etiam libertino l. 9. c. de *ing. man.* Exemplo HORATII I. *sermon.* VI. v. 6. seqq. II. Qui ex libera et seruo. Vnice enim ad matris conditionem respicitur (90.), *in iure ciuili*, ait CICERO, *qui est matre libera, liber est* III. *de N. D.* 18. Itaque patris non habetur ratio, eum enim tantum demonstrant nuptiae l. 5. D. *de in ius voc.*, quae tamen cum ancilla stare haud poterant princ. I. *de nupt.* vnde et DIONYS. *lex aequum esse censet, ut non supponentium, sed matrum sint liberi, ingenuarum ingenui, seruarum serui* XI. 29. Ex eodem fundamento III. vulgo conceptus, seu incerto patre natus, ex muliere libera; nec enim patrem habere intelligitur, qui non apparet PLVT. *quaest. Rom.* p. 316., et *lex naturae haec est, ut, qui nascitur sine legitimo matrimonio, matrem sequatur* l. 24. D. *de stat. hom.* (*iur. nat. pos.* 746.). Quia porro IV. vis physica ius nullum tribuit, et actus legi contrarius nullus est l. 5. c. *de legib.*, qui maioris mali vitandi caussa seruit, tamen in seruitute *iusta* seu *seruus* non est. QVINT. V. *inst. orat.* 10. (*iur. nat. pos.* 755.): hinc manumissus libertinus non fit, sed manet ingenuus §. I. I. b. t. Idem iudicium feren-
dum est, V. *de liberis ex instituto Romuli ve-*
nundatis (*Ord. hist. iur. ciu.* I. §. 7.), aut
noxae deditis; imo et de iis, qui creditoribus
addicti fuerunt. cf. *leg.* 12. *Tab.* T. II. Hi

omnes enim seruiebant quidem: primi vt patrem alerent, ceteri, vt laesionem repararent, nec tamen serui erant, posteaque manumissi non libertini, sed ingenui. CVIAC. XIII. obs. 9. *Quem pater patratus dedidit, aut suus pater, populuse vendidit, quo is iure, ait TVLLIUS, amittit ciuitatem?* pro Caecin. XXXIV. Et QVINTIL. l. c. Qui seruus est, si manumittatur, fit libertinus, non itidem addictus. cf. l. 2. c. de ing. manum. et l. 3. c. de inf. exp.

§. XCII.

Denique cum iusiurandum summum pariat probabilitatis gradum (*iur. nat. pos. 555.*), ideoque perinde ac res iudicata, ne lites in infinitum protrahantur, pro veritate habeatur in foro ciuili *l. 207. D. de R. l. et l. 8. C. de reb. cred.*, sequitur, VI. et eum haberi ingenium, qui, mota status quaestione, sententia iudicis, sine collusione tamen *l. 1. 2. et 4. D. de collus. deteg.*, ingenuus pronuntiatus est *l. 25. D. de stat. hom.*, aut VII. deferente patro- no se ingenuum esse iurauit *l. 30. §. 4. D. de iureiur.*, quamuis libertinus fuerit.





T I T. V.

DE LIBERTINIS.

§. XCIII.

Ingenuis contrarii (87.) sunt *libertini*, qui defierunt esse serui, seu e *iusta* seruitute sunt manumissi *pr. l. b. t.* Iniustam enim seruitutem seruos haud facere, nec ingenuitati officere supra obseruauimus (91.). Manumissi olim dicebantur *liberti*, corum vero liberi libertini SVET. in *Claud. XXIV.*: forte per allusionem, quasi e liberto nati. Sed iam PLAVTVS libertam vocavit libertinam *Mil. glor. act. 4. sc. 1. v. 16.* et post Apii Caeci tempora haec distinctio sublata fuit SVET. *l. c.* Tum vero libertus cepit esse correlatum patroni in sensu aiente, libertinus ingenui in sensu negante. Ita Tiro erat *bomo libertinus*, sed *libertus Ciceronis*. Id monet DONATVS ad illum locum *Terenii in Andria l. 1. 10.*: *feci, e seruo ut essem LIBERTVS MIHI.* Nam *mihi*, inquit, *additum est, quia libertus ad aliquem dicitur.* cf. LAVR. VALLA *IV. elegant. l. et l. vlt. D. si ing. esse dic.*

§. XCIV.

Manus iam veteribus idem erat, ac potestas. Ita LIVIVS feminas sub manu parentum esse ait XXXIV. 2. POMPONIVS: *omnia a regibus MANV gubernabantur l. 2. §. 1. D. de O. I.* iunct. DIONYS. p. 627. et LVCANVS: *In manibus vestris, quantus sit Caesar, habetis VII. v. 253.* Inde manumissio (idem ac de potestate dimissio) in *princ. I. b. t.* dicitur de *manu datio*, seu ut Charondas reponit: *libertatis datio ex l. 4. D. de I. et I. Quae res*, vt pulcre monet TRIBONIANVS *pr. I. b. t. a iure gentium originem sumpsit: utpote cum iure naturali omnes liberi nascerentur: nec esset manumissio, cum seruitus esset incognita* (79.). Qum vero quisque de re sua aut iure pro lubitu disponere possit (*iur. nat. pos. 422.*), dubium non est, quin dominus potestati suae in seruum renuntiare, ac eum pro arbitrio manumittere possit. Quamuis et citra dominorum manumissionem lex quandoque, aut senatusconsultum libertatem indulget. Exemplo Vindicti apud LIV. II. 5. *vid. Tit. D. qui ad lib. sine man. peru.*

§. XCV.

Multis autem modis manumissio procedit. Sunt alii *veteres* iam sub libera republica lege recepti, alii *noui*, qui Iustiniani aetate adhuc obtinuerunt. Vtrique aut *sollemnes* certis ritibus obeundi, aut *minus sollemnes*, qualicunque domini voluntate perfecti TACIT. XIII. ann. 27. et ibi LIPS. Veteres sollemnes tres erant legi-

legitimi: *Census, testamentum, et vindicta.* Testis est **TULLIUS** in *Top.* II. si neque censu, neque vindicta, neque testamento liber factus est, non est liber, et **DOSITHEVS** in fragmento Codici Theodosiano iuncto: *Antea una libertas erat, vindicta, vel testamento, vel censu.* Verum, quia census lustralis iam a Vespasiani temporibus exoleuerat **CENSORIN.** *de die nat.* XVIII., nisi quod eum Decius repetierat **TREB. POLLIAN.** in *Valerian.*, **Constantinus M.** manumissionem in *sacrosanctis ecclesiis* introduxit *l. 1. et 2. C. de his, qui in eccles.*, et in prioris locum suffecit. **SIGON.** *l. 1. de antiquitate iuris ciuii Rom.* 14. Vnde et **TRIBONIANVS**, *CAIVM I. inst. I. §. 1.* secutus, omnis censu lustrali tres tantum recenset modos nouos et sollemnes: (a) *manumissionem in sanctis ecclesiis*, (b) per *vindictam*, et (c) *testamentum* *§. 1. l. b. t.*

§. XCVI.

Modi manumittendi noui et minus sollemnes praecipui erant (a) *per epistolam*, (b) *inter amicos*, quos hoc loco memorat **TRIBONIANVS** *cit. §. 1. l. b. t.* adde (c) *per conuicium*; hos tres enim *naturales libertatis modos* vocat **THEOPHIL.** *ad b. t.* et (d) *per nominationem filii*, qui occurrit *§. 12. l. de adopt.* Ast praeter hos innumerabiles adhuc fuisse testatur **IUSTINIANVS** in *l. vn. C. de lat. lib. toll.*, et plures collegit iam **MERRILL.** VII. *obseru.* 14., et **GEBÄVER** *excurs. II. ad inst.* Ita liber habebatur seruus, quem Labeo moriturus dextra apprehendit, et circumegit apud **APPIANVM**

de bell. ciu. I.: liberi habebantur serui, qui volente domino tabulas signabant QVINT. Decl. 341. 2.; quod liberi id tantum possent: liberae siebant ancillae, quas dominus matronali habitu, solis nempe matronis proprio, ornauerat QVINT. l. c.; sic quoque in libertatem veniebat puer, cui bullam imposuere venalitii, et praetextam togam (signum ingenuitatis THEOD. MARCIL. ad Pers. Sat. V. v. 35. p. 3.) SVETON. de clar. Rhetor. I. Nec mirum. Omnibus enim his factis domini voluntatem declararunt tacite, quos liberos esse velint; idque ad manumissionem minus sollemnem sufficit. DOSITHEVS in fragm. cit. cf. l. 2. D. de iurisd. Olim tamen hos propriam libertatem haud obtinuisse, sed potius volentibus dominis in libertate moratos esse ex PLIN. IV. ep. 10. et fragm. regul. apud SCHVLTING Iurispr. anteist. p. 804. seqq. §. 6. et 8. erudite docet GEBAYER l. c.

§. XCVII.

Primus igitur manumittendi modus vetus et sollemnis erat per *censum lustralem*. Nam census auctor Seruius Tullius iusserat, ut singuli *ciues* nomina darent, suaque bona addito iuramento censerent, adscriptis etiam aetatis annis, et parentum nominibus, coniugum etiam ac liberorum DIONYS. IV. 19. Hic singulis quinquenniis repetitus, et primo regum, tum consulium, et dictatoris, denique censorum cura suscepimus est (*Ord. hist. iur. ciu. II. §. 16. et IV. §. 4.*). Peracto vero censi populum

lum armatum adesse oportuit in campo Martio, vbi sue, oue, et tauro *lustrabatur*, quae animalia ter circum castra acta Marti immolabantur DIONYS. IV. 26. Vnde colligimus in censum relatos ius ciuitatis Romanae obtinuisse. Ita enim iam Tullius seruis manumissis communicauit ius ciuium Romanorum, iubendo cum ingenuis bona in censum referre DIONYS. l. c., et plerique socii ac latini nominis, nominibus tabulis censualibus inscriptis, ius ciuitatis furtim consequi studuerunt LIV. XXXIX. 3. Igitur et serui iussu dominorum in censum relati ius ciuitatis, ac cum eo libertatem conseqebantur; modo lustrum quoque accessisset, nec interim voluntatem mutasset dominus. CIC. I. de orat. 40. et Top. II. Hinc in veteri fragmento §. 17. apud SCHVLTING. iurispr. anteip. p. 809. *Magna tamen dissensio inter prudentes, virum eo tempore vires accipient omnia, in quo lustrum conditur? Existimant enim censum descendere ad diem lustri, non lustrum decurrere ad diem census. Propterea quaesitum est; quia omnia censu aguntur, lustro confirmantur.* Ideo et VLPIANVS: *censu manumittebantur olim, qui LVSTRALI censu Romae iussu dominorum inter ciues Romanos censum profitebantur.* I. Fragm. 8. Sed haec manumissio cum ipso censu iam diu ante Iustinianum obsoleuit (95.).

§. XCVIII.

Eidem imperator Constantinus surrogavit manumissionem *in sacrosanctis ecclesiis* (95.)

Tit. c. de his, qui in eccl. manum. Evidem
GOTHOFREDVS ad l. vn. C. Theodos. de manum.
in eccl., SPANHEM. in addend. ad orb. Rom.
 et **HEIN.** in recitat. ad. b. §. hunc ritum iam
 Graecis, dudum etiam Romanis in Feroniae
 templo frequentem, et inde a Constantino ma-
 gis receptum, quam institutum fuisse ex SVIDA in
Kegartus, et **SERVIO ad VIII. Virg. Aeneid. v. 464.**
 coniiciunt. Contra vero huius originem potius in
 baptismō, et quae apud christianos viguit, iuris
 dictione episcoporum quaerendam esse erudite
 docuit Ev. **OTTO** in *praefat. ad T. 2. Thesaur.*
iur. ciu. Utitur auctore Mose MAIMONIDE de
 seru. *baptism.* *Si baptizetur praesente domino*
non opus est, ut hoc declaret, sed eo ipso, quo
baptizatur, liber fit. Idque festis diebus, ma-
 xime tempore paschatis, factum testatur **GRE-**
GOR. NYSSEN. Homil. III. de resur. christ. *Hoc*
paschatis tempore nexi soluuntur, debitor dimit-
titur, seruus bono et humano praeconio, atque
editio ecclesiae manumittitur. add. *l. 8. C. de*
feriis. **IGNAT. ep. ad Polycarp. sect. 4.** iunct.
can 32. Pseudo Apost. Et postquam christiani
 secundum monitum **APOSTOLI l. ad Cor. VI.**
v. 5. iurgia sua coram arbitris ac episcopis com-
 ponere ceperunt *l. 1. C. Th de episc. iud.*, ma-
 numissiones quoque coram iisdem factas confir-
 matas fuisse probabile est. Vnde Imperator Chri-
 stianus non honori templorum, sed episcopo-
 rum hoc detulit, ut qui coram iis manumitte-
 rentur, perfecta fruerentur libertate **SOZOMEN.**
I. hist. eccl. c. 9., idque tribus constitutio-
 nibus, quarum duae supersunt in *l. 1. et 2. C.*
de bis, qui in eccl. Fefellerant autem viros
 erudi-

eruditos occurrentia in iis verba: *in ecclesia catholica, in ecclesiae gremio*, quae secundum recentiorem usum pro *basilicis* acceperunt. Constat vero ea aetate *ecclesiae* nomen *anno 72 eunatæiv ab euocando coetum fidelium significasse*, teste CYPRIANO: *Illi sunt Ecclesia, plebs sacerdoti adunata, et pastori suo grex adhaerens: vnde scire debes, episcopum in ecclesia esse, et ecclesiam in episcopo, et si cum episcopo non sunt, in ecclesia non esse.* Epist. 66. Erectis demum a christianis templis magnificis, sensim manumissiones aedibus sacris alligatae fuissevidentur: vnde et ANNIANVS apud *Cai. I. inst. I. 1.* pro manumissione *censu facta substituit in ecclesia*, et IVSTINIANVS in *I. 2. C. comm. de manum.* manumissionis in *ecclesia siue in aede sacra* meminit, nisi posteriora verba plane interpolata sint. Atque hanc Eu. Ottonis interpretationem suadent, et contextus constitutionum Constantini, et verba *I. 2. cit. de his, qui in eccl. in conspectu ecclesiae.* Ritus igitur erat, vt (a) dominus libertatem seruo concederet sub adspectu plebis adstantibus christianorum antistitibus. (b) Vt propter facti memoriam in vicem actorum interponeretur scriptura, in qua ipsi vice testium signarent *I. 1. C. eod.* Inde AVGVSTINV S ex sui temporis usu: *seruum tuum manumittendum ducis ad ecclesiam. Fit silentium, libellus tuus recitatur, aut fit desiderii tui persecutio.* Serm. *V. edit. Sirmondi.* A Romanis ad Germanos transit haec manumissio, quorum ritus describunt MARCVLPH. *form. c. 12.* FORNER. *I. Select. 4. cf. Eu. Otto I. c.*

§. XCIX.

Per Testamentum fit manumissio, quum dominus in eo voluntatem suam declarat, seruum in libertatem esse reponendum. Habet enim quisque ius pro arbitrio de re sua aut iure disponendi etiam per ultimam voluntatem (*pos. iur. nat. pos. 783.*), et *Paterfamilias vti legasset super pecunia ita ius esto. Leg. XII. Tab. I. 5.*; hinc etiam seruum vel legare vel plane manumittere potuit. Atque hoc fit vel *directe*, verbis scilicet imperatiuis: *Dauus liber esto*, vel *oblique* verbis precatiuis: *Rogo heredem, ut Stybum manumittat.* Posterior liberus erit manumissoris, heredis nimirum, aut legatarii; prior vero viuentis *nullius* est liberus arg. l. 4. *D. de bon. lib.*, sed defuncti, hinc *orcinus VLPIANO* dicitur, patronum in orco habens, *Plutonis, Charontis CVIAC. ad Vlpian.* T. 3. §. 8., aut etiam *libertus familiae l. 48. D. de man. testam. CVIAC. III. obs. 23.* Directa testamento manumissio rursus vel *expressa*, si libertatem ipsam verbis comprehendit testator, v. c. *Stybus liber esto*; vel *tacita*, cum factum iniungit, ex quo per necessariam consequentiam libertas fluit: ut cum heredem, vel tutorem liberorum nominat, qualis nonnisi liber esse poterat §. 2. I. *qui et ex quib. caus. man. et §. 1. I. qui test. tut. dar. poss.* Quodsi testamento certa conditione proposita iubetur esse liber, erit *Statuliber: FESTVS voce statuliber*, ac quamdiu pendet conditio seruus heredis *VLPIAN. II. fragm. 2.*

§. C.

§. C.

Sequitur manumissio *per vindictam*. Nomen habere videtur a Vindice seu Vindicio Vitteliorum seruo, qui ob detectam de reducendo Tarquinio coniurationem primus eo modo manumissus dicitur LIV. II. 5. Ritus erat sequens: Dominus apud praetorem, vel consulem Romae, in prouinciis vero apud praefidem, vel proconsulem serui caput, aut aliud eius membrum tenens haec verba sollemnia pronuntiabat: *Hunc hominem liberum esse volo.* FESTVS voce manumitti. Postea in gyrum agebat, ut ostenderet, posse eum, quo vellet, abire. PERSIUS V. sat. v. 75.

- - - *bēn steriles veri, quibus una Quiritem vertigo facit.*

et QVINTIL. Declam. 342.

Inter versandum faciem alapa, tergum percutiebat virga CLAVDIAN. in Honor. cons. 4. v. 611. (quam *vindictam* vocat BOETHIVS in Top. a vindicando: alii probabilius a Vindicio; PLAVTVS vero *festucam Mil glor. act. 4. Jc. 1. v. 15.*) Porro sic versatum e manu emittebat. Tum praetor, virga capiti serui imposita cum formula: *aio te esse liberum*, addebat sollemnia verba ad lictorem: *secundum suam caussam sicuti dixi, ecce tibi vindicta*, et lictor virga in manum sumta rasum serui caput, et tergum pulsabat iuxta illud IVVENALIS:

- - - pul-

- - - pulsandum vertice raso

Praebebis quandoque caput, nec dura timebis

Flagra pati. Sat. 5. v. 171.

Sed iam de sua aetate monuit HERMOGENIANS : *manumissio per lictores hodie domino tacentे expediri solet, et verba sollemnia, licet non dicantur, tamen ut dicta accipiuntur l. 23. D. de manum. vind.* Nunc intelligimus, cur haec manumissio dicatur *actio legis* (69.) *l. vlt. C. de his qui a non dom. coram magistratu, apud quem erat legis actio, explicanda.* Tametsi enim veram disceptationem haud contineret, formulae tamen coram magistratu adhiberi solitae speciem litis saltem praeferebant; ut merito accenseretur legis actionibus, nec apud legatum proconsul is expediri posset *l. 2. §. 1. l. 3. D. de off. proc.* Verumtamen ut actus iurisdictionis voluntariae non pro tribunali tantum, sed et in transitu, cum in balneum, aut theatrum irent praetor, praeses, aut proconsul, die fasto, aut nefasto, explicari poterant *§. 2. I. b. t. l. 2. c. de feriis.* Ceterum plures manumissionis ritus ad baptismum translatos fuisse praeclare obseruat MERILL. *III. obs. 3.* Ita in manumissionibus circumagebatur seruus, quod fieret *no uus homo l. 27. §. 1. D. de adim. vel transf. leg.*, ita et baptizandi ab occidente verte ban tur in orientem IVSTIN. MART. *apol. 2.* In illis alapa impingebatur seruo; impingitur etiamnum in confirmatione ex antiquo ritu baptismi, cum eodem, quo baptismus, perage retur

retur die. Manumissi vestem candidam accipiebant TERTVLL. *de resur. carn.* LVII., eadem in duebantur baptizati CYRILL. *catech.* 3. Pileus dabatur manumissis, ita et baptizatis c. 91. *de consecrat. distin&t;* 4. Cuncta in signum procul dubio liberationis a manu demonis.

§. CI.

Inter modos minus sollemnes est manumissio *per epistolam*, quum dominus scriptis litteris profitetur, se seruum suum ad libertatum perducere. Atque olim citra omnem sollemnitatem quaecunque epistola etiam ad seruum absentem data sufficiebat I. 38. pr. D. de adq. vel amm. poss.; sed Iustinianus requirit scripturam ipsius domini vel per totum tex- tum effusam, aut saltem in subscriptione pos- sitam, et subscriptionem quinque testium ut fidem perpetuam possint chartulae praebere I. vn. §. I. c. *de lat. lib. tol.* Occasionem dederant aut fraudes dominorum, qui huiusmodi epistolam a se scriptam esse perfide negarunt, aut seruorum fugitiuorum dolus, qui similes epistolas sibi ipsis confinxerant.

§. CII.

Sed et sine scriptura *inter amicos* domi- nus libertatem seruo dare poterat, modo quinque testibus adhibitis suam explanauerit voluntatem. Vti enim epistola, quasi ex co- dicillis scriptis, ita inter amicos, quasi ex nun-

nuncupatiis, illico tamen, libertatem seruum adipisci constituit IVSTINIANVS L. vn. §. 2. c. de lat. lib. tol.

§. CIII.

Per *coniuicium* manumittebatur seruus, quem dominus eidem mensae secum accumbere iussit. Ideo glossae nomicae LABBAEI: Per mensam libertas est, si tecum epulari seruus iussero, et TERTVLLIANVS: si famulum tuum libertate mutaueris, vestis albae nitore, et annuli aurei honore, et patroni nomine; ac tribu, MENSAQVE honoratur. de resurrect. LVII. Nam vilioris conditionis homines, ac multo magis serui non accumbebant mensae, nec in lectis, sed in subselliis accipiebantur. Hinc parasitus apud PLAVTVM in Sticho act. 3. sc. 4. v. 32.

Haud postulo equidem, me in lecto accumbere.

Scis tu, me esse imi subselii virum.

Et bini serui -- Potius in subsellio cynice accipiemur, quam in lectis. Act. 5. sc. 4. v. 21.

Quare seruus mensae vna adhibitus facta, seu tacite, ad libertatem euocatus censematur (96.) add. Luc. XII. 37. et FORNER III. Select. 13. Vnde hoc ritu manumissi aquam liberam gustare dicuntur PETRONIO Frag. Tragur. Illud tamen opus erat, ut sic dominus contestaretur cum caus-
ja

*sa latinitatis (id est, latinae libertatis) ad suum
adhiberi conuiuium, teste PAPINIANO lib. resp.
T. 34. in fine, praesentibus procul dubio
quinque testibus arg. l. vn. §. 2. c. de lat. lib.
tol.*

§. CIV.

Supereft manumifffio per *nominationem filii*. Iam apud Catonem scriptum erat, (Mär-
cumne principem familiae Porciae, an eius
filium natu maiorem parum refert. cf. AN-
TON. AVGUSTIN. de nom. propr. D. p. 209.),
seruos, si a domino adoptati sint, ex hoc ipso
poiffe liberari §. 12. *I. de adopt.* Etsi enim
per hoc ius filiorum non consequerentur, cum
nec homines libertini ordinis per adoptionem
in iura ingenuorum inuaderent GELL. V. 10.,
fiebant tamen liberi ex tacita voluntate domini.
THEOPH. ad Tit. de adopt. §. 12. Simili ratio-
ne Iustinianus constituit *seruum, quem dominus
a filiis interuenientibus* (in loco iudicii THEOPH.
*l. c.) filium suum nominauerit, esse liberum §.
12. cit.* Quoniam si tali affectione fuerit
accensus, ut etiam filium suum seruum no-
minare non indignetur, quomodo potest eum
seruum suum saltem morientem habere? *l. vn.
§. 10. c. de lat. lib. tol.* Nec tamen talis
nominatio ad ius filii perducit §. 12. cit. Id
enim plures requirere solemnitates docebi-
mus tit. de adopt.

H

§. CV.

§. CV.

Nunc effectum manumissionis videamus, qui alius iure veteri §. 105., alius iure nouo § 106-109., alius iure nouissimo §. 110. Atque olim quidem vna erat omnium libertinorum conditio; omnes enim cum libertate etiam ius ciuitatis obtinebant. Quo sensu Tribonianus: *a primis urbis Romae cunabulis vna, atque simplex libertas competebat, id est, eadem, quam babebat manumissor.* §. 3. I. b. t. Idque Seruii Tullii regis, qui ipse libertinae conditionis fuerat, beneficio. Hic enim seruis manumissis communicauit ius ciuium, in quator urbanas tribus (ignobiliores rusticis PLIN. I. 18. c. 3.) distribuit, eosque omnium munium, quorum et ceteros plebeios, fecit participes. DIONYS. p. 226. Quod ipsum sub libera republica obtinuisse colligimus ex CICER. pro Corn. Balbo: *seruos denique, quorum ius, et fortunae conditio infima est, bene de republica meritos persaepe libertate, id est, ciuitate publice donari videbamus.* IX. Enimuero hoc prima Romanorum aetate, vbi integris eorum moribus nonnisi frugi homines in merritorum praemium manumitterentur, ferri facile poterat. Posteaquam vero alii collecta sceleribus pecunia libertatem redimerent, alii, ut liberti facti congiaria, aliasque largitiones propositas ad patronos ferrent, alii consci dominis et socii flagitiorum, tum contra deos, tum contra rempublicam susceptorum, hanc gratiam inirent, seque cum summo imperii dedecore Romanos facerent, consultum

vide-

videbatur, impuros hos pileos a ciuium numero secludere. DIONYS. p. 228.

§. CVI.

Quem in finem Augustus, non contentus seruos multis difficultatibus a libertate remouisse, *lege Aelia Sentia* a. v. c. 757. Sext. Aelia Cato et Caio Sentio Saturnino co*ss.* (*ord. hist. iur. ciu. V. §. 6*) adiecit quoque: *vt, qui seruus poenae cauissa a domino vincitus, stigmatizatus, propter noxam tortus, et nocens inuentus, item qui, vt ferro, aut cum bestiis depugnaret, damnatus fuit, is quoque modo manumissius iustam libertatem (seu ciuitatem) non consequeretur, sed dedititiorum numero esset.* SVET. *Aug. XL.* cf. HEIN. *antiq. I. 1. T. 6. §. 12. cap. 1.* Erant autem *dedititii* populi, qui se diuina, ac humana omnia Romanis dediderant, sub formula: *Deditisne vos, populum, urbem, agros, aquam, terminos, delubra, vtensilia, diuina, humanaque omnia in meam populique Romani ditionem? Deditis. At ego recipio.* LIV. *I. 38.* PLAVT. *Amph. AEt. I. sc. I. v. 70.* cf. SIGON. *de antiqu. iur. ital. I. I. p. 47.*

§. CVII.

Quum porro modis praecipue minus sollemnibus persaepe indigni libertatem, ac ciuitatem consequerentur, vtpote nulla praecedente cauissae cognitione (96.): absurdum praeterea videretur, nuda priuati voluntate ciuitatem da-

ri; sub Augusti successore Tiberio a. v. c. 772. M. Junio Silano, et L. Junio Norbano Coss. lata est *lex Iunia Norbana*, vt minus sollemniter manumissi non ciuitatis, sed *Latinorum Coloniariorum* iura obtinerent. CAI. Inst. I. T. 1. §. 2. (ord. bist. iur. ciu. V. §. 10.). Nam Romani subiectis vicinis Latii populis, nihil adhuc de republica meritis, nec, quo animo essent, satis cognitis, ius ciuitatis communicare verebantur; vt tamen sibi aliquo illos iungerent amicitiae et societatis vinculo, militiae dignitatem, aliaque inferiora iura iisdem impertiti sunt, quorum complexus *Ius Latii primum*; seu *ius latinitatis* dicebatur. Postea vero etiam ius ciuitatis, et suffragii iisdem indulatum, quod *ius Latii secundum* compellatum est. cf. HEIN. antiqu. app. I. I. Cap. 1. §. 6. et seq. Atque de primo illo iure latinitatis capiendus erit Iustinianus, quod *liberti latini ad similitudinem ANTIQVAE LIBERTATIS, quae in colonias missa est, videantur esse introducti.* I. vn. C. de lat. lib. tol. CONNANVS I. comm. c. 7. Vnde *libertini Latini*, aut *Iuniani* audiebant.

§. CVIII.

Ita *iure nouo* tripartitus cepit libertinorum status. Erant alii *ciues Romani*, alii *latini*, alii *dedititi*. §. 3. I. b. t. *Ciues* fiebant, qui modo sollemni (95.) manumittebantur; idque ex veteri iam instituto (105), nulla quoad hos noua lege sublato. *Latini*, qui manumittebantur minus sollemniter, ex lege *Iunia* (107); modo non ob delictum poena infami affecti.

De-

*Dedititii contra, qui ante manumissionem fustigati, torti, stigmate vsti, aut similia passi es-
sent (106.). Vnde AVSONIO gryph. tern.
num. v. 55. *Triplex libertas, capitisue minutio
triplex.**

§. CIX.

Magna vero, si iura spectemus, erat in-
ter hos differentia. Nam *cives* facti perfecto
gaudebant iure tum publico, tum priuato ciu-
tatis Romanae; ideoque iure plenae libertatis,
connubiorum, patriae potestatis, census, mi-
litiae, tributorum, suffragiorum, et sacrorum,
de quibus conf. HEIN. *antiq. append. l. I. c. 1.*
Latini habebant quidem ius mancipationis, et
emancipationis VLPIAN. *fragm. XIX. 4.*, mili-
tiae, suffragii, petendi quosdam honores, et
ius sacrorum HEIN. *l. c. e. 2.*, poterant fami-
liae emtores esse, libripendes, ac testes VLP.
XX. 8., immo fideicommissum capere VLP.
XXV. 6.; destituebantur vero iure connubii cum
ciuibus Romanis, nisi speciatim concessum esset
VLP. *V. 4.*, capiendi ex testamento, nisi in-
tra centum a cretione dics ius ciuitatis adipiscer-
rentur VLP. *XVII. 1.*, vt et testamenti factio-
nis VLP. *XX. 14.*, nisi forte cum patroni con-
sensu cf. PLIN. *VIII. ep. 16.*: sic viuebant vt
liberi, moriebantur vt serui bonis ad dominum
peculii iure deuolutis *l. vn. c. de lat. lib. tol.*
§. vlt. l. de succes. libert. CVIAC. *IV. obs. 5.*
Tandem *dedititii*, vtpote iis similes, qui cun-
cta in ditionem concessionerant (106.), nullo ho-
rum iurium fruebantur, vt *vanum* iis tribua-
tur.

tur libertatis nomen *l. vn. c. de dedit. lib. toll.*
 Pessima autem horum conditio in eo erat, quod
 nulla ratione ad ciuium Romanorum beneficium
 peruenire valerent *CAI. l. Inst. I. §. 5.*, *SVE-*
TON. in Aug. XL., quam tamen variis modis
 consequi potuisse latinos patet ex *PLIN. VII.*
ep. 16., et *X. ep. 4.*, *l. 10. c. de nupt.* *SVET.*
in Claud. XIX. et *VLP. III. fragm.* cf. *GE-*
BAVER l. c. §. 9. seqq.

§. CX.

Sed sustulit haec discrimina iure nouissimo *IUSTINIANVS §. vlt. 1. b. t.* Nam, pristinum statum in usum reuocans (105.), cunctos libertinos ciuitate donauit *l. vn. c. de dedit. lib. toll. et l. vn. c. de lat. lib. toll.* Caracallae constitutio enim *de iure ciuitatis omnibus ingenuis communicando l. 17. D. de stat. hom., Ord. bist. iur. ciu. VI. §. 13.* libertinos non spectabat. Immo, cum pridem Iustiniano cordi esset: *ingenuis magis hominibus quam libertis frequenteri rempublicam l. 3. c. de bon. libert.*, indulxit iisdem iura regenerationis seu ingenuitatis *Nou. LXXVIII. c. 1.*; denique et ius aureorum annulorum *l. c. olim solis equitibus proprium LIV. XXIII. 12. VALER. MAX. VII. 2.*, ac iis concessum, quos principes in ordinem equestrem admissos vellet *SVETON. Cæs. XXXVIII. TACIT. I. bist. 13.* Illud tamen adiecit, *vt nihil neque post hanc legem laederentur patronatus iura. cit. Nou. LXXXVIII. c. 2.* De quibus iam nunc dicendum erit.

§. CXI.

§. CXI.

Fundamentum iurium, quae patronus in libertum habet, est facta agnatio. Diserte enim Iustinianus in constitutione graeca, quam ex *Basilicis l. 49. T. 1.* extulit *CVIACIVS XX. obs. 34*, inquit: quod *patroni libertorum agnati censeantur*: immo quodammodo parentes eorumdem videbantur; quoniam manumissi e rebus fiebant personae, ex nullis et mortuis (77.) *noui et alii homines l. 27. §. 1. D. de adim. vel transf. leg. l. 98. §. 8. D. de solut.*, vnde non modo parentes, et patroni fere semper comparantur tot. tit. *D. de obseq. par. et pat. praest.*, sed et quemadmodum filius patris nomine vtitur, sic *seruus liberatus patroni nomen accipit, tamquam filius LACT. IV. I. D. 3.* Quo alludens PERSIVS: *Verterit hunc dominus momento turbinis exit MARCVS Dama. Sat. V. v. 78. VARRO lib. 7. de leg.* Ita Ciceronis libertus Laurea Tullius, alter Tullius Tiro in *ep. fam. dictus*; quo spectant quoque legata libertis relicta ea lege, ne de nomine testatoris exirent *l. 77. §. 15. D. de legat. 2. l. 94. D. de legat. 3.*

§. CXII.

Ex hoc principio consequens erat: I. Ut liberti patronis obsequium deberent, ac reuerentiam, quoniam *liberto, et filio semper honesta, ac sancta persona patris, ac patroni videri debet l. 9. D. eod.* Vnde nec in ius vocari sine permisso praetoris *l. 4. §. 1. D. de in ius voc.*, nec famosis actionibus, immo ne his quidem, quae

doli vel fraudis mentionem habent, licet famosae non sint, a libertis conueniri poterant *I. 5. §. 1. et 7. D. de obseq. par. et patr. praest.* **II.** Ut illis tenerentur ad praestandas operas *officiales*, quibus suam in patronos testabantur reuerentiam, ac gratum animum *I. 9. §. 1. D. de oper. lib.*, v. c. vt in coniuiciis, nuptiis, funere patroni praesentes adessent; ad *fabriles* enim, in exercitio opificii, aut artis positas, non tenebantur, nisi speciatim sponsione aut iure iurando promissae essent *I. 5. l. 7. §. 3. D. eod.* **III.** Ut *libertus egenum patronum alere cogendus esset pro modo facultatum suarum* *PAVL. III. R. S. 32. l. 4. §. 18. et 19. de agn. et al. lib.* **IV.** Ut, si intestatus decederet, nullis relictis liberis, patrono, velut proximo agnato, successio deferretur ex iure **XII.** Tab.: *SI LIBERTVS INTESTATO MORITVR, CVI SVS HERES NEC ESCIT, AST PATRONVS PATRONIVE LIBERI ESCINT, EX EA FAMILIA IN EAM FAMILIAM PROXIMO PECVNIA DVITOR.* *Tab. 5., pr. I. de success. libert.* **V.** Ut et si testamentum fecissent, maiores centenario (id est, centum solidis), nulla superstite prole, aut ea iure ex heredata, tertiam partem bonorum patrono relinquerent, alioquin eidem daretur pro hac portione bonorum possessio contra tabulas. Sin vero liberos heredes haberent, aut minores centenario essent, nullum locum in eorum successione patronus sibi vindicaret *§. 3. l. de success. lib.* Atque haec obtinebant etiam in manu missio per testamentum indirecte, cum heredem, aut legatarium velut patronum agnosceret; celsant vero in eo, qui directe libertatem testamento

mento accepit, quoniam nullius viuentis liber-
tus est (99.). Quae vero de ammissione iuris
patronatus per capitum diminutionem auctor
monet, alibi erit explicandi occasio,

§. CXIII.

Quum serui in Austria nulli dentur (85.),
neque datur proprii nominis manumissio. Ne-
xu tamen, quo subditi domino addicti sunt,
liberantur *litteris dimissorialibus* (Losbriefe):
sine quibus nec a domini territorio discedere,
nec ab alio suscipi valent. *General. de a. 1683.*
27. Nouembr. in Cod. Austr. P. II. p. 399.

T I T. VI.

QVI ET EX QVIBVS CAVSSIS MANV-
MITTERE NON POSSVNT.

§. CXIV.

Summam, ac cum publico dedecore coniun-
ctam fuisse Romanorum leuitatem in seruorum
manumissionibus, supra monuimus (105.). Ad
hanc igitur coercendam Augustus non solum de
modo manumittendi, conditione, ac differen-
tia libertorum cauit: sed et numerum termi-
nauit manumittendorum, teste *Svetonio in*

Aug. XL. Dio. Cass. LVI. p. 541. Prius *lege Aelia Sentia*, alterum *lege Fusia Caninia* effecit.

§. CXV.

Lata est lex *Aelia Sentia* a. v. c. 757. Sext. Ael. Cato, et C. Sentio Saturnino conf., a quibus pro more etiam nomen habet (*Ord. hist. iur. ciu. V. §. 6.*). Hallucinatur itaque ALCIATVS ad l. 70. D. de V. S. scribens: *Aelius Sentius legem iulit, quae ab eius nomine Aelia Senia appellata est.* Fallitur quoque MYNSINGERVS ad b. t., qui iam CICERONEM in *Top. II.* huius legis meminisse putat. Condita enim est post mortem Tullii, nec reperimus aut consules, aut praetores, aut tribunosplebis huius nominis ante Topica scripta a. v. c. 710. cf. NORISIVS ad *cenotaph. Pis. diss. III. c. 9.* Aut igitur vox *Sentia* est a librario, et *Aelia* ius Aelianum denotat, ut censet NORIS. l. c., et cum eo HEINECCIVS in *antiq. ad b. t. §. 1.*, aut quod verius est, totum huius legis nomen a Cicerone non est; cum et a melioribus codicibus absit, eaque lex, quae *cit. loc. Topic.* assiduo iubet assiduum vindicem esse, sit e XII. Tab. depromta *Tab. II.* Corruptioni vero ansam praebuit nomen Aelii, quod apud Ciceronem statim subsequitur. Vid. ERNESTI Clau. Cicer. ind. leg. in *Aelia sentia*. Plura equidem, quam duo, fuisse huius legis capita (contra ac sentit VORTIVS elcm. iur. b. t. §. 1.) praecipue ex Vlpiani et Pauli fragmentis passim constat. Sex iam distinxerat AVGVSTINVS de nom. prop. Pandect. p. 300., et, quam-

quamuis difficulter discernatur, quid ex ipsa
hac lege fluxerit, quid ex senatusconsultis ei-
dem adiectum fuerit CVIAC. XV. Observat. 13.,
quindecim tamen huius legis capita, Vlpiani
et Pauli ductu praecipue, quorum ille qua-
tuor, hic tribus libris eam illustravit, ordini
suo restituere ausus est HEINECCIVS in *antiq.*
ad b. t. edit. 3.; sed duo tantum praesenti ti-
tulo refert Tribonianus. Prius erat: *Qui in*
fraudem creditorum manumisit, nihil egisse
censetur, et manumissus, manumissaue, seruus,
ancillaue manento. HEIN. *I. c. cap. 7.*, *pr. I.*
b. t. Alterum: *Minori viginti annis non aliter,*
quam per vindictam, caussaque apud consilium
probata, manumittere ius esto. HEIN. *I. c. c. 5.*,
§. 4. I. b. t. Ut enim domini saepe seruos
omnes in fraudem creditorum manumittebant
TACIT. XV. *Ann. 55.*, ita minores seruis,
amorum suorum, aliorumque delictorum so-
ciis ac ministris, mercedis loco libertatem
indulgere solebant; vt veteres comici Plau-
tus, et Terentius luculenter ostendunt.
PLAVT. in *Afinar.* *Act. III. sc. III. v. 60.*
TER. *Eunuch.* *Act. II. sc. 16.* OVID. *II. amor.*
H. 15. et 39.

§. CXVI.

Cautum igitur erat: *vt, qui in fraudem*
creditorum manumittit, nihil agat. *pr. I. b. t.*
Manumittere vero in fraudem creditorum di-
citur, qui aut iam eo tempore, quo manu-
mittit, soluendo non est, aut ipsa manumissio-
ne seruorum, qui magnam vt plurimum facie-
bant

bant patrimonii partem, desiturus est soluendo esse. §. 3. l. b. t. add. l. 114. D. de V. S. Exemplo Scaeuiñi apud TACITVM, qui tenui iam re familiari, et instantibus creditoribus libertates seruis dedit. XV. ann. 55. Illud tamen disceptatum est, an talis manumissio citra iudicis officium statim ab initio inuallida, seu ipso iure nulla sit: num interim valeat, sed per remedium actionis a iudice infirmetur, seu rescindatur? Postremum placet BROEO ad b. t. Ast praeterquam quod (a) actus iuri alterius quaesito contrarius iam naturaliter non valeat (*iur. nat. pos. 403.*), et (b) quod contra legem suscipitur, ordinarie nullum sit l. 5. C. de leg.; in hac quoque specie (c) lex Aelia Sentia libertatem impedit, et talis manumissor nihil agit pr. l. b. t., maxime (d) cum libertas semel data, et si perperam, non retrahetur §. 6. l. b. t. Minime igitur huc quadrat actio Paulliana, qua bona in fraudem creditorum alienata a possessoribus reuocantur beneficio praetoris l. 1. D. quae in fr. cred. fact. Quoniam in nostra specie alienatio ipso iure ciili nulla est, nec verus adest possessor dominii, quo se abdicauit debitor: immo libertas semel concessa irrevocabilis est l. 9. §. 6. D. de min. l. 1. C. si adu. libert. Vnde leges, quae tales libertatem rescindi, retrahi, reuocari inquiunt l. 5. §. 2. D. qui et quib. man. l. 45. §. 3. D. de iur. fisc. l. 1. C. qui man non poss. improprius loquuntur, ut quandoque fieri constat ex l. 1. §. 1. in fin. D. de feriis, et de rescissione facti exaudiendae sunt; quatenus, si in fraudem creditorum manumissi sunt, et hi suo

suo iure vtuntur, nullam manumissionem interuenisse, alias vero retro iam liberos factos declarat iudex: quamdiu vero haec incerta, manumissi vi ipsa statu liberi sunt *l. 1. §. 1. D. de statuliber.*

§. CXVII.

Iam inter veteres autem disputabatur, vtrum solus euentus, vt nempe bona debitoris creditoribus non sufficient, libertatem impedit, an animus quoque fraudandi in debitore requiratur. Primum sensisse videtur CAIVS in *l. 10. D. qui et a quib. man.* Sed praeualuit IULIANI in *l. 15. D. quae in fraud. cred.*, et VLPIANI in *l. 1. §. 1. D. de statulib.* sententia, *nisi animum quoque fraudandi manumissor habuerit, non impedi libertatem §. 3. l. b. t.* Quae interpretatio et verbis legis Aeliae: *in fraudem*, et fauori libertatis optime conuenit. HOTOM. *ad b. t.* Duo itaque creditores probare necesse habent: se fraudatos esse et *confilio manumittentis*, et *ipsa re §. 3. cit.* Illud vero nihil refert: num debitor testamento manumittat, an inter viuos; quoniam nec TRIBONIANVS *cit. §. 3.*, nec VLPIANVS *Tit. 1. §. 15.*, nec CAIVS *l. 1. T. 1. §. 5.* haec distinguit, idque passim colligitur ex *l. 5. §. 2. l. 6. et 10. D. qui et a quib. man. et l. 5. C. qui manum. non poss.* Hinc TACITVS cum de Scaeuno scribit *XV. ann. 55.* libertates dedisse, cum *testamento diffideret*, aut in interpretando iure accuratissimus historicus lapsus, aut minus proprie locutus est. SCHVLTING. *ad Caium l. c.*

§. CXVIII.

§. CXVIII.

Ex priori regula fluit : I. valere manumissionem eius, qui amplioris patrimonii fiducia, quam reipsa est, seruos manumittit §. 3. I. b. t. Saepe enim, CAIVS inquit, de facultatibus suis amplius, quam in his est, sperant homines : quod frequenter accedit his, qui transmarinas negotiationes, et aliis regionibus, quam in quibus ipsi morantur, per seruos, atque libertos exercent ; quod saepe, adtriti istis negotiationibus, longo tempore id ignorant, et manumittendo SINE FRAUDIS CONSILIO indulgent seruis suis libertatem l. 10. D. qui et a quib. man. Vna exceptio est in libertate fideicommissaria, vbi solus cumentus sine fraudandi animo sufficit l. 4. §. 19. fin. D. de fideicom. lib. l. fin. qui man. non poss. : non tam, quod fideicomissum nonnisi deducto aere alieno praestetur, (haec enim ratio etiam in libertate directe relicita obtineret §. 3. l. ad l. Falcid. iunct. l. 4. §. 19. cit.), quam quia facilius, et minus durum est impedire libertatem ab herede adhuc dandam, quam indultam annulare.

§. CXIX.

Ex eodem sequitur, II. eum quoque liberum fieri, quem egens debitor cum libertate heredem sibi necessarium instituit, si modo nemo alias ex eo testamento ei heres extiterit; idque ex ipsa lege Aelia Sentia §. 1. I. b. t. HEIN.

HEIN. antiq. l.c. cap. VIII. Nec enim fraudandi animum habet, qui seruum suum heredem nominat, vt soluat creditores, aut si non soluat, vt serui nomine potius, quam suo proprio, bona sub hasta vendantur; quod quam ignominiosum fuerit, locuples testis est *CICERO pro Cluentio XV.*, §. 1. l. cit. Quum vero vel vnius institutio ad declinandam hanc ignominiam sufficiat; si duo pluresue serui ex eadem caussa heredes scripti erunt, solus is, qui primo loco scriptus est, heres et liber erit *l. 60. D. de hered. inst.* Quin, etsi sine libertate seruus heres institutus est, ex ipsa scriptura institutionis tamen libertas eidem competit (96.). Quod generaliter *noua humanitatis ratione* constitutum esse scribit *TRIBONIANVS §. 2. l. b. t.*, qui ipse tamen hoc *non per innouationem* inductum, sed Atilicino iam placuisse ait *princ. l. de her. inst.* Noua scilicet opus fuit humanitatis ratione, vt sententia, etsi iam ante inducta, prope tamen explosa, vim legis obtineret *l. 5. c. de necess. seru. hered. inst.* Ceterum ab ipso domino, qui in fauorem creditorum manumisit, libertatem reuocari haud posse, manifestum est *l. 5. c. de seru. pign. dat. manum.*

§. CXX.

Sed et adolescentia, ob lubricum aetatis *vernarum* et veteratorum blanditiis capta *THEOPH. ad b. t.*, multos seruos plena libertate donauit in sui, ac reipublicae praeiudicium; vnde iam du-

dudum opus videbatur *magistratu magna potestate praedito*, ut eos, qui singulis annis manumittuntur, examinet, qui sint, qua de causa, et quo modo libertatem afferuti sint. DIONYS. IV. 28. Quam ob rem Augustus aetatem, quam manumittendus habere deberet, constituit DIO. CASS. I. V., atque alio capite eiusdem legis Aeliae Sentiae (115.) domino minori viginti annis non aliter manumittere permittit, quam (a) *vindicta*, (b) *apud consilium*, et (c) *iusta caussa manumissionis probata* §. 4. I. b. t. add. l. 4. D. de seru. export. Male igitur cum Theophilo Hottomanus, Vinnius, aliquique pro *vindicta* in textu *si dicta* legunt; vindictam enim omnino praeter caussam in consilio dictam desideratam fuisse suadet Rubrica I. VII. T. 1. C. de *vindicta et apud consilium manumissione*, l. 3. D. de *manum. test.* et CONTII manusc. Etsi vero manumissio per vindictam alias citra caussae cognitionem apud praetorem fieret (100.), a minori tamen ad *consilium* peragenda erat l. vn. §. 2. D. de *off. conf.* Hinc apud GRVTER in *inscript.* p. 621. *Persicus seruus manumissus ad consilium.* Hoc Romae erat confessus praetoris cum quinque senatoribus, et quinque equitibus Romanis VLP. T. 1. §. 12. 13.; qui iidem erant cum decemuiris litibus iudicandis (*Ord. hist. iur. ciu. IV. §. 7.*) NOODT. de *iurisd.* I. c. 12. In prouinciis vero praefide, et XXV. recuperatoribus ciuibus Romanis constabat, et *concilium* seu prouincialis conuentus dicebatur THEOPH. ad h. t. SERVIVS ad Virgil. *Aeneid.* v. 58. cf. ACT. XXV. 12. Atque

que in hoc probandum erat, non inconsulto calore iuuenilis aetatis, sed ex iusta cauſſa manumissionem fieri *I. 102. D. de legat. I. l. 16.* *D. de manum. vind.* Hac vero probata, et recepta, siue vera sit, siue falsa, non retractatur libertas *§. 6. I. b. t.*; res enim iudicata pro veritate habetur *I. 204. D. de R. I.* Ex qua manumissionis forma, et fine legis Aeliae planum est, hanc ad manumissiones testamentarias quoque pertinuisse. cf. *GEBÄVER excurs. III. §. 1. et seqq.* Sed et seruum minorem 30. annis manumissum testamento, quamuis in libertate moratus sit, ciuem Romanum tamen haud factum esse secundum legem Aeliam Sentiam, aut senatusconsultum eidem adiectum, testatur *VLP. T. I. 12. THEOPH. ad §. 4. Tit. praec.* cf. *I. 39. §. 2. D. fam. erc. I. 88. D. de man. test.* Talis igitur Latinus euasit libertinus *VLP. l. c.*

§. CXXI.

Iustae autem manumissionis cauſſae (præter alias innumeras *I. 15. §. 4. D. de manum. vind.*) videbantur: I. *Consanguinitas I. 12. D. de manum. vind.*: vt si quis patrem aut matrem, filium, filiamue, aut fratrem, fororemue naturalem manumitteret *§. 5. I. b. t.*; quod fieri potuit, si quis cum his bello captus mox a domino heres institutus esset. II. *Singularis affectio VLP. II. l. 16. pr. de manum. vind.* in alumnum puta, alumnamue, personas scilicet, quas expositas suscepit quis et enutriuit *PLIN. X. ep. 71. 72.*, aut in collactaneum *§. 5 I. b. t.*, id est, eisdem mammis nutritum, qui et *collacteus*,

seu *collactius* dicitur GRVTER. *in script p. 585. n. 8.* III. *Specialia merita serui in dominum, vt si paedagogo, qui diligentia sua eum redidit meliorem, vt ait AQVILIVS l. 27. D. de donat.*, libertatem praestaret, aut educatori, aut nutrici, qui iure parentum censentur. cf. CIC. *pro Plancio XXXIII. IV. Peculiaris fini;* veluti cum seruum manumitteret procuratoris habendi gratia, modo non minorem annis septendecim, aut ancillam matrimonii caussa §. 5. l. b. t., dum tamen (quod iurato promitti debuit l. 13. D. *de manum. vind.*) intra sex menses vxor ducatur, nisi iusta causa impedit, v. c. sinistra valetudo, mortes parentum, longiores peregrinationes ac necessariae l. 17. D. *de sponsi.* aut si dominus interim senator fieret THEOPH. *ad b. t.*, vtpote qui ex lege Iulia libertinam ducere non poterat. Illud disceptari solet: an procuratoris nomine in §. 5. l. b. t. cit. iudicialis veniat, seu qui ad litem datur: an extra iudicialis. Prior sententia ve- rior est: quoniam procurator extra iudicialis etiam seruus, et minor annis 17. esse poterat l. 7. §. 1. 2. l. 8. D. *de inst. act.* Sane anno 17. completo (plena nempe pubertate l. 14. §. 1. D. *de alim. v. cit. leg.* NORIS. *de cenoe topb. Pisan. Diff. II. p. 114. seq.*) iuuenes iam idonei putabantur reipublicae GELL. N. A. X. 28. l. 57. D. *de re iudic.*; multo magis itaque et procuratoris iudicialis munere. Certe ea aeta te aut paullo maiore etiam Nerua filius de iure responsitasse fertur l. 1. §. 3. D. *de post.*: et gene ratim antiquitas huiusmodi aetati pro aliis postu lare concessit §. vlt. l. b. t. Concedimus equidem mino-

minorem annis 25. non esse idoneum *defensorrem* l. 51. *D. de procur.*, qui citra mandatum domini agit: concedimus porro eundem personam standi in iudicio non habere l. 1. et 2. c. *qui leg. pers.*, nempe in caussa propria; ne vtroque casu, imputato restitutionis beneficio, sententiam reddat elusoriam. Procuratoris tamen partes adhuc iure geret: quoniam ut procurator cum mandato domini res alienas administrans non habet beneficium restitutionis, sed imputari debet hoc domino, qui tali commisit sua negotia l. 23. *D. de min.* Quamobrem, cur Ev. OTTO *ad b. t.* cum LAN. a COSTA *ad Decret.* p. 244. specialem iudicis, aut aduersarii consensum desideret, minime intelligimus. Quia vero, qui septendecim impleuit, inchoat decem et octo annos, confirmat magis, quam impugnat sententiam nostram PAVLVS in l. 13. *D. de manum. vind.* cf. CVIAC. XXII. obs. 16. Ceterum, quae caussae §. 5. l. b. t. recensitae ipsa L. Aelia sentia definitae: quae senatus-consulto adiectae fuerint, obscurum est (115.). Sane, quae matrimonii ineundi gratia admittitur, nequit ex ipsa L. Aelia descendere, quum post eam demum, nempe L. Pappia Poppeia a. v. c. 762. lata, licuerit ciui libertinam duce re; vnde hanc caussam senatum demum admisisse aperte testatur VLPIANVS in l. 13. *D. manum. vind.*

§. CXXII.

Sed posterius hoc legis Ael. Sentiae caput de minorum manumissione conceptum (170) mutauit Iustinianus constitutione, quae in In-

stitutis tantum promulgata fuit §. vlt. I. b. t.; ut id ex vocibus *permittimus*, et *concedimus* iam suspicatus est CVIACIVS arg. §. 10. I. de *testam.*: et ideo in Codice frustra quaeritur. Absurdum Imperatori videbatur, quod quis expleta aetate annorum 14. de omnibus quidem suis bonis testamento disponere, seruo tamen libertatem dare haud potuerit. Verum disparem horum rationem fuisse facile intelligimus (120.) cf. l. 4. in fin. D. ad *senatumconsultum Vellei*. Nec ipse tamen ea aetate libertatis praestationem concessit, ob eamdem, quam antiquitatem fuisse ait, rationem, scilicet: quod libertas res sit inestimabilis (id est, summi pretii TERENT. in *Andr. l. 1. v. 11.*) tum respectu dantis, tum accipientis, tum reipublicae GEBÄVER excurs. III. Medium igitur viam eligens post impletum decimum et septimum annum libertatem seruo dare permittit *in testamento*; quod ea aetate et postulare quem posse antiquitas rata sit. Quae tamen ratio, a damno priuati, quod sua culpa sentiet, ad illud, quod hic reipublicae imminet (120.), ducta, parum apta est Iure denique nouissimo in ipso tempore, in quo licet minoribus testari de alia substantia, licet iisdem etiam seruos suos in vltimis voluntatibus manumittere Nou. CXIX. c. 2., ideoque anno decimo et quarto maribus, feminis vero duodecimo pr. l. quib. non est perm. fac. test. Planum igitur est, Imperatorem, quoad manumissiones inter viuos, hoc in loco nihil mutasse. cf. GEBÄVER l. c. §. 8. seqq.



T I T. VII.

DE LEGE FUSIA CANINIA TOLLEND.

§. CXXIII.

Si tanta erat Romanis profusio in seruorum manumissione inter viuos (106.), nemo mirabitur, multo maiorem fuisse moribundis, adeo, ut integras etiam familias, quae viginti seruorum millia nonnunquam continebant SENECA. *de trang. anim.* VIII. 8. ATHENAEVS VI. *Deip.* 20., libertate donarent; tum quia vniuersim liberaliores sunt homines in supremis tabulis, quam inter viuos SENECA IV. *de Benef.* 22., tum ob superstitionem, tum denique propter superbiam. Audiamus DIONYSIVM HAL. *scio*, inquit, qui tota seruitia testamento libera esse iubarent, ut benignitatis laudem post mortem ferrent, et in funeris elatione letticam eorum magna pileatorum prosequeretur frequentia, in qua pompa quidam erant recens dimissi e carcere, malefici, mille supplicia meriti. Istos plerique cum stomacho adspectant, indignum facinus clamantes, populum usurpantem sibi orbis imperium talibus contaminari ciuibus IV. p. 228. cf. l. I. §. 5. C. *de lat. lib. toll.*

§. CXXIV.

Quam in rem numerum manumittendorum terminauit Augustus SVET. Aug. XL. et quidem lege *Fusia Caninia VLP. l. fragm. 24. PAVL. IV. R. S. 15. (114.)*. Quam non vtique cum GLOSSA ad pr. I. b. t. a *canina inuidia*, sed a consulibus M. Furio Camillo, et C. Cannino Gallo Consulibus latam constat; eamque auctor noster cum plerisque ad a. v. c. 751. refert. Enimuero, cum eo anno nullus Furius consul in fastis occurrat, praeterea non Justinianus modo, sed et iam Vlpianus, Caius, et Iul. Paulus hanc legem Aeliae Sentiac postponant, imo ambarum legum argumenta illam priorem essent suadeant, eam a. v. c. 761. demum, quo Furius primum Consul in fastis reperitur, conditam esse merito suspicatur REIZ. ad Theoph. pr. I. b. t. cf. ord. bist. iur. ciu. V. §. 6.

§. CXXV.

Edictum huius legis eo redit: I. Ut subductis duobus vsque ad X. pars dimidia, a X. vsque ad XXX. pars tertia, a XXX. vsque ad C. pars quarta, a C. vsque ad D. pars quinta manumitti posset, ultra centum nunquam, quantumuis magnus sit seruorum numerus PAVLVS l. c. Curatiorem calculum ex VLP. l. c., et CAI. Inst. I. 2. 1. suppeditat HEINECC. in antiqu. ad b. t.; ex cuius inspectione illud colligere licebit, in impari numero minorem tantum partem manumitti potuisse, veluti ex quinque

que non tres, sed duos: ex septendecim quinque, et sic porro. Itaque nec iure positivo indistinctim obtinet regula: *fauores esse ampliandos, odia restingenda*; scilicet libertas seruo fauorabilis, hic reipublicae odiosa erat cf. *pos. iur. nat.* §. 612. (63.). Eadem lex cauit II. Ut libertates seruis *nominatim* relinquenterunt *VLP. lib. sing. reg. t. 1. de libertis*; eo fine, ut si iusto plures manumissi essent, ii solum, qui priores nominati erant, libertatem obtinerent; posteriores vero, vtpote contra legem vocati, in seruitute retinerentur arg. *l. 5. c. de legib.* III. Sin autem plures non nominatim, sed aut confuse omnes liberi scripti essent, aut in circulo, vt qui prior, qui posterior nominatus sit, non posset agnosciri v. c.

Dauus,

Dromo,

Srychus,

Sylus,

Corius,

liberi sunt; nulli ex his libertas valeret **CAI.** *Instit. l. 2. 1.*, quod rursus manumissio in fraudem legis facta, ideoque nulla esset *l. 5. c. cit.* cf. **MERILL.** VII. *obs. 40.* Ceterum solas manumissiones testamentarias haec lex spe-

etabat; vnde inter viuos, nisi alia caussa impeditret, totam suam familiam libertate donare licuit §. vn. l. b. t. Mira igitur, si fides habenda VOPISCO, Taciti imperatoris religio, qui *manumisit intra centum tamen, ne Caniniam transire videretur. in Tacit. X.*

§. CXXVI.

Sed hanc quoque legem, et si reipublicae utilissimam, velut libertates impedientem, et quodammodo inuidam abrogauit summus libertatis patronus Iustinianus l. vn. c. de leg. *Fuf. Can. toll.* Quae lex cum iam ante Institutiones edita sit; MVRETVS et MARCILLIVS ad b. t. in textu pro *tollenda* malunt legere *Jublata*. Mouit Imperatorem: idem concedendum esse morientibus, quod licet inter viuos §. vn. l. b. t. Parum apte! facilius enim in testamento manumittitur, quam inter viuos (123). Pessime vero glossa, et cum ea plures interpretes generale inde exsculpunt argumentum affirmatiuum a contractibus ad testamentum SCHNEIDEW. ad b. t., cuius falsitatem vel legitimae exemplum docebit. cf. EVERARD. *Top. leg.*





T I T. VIII.

DE HIS, QVI SVI VEL ALIENI IVRIS
SVNT.

§. CXXVII.

Haec de prima hominum partitione ratione libertatis (75.), quam excipit status ciuilis, vi cuius alii sunt *ciues* alii *peregrini*. Hi habebant, quae iuris gentium sunt *I. 17. §. 1. D. 1. D. de poen. I. 15. D. de interd. et releg.* (65.). Illi et iure gentium, et ciuili gaudebant: atque vel *Ciues Romani* proprie erant, vel *Latini*, vel *Itali*, vel *Prouinciales*; quorum iura diuersa eruditat HEINECC. *in antiquit. append. I. 1.* Nihil vero de his differentiis differuit Tribonianus: forsan quod tantum non omnes sublatae fuerint constitutione Antonini Caracallae de iure ciuitatis cum omnibus orbis Romani ingenuis incolis communicando *I. 17. D. de stat. hom.* Vnde et nos ad tertiam progredimur partitionem quoad statum familiae, secundum quem homines vel *sui iuris* sunt, vel *alieni iuris*. *pr. I. b. t.*

§. CXXVIII.

Sui iuris dicuntur, qui nec dominicae, nec patriae potestati subsunt. pr. I. b. t. Hi enim proprium in agendo sequi possunt iudicium, atque imperium quodammodo in se ipsos habent; vnde PLAVTVS ancillam manumissam suam vocat, *in Persa aet. IV. sc. 3. v. 3.*, et apud PERSIVM Sat. V. v. 88. libertinus: MEVS a praetore recessi, et apud LIVIVM formula: *sui iuris. XXXVIII c. 9.* Dicuntur quoque patres, matresuefamilias siue dein puberes sint, siue impuberes *I. 4. D. b. t. I. 193. §. 2. D. de V. S.* Contra alieni iuris sunt, qui vel patriae, vel dominicae potestati succipiuntur. Ac priores filii filiaeuefamilias, hi vero serui ancillaeue audiunt *I. 4. D. b. t.* Ex quo simul intelligitur, hanc diuisionem cum illa in liberos et seruos, haud coincidere, quia nec omnes liberi sui iuris sunt, nec omnes alieno iuri subiecti sunt serui, exemplo filiorumfamilias. Hoc titulo de dominica, sequenti de patria potestate differemus.

§. CXXIX.

Potestas dominica, si ius naturae spectet, est ius operas perpetuas a seruo exigendi, et omnis generis; quod etsi respectu operarum velut dominium concipi possit, cum de earum substantia et consecutiis pro lubitu disponat herus, ipse tamen seruus salua retinet sua iura connata, nec proprie res est, sed persona (*iur. nat. pos. 753.*) Quum vero iure Romano seruus

uus res sit, et quidem mancipi (77.), solis nimirum ciuibus Romanis propria, nemo mirabitur, *potestatem dominicam* iisdem fuisse: dominium Quiritarium, quod domino competit in seruum. *VLP. I. fragm.* §. 16. Vnde axio-
ma est: quae iura domino competit in res, eadem in seruum dantur. Pulcre tamen SENECA: *Errat, si quis existimat, seruitutem in totum hominem descendere: pars melior eius exempta est. Corpora obnoxia sunt, et adscripta dominis, mens quidem svvi ivris.* III. de benef. 20.

§. CXXX.

Itaque I. Domino competit *ius vitae et necis in seruos.* §. 1. I. b. t. Quam potestatem iuris gentium esse, ait Tribonianus, et apud omnes gentes peraeque animaduerti. Quod verum est, si ad statum collisionis referatur, vbi alius non superest seruum coercendi modus, (*iur. nat. pos.* 764.). Nec alia reapse mens legum Romanarum fuisse videtur, quam ut hoc ius patrifamilias tamquam iudici domestico impertirentur, de quo ne suspicari quidem licuit, cundem seruis, ut nobilissima patrimonii parte, abusurum esse in proprii sui patrimonii detrimentum. Ideo et in seruorum suppliciis ordinem iudicii obseruatum fuisse colligimus ex *IUVENALI sat.* VI. v. 218.; licentiam vero in eos faciendi *iura vulgaria*, id est, in vulgi cerebro nata, vocat SENECA *V. controv.* 34. Sa-

ne

ne Romani mancipia seruare, quam occidere maluerunt §. 3. *I. de iur. pers.*, ac sapientiores ob insitam genti Romanae humanitatem seruos, vtpote ex eodem semine natos, moliter habendos esse praecipiebant, familiares vocabant, saepe honorum titulis suis inferebant sepulcris *SENEC. ep. 47.* et *I. de clem. c. 8.* *PLVT. in Coriolan.* *PLIN. V. ep. 19 et VIII. ep. 16.* Atque eo etiam sensu solummodo verum erit, quod Tribonianus monet in §. 1. *I. b. t.*, potestatem vitae et necis omnium gentium moribus receptam esse; non vero si promiscua subintelligatur in serui vitam saeuendi licentia: vt de Parthis *IVSTIN. IV.*, de Lacedaemoniis *PHILOSTRAT. in vit. Apoll. X.*, de Atheniensibus *XENOPHON de Rep. Athen.* teſtantur. cf. *BODINVS de Republ. I. c. 5.* Cum porro omnis res in domino existens valorem, ac pretium habeat, ideoque permutari possit, etiam II. Serui erant in commercio; hinc quo-cunque actu inter viuos, aut vltimae voluntatis in alios transferri potuerant. Id quod, nisi seruus vtroneus fuerit, qualis Romae haud erat (82.), iustitiae naturali minime aduersari diximus in *iur. nat. pos. 758.* Vnde assiduam, et quotidianam seruorum comparationem fuisse testatur *MARCIANUS l. 44. D. de usurp. et usurcap.* Erat autem ordinarium seruorum premium 20. solidorum, sin aliqua arte praediti 30., sin notarii 50., medici 60., sin eunuchi essent ad 70. vid. *l. 1. §. 5. C. de comm. seru. manum.* Denique, cum dominus ius habeat in omnia rei suae consecaria, etiam III. Serui nihil sibi acquirebant, sed omnia domino

§. 1.

§. 1. l. b. t. 1. 10. §. 1. D. de adq. rer. dom.
Immo hoc naturale est, vt omne emolumen-
tum ex operis serui domino cedat (*iur. nat. pos.*
753.). Sed de hoc infra libr. 2. T. 9.

§. CXXXI.

Enimuero ius illud puniendi sensim in
tam saenam degenerauit licentiam, vt alii
noua indies excogitarent supplicia, quibus
crudelem pascerent animum, *stimulos, laminas,*
crucesque, compedesque, neruos, catenas, carceres,
numellas, pedicas, boias, vt leonidas ait apud
PLAVT. *Afin. act. 3. Sc. 2. v. 4. seq.*, alii ob
leues noxas seruos in crucem tollerent HORAT.
I. sat. 3. v. 80., alii bestiis obiicerent *l. II.*
§. 1. D. ad *l. Corn. de sicar.*, aut ad pugnan-
dum pararent LACT. *VI. I. D. 12.*, omnia de-
nique in *seruos licere* putaretur SENECA *I. de*
clement. 18. Vnde tritum illud: *quid non iu-*
stum domino in seruum? DONATVS *ad Terent.*
Andr. act. 1. Sc. 1. v. 9. cf. IVVEN. Sat. VI.
v. 219. PLIN. *IX H. N. 23. TERTVLL. de pal-*
lio in fin. Impune haec omnia sub libera re-
publica SENECA *I. de clem. 18.*, tum quod
seruis passim hostilis tribueretur animus, vt in
prouerbium abiret, *quot serui tot hostes* SENECA
ep. 47., et FESTVS VOC. *quot serui*, tum quod
ingens seruorum copia vix sine rigida disci-
plina in officio contineri posse videretur ATHE-
NAEVS *VI. Deipn. c. 20.* Denique quod ser-
ui rerum instar ac iumentorum haberentur (80.).
Enimuero cum non omne, quod licet, etiam
honestum sit, et reipublicae intersit quoque,

nc

ne quis re sua male vtatur §. 2. l. b. t., Cae-
fares sensim potestatem hanc restringere cepe-
runt, maxime, quod despoticō huius exerci-
tio imperatoriae dignitati haud parum deroga-
ri videretur. Quam ob rem primum Augustus
Vedii Pollionis crudelitate motus, qui seruum
ob chryſtallinum fractum in pīscinam abiici ius-
ſerat SENECA. III. de Ira. 40., cauit, vt seruos
de dominis querentes Praefectus vrbi audiat,
ſi ſaeuitiam, ſi famem, qua eos premant, ve-
recunde exponant LIPS. ad Senec. de benef. III.
22., l. 1. §. 1. et 8. D. de off. praef. vrb. Po-
ſteſa ſecutum eſt ſub Claudio ſenatusconsuſtum:
vt ſerui expositi liberi eſſent, quod ſi quis ne-
care quem mallet, quam exponere, caedis cri-
mīne teneretur SVET. in Claud. XXV. DIO. LX.
29. l. 2. D. qui fin. man. (Ord. biſt. iur. ciu.
V. §. 14.) paullopoſt vero cauit L. Petronia: ne
ad bestias depugnandas domini ſuo arbitrio
ſeruos traderent l. II. §. 2. D. ad l. Corn. de
ſiccar. (Ord. biſt. iur. ciu. V. §. 7.). Tum
Hadrianus rescripsit: ne ſerui a dominis ocei-
derentur, ſub poena legis Corneliae, ſed dam-
narentur a iudicibus ſi digni eſſent; neue ſine
cauſa lenoni, aut lanistae venderentur SPART.
Hadr. XVIII. l. 4. §. 2. D. ad l. Corn. de ſic. l.
2. in fin. D. b. t. (Ord. biſt. iur. ciu. VI. §. 2.).
Successit constitutio D. Pii, quae ſeruos, qui
ob intolerabilem ſaeuitiam dominorum ad ſta-
tuas principum confugiffent, venire iuſſit bonis
conditionibus, id eſt, non adpoſitis duris pa-
etionibus, puta vinculorum, perpetuae ſeruitu-
tis, vt olim conſueuit l. 25. D. de ſtatulib.
THEOPH. b. t. cf. CYRIL. Inst. b. t. §. 2. n. b.
et


et BRISSON. *IV. antiq.* 2.; quod ius asyli cum aedes sacrae accepissent ab Honorio et Theodosio *Tit. C. de his qui ad eccl. conf.* verba *ad Aedem sacram* ANTONINO addidit TRIBONIANVS in §. 2. *I. b. t.* iunct. VLP. *T. 3. §. 3.* in *collat. leg. Mos. et Rom.* CVIAC. *ad b. t.* Relicta tamen dominis seruorum castigatio, qua, si pro modo culpae affecti, casu moriantur, id domino impune sit *CAL. I. fragm. T. 5. et PAVLVS Tit. 3. collat. leg. Mos. et Rom.* Denique et CONSTANTINV M. homicidii reos pronuntiauit dominos, qui seruos suos consulto occidissent, saluo tamen castigandi iure *I. vn. C. de emend. seru.* Sane ius puniendi seruum nec iure naturali denegatur, immanis tamen saeuia, alio deficiente medio, etiam fuga declinari poterit (*iur. nat. pos. 764.*). Vere igitur SENECA: *quum in seruum omnia liceant, est aliquid, quod in HOMINEM licere COMMUNE IUS animantium vetat I. de Clement. 18.* cf. *ad Coloss. IV. 1.*

§. CXXXII.

Qui hodie in Germania occurruunt homines proprii, atque in Austria subditi, quoniam non rebus, sed personis accensentur, proprio fruuntur patrimonio, sibi ipsis adquirunt, nec in commercio sunt: velut glebae adscripti tamen cum ipso fundo iure alienantur (85.). Ob eamdem caussam inualuit ius domini controvuersias subditorum componendi, refractarios coercendi, puniendi porro facinorosos. Vnde ennata est *iurisdictio patrimonialis* HEINECC.

elem.

elem. iur. germ. §. 41. Haec in Austria partim *civilis* est, vi cuius lites subditorum in prima instantia definiunt, leuiores muletas irrogant, actus legitimos corrobant, et sportulas recipiunt lege definitas *Voss. l. c. §. 130. seqq.* *DONNER l. c. p. 457.*: partim *criminalis*, ius scilicet grauiores poenas etiam capitales delinquentibus infligendi; modo haec potestas aut infeudatione, aut alio legitimo modo adquisita doceri possit. *Constit. crim. Therese. Art. XVIII. §. 3. et 8.*



T I T. IX.

DE PATRIA POTESTATE.

§. CXXXIII.

Praeter seruos, etiam filii, filiaeque familias alieni iuris sunt, quoniam patriae potestati subiiciuntur (128.), de qua iam nunc agendum.

§. CXXXIV.

Cum liberi iure connato gaudent, parentes non insito tantum naturali amore, sed et pacto coniugali perfecte tenentur eosdem *edu-*
care,

care, ideoque efficere, ut adolescent, et actiones suas ad veram felicitatem componere valeant. Enim uero id ipsum, quamdiu in immatura aetate versantur, nequeunt; hinc sola ratione iam intelligitur *virique parenti ius competere dirigendi actiones liberorum*, seu *parentalem potestatem*. Merito itaque POMPONIUS iuri gentium adscribit: *ut parentibus pareamus l. 2. D. de l. et l.* PLIN. panegyr. XXXVIII. Quia vero naturalis haec potestas vnicce ad *finem*, scilicet educationem, pertinet, et naturali liberorum *minorenitatem* circumscribitur: iure Romano contra soli *patri* propria, *tota* liberorum aetate duratura *l. 8. D. b. t.*, et tam insignibus, ut hoc titulo videbimus, *amplificata* est iuribus; verum est, quod TRIBONIANVS, ad has determinaciones, seu formam, respi- ciens, obseruat: *Ius autem potestatis, quod in liberos habemus, proprium est ciuium Romano- rum: nulli enim alii sunt homines, qui TALEM in liberos habeant potestatem, QVALEM nos ha- bemus* §. 2. I. b. t. Quod instituta comparatione cum Graecis comprobat DIONYS. HALI- CARN. II. p. 96. Quam grandem potestatem, diutissime vigentem, hinc procul dubio genio populi congruam, iam Romulus, insito patrum amori confisus, atque periculosa educationis alea motus, instituit. DIONYS. l. c. cf. SIM- PLIC. ad Epi. Et. enclir. c. 37. Vnde eam legi regiae adscribit PAPINIANVS libr. sing. de adult. in collat. leg. Mosaic. T. 4.; quae leges, cum regibus exactis, morum nomine venirent (*Ord. hist. iur. ciu. Il. §. 2.*), patet, cur eandem mo- ribus

*ribus tribuat VLPIANVS l. 8. D. de bis qui
sui vel al. iur.*

§. CXXXV.

Vt vero haec potestas penitus intelligatur, tenendum est: filios familias ratione *aliorum* fuisse quidem ingenuos, ciues, ideoque et personas, quo ipso differebant a seruis (77.): a ratione *patris*, perinde ac serui, accensebantur rebus. Et enim (a) liberi *mancipabantur* CAI. I. T. 6. §. 3.; erant igitur *res mancipi*, utpote quae solae sollempni hoc ritu tradebantur. Nec obstat, quod ab VLPIANO I. 19 §. 1. inter eas non referantur: quoniam eius aetate iam exoleuerat liberorum alienatio. Tum (b) si surrepti essent, pater perinde ac in rebus, actionem furti habebat I. 14. §. 13. D. de furt., (c) amissi vero rei vindicatione adiecta causa ex lege Quiritium peti poterant I. 1. §. 2. D. de R. V. Vnde (d) in XII. Tab. quoque eosdem rei nomine venisse in illis verbis: *Paterfamilias vti legassit super pecuniae tutelaeue REI suae; ita ius esto*, probabile est. GOTHOFRED. ad Tab. IV. Sed (e) et SERVIUS ad Virgil. tradit: quod filii *serui loco sint patri* XI. Aeneid. v. 143., et SEXTVS EMPIR. eos instar seruorum esse, inquit in pyrrh. hyp. III. 24. Denique et DIONYS. filium *seruum patris* vocat. I. 28. add. LIBAN. Declam. XXXVII. SENEC. Controu. III, 18.

§. XXXVI.

§. CXXXVI.

Ex his concludimus, patriam potestatem Romanis fuisse *dominium Quiritarium*, quod patri competit in liberos. Adposite LACTANTIVS: *Dominiū eundem esse*, qui sit pater, etiam iuris *civilis ratio demonstrat*. Idem seruus, qui et filius, idem dominus, qui et pater. IV. I. D. 3. cf. l. 199. D. de V. S. Quae potestas, cum solidis ciuibus Romanis (134.), et in liberos velut res mancipi daretur (135.), *Quiritarium* dominium audit. Matri vero vel ideo competere haud poterat, quod ipsa in *manu*, ac *mancipio* mariti, eidem in *omnibus obsequens*, sicut *filia et suus heres* esset. GELL. XVIII. N. A. 6. DIONYS. II. 26. TERENT. *Andr.* I. 5. v. 60. Pietas tamen utrique parenti aqua debebatur l. 4. D. de curat. fur. Displacet equidem haec patriae potestatis notio cl. GEBAVERO in *Diss. de patr. pot.* §. 2. /eqq.: quod PAVLVUS in l. 215. D. de V. S. eamdem a dominio in seruos expresse distinguat. Verum vti claris veterum testimoniis cum minime satisfecisse opinamur, ita Paulus haud negat eandem esse in liberos, ac seruos potestatem, sed latiorem hanc vocem, si ad patres referatur, speciali nomine *patriae potestatis*, si ad seruos, nomine *dominii* determinari; nec de verbis litigamus, modo concedatur, effectus potestatis patriae effectibus dominicae haud esse inferiores. cf. MERILL. I. obs. 40. Iure naturali vero, cum liberi haud res sint, etiam potestas in eos velut dominium concipi nequit (*iur. nat. pos.* 739).

§. CXXXVII.

Generalis igitur iure Romano patriae potestatis effectus erat: eamdem potestatem patri competere in liberos, quae domino conceditur in res suas, ac seruos. Vnde iam cetera iura specialia facili ratione deducentur.

§. CXXXVIII.

Nimirum I. competebat patri ius vitae et necis in filium *l. 11. D. de lib. et postib. siue in carcерem eum detrudere, siue flagris caedere, siue vincitum ablegare ad opera rustica, siue necare libeat.* DIONYS. HALIC. II. 27. Non quasi pro lubitu enecare potuisset liberos, sed quemadmodum seruorum (130.), ita et liberoscerala, velut iudex domesticus, seruato ordine iudicario, iustis suppliciis vindicare poterat. *Quia vtile est iuuentuti regi,* ait SENECA, *imposuimus illi, quasi domesticos magistratus.* III. de benef. 11. Sane ex lege Romuli, augendae ciuitatis studiosissimi, nonnisi mutilos, ac. monstruosos partus occidere, aut exponere, adhibito quinque vicinorum testimonio, licuit DIONYS. II. p. 88., et ex XII. Tab. tantum insiginem ad deformitatem puerum necare permissum est. T. IV. De reliquis itaque liberis obtinuit, quod obseruat SOPATER: *licuit ipsi, cum pater esset, filios interficere, nempe si quid peccatum esset: nam lex id ipsi permisit, ideo, quia credidit integrum iudicem fore.* Nec aliter primi-
tus hoc ius exercitum fuisse innumera compro-
bant

bant veterum exempla, velut Cassii apud **VAL.**
MAX. VIII. c. 8. n. 2., Fabii Eburni apud **QVIN-**
TIL. III. *Declam.* 17., Fuluii apud **SALLUST.** *bell.*
Cat. XXXIX., et T. Arii apud **SENEC.** I. *de clem.*
 15.; omnes enim hi non facua licentia, sed cognita domi caussa, adhibito consilio, damnariunt liberos delinquentes. Add. **VAL.** **MAX.** V. c. 8. n. 1. Inde Pater *iudex domesticus* **SENEC.** II. *controu.* II., *domesticus magistratus* **SENECA** *de benef.* III. 2., et *Censor filii* **Svet. Claud.** XVI., patria potestas autem *patria maiestas* **LIV.** IV. 45. audit: inde quoque domus, velut angusti regni, sanctitas **Cic. pro dom.** XLI., et paterfamilias in ea *legislator* **Grot. flor. spars. ad tit. D. de legat.** p. 292. Etsi enim olim iam rex, ac populi Romani magistratus iudicarent inter ciues, liberorum tamen litigia, ut seruorum iurgia, regiam maiestatem dedecere, et patribus familias relinqua esse videbantur. **SENEC. de benef.** III. II. II. Poterat pater iam ex lege Romuli ter venumdare filios **DIONYS.** II. 28., nisi, quod Numa addidit, filius despontatus esset. **PLVT. in Numa** p. 67. 71.; fallitur itaque **ALEXANDER** ad *Caium I. Instit.* 6. §. 3., qui imaginariam hanc venditionem fuisse putat. Idem ius in XII. Tab. abiit: *si pater filium ter venumduit, liber esto.* Tab. IV. Quod cum **RAEVARDO** c. 3. *ad leg. XII. Tab. ad imaginariam venditionem*, in emancipatione adhiberi solitam, minime trahi posse vel inde constat, quod haec tanquam legis actio demum post duodecim tabulas ceperit (69.). Nec satis firma est **GEBAVERI** in *cit. diff. de patr. pot. interpretatio*: filium

obaeratum solum vendi potuisse creditori, ut opera eidem satisfaceret. Nihil enim de hac restrictione DIONYSIUS *l. c.*, aut alias scriptor idoneus meminerunt; immo absurdum tunc fuisset CONSTANTINI edictum: ut liberos sanguinolentos saltem vendere liceret *l. 2. c de patr. qui fil.* Ut dominus igitur liberorum id facere potuit. Quin maiorem hac in re fuisse potestatem patri in filium, quam hero in mancipium, verissime obseruat DIONYS. HALLICAR. *Servus enim semel venditus, deinde libertatem adeptus, imposterum sui iuris est. Filius vero post tertiam venditionem eximebatur e patris potestate II. 28.* In eo tamen melior erat filii, quam serui conditio, quod, alienatione non obstante, salua retinuerit ingenuitatis iura (91.). Sed et apud Hebraeos licita erat certo modo liberorum venditio *Exod. XXI. 7.*, quam tamen *ius naturale extra collisionem ignorat (pos. 730.)*. III. Potuit liberos, perinde ac seruos, ob delictum priuatum noxae dare, id est, laeso in satisfactionem tradere, nisi mulctam soluere mallet § 7. *I. de nox. act. l. 33. et 34. D. eod.* Attrauen veluti addicti non efficiebantur serui, sed noxam farciendo dimittendi, nec minus tamen ingenui erant (91.). CVIAC. XIII. *Obser. c. 9.* Iure naturali pater ex facto vnice a filio patrato non tenetur (*pos. iur. nat. 193. et 387.*), hinc corruit quoque noxae deditio. IV. Liberi olim, aequre ac serui (130.), quidquid ad eos peruererat, adquirebant patri, §. 1. *I. per quas person. cui. adq. Omnia patris sunt, inquit SENECA, quae in liberorum sunt manu. VI. debenef. 4.* Contra in statu naturae, quin liberi, sumtibus educatione-

cationis detractis, sibi quoque adquirere possint, nihil omnino vetat (*pos. iur. nat.* 736.). **V.** Non solum filii, filiaeque in patris, sed et ex *filio* nepos, et neptis, pronepos, et pro-neptis, et deinceps ceteri sub potestate aui, aut proaui paterni erant §. 3. *I. b. t.*; tum quod velut accessorium rei, id est, filii haberentur, tum quod filius, ipse patris potestati subiectus, alium sub eadem habere haud posset *I. 21. D. ad I. Iul. de adult.*, idque interpretatione prudentum introductum videtur *I. 4. §. 2. D. de in ius voc.* cf. MERILL. *II. obseru.* 4. Ita Sincinius Amicus superstite patre mortuus liberos *in potestate aui paterni reliquit.* **APULEI.** *Apolog.* Imo naturale est, ut qui ipsi adhuc parentum egent imperio, eorumque consensu nuptias contrahunt, liberos quoque suos eorum submittant potestati, quum ipsi educationi superesse nequeant. Laxius tamen erat nepotis, immo et filiae vinculum, quam filii in venditione ac mancipatione *VLP. T. 10. iunct.* *I. 8. §. 1. D. de ini. rupt.*, in praeteritione *I. 29. §. 10. D. de lib. et postb.*, aliisque **SENECA** *IX. controu.* 5. Ast ex *filia* natus patrem suum sequebatur, aut auum *paternum* *I. 19. D. de stat. bom.*, cum ipsa e patris potestate in manus mariti veniret. *Vt virgo*, ait QUINTILIANVS, *pertinet ad patrem, tamen nupta pertinet ad maritum.* *Declam.* 259., *I. 195. §. ult. D. de V. S.* (136.).

§. CXXXIX.

Porro, cum filius ratione patris res esset, non persona (135.), sequitur: **VI.** *Vt pater cum*

filio in *negotiis priuatis* vna tantum persona
 esse intelligeretur *l. vlt. C. de imp. et al. subst.*
§. 4. l. de inut. stip., in publicis contra, cum
 ad ciuitatem referretur, persona, imo pater-
 familias censebatur. Vnde in publicis locis,
 atque muniberibus, atque actionibus patrum iura
 cum filiorum, qui in magistratu sunt, poten-
 tibus collata interquiescere paululum, et con-
 niuere obseruat GELLIUS *II. N. A. c. 2. add.*
 VALER. *Max. V. 7. et DIONYS. II. c. 27.* Ita
 filiusfamilias magistratum gerens cogere potuit
 patrem adire hereditatem, nam quod ad *ius*
publicum attinet, non sequitur ius patriae po-
testatis l. 13. §. vlt. et l. 14. D. ad sct. Tre-
bell. Inde quoque VII. nulla inter patrem et
 liberos lis, nulla actio *l. 4. D. de iudic.*, nulla
 VIII. obligatio, aut conuentio esse poterat *§. 6.*
l. de inut. stip. Nemo enim sibi ipsi debere,
 secum ipso contrahere potest. Porro valebat
 IX. pater, quemadmodum rerum suarum pro-
 curatorem, ita et liberis testamento tutorem
 dare iam ex *leg. XII. Tab. T. V.*, *l. 1. D. de re-*
stam. tut. Denique X. in priuatis caussis vix
 vllum negotium liberorum subsistebat citra pa-
 tris consensum: velut nuptiae *pr. I. de nupt.*
mutuum l. 1. iunct. l. 12. D. ad sct. Maced.
 aliaque, de quibus suo loco dicemus. Ceterum
 ipsum quoque ius naturae, licet fictam illam
 vnitatem personae ignoret, liberos tamen, dum
 parentibus ob imbecille iudicium subsunt, in
 suis actionibus ab eorum pendere arbitrio praec-
 cipit (*iur. nat. pos. 735. et 740.*). Ideo et apud
 Hebraeos pater filiae suae votis poterat inter-
 cedere *Numer. XXX. 3.*

§. CXL.

§. CXL.

Sed iam antiqui huius iuris vicissitudines videamus. Ac imprimis quo tempore a iure vitae et necis, nec non iure exponendi liberos discessum sit, acris est inter BYNKERSCHOEKIVM de iur. occid. lib., et NOODTIVM in Iulio Paulo disceptatio, quam huius *amica responsio*, et illius *curae secundae* terminarunt. Moribus nempe Romanorum in peius ruentibus iure illo, a Romulo indulto (138.), iam coniugis odio, iam inopia rei familiarisiam, mali ominis caussa adeo abutebantur saeui patres, ut passim infantes aut enecarent, aut exponerent, idque impune non sub libera republica tantum SENECA V. contr. 33. TACIT. mor. germ. XIX., sed et sub principatu Septimii Seueri adhuc, ut colligitur ex scriptore eius aetatis TERTVLLIANO Nation. I. 15. et in apologetic. c. 9.; quin sub ipso Constantino viguisse infandum hunc morem LACT. VI. D. I. c. 20., nec ab eo, cum tam altas radices cepisset, vna falce resecatum, sed huius sceleris caussas saltem sublatas fuisse ex l. I. C. Theod. de alim. quae inop. par. pet. deb., et l. vn. C. Theod. de his, qui sangu. emt. vel emt. accep. probabile est NOOD. Iul. Paul. c. 5. et GEBAVER diff. cit. c. 2. §. 5. Valens demum et Valentinianus, ut quidem constat, vindices dederunt infantilis sanguinis leges l. 8. C. ad l. corn. de sicar. l. 2. C. de inf. expos. Adulutorum vero iudicia, cum magis incurrent in hominum oculos, frequentia licet sub libera republica, sub imperatoribus tamen ob principatus reuerentiam rariora erant; et postquam iam Traianus filium, quem pater male

contra pietatem afficiebat, coegit emancipare l. vlt. D. si quis a par. manum., Adrianus porro deportasset patrem, qui filium latronis magis, quam patris iure interfecit l. 5. D. de leg., Alexander Seuerus rescripsit Artemidoro, ut filium, si pietatem patri debitam non agnouerit, castigare: et, si in pari contumacia perseuerauerit, praesidi prouinciae offerre possit, edituro sententiam, quam pater dici voluerit l. 3. C. de pat. pot. Tum Constantinus libero-rum occisionem, velut paricidium, graui sanctio-ne poenali inhibuit l. vn. C. de his, qui par. vel lib. Valentinianus demum Seueri rescriptum generali constitutione firmauit l. vn. C. de emend. prop., Deuteron. XXI. 18.

§. CXLI.

Alterum ius scilicet vendendi liberos quin ad-huc sub Decemuiris obtinuerit, non est quod dubitemus (138.). Quum tamen veteres annales vix exemplum habeant huiusmodi venditionis, eam infrequentem fuisse concludimus. Qua vero aetate sublata sit, monumentorum defectu defini-niri accurate nequit. Id ante Diocletianum, forte ab aetate Adriani factum esse, tum ex ant-e-riorum iureconsultorum fragmentis l. 39. §. 3. D. de euict. l. 34. §. 1. et 2. D. de cont. emt. vend. l. 15. C. ad l. Fab. de plag., tum ex ipsius Diocletiani constitutione coniicit BYNKER-SCHOEK l. c. c. 6. Is enim liberos a parenti-bus in alium transferri haud posse manifestissi-mi iuris esse rescribit in l. 1. C. de patr. qui fil. su. distr. Dein Constantinus, ne patres inopia pressi, cum vendere haud possent, ex-pone-

ponerent liberos, *l. 2. C. eod.* statuit, vt propter nimiam paupertatem vendere liceret liberos *sanguinolentos*, id est, recens natos *lib. 5. C. Theod. T. 7. l. 1.*, seu *a matre rubentes*, vt vocat *IVVEN. VII. sat. v. 196.* Immo paullo-post, vt ne hac quidem venditione opus esset, tum liberos inopes, tum parentes e publico ali iussit *l. XI. C. Theod. T. 27. de alim. qua e inop. par. de publ. pet. deb.*

§. CXLII.

Sed et ius acquirendi per liberos pro diversitate peculiorum restrictum fuisse dicemus *lib. 2. T. 9.*

§. CXLIII.

Denique et noxae datio, quamuis eius fero adhuc iniiciatur mentio in *l. 5. §. pen. D. de obl. et act. l. 3. §. 4 D. de lib. bom. exhib.*, omnino sublata fuit *§. 3. I. de nox. act.* Qua de re *lib. IV. T. 3. agemus.* Iure germanico liberi non vt res, ideoque nec patria iura velut dominium considerantur, sed vt facultas tuendi personas, et res liberorum, qui se ipsos defendere nequeunt, naturali iure concessa. *HEINECC. elem. iur. germ. §. 138.* Idem obtinet iure Austriaco. Vnde sublatis illis iuribus, quae ex dominio Quiritario tantum deriuantur, velut iure occidendi, venumdandi, noxae dandi, cetera, quae ex naturali educandi obligatione promanant, firma adhucdum perstant, velut ius tutorē nominandi, pupillariter substituendi, interponendi consensum in grauioribus negotiis

gotiis v. c. sponsalibus; ut suis locis obseruabimus. cf. Voss. l. c. §. 206. et seqq.

§. CXLIV.

Quemadmodum vero potestas patria iure Romano in aliis, ita et in modis eamdem adquirendi (81. seqq.), analoga est potestati dominicae (§. 137.). Nam et liberi vel nascuntur, vel fiunt. **NASCVNTVR** ex *iustis*, id est secundum leges initis, *nuptiis*; modo legitimo tempore procreentur, quod auctoritate Hippocratis a nuptiis breuissimum est septimus mensis *l. 12. D. de stat. hom.* saltem inchoatus, seu 182. dierum teste Vlpiano in *l. 3. §. 12. D. de suis et leg. hered.*, longissimum vero a morte mariti mensis decimus completus *l. 3. cit. §. 11. GELL. III. 16.* cf. NOODT. ad *D. l. T. 6.* **FIVNT** vel per *legitimationem*, vel per *adoptionem pr. l. b. t.*



T I T. X. D E N V P T I I S.

§. CXLV.

Potestas patria, vt in *iure naturali* obseruavimus pos. 729., proxime ex obligatione educandi, remote autem ex generatione deducitur; ad quam quum ipsi stimuli congeniti nos iam

iam impellunt, maris et feminae coniunctionem iuri naturali omnibus animantibus communi adscribit VLPIANVS in *I. I. §. 3. D. de I. et I.* Enimvero haec prima naturae recta ratio adprobat, et secundum sapientissimi auctoris naturae fines suis dirigit regulis: vnde matrimonium iuri naturali morali quoque proprium, et respectu totius generis humani praeceptum esse diximus (*iur. nat. pos. 700.*). His porro regulis non modo Diuinus Saluator nouas addidit determinationes eleuando contractum matrimoniale ad sacramenti rationem *V. ad Ephes. v. 32.*, verum et ecclesia *ad digne suscipiendum hoc sacramentum*, et imperans ciuilis ad finem ciuitatis melius obtinendum suas adiunixerunt sanctiones: ita et leges DIVINAE tam *naturales*, quam *positiuae*, tum HUMANAE siue *ecclesiasticae*, siue *ciuiles* pro obiecto habent nuptias.

§. CXLVI.

Atque nuptiae, inde dictae, quod olim nouae nuptiae caput obnubere flameo solebant FESTVS voc. *nuptiae* SENECA in Octau. v. 702. I. iure naturali sunt coniunctio personarum diversi sexus sobolis procreandae, et educandae caussa inita (*iur. nat. pos. 697.*); ex quo fine intelligitur, eam esse societatem naturaliter indissolubilem, etsi ratio sibi relicta dissolucionem vinculi ob varias caussas non omnino prohibeat (*iur. nat. pos. 723.*). II. Iure diuino posituo haec coniunctio (a) ad dignitatem sacramenti eleuata, sacramentum hoc magnum est, inquit APOSTOLVS, ego autem dico in Christo es in ecclesia V. ad Ephes. 32., (b) repro-

reprobata polygamia simultanea MATH. XIX.
 6. SYNOD. TRID. sess. XXIV. can. 2., atque (c)
 indissolubilis matrimonii nexus institutus est
 MATH. l. c. v. 7. et 9. III. *Iure ecclesiastico*,
 praeter alia, solis laicis propria est. Postquam
 enim APOSTOLVS monuisset: *volo vos autem
 sine sollicitudine esse. Qui sine uxore est, solli-
 citus est, quae domini sunt, quomodo placeat
 Deo. Qui autem cum uxore est, sollicitus est,
 quae sunt mundi, quomodo placeat uxori, et
 diuisus est* I. Cor. VII. v. 32., iam a primis ec-
 clesiae saeculis tam apud Graecos, quam Latini-
 nos saltem consuetudine continentia sacris or-
 dinibus adnexa THOMASIN. vet. et nou. discipl.
 P. I. l. 2. c. 60. seqq., a SIRICIO pontifice de-
 dum sub finem saeculi quarti decreto firmata
 est, quem porro alii secuti sunt pontifices et
 concilia. Epist. ad Himer. cap. VII., Concil.
 Carthag. II. can. 2., INNOCENT. I. apud Grat.
 D. XXI. c. 4. Permittit tamen Graecis adhuc
 hodie ecclesia, vt Clerici, praeter episcopum,
 vxoribus, ante ordinationem ductis, cohabiti-
 tare possint c. 6. de cler. coniug. Ex his pa-
 tet, iniquos vtique esse protestantes, qui an-
 tiquam hanc, et ipsis Apostolis probatam con-
 suetudinem velut nouam, et puriori primae
 ecclesiae incognitam proscindunt. Sunt vtique
 et inter ipsos praebendae hereditariae ea con-
 ditione erectae, vt prouisus e familia caelebs
 maneat; sunt et praelaturaे mediatae, quae
 non aliis, quam caelibibus conferuntur. H.
 BOEHMER iur. eccl. prot. l. 3. T. 3. §. 24.
 IV. Romanis denique nuptiae sunt: *coniunctio
 maris et feminae, consortium omnis vitae, di-
 uini*.

uini, et humani iuris communicatio l. i. D.
de R. N. Quod vt intelligatur, sciendum est,
nuptias apud Romanos factas esse vel ita, vt
vxor conueniret in manum mariti, vel sine in
manum conventione dotalibus instrumentis con-
fectis. Prius siebat tribus modis, vt habet
*BOETHIVS ad Top. Cicer. 3., vſu, farre, coem-
tione SERV. ad Virg. Georg. I. v. 31. Atque*
Confarreatio, a Romulo instituta, erat ritus,
quo certa verborum formula, testibus decem
praesentibus, et sollemni sacrificio, in quo
panis farreus adhibebatur, vxor conueniebat
in manum mariti DIONYS. II. p. 95. VLP. IX.
fragm. I. X. 13. et XXII. 14. Huius effectus
*principiū erant: (a) Sacrorum communio DIO-
NYS. HALIC. l. e., id est, deorum penatum, qui*
cuius familiae proprii fuerunt: utrisque igitur
tunc simulacra haec dedicata PLVT. quaest Rom.
II. p. 276., arctissimae coniunctionis signum et
successionis spes videbantur; ideo et pontificum
auctoritas in ad eam necessaria erat CICERO de
leg. II. 19., et nuptiae diuini iuris communicatio
tum omnis vitae consortium seu individua vitae
consuetudo §. I. 1. de pat. pot. dicebantur: (b) Ut
*vxor in manum mariti veniret, fieret materfami-
lias, filiae loco, et heres sua esset DIONYS. l. c.,*
adeo, vt patris potestate liberaretur VIRGIL.
IV. Aeneid. v. 103. CAII apud collat. leg. Mos.
et Rom. T. 16. (136.): (c) Ut marito omnia
dotis nomine cederet CICERO Top. IV. TERENT.
Andr. I, 5. v. 60. Arque hoc sensu nuptiae erant
quoque humani iuris communicatio. Male vero
a quibusdam hoc refertur bonorum communio,
quae hodie in Germania obtinere solet. Haec
enim

enim Romanis incognita *l. 8. C. de pact. conuent.*, nisi speciatim inita fuisset *l. 16. §. vlt. D. de alim. leg. l. 17. §. 1. D. sol. matr.* (d) Ut non dissolueretur tale coniugium nisi diffareationis ritu sacro FESTVS voce: *Diffareatio*, et quidem auctoritate pontificum: res rarissima et difficilima, nec ante a. v. c. 520. cognita DIONYS. *l. c. GELL. IV. 3.* Alter ritus erat *Coemtio*, qui olim ipsi confarreationi, velut accessorius, iunctus fuisse videtur CICERO *pro Flacco XXXIV*. Neglecta vero confarreatione iam a Tiberii aetate TACIT. *IV. annal. 16.* tum ob impensarum magnitudinem, tum gratissimam diuortiorum licentiam, sola coemtio retenta est, qua vxor tribus assibus, primo scilicet virum per aes et libram adhibitis verbis sollemnibus BOETH. *ad Cic. Top. III.*, secundo lares et deos penates, tertio quasi aditum diruta maceria in domum mariti coemebat TARENT. *Adelph. V. 7. v. 10.* cf. NONIUS de *propriet. serm. XII. 50.* Huius effectus idem ac confarreationis, et quemadmodum haec differentiatione, ita coemtio *remancipatione* dissoluebatur RAEVARD. *ad leg. XII. Tab. p. 98.* Tertius erat *vsus*, quo vxor matrimonii ergo cum marito per annum commorata, quin per tri noctium abfuisset, a viro vsucapi videbatur GELL. *III. 2.* cf. *XII. Tab. T. VI.* Vti nempe aliarum rerum dominium Quiritarium, ita et potestas in vxorem hoc modo adquirebatur CICERO *pro Flacco XXXIV.* Nullo vero horum rituum marito iuncta vxor non veniebat in manum mariti, non erat materfamilias, sed matrona GELL. *XVIII. 6.*, non succedebat ab intestato, nec omnia bona marito dotis nomine offe-

offerebat; admittebatur tamen tunc uterque coniux ad successionem ex edicto: *vnde vir et uxor l. vn. D. vnd. vir et vx.* HEINECC. *antiq. ad b. t. §. 14.*

§. CXLVII.

Ex his diuersis notionibus diuersa quoque fluunt causas matrimonii decidendi fundamenta. (a) Ius naturae eas definit ex fine matrimonii (*iur. nat. pos. 701. et 667.*). (b) Ius Romanum, et imperans ciuilis ex honestate, et legibus ciuilibus *l. 42. D. de R. N.* (c) Ius ecclesiasticum ex *praceptis diuinis*, et *ecclesiae*. Hinc matrimonium aliud *legitimum*, quod legibus naturalibus, et ciuilibus, aliud *ratum*, quod cum ratione sacramenti initum, et *praecptis ecclesiae* conforme est; cui si accessit copula carnalis *consummatum* vocatur. Hinc quoque contrahens nuptias ut *homo leges naturales*, ut *christianus diuinas positivas*, ut *membrum ecclesiae ecclesiasticas*, ut *civis* denique ciuiles custodire necesse habet. Quamobrem ius Romanum in hac materia ita proponemus, ut et ceterorum horum iurium differentias *praeceprias* notaturi simus.

§. CXLVIII.

Nuptiae Romanis sunt *coniunctio* (146.), animorum scilicet, seu conuentio; huius autem substantia est identitas duarum voluntatum in idem (*pos. iur. nat. 450.*): hinc I. requirunt utriusque consensum *l. 2. D. de R. N.*; nullum igitur est coniugium in furore *l. 16. §. 2. D. eod.*, aut vi, metuue graui iniuste incusso contractum *l. 21. D. eod.*; nuptias enim amore conglutina-

ri oportet, pars laedens porro ius acceptandi nullum habet (*pos. iur. nat. 461.*). Sed et II. solus consensus legitimus iure Romano facit nuptias *l. 30. D. de R. I.*, hinc III. in domum deductio, et concubitus tantum ad implementum matrimonii pertinuit *l. 66. in pr. D. de donat. int. vir. et vx. l. 22. c. b. t.* Vnde et absens nubere poterat *l. 5. D. de R. N.*, et mortuus ante deductionem maritus ab uxore lugendus erat, valebantque pacta dotalia *l. 6. et seq. D. eod.* Denique et instrumenta dotalia non ad substantiam, sed ad signum matrimonii pertinebant *l. 22. c. b. t.* Iure ecclesiastico iam dudum quidem matrimonia remotis omnibus arbitris contracta prohibita *can. 1. seq. XXX. q. V.*, nec tamen infirmata fuerunt *cap. 2. de cland. despons.* Ast SYNODVS TRIDENTINA matrimonium, citra praesentiam parochi, vel alius sacerdotis de ipsius parochi vel ordinarii licentia, et duorum vel trium testium contractum, irritum et nullum esse decernit *sess. XXIV. cap. 1. de ref. matr.* Banna vero ecclesiastica, seu triplex proclamatio, a proprio contrahentium parocho tribus continuis festiis diebus in ecclesia publice facienda, tum benedictio sacerdotalis, aliquique ritus laudabiles recepti ad arbitrarias contractus sollemnitates pertinent *SYNOD. TRID. l. c.*

§. CXLIX.

Coniunguntur autem *mas et femina* (146.), et quidem sobolis procreandae caussa; naturale igitur est: I. ut personae cocant ad generandum capaces, ideoque puberes *pr. I. b.*

b. t. Qua in re quemadmodum ius naturae ob fortuitam rerum concursionem non numerum annorum, sed corporis maturitatem spectat (*exercit. iur. nat.* §. 195.), ita et ius ecclesiasticum ad euitandum incontinentiae periculum ad generandi potentiam attendi mauult *c. 3. X. de desp. imp.* Sed nec apud Romanos olim certa aetas definita erat ineundi matrimonii, immo teneras ducebant puellas, ut simplices animi facilius imbiberent mariti mores *PLVTARCH. comparat. Lycurg. et Num.* p. 76. Augustus vero ad capienda maritorum praemia puellam viripotentem duodecim annorum desiderauit in *lege Pap. Pop. cap. 3. et 5. DIO. CASSIVS LIV. p. 532.* Quamuis porro post hanc legem non deficiant exempla saepe impuberibus nupsisse, aut in domum deductas esse virgines immaturas apud *GRVTER Inscript.* p. 788. 8. p. 815. 13. p. 824. 1. *FABRETT. Inscript. c. V.* p. 421., hoc tamen non censematur verum matrimonium, et talis *quasi vxor l. 17. §. 1. D. de reb. auct. iud. possid.*, et *loco nuptiae esse dicebatur l. 9. D. de spons.* l. 28. §. 3. *D. de lib. et posth.* Iustinianus demum in maribus annum decimum quartum: in feminis, quod natura citius perficiantur *PLIN. VII. H. N. MACROB. VII. Satural.* 7., annum duodecimum definiuit *pr. I. quib. mod. tut. fin. l. 4. D. de R. N.* ex eo scilicet, quod plerumque accidere solet. cf. *MERILLIVS I. obs. 22. et VIII. 29.* Vnius vero maris et feminae mentio fit, quod II. illicita Romanis fuerit polygamia simultanea §. 6. *I. b. t. I. 2. C. de inc. nupt.* Nec immerito: vt enim polyandria legi naturali absolutae, ita polygynicia

necia ob varias circumstantias legi naturali hypotheticae aduersatur (*pos. iur. nat.* 709.). Et quamvis Caesar paratam haberet legem: ut vxores, quas, et quot quis vellet, liceret ducere SVET. in *Iul. Caes. LII.*, Antonius quoque, quod ante inauditum, duas habuisset uxores PLVT. in *vita Anton.* p. 957., immo Valentinianus iunior lege cauisset, ut duas ducere liceret SOCRAT. *hist. eccl.* IV. 30., illud tamen nunquam obtinuit. BRISSON *de iur. connub.* p. 292. Iure diuino positivo polygamiam reprobari supra diximus (146.).

§. CL.

Et quia nuptiae erant *consortium omnis vitae, diuini, et humani iuris communicatio*, cuius, vtpote iuris familiae, nonnisi ciues Romani participes esse poterant (76.), etiam I. inter hos solum inibantur NVPTIAE seu CONNVBIVM cum omnibus nempe iuris ciuilis effectibus *pr. I. b. t.* Inde in veteri glossario NVPTIAE *iustum matrimonium*, et apud SERVIVM: CONNVBIVM *ius legitimi matrimonii* dicitur. Excluduntur itaque dedititii, latini, nisi hoc eis concessum esset (109.), et peregrini, quorum coniunctio MATRIMONIVM vocabatur; haec enim pro iniusta iure ciuali accipitur in *I. 13. §. 1. D. ad I. Iul. de adult.*, et in *collat. leg. Mos. et Rom.* T. IV. §. 5., ideo et Antonii cum Cleopatra coniugium *obscenum* audit PROPERTIO III. eleg. 9. Adposite SENECA: *Promisi tibi filiam in matrimonium: postea peregrinus apparuisti: non est mihi cum externo connubium* IV. *de benef.* Sed hoc discrimen, *communicato cum omnibus ingenuis iure ciui-*
tatis

tatis Romanae ab Antonino Caracala *l. 17. D. de stat. hom.*, sublatum est SPANHEM *Orb. Rom. II. exercit. 22.* Multo minus vero inter liberos et ancillas, seruos et liberas, minime inter seruos et ancillas stabant nuptiae *l. 56. D. sol. matr.* Vnde horum coniunctiones *contubernia* VLP. *fragm. T. 5. l. 14. §. 3. D. de R. N.*, ipsi vero non coniuges, sed *contubernalis*, quasi in eadem taberna habitantes, et *coniunctae adiutrices* dicebantur. Paucis! ceteri, praeter ciues Romanos, contrahebant quidem matrimonium naturale, sed destitutum effectibus ciuilibus, adeo, ut nec nuptiae inteligerentur, nec dos, nec vxor, gens, domus, potestas, vel agnatio ciuilis. Quod et in Graecia, et apud Iudeos obtinuit. PLAVT. in *casin. prol. v. 68. SELDEN. iur. nat. l. V. c. 12.* Iure ecclesiastico matrimonia seruorum, etiam citra voluntatem domini inita, contra antiquos canones *c. 8. XXIX. q. 2.*, sustinentur *cap. 1. de coniug. seru.*; error tamen conditionis seruilis contractum nullum reddit *cap. 2. et fin. de coniug. seru.* Sed haec hodie extra usum sunt (86.).
II. Cum porro ex dicto principio nuptiae sine negotium longe grauissimum, sequitur, ut si filiifamilias easdem contrahant, consensu parentum opus habeant. *Nam hoc fieri debere, TRIBONIANVS ait, et naturalis, et ciuilis ratio suaderet pr. I. b. t.* Naturalis, quoniam in potestate constituti, ceu naturaliter minores, ipsi consentire nequeunt, minime vero in finem matrimonii, seu educationem, qua ipsi adhucdum egent: naturaliter maiores vero, contemnendo consilium parentum, violent saltem officium gratitudinis, licet validum ineant matrimonium (*pos. iur. nat.*

nat. 740.): Civilis vero id suadet tum ob insignem potestatem in liberos (139. 5.), tum ne inuito sius heres ex inuisa femina adgnascatur arg. §. 7. I. de adopt. ; immo ob eandem rationem in nepotis (non etiam neptis) connubio et aui, et patris consensus requiritur l. 16. §. 1. D. de R. N. Quod si iniuria pater vetet nuptias, imperio magistratus eas adprobare cogitur l. 19. D. eod. ; si vero furiosus fuerit, tam filia, quam filius, veterum dubitatione sublata, etiam sine patris interuentu, praesentibus curatore, propinquis, et auctore magistratu, vel episcopo easdem inire possunt l. 25. C. b. t. Iniustae itaque citra patris consensum sunt nuptiae, iniusta vxor l. 7. C. b. t., et liberi inde nati illegitimi l. 11. D. b. t. t. APVLEI lib. VI. Metam. ; nec dubitamus easdam, ut nullas, patris contraria voluntate dissolutas fuisse l. 2. D. de R. N. PAVLVM vero, qui contractas non soluit ait l. II. Tit. 19. §. 2. cum DVARENO et VINNIO ad b. t. de iis, quae voluntate patris ab initio initiae sunt, accipimus. cf. CVIAC. paratit. ad Tit. D. de lib. exhib. et ad Nou. 22. Quod autem TRIBONIANVS ait, patris consensum praecedere debere pr. l. b. t., prohibere non videatur, quominus secuta ratihabitione liberi, ante eam procreati, habeantur legitimi. Praeterquam enim, quod generatim ratihabitioni idem effectus tribuatur ac praecedenti consensi l. 16. §. 1. D. de pign. l. 56. D. de indic. l. fin. C. ad scit. Maced., et quidem etiam in iis, quae ipso iure nulla sunt l. 3. §. 9. D. de don. int. vir. et vx. iunct. l. 25. C. eod., valet utique et dotis promissio, si ignorans initio pater postea

stea consenserit l. 68. *D. de iur. dot.*, et patrem mariti, si cognitis nuptiis non contradixit, nepotem suum agnoscere debere aperte prescribit ALEXANDER in l. 5. c. b. t. Non eo tamen extenditur ratihabitio, ut post eam filiusfamilias commissi adulterii accusari possit l. 13. §. 6. *D. ad l. Iul. de adult.* Fides enim coniugii, quod ante ratihabitionem nondum erat, fratera non est; ex fictione iuris vero, etsi saepius fauorem operetur, punire quemdam iustitiae prorsus foret contrarium. cf. HVBER *Praelect.* ad l. b. t. §. 10. et ad D. eod. §. 5. Iure ecclesiastico quoque tam antiquo, quam nouo matrimonia liberorum, inuitis parentibus, non modo prohibita, sed et ut fornicariac, et adulterinae coniunctiones nulla, irrita, et illegitima declarata sunt in *council. Carthag. IV. c. 11.*, *Aurelianensi c. 22.*, *Turonensi c. 20.* Sed Sacrosancta SYNO-DVS TRIDENTINA anathemate damnauit eos, qui falso adfirmant, matrimonia, a filiusfamilias sine consensu parentum contracta, irrita esse, et parentes ea rata vel irrita facere posse. *sess. 24. c. 1. de reformat. matr.*

§. CLI.

Praeter exposita hactenus requisita Romani nuptias quasdam ut *incestas* inter cognatos et adfines propriores, alias ob status praecipue differentiam velut *indecoras*, alias denique ut religioni, vel reipublicae, vel priuatis *noxias* prohibent.


§. CLII.

Quum incestae nuptiae dicantur, quas cognati et adfines in gradibus lege prohibitis contrahunt, de consanguinitate, et adfinitate, tum de gradibus, et in quibus prohibeantur nuptiae, videamus. *Consanguinitas seu cognatio naturalis* est connexio personarum ab eodem communi stipite descendentium *l. 4. §. 1. D. de grad.* *PLAVT. Amphitr. aet. II. sct. 2. v. 211.*; quae si ex maribus profluat, *agnatio*: si a feminis, *cognatio in specie* audit. *l. 10. §. 2. D. de grad.* Cum vero ipsa natura, et sanguinis commixtione efficiatur, parum interest, siue ex iustis nuptiis, siue ex illegitimo coitu *l. 54. D. de R. N.*, siue ex contubernio seruili oriatur *§. 10. I. §. b. t.*: nam *iura sanguinis nullo iure dirimi possunt l. 8. D. de R. I.* *Adfinitas* contra est necessitudo inter coniugem vnum et alterius consanguineos; inde dicta, quod duae cognationes per nuptias copulantur, et altera ad alterius finem virum scilicet aut vxorem accedat *l. 4. §. 3. D. de grad. et adfin.* Vnde patet, inter consanguineos mariti, et vxoris nullam contrahi adfinitatem.

§. CLIII.

In omni consanguinitate datur series personarum a communi stipe descendantium, seu *linea*. In hac personae cognatae diuersimode a se inuicem distare possunt; atque haec distantia *gradus* audit. Linea porro *recta* est, quae continet personas, quarum una alteram genuit,

genuit, *obliqua* est series personarum a communi quidem stipite descendantium, quarum tamen una alteram haud procreauit. Illa si ad genitores respicitur, *ascendens*, si ad genitos *descendens*, haec vero si a latere iuncti aequae distant *aequalis*, secus *inaequalis* vocatur *l. 10. §. 9. seq. D. eod. Ita*



Schema primum exhibit lineam rectam ascendentem, alterum descendenter; in tertio vero pater meus et amita, item ego et amite filius, seu consobrini, sumus in linea aequali: cum amita porro ego, et filius meus sumus in inaequali.

§. CLIV.

Vt in omni serie caussarum efficientium, ita et procreantium, caussa alia proxima est, alia remota. Ita cum pater generat filium, hic nepotem, hic pronepotem, pronepos proximam causam seu connexionem habet in nepote, remotam in filio, remotiorem in patre, Quius igitur actus caussandi, quaevis generatio nouam efficit distantiam: haec vero dicitur gra-

dus; inde regula est: *In linea reſta tot sunt gradus, quoſ ſunt generationes, ſeu quoſ ſunt perſonae, una demta, ſcilicet communi ſtipite.* Sic in priori ſchematicate pater meus a tritauo meo, et filius meus a trinepote meo diſtat quinto gradu. Quae computatio cum naturaliſ fit, (*iur. nat. pos. 713.*), nemo mirabitur, ean- dem et iure ciuili Romano, et iure eccleſiaſtico obtinere *I. 10. §. 9. ſeq. D. cit., can. 26. XXXV. q. V.*

§. CLV.

In linea obliqua graduum computatio variat. Ius Romanum viam eandemque ſemper retinet regulam etiam in linea obliqua tam aequali, quam inaequali: Tot eſſe gradus, quoſ generationes *I. 10. §. 9. cit.* Ita pater meus et amita, velut frater et ſoror ſunt in ſecundo gradu, ego et amitiae filius, ut conſobrini, in quarto, filius meus et amitiae meae filius in quinto. Vnde colligimus ius Romanum in obliqua vtrumque latus numerare, et primum gradum in ea haud dari *I. 1. §. 1. D. eod.* Eadem et eccleſiam ſe conformaſſe olim, tum ex AMBROS. *epiſt. 66.*, tum ex pluri- bus exemplis eccleſiae græcae, a BOEHMERO *Iur. Eccles. Protest. ad Tit. de confangu.* *§. 3.* collectis intelligitur. Postquam vero Grego- riū M. fratruim liberos in ſecundo gradu po- ſuiſſet *can. 2. §. 5. XXXV. q. V.*, fratres adſumendo pro communi ſtipite *can. 2. §. 9. XXXV. q. V.*, noua excogitari cepit com- putandi ratio, ab Alexandro II. decreto fir- mata

mata *can. 2. cit.* Quum nempe collaterales idēo tantum sibi coniuncti sunt, quoniam communem habent stipitem, regula est: *Quoto gradu vterque collateralis in aequali, vel remotior in inaequali distat a communi stipite, eodem gradu distant inter se.* Sic duo fratres iure canonico sunt in primo gradu, consobrini in secundo, patruis et prātruelis in tertio. Hinc ius canonicum vnum tantum, et quidem in inaequali longissimum latus numerat.

§. CLVI.

Gradus efficiuntur generatione (155.), adfinitas vero nuptiis (154.); hinc patet, adfinitati proprie nullos esse gradus *I. 4. §. 5 D. de grad.* Quia tamen in eo fundatur, quod, cum coniuges inter se connexi, et quodammodo vna caro sint, etiam consanguinei vnius coniugis connectantur cum altero coniuge, per analogiam etiam in hac numerantur gradus, et quidem hac regula: *Quoto gradu quis est consanguineus vni coniugi, eodem gradu est adfinis alteri,* seu, cum sola copula carnali etiam contrahatur *cap. 3. X. de consang. etadf.*, quanto gradu quis est consanguineus cognosci, eodem adfinis fit personae cognitae. Ita fratri vxor mihi adfinis est in gradu secundo iuris civilis, et primo iuris canonici.

§. CLVII.

In consanguinitate occurrit quoque *respectus parentelae*, seu cognatio inter duas personas,

sonas, quorum vna est immediate sub communi stipite, altera vero remotior; vnam itaque esse proximiorem, alteram remotiorem minime sufficit. Ita inter me et amitam (153.) intercedit respectus parentelae, sed non inter meum, et amitae filium. Quanti hanc necessitudinem fecerint veteres, colligere licet ex *SIMPLIC. comment. ad Epiſt. enchyrid. Antiquiores*, ait, *leges ita veneratae sunt parentes, vt deos eos adpellare non dubitarint. Sed quamuis in hoc diuinam excellentiam veriti patres dii appellari desierint, fratres tamen patrum, et sorores graeci adhuc θεους, quasi diuinos diuiniasque, appellant, vt demonstrent, quam rationem parentum aduersus liberos esse existimarent. c. 37. add. §. 5. l. b. t.*

§. CLVIII.

Iam in quibus gradibus nuptiae prohibentur, dispiciamus. I. Nuptiae inter ascendentibus, et descendentes, seu *in linea recta*, vetantur in infinitum §. I. l. b. t. Nam *in contrahendis matrimonis*, inquit PAVLVS, *naturale ius et pudor inspiciendus est, contre pudorem autem est, filiam uxorem suam ducere l. 14. §. 2. D. de R. N.* Verumtamen de ratione naturalis huius prohibitionis variant scriptores. Alii eam cum PAVLO in *l. cit. in pudore connato OVID. X. Metamorph. v. 9. et 252.*: alii cum PLVTARCHO quæst. Rom. CVIII. et AVGVSTIN. de ciu. dei XV. 16. in impedita adfinitatum diffusione: alii cum SOCRATE apud Xenoph. memorab. IV. in aetatibus

tis disparitate, et, quae inde sequitur, sterilitate, et mala procreatione quaerunt. Sed cum pudor hic adscitius esse posset, lubricum valde est legis naturalis fundamentum; secunda vero et tertia ratio nec semper obtinet *Deuter. XXV. 5. Genes. XIX. 31.*, nec utilitas tanti ponderis est, ut quod contra sit, irritum sit, ac illicitum. *GROT. II. V. §. 12.* Solidum itaque fundamentum illud est, haec matrimonia apertam praebere occasionem violandae reuerentiae filialis, quae naturalis est, et immutabilis (*iur. nat. pos. 721.*) Vnde in hanc prohibitionem tam ius diuinum posituum, quam humanum, ciuile, et ecclesiasticum consentiunt.

§. CLIX.

II. In linea obliqua aequali iure ciuili secundus tantum gradus prohibitus, ceteri permissi sunt. Vetantur itaque nuptiae inter fratrem et sororem, siue ab eodem patre, eademque matre nati sint, siue ex alterutro eorum §. 2. *I. b. t.*, siue etiam soror vulgo quaesita sit. *I. 54. D. de R. N.* Etsi enim naturalis harum coniunctionum turpitudo demonstrari nequeat, ad seruandam tamen castitatem domesticam easdem vetari necesse omnino erat (*pos. iur. nat. 722.*). *Leuit. XVII. 9., XX. 17.* Quamuis porro eas permissas fuisse in Graecia testetur *CORNEL. NEPOS. in Cimone.* et *PLATO lib. 8. de leg.*, hic ipse tamen eas *scelestas, deo iniurias, et turpium turpissimas* appellat. Et apud *Romanos quoque moribus* primo introducta vide-

videtur earum prohibitio, arg. *I. fin. D. de R. N.*, et *I. 8. eod. Ev. OTTO. ad b. t. cf.* tamen **CYRILL. ad b. t. III** In *inaequali* tertius gradus semper prohibitus, ceteri non item. Ideo duorum fratum, aut sororum liberi, id est, consobrini licite coniunguntur §. 4. *I. b. t. I. 3. D. de R. N.* Varia tamen harum nuptiarum fata. Eas diu Romae fuisse ignoratas, tempore addito percrebuisse ait Vitellius apud **TACIT. XII. annal. 6. PLVTARCH in quæst. Rom. VI.** Harum exempla extant apud **CICER. pro Cuent.** scilicet M. Aurii, tum Ligustini **LIV. XLII. 32.**, M. Aurel. Antonini **IVL. CAPITOL. V.** Theodosius M. vero tantum tribuit pudori, et continentiae, ut eas tamquam sororum vetuerit **AVREL. VICTOR. in Theodos. I. vn. cod. Theod. si nupt. ex resc. pet.** Sed rursus eas permiserant filii Arcadius, et Honorius *I. 19. C. b. t.*, idque confirmauit Justinianus §. 4. *cit.* Denuo autem hoc matrimonium a græcis imperatoribus reprobatum teste **HARMENOPVLO I. 4. T. 6.**, et a Gothis quoque prohibitio Theodosii retenta: vnde ad saeculi mores textui Theophili negationem intrusam aduertit **FABROT. in not. ad Theopb. p. 66.**, Caii quoque textum *I. T. 4. §. 6. ab Anniano*, tum ipsius Tribonianii in variis codicibus corruptum fuisse, ostendunt viri cruditi **IAC. GOTHOFRD. pec. dissert. ad I. 19. C. b. t. Ev. OTTO diff. II. de nupt. consobr. cf. tamen REIZII excurs. X. ad Theopb.** A regula, quam dedimus, tamen semper excipiuntur personae, inter quas respectus parentelæ intercedit, quarum connubia, veluti parentum, in-

infinitum vetantur *l. 17. §. 2. D. de R. N.*; igitur nec fratri, vel sororis filiam, nec neptem, quamvis quarto gradu sint, nec amitam magnam, nec martereram ducere licet *§. 3. et 5. l. b. c.* Extorserat quidem Claudius, ut Agrippinam sibi adiungeret, senatusconsultum, quo nuptiae inter patruos, *fratrumque* filias iustae essent *TACIT. XII. annal. VI. cf. VLP. in fragm. T. 5. §. inter parentes*; sed abrogarunt hoc *DIOCLETIANVS et MAXIMIANVS l. 17. C. de R. N.*, nisi forte verba legis interpollata sint, cum in *collat. leg. Moysic. tit. de inc. nupt.* non reperiantur. Certe hoc matrimonium prohibuit *Anastasius l. vlt. C. de inc. nupt.*, aut *Zeno*, huic enim hanc constitutionem vindicat *CVIAC. VIII. obs. 18.* Atque has prohibitiones in linea obliqua olim etiam sequebatur ecclesia; unde nuptias consobrinorum licitas esse ait *S. AVGVSTINV*s de sua aetate, *quia nec diuina lex prohibuit, et nondum prohibuerat humana l. XV. c. 16.* At saeculo VIII. et IX., ex generali legis Moysaicae *Lev. XII. 6.* prohibitione argumento presumto *c. 20. pr. XXXV. q. 2. et 3.*, omnis consanguinitas sub prohibitione ecclesiae continebatur *cap. 18. XXXV. q. 2. et 3.* Sed ne in infinitum extenderetur, uti *PAVLVS* ordinem succedendi *l. IV. R. S. T. 2.*, ita et consanguinitatem gradu septimo terminarunt, computationis nempe ciuilis; inualescente postea canonica, gradu decimo quarto *cap. 1. de consangu.* Quod cum nimium videretur, *INNOCENT. III. in concil. later.* eam ad quartum gradum restrinxit *cap. 8. eod.*, idem de inaequa-

quali linea cavit GREGOR. ix. cap. fin. eod. Quoniam, vt ait INNOCENTIUS l. c., in ulterioribus gradibus iam non potest absque graui dispendio huiusmodi prohibitio generaliter seruari. cap. cit. Quod vero de quatuor humoribus addit, vt *praetextum* defendit GONZALEZ ad cap. cit.

§. CLX.

Quemadmodum in linea recta cognationis nuptiae in infinitum vetantur, ita et in *recta adfinitatis*, quoniam in hac adfines sunt parentum et liberorum loco; hinc nec priuignam, aut nurum, nec socrum aut nouercam ducere licet, illae enim filiae, hae matrum loco sunt. §. 6. et 7. l. b. t., et quamuis morte soluatur adfinitas, perpetua tamen harum personarum, vt parentum, veneratio esse debet l. 16. D. sol. matr. Vnde et TULLIUS socium genero connubium *scelus incredibile*, et in omni vita *inauditum* vocat pro *Cluent.*, et APOSTOLO vxorem patris habere, est *talis fornicatio*, qualis nec inter gentes. l. ad Cor. V. 1. In linea *transversa* quoque eadem fere, ac in consanguinitate seruatur regula (159). Quare in aequali, et si olim permisae fuisse videantur nuptiae cum mortui fratris vxore aut defunctae sororis marito, praesertim nullis extantibus liberis CICERO pro Quint. VI., exemplo Crassi apud PLUTARCH, in eius vit., cum tamen dictae personae sibi fratum et sororum instar sint, seuere inter easdem a Constantino, Theodosio iuniore, aliisque interdictae sunt l. 2.

c.

C. Theod. l. 5. et ult. C. de inc. nupt.: nihilominus defunctae vxoris sororem ducere crebro a principio indulsum fuit. GROT. ep. 323. AMELOT ad Offat. ep. 293. Quin vero inter consobrinum, et consobrini viduam, cum in quarto gradu sint, substiterint nuptiae, non est quod dubitemus. An vero in linea transuersa inaequali personae, quas inter respectus parentelae intercedit, coire potuerint, haud expeditum videtur. Sane id lege expressum non est, immo CICERO I. diuinat. XLVI. et VALER. MAX. I. c. 5. Metellum mortua vxore Caecilia filiam sororis eius duxisse referunt, nec ut nouum VINN. ad b. t. Has prohibitiones adoptans ecclesia eas ad quartum can. 12. XXXV. q. 2., tum ad septimum gradum suae computationis extendit can. 17. eod.; sed ad quartum restrinxit INNOCENT. III. cap. 8. *de consangu.* Et quamvis idem in vinculo adfinitatis ex copula illicita olim obtinuerit cap. cit.; CONCIL. TRID. ramen hoc secundo gradu limitauit. sess. 24. *de reform. matr. c. 4.* Duos fratres vero cum duabus sororibus ex alia familia, patrem item et filium cum matre et filia alterius familie, ut et duos compriuignos licite copulari ex notione adfinitatis (152.) facile patescit. §. 8. I. b. t. c. 5. X. *de consang.* Sed et quod olim obtinuit adfinitatis genus ex secundis, et ternis nuptiis sublatum est ab INNOCENT. III. cap. 1. et 8. *de consangu.*

§. CLXI.

Praeter cognationem naturalem inualuit quoque *spiritualis*, quae est connexio personarum ex collatione et susceptione sacramentorum baptismi, et confirmationis resulstans. Qui enim baptizando adsistunt, ob singularem inde contractam obligationem *c. 105. de consecrat. Dist. IV.*, et baptizans quoque ob ministerium in hac regeneratione praestitum *patrum*, baptizati vero *filiorum* nomine veniebant. Quam in rem Iustinianus prohibuit, ne quis vxorem duceret, quam ex lauaero suscepisset *L. 26. C. b. t.*; quod SYNODVS TRVL-LAN. *c. 53.* ad parentes leuati extendit; *quoniam*, vt ait, *spiritualis adfinitas maior est corporum coniunctione*: inde hoc impedimentum non ampliatum tantum, et praeter paternitatem, ac compaternitatem, etiam confraternitas addita est, sed etiam, separata confirmatione a baptismo, ad illam translatum est. *Tit. de cogn. spir.* Nouissime vero SYNOD. TRID. *sess. XX. de ref. matr. c. 2.* illud ad certas personas restrinxit, vt tantum inter baptizantem, baptizatum, et baptizati patrem et matrem: nec non inter leuantem, leuatum, et leuati parentes obtineat.

Idem ad confirmationem applicandum. *Cognatio ciuilis* denique est connexio personarum ex adoptione orta. Haec excludit nuptias in *linea quasi recta* inter adoptantem et adoptiuam *§. I. l. b. t.*, et generatim inter

ter personas, quae parentum et liberorum loco sunt *l. 17. §. 2. D. de R. N.*: quin emancipatione licet dissoluta sit adoptio, nuptias tamen cum adoptante vetat pudar *l. 14. D. eod.* adeo, ut ne vxorem quidem adoptantis ducre fas sit, quia nouercae locum habet *l. cit.*, cum matre tamen adoptiui, aut materterea, post emancipationem, nihil impedire nuptias scribit TRYPHONIVS in *l. 55. §. 1. D. eod.*: forte, quot non vt vxor vnum quasi corpus cum patre adoptiuo efficiatur WISSENB. *disp. 6. ad Inst.*, nisi potius corrigenda sit lex cum HOTTONANO *V. obs. 25. 1. amic. resp. 10. et CVIAC. XXIII. obs. 76.* In linea *quasi obliqua* vero vetaantur nuptiae personarum, quae fratum et sororum loco sunt, ita tamen, vt emancipatione tollatur impedimentum *§. 2. l. b. t.* Vnde qui generum, aut nurum adoptare veller, filium aut filiam emancipare antea necesse haberet *§. cit. cf. CVIAC. XXV. obs. 3.* Atque hoc impedimentum iure ecclesiastico repetitum est *c. 1. §. 6. XXX. g. 5., cap. vn. de cogn. leg.* Quasi *adfinitas* seu *honestas publica* est necessitudo ex sponsalibus, et matrimonio rato. Huius origo iuri civili debetur, quo cautum, vt nec matrem eius, quam sponsam habui *l. 14. §. fin. D. de R. N.*, nec sponsam patris aut filii *l. 12. §. 1. et. 2. D. eod.* ducere possim: igitur primum gradum hoc impedimentum non excessit. Mox in ecclesia amplificatum *cap. 8. de consangu.*, sed ab INNOCENT. III. ad quartum gradum reuocatum est, licet sponsalia forent inualida *cap. cit. et. cap. vn. de spons.* in *6.* Ast CONCIL. TRID.

sess. 24. c. 3. de ref. matr. illud nonnisi *ex validis sponsalibus*, et quidem in gradu primo tantum agnoscit: ex matrimonio rato itaque, cum nil mutatum sit, adhucdum ad quartum gradum usque obstat.

§. CLXII.

Praeter nuptias incestas aliae quoque ob diuersas rationes ciuiles, ac politicas prohibentur §. II. I. b. t. Et quidem ut *indecorae* I. ob status imparitatem, senatorum, corumque liberorum cum libertinis, aut iis, qui ipsi, aut quorum parentes artem ludicram fecissent, ex *cap. I. leg. Pap. Pop.*, l. 44. pr. D. *de R. N.*, tum et cum aliis personis turpioris vitae ex subsequo senatusconsulto l. 43. §. 10. D. *eod. II.* Inter ingenuum et eam, quae quaestum corpore, vel artem ludicram fecit, lenam, a lenone manumissam, in adulterio deprehensam, vel iudicio publico damnatam ex c. II. *leg. Pap. Pop.* l. 43. D. *eod. cf. HEINECC. comment. ad leg. Pap. Pop. l. II. cap. 1. et 2.* Sed primo capiti Iustiniani instigationibus, qui ipse mulierem scenicam duxit PROCP. *hist. arc. p. 45.*, iam derogavit imperator Iustinus, non Iustinianus, ut inscriptio praefert *legis* 23. C. b. t., tum quod in veteri codice manuscripto reperta sit inscriptio IVST., quibus quatuor litteris Iustinus *αναδφαβυπον* nomen suum exprimere solitus est PROCP. *anecdote. p. 38. seq.*, tum quod data sit ad Demosth. *praef. prae.*, qui sub Iustino hoc munere functus est, v. HEINEC. l. c. §. 4. Eam

con-

constitutionem mox firmauit ipse Iustinianus
l. 33. c. de episc. aud. Nou. LXXI. et LXXVIII.
c. 3., quibus porro legibus primum et alterum caput hoc plane euanuit. III. Ob antecedentem impudicitiam a) inter adulterum et adulteram *l. 26. D. de R. N.*; quod iure canonico repetitum est *can. 1. seq. XXX. q. 1.* Sed duae species in CONCIL. TRIBVRENSI definitae *can. 4. et 5. l. c.* anfam dederunt, vt solum adulterium haud sufficere videretur, sed requiratur, vt vel α) verum et perfectum adulterium coniunctum sit cum fide interposita futurorum nuptiarum, vel β) vna saltem pars rea criminis struxerit infidias vitae coniugi, vel γ) citra adulterium coniugicidium commissum sit utroque conspirante cum promissione futurorum nuptiarum *cap. 6. et seqq. de eo, qui dux. in matr.*; (b) inter raptorem et raptam *l. vn. §. 1. c. de rapt. virg. Nou. CXXXIV. cap. 12.*, quam prohibitionem indistinctim etiam ius canonicum sequebatur *c. II. XXXVI. q. 2.*: sed rursus eam restrinxit, vbi persona raptæ aliquando consensisset *cap. 6. de rapt.* Denique SYNOD. TRID., vt a raptore separata, et in locum tutum restituta libere consentiat, exigit *sess. 24. c. 6. de ref. matr. IV.* Ob venerationem quandam inter vitricum et priuigni viduam *l. 15. D. de R. N.* Tum V. cum ea, quam vxor post diuortium ex alio marito procreauit §. 9. *l. b. t.*, licet neutra specie subsit adfinitas *l. 12. §. 2. D. ead.*; ideo iure canonico neutra prohibitio obtinet.

§. CLXIII.

Vt noxiae denique aut religioni, aut reipublicae, aut priuatis vetantur I. nuptiae christiani cum iudea, et vicissim, adeo ut adulterii loco habeantur *I. 6. C. de Iudea.* Quod in ecclesia non quidem lege expressa, sed, ut videtur, consuetudine ad cuncta fidelium cum infidelibus coniugia tum ob seductionis periculum, tum quod hi sacramenti incapaces sint, porrectum est *can. 16. seq. XXVII. q. 1.*; humani ergo iuris impedimentum est *can. 15. l. c.*, non diuini positiui. *I. ad. Cor. VII. 12. II.* Ob metum concussionis, et rationum interuentiarum tutoris, filii eius, aut nepotis cum pupilla, rationibus nondum redditis, ex oratione D. Marci, et secuto senatusconsulto *I. 59. et seq. D. de R. N. III.* Praesidis, aut alterius, qui officium in aliqua prouincia administrat, cum muliere prouinciali *I. 38. D. eod.*, tum, ne duras conditiones abusu potestatis extorqueat, tum, ne, iunctis potentissimis ad finibus prouinciarum, perniciosi quidquam in rem publicam moliatur: exemplo Antonii cum Cleopatra in Aegypto despōnsati. cf. ZACH. HVBER. *dissert. ad. I. 63. D. de R. N.*; quae prohibitio hodie non obtinet. IV. Clericorum, aliorumque, qui se castitatis voto obstrinxerunt *I. 44. C. de episc. et cler. Nou. VI. cap. 1. §. 7.* Quam clericorum continentiam in antiqua iam ecclesia obtinuisse supra monuimus (146.); vnde matrimonium post ordinum susceptionem contractum nullum est *cap. vn. de vot. extrauag. Ioann. XXII.*

In

In Austria velut noxiae vetantur quoque nuptiae feminarum nobilium; aut locupletum cum exteris sine consensu principis. *Patent. de a. 1752. 26. August.* Quemadmodum etiam ad matrimonium cum persona Augustanae confessioni, aut religioni reformatae addicta ineundum magistratus approbatione opus est, praestita cautione de liberis in religione catholica educandis. *DONNER Oest. Recht. p. 399.*

§. CLXIV.

Voluntas subditorum subest voluntati imperantis, adeo, ut consensus, et quiuis actus eius legi contrarius sit ipso iure nullus *l. 5. c. de legib.* Hinc ait TRIBONIANVS: *si aduersus ea, quae diximus, aliqui coierint, nec vir, nec vxor, nec nuptiae, nec matrimonium, nec dos intelligitur §. fin. I. b. t.* Quare (a) nec iura mariti viro, nec iura vxoris mulieri competit, sed veterque poenis caelibatus suberat *cap. 6. leg. Pap. Pop., (b) liberi non erant heredes sui PAVL. IV. R. S. T. 8. §. 4., (c) nec proderant ad praemia faecunditatis l. 37. §. 7. D. de oper. libert., (d) neque hereditatem aliunde obuenientem coniuges, neque (e) inter se quidquam capiebant VLP. fragm. T. XVI. §. II., (f) mortua coniuge porro dos caduca erat VLP. l. c. §. 4. Cuncta haec ex *capit. VI. leg. Pap. Pop. cf. HEINECC. comment. ad h. l.* Sic quoque (g) liberi non suberant potestate patriae perinde ac vulgo quaesiti, unde*

et spurii adpellabantur : denique (h) qui prohibitas contrahebant nuptias etiam aliis poenis suberant §. fin. l. cit. cf. l. 6. C. de inc. nupt. et aub. seqq. Verum praeter haec tenus exposita alia quoque matrimonii impedimenta definita sunt iure canonico ; quod, cum in hac materia usus fori hodie sequatur, paucis ea subiiciemus. Dividunt ea canonistae in *impedientia*, quae matrimonium quidem reddunt illicitum, sed non inualidum, et *dirimentia*, quae etiam contractum dissoluunt. Priora, etsi olim plura fuerint cap. 1. 4. de eo qui consang., can. 34. XXVII. q. 2., can. 5. XXX. q. 1., cap. 2. de poen. et remiss., can. 12. et fin. XXXII. q. 2. can. 13. XXVII. q. 1., secundum praesentem ecclesiae disciplinam hoc exprimi solent versiculo :

Sacratum tempus, vetitum, sponsalia, votum,

I. *Sacratum tempus* est ab aduentu domini usque in diem epiphaniae, et a feria quartâ cinerum usque in octauam paschatis; intra quod antiquas *sollemnum nuptiarum* prohibitiones confirmat SYNOD. TRID. sess. 24. de ref. matr. c. 10. Prohibet igitur sollemnes benedictiones can. 1. XXX. q. v., et traductiones vxoris ad domum viri, tum nuptialia conuiuia can. 11. XXXIII. q. IV.; non autem simplicem matrimonii contractum. **II.** *Vetitum* legitimi iudicis, vti et parochi, ex iusta caussa matrimonii celebrationem ad tempus saltem suspendens cap. 1. 2. et 3. de matr. contract. contr. interd. **III.** *Sponsalia* priora subsequens matrimonium cum

cum alia sponsa , licet iure naturae nullum faciant , vtpote iuri alterius contrarium (*pos. iur. na. 705.*), tamen iure ecclesiastico nonnisi illicitum reddunt *c. 22. 31. de spons. IV. Votum* simplex castitatis , id est , non per susceptionem sacri ordinis , aut professionis religiosae , vt aiunt , sollemnissimum *cap. 3. seq. qui cler. vel* *vouent.* Dirimentia contra his versiculis continentur :

Error , conditio , votum , cognatio , crimen ,

**Cultus disparitas , vis , ordo , ligamen , honestas ,*

Si sis adfinis , si clandestinus , et impos ,

Si mulier sit rapsa , loco nec redditia tuto .

Error substantialis circa ipsam personam nimis-
rum , quemadmodum consensum , ita et nuptias
(148.) iam iure naturali excludit (*pos. iur. nat. 703.*); inde et iure ecclesiastico *can. vn. XXIX. q. I.* Aliud igitur dicendum de errore qualitatis , nisi simul in errorem personae redundet , aut eidem consensum alligatum fuisse speciatim doceri possit. *Conditionis* nomine olim seruiliis intelligebatur , quae quomodo dirimat nuptias supra dictum est (150.). Alio longe sensu ea hodie pactionem generationi , fidei coniugali , aut indissolubilitati matrimonii contraria comprehendit ; ceterae vero conditiones in honestate habentur pro non adiectis *cap. fin. de condit.* *Votum* sollempne in professione re-

ligiosa emissum non modo contrahendum, sed et ante contractum *ratum*, non vero consumatum, dirimit *c. 2. de conuers. coniug.* CONCIL. TRID. *sess. IV. can. 6.* *Cognatio* naturalis in linea recta dissoluit nuptias iam iure naturali in infinitum (158.): in linea obliqua ad certos gradus iure ciuili, et ecclesiastico (159.). Idem de legali dicendum, quae ex iure Romano ab ecclesia adoptata est, tum de spirituali, quae quoad originem itidem iuris ciuilis; quod ad amplificationem vero iuris canonici est (161.). *Criminis* impedimentum iuri Romano debetur, eius vero determinatio ex iure ecclesiastico descendit, idem de *cultus* disparitate dicendum est (162. seq.). *Vis* seu metus grauis iniuste incussum matrimonii caussa hoc nullum reddit, si vel legem naturae speces (*pos. iur. nat. 703.*), idem iure ciuili (148.), et ecclesiastico obtinet *cap. 21. de spons.*, adeo, ut metum per cohabitionem purgasse haud sufficiat CONCIL. TRID. *sess. 14. cap. 1. de reform. matr.* *Ordines* sacri quoque vi voti sollemnis annexi ex ecclesiae institutione (146.), tum iure ciuili (163.) dirimunt contractum post eorum susceptionem matrimonium, non vero antecedens ratum, ut de professione religiosa diximus *cap. vn. de vot.* *Ligamen*, seu vinculum matrimonii rati, aut consumati cum una adhuc durans infirmat matrimonium cum alia non modo iure humano, tam ciuili *l. 2. c. de inc. nupt.*, quam canonico *cap. 2. seqq. de spons. duor.*, sed et diuino posituo MATTH. XIX. 8. SYN. TRID. *sess. 24. c. 2.*; immo et naturali absoluto, si polyandria, hypothetico, si polygynicia

ginecia subintelligatur (707.). *Honestas* vero seu quasi adfinitas, ut et adfinitas ipsa, tam in iure humano ciuili, quam ecclesiastico fundamentum habet, de quo supra (160. seq.). *Clandestinum* matrimonium nullum esse, SYNO-DVS TRID. demum statuit (148.); quae lex disciplinariis, si alibi recepta non est, matrimonium minime dissoluet (73.). *Impotentia* porro, si (a) vera fuerit, non nuda sterilitas c. 27. et fin. XXXII. q. 2., (b) perpetua et immedicabilis cap. 3. *de frigid.* siue absoluta, siue respectiva cap. 6. *ibid.*, (c.) antecedens can. 25. seq. XXXII. q. VII., et (d) legitime probata cap. 5. seqq. eod. non modo iure canonico, sed iam naturali nullum reddit matrimonium (702.). *Raptus* denique impedimentum origine iuri ciuili Romano debetur, licet iure canonico id restrictum fuerit (762.). Ex his abunde colligitur, veteres piissimos etiam principes non dubitasse, quin sua auctoritate impedimenta matrimonii dirimentia *ratione contractus* statuere possint. Etsi enim hoc ad dignitatem *sacramenti* eleuatum (146.), et *sub ea ratione* ecclesiae potestati subiectum esse pie agnoscamus, semper tamen *contractus* manet consensu subditorum initus; hunc vero imperantis imperio subordinatum esse, et hinc restringi vel annullari posse quis ignorat? cf. *posit. iur. nat.* 686. et 735. Verissime itaque D. THOMAS: *Ex qualibet dictarum legum NATVRAE, HVMANAЕ, et DIVINAE potest persona effici ad matrimonium illegitima l. IV. contra gent. c. 78.* Interest vero scire, quo iure singula impedimenta inualuerint; quoniam quae lege

lege naturali immutabili, aut diuina positiva fundata sunt, dispensationem haud admittunt: quae autem iure humano, ab eiusdem conditoribus remitti utique possunt. cf. pos. iur. nat. 686. Vnde, salua ecclesiae potestate SYNOD. TRID. sess. XXIV. can. 3. de sacram. matr., imperantes ciuiles quoque iam dudum hoc ius exercuisse plura extant apud Romanos monumenta. Vid. Tit. cod. de interd. matr. inter pup. et tut. iunct. l. pen. cod. eod. l. vn. cod. Theod. si nupt. ex rescript. pet. l. 19. C. de nupt. l. 3. cod. Theod. de inc. nupt. Totam tamen hanc facultatem ecclesiae reliqtam, et ab ea sola iam dudum exercitam fuisse non diffitemur. cf. RIEGGER Inst. iurisprud. eccles. P. IV. §. 77. seqq. et 173. seqq.

Nuptias praecedere solent sponsalia, quae, cum illarum notionem supponant, nunc demum paucis expendenus, additis iuris canonici differentiis. Sunt vero *sponsalia* pactum de futuro matrimonio, seu vt FLORENTINVS ait, *mentio et re promissio futurorum nuptiarum* l. 1. D. de spons.; quae cum frequentissime stipulatione fierent, vt apud PLAVT. *Spondesne ergo tuam gnatam uxorem mibi? spondeo.* Trinumu. V. 2. v. 33. Poenul. V. 3. 34., hoc sollemini ritu promissa, SPONSA l. 3. D. eod., nudo pacto, PACTA, destinata tantum, nondum promissa, SPERATA Nov. de proprie. serm. V. 69., et conuentiones hac a spondendo *sponsalia* dicebantur l. 2. D. eod. Hinc fluunt sequentia axiomata: I. Sponsalia esse consensum, et quidem in futuras nuptias. II. Non solum stipulatione sollemini, sed et nudo

nudo pacto ea iniiri posse *l. 4. et li. pr. D. b. t. III.* Ex iis nasci obligationem ad futuras nuptias incundas.

Ex primo fluit (I.) omnia sponsalia proprie esse de futuro matrimonio. (II.) Diuisionem canonistarum in sponsalia *de praesenti et futuro*, ad textus conciliandos *can. 1. seq. XXVII. q. 2. et can. 16. seq.* inuentam, impropriam, et, introducta hierologia ecclesiastica (148.), inutilem esse. (III.) Eos iniire posse sponsalia, qui possunt consentire in futuras nuptias *l. 7. §. 1. D. de spons. c. 2. XXVII. q. 2.* Hinc (IV.) impuberes quoque infantia maiores *l. 14. D. b. t.*, auctoritate tamen tutoris *l. 6. D. eod.* (quae quia iure canonico non requiritur, puberes facti ab iis resiliere possunt *cap. 8. de desp. impub.*) minores vero etiam citra curatoris consensum *l. 2. D. de R. N. cap. 8. de desp. impub.* Nec non (V.) etiam filios, filiasquefamilias cum patris tamen consensu *l. 7. §. 1. D. eod.* At iure canonico is insuper habetur *SYNOD. TRID. sess. 24. cap. 1. de reform. matr.* Possunt tamen et parentes pro liberis ea contrahere, modo praesentes hi taceant, aut, si absentes, vel septennio minores fuerint, ea postea ratihabeant *can. vn. XXX. q. 11. cap. 1. de despens. imp.* (Iure austriaco nulla sunt minorennum sponsalia citra consensum curatorum, et magistratus. *Patent. de a. 1753. 12. April.*) Contra ex eodem patet (VI) non posse iniire sponsalia eos, qui consentire nequeunt, ut furiosos, mente captos *l. 8. D. eod. cap. 24. de spons.*, nec infantes septennio minores *l. 14. D. eod. , cap. 4. de despens. imp.*, licet rationis

nis v̄lus aetatem praeueniat, ob generalem legis praesumptionem, et claram dispositionem in cap. 5. eod. (VII.) Nec eos, qui quocunque impedimento perpetuo nuptiarum laborant, vt cognatos proximos, et adfines l. 14. seqq. D. eod. (VIII.) Nec, qui iam desponsati sunt l. 13. §. 1. D. de bis, qui nor. inf., cap. 22. de spons., aut plane coniugati (149.) cf. pos. iur. nat. 705. (IX.) Nec valere sponsalia errore, vi, metue iniuste exhibito extorta l. 21. §. 3. D. quod met. causs. can. 4. XXIX. q. 2. cap. 13. seqq. de spons.

Et quum perinde sit, quomodo contrahantur sponsalia, sequitur. (I.) Ut nec scriptura, nec testibus, nec certa verborum formula, aliaue sollempnitate opus sit, sed solus consensus sufficiat l. 7. D. de spons. siue expressus, siue tacitus ex factis indubiiis, non ex verbis ambiguis cap. 7. de spons., nec ex sola taciturnitate, vt nonnulli ex male intellecta regula 43. de R. I. in 6. contendunt, elicitus can. 7. XXX. q. V., cap. 11. de praesumt., cap. vn. de desp. im- pub. iunct. can. 7. XXXII. q. VII. et cap. fin. de procur. Quod si signa certa sunt, licet mens contraria fuisset, valent sponsalia (iur. nat. pos. 451.) Vid. l. 7. §. 2. D. de sup. leg. (II.) Ut et per procuratorem iniri possint, modo mandatum speciale, nec antea reuocatum habeat, et ipse id exequatur cap. fin. de procur. in 6. (III.) Porro contrahuntur vel pure vel sub conditione, modo sit possibilis cap. 3. et seqq. de condit. adpos.; impossibilis enim aut physice aut moraliter, vt omne pactum (iur. nat. pos. 470.), ita et sponsalia nulla reddit.

(IV.)

(IV.) Immo et poena in iniuste resiliētē, aut arrha in contractorum sponsalium signū, et futuri matrimonii pignus adiici poterit, ita ut in iuste resiliens eam amittre, vel in duplo, triplo, et quatruplicē reddere teneatur *I. 3. et 5. C. de spons.*

Quum vero ex sponsalibus, velut ex pacto sociali, oriatur obligatio ad futuras nuptias, intelligimus: (I.) Cur sponsi et sponsae aliquando pro nuptis *I. 5. C. de bon. quae lib.*, et hinc (II.) Sponsi maritorum numero habeantur *GELL. II. 15.* (III.) Cur ex sponsalibus quāsi adfinitas seu publica honestas contrahatur *(161.)*, et (IV.) priora dero-
gent posterioribus, licet his iusurandum (*iur. nat. pos. 563.*), aut copula carnalis accesserit: Cur denique, (V.) et si iure Romano ob infinitam repudiorum licentiam nullā ex iis, etiam stipulatione vel poena firmatis, data fuerit actio *I. 2. C. de repud. I. 2. C. de inut. stip.*, iure canonico tamen non minus, quam naturali (*iur. nat. pos. 705.*) perfectam et efficacem inducant obligationem, adeo, ut iniuste resiliens etiam censuris ecclesiasticis ad mattimonium incundum compelli possit *cap. 10. de spons.*, nisi difficilis plane metuatur coactio-
nis exitus *cap. 2. et 17. eod.* Denique (VI.) ex eodem patet, sponsalia, ut alia pacta, et speciatim socialia, dissolui posse (*iur. nat. pos. 705.*) Et quidem ex utraque parte (a) morte, (b) mutua remissione, licet iurata fuissent *cap. 25. de iurei.* (*iur. nat. pos. 583.*), (c) lapsu temporis, ad quod contracta sunt *cap. 22. de spons.*, (d) impedimento alio matrimonii su-
perueniente *cap. 8. de eo, qui cogn. iunct.*

CONC.

CONC. TRID. sess. 34. de reform. matr. cap. 9.
 (e) deficiente conditione. Ex una parte (a) notabili mutatione, tali scilicet, quae ob alterius praeiudicium prudenti iudici digna omnino vindetur recedendi a contractu cap. 25. de iurei., (β) fornicatione, ac haeresi arg. cap. fin. de conuers. coniug. et cap. 2. de diuort., (γ) matrimonio cum secunda cap. 31. de spons.; quod extendunt ad ingressum in nouitiatum, et susceptionem minorum ordinum, ac sponsalia posteriora, (δ) absentia parte altera inscia cap. 5. de spons. l. 2. c. de spons.

DE LEGITIMATIONE.

§. CLXV.

Alter modus adquirendi patriam potestatem est *legitimatio*. Quum enim liberi extra iustas nuptias procreati illegitimi essent, nec patris potestati subiacerent, nisi forte beneficio *principis adoptarentur* l. vlt. D. de *adopt.*, huiusmodi liberos iam sub libera republica senatus LIV. XXXVIII. 36., tum sub statu monatchico princeps legitimos fecit, et in potestatem rededit l. 57. §. 1. D. de *vit. nupt.* PLIN. X. epist. 6. Verum, vt ex locis citatis colligitur, id extra ordinem factum. Constantinus demum imperator legitimationem inuenit, qua, qui volent, liberos illegitimos efficerent legitimos l. 4. C. de *nat. lib.* Mirum igitur non est, de ea tacere pandectas, vtpote ex responsis prudentum Constantino anteriorum compilatas; quorum aetate, et si res ipsa, vt diximus, haud esset incognita, legitimatio

timatio tamen, ut modus *ordinarius* efficiendi legitimos, omnino ignorabatur.

§. CLXVI.

Est vero legitimatio actus, quo liberi illegitimi finguntur ex iusto matrimonio nati arg. l. 57. § 1. D. cit. STRAVCH. *Dissert. Iust.* 4. §. 3. Ast falluntur, qui eam inter actus legitimos referunt. Hi enim a iureconsultis interpretatione legum decemuiralium induiti, ac certis sollemnibus obeundi erant (70.); legitimatio autem non iureconsultis, sed Constantino debetur (165), nec vllis opus habet sollemnitatibus HVBER. II. *Digress. 12.* Fundamentum eius est fictio, eos, qui extra nuptias iustas procreati sunt, ex legitimo thoro natos esse; quales fictiones Romanis frequenter fuisse suis locis obseruabimus. *Vid. §. 5. I. quib. mod. ius patr. pot. sol. l. 18. D. de capt. et postl. cf. ALTEFERRA de fictionibus iuris.* Vnde etiam generalis fluit legitimatio-nis effectus: legitimatos redigi in potestatem patriam perinde ac legitimos §. vlt. I. b. t.

§. CLXVII.

Sunt autem illegitimorum quatuor potissimum genera. Alii enim *naturales* ex concubina, alii *spurii* ex meretrice, femina, quae quaestum corpore facit, alii ex *adulterio*, alii denique ex *incestuosis* amplexibus natii. HOTTOMAN. *de spur. et legit. II. p. 474.* Atque ex his solos naturales seu nothos, non etiam spurios, ex incestu, aut adulterio conceptos, licet tempore natuitatis nullum ultra subfuerit impedimentum, legitimari posse, vel

ex eo liquet, quod inter horum parentes fin-
gi haud possit matrimonium, quae fictio ta-
men vnicum est legitimacionis fundamentum.
Vnde talis semper exigitur mater, *cuius ma-
trimonium minime legibus fuerat interdictum.*
§. vlt. I. b. t. l. 10. et II. C. de. nat. lib.
Nou. CXVII. c. 2. Atque in Nou. LXXXIX. c.
15. aperte statuitur: *Omnis qui ex complexi-
bus aut nefariis, aut incestis, aut damnatis
processerit, iste neque naturalis nominatur,
neque alendus est a parentibus, neque habebit
quoddam ad praesentem legem participium. add.*
Nou. LXXIV. c. 6. Frustra igitur aduersarii
prouocant ad l. II. C. de nat. lib. et Nou.
LXXXIX. c. 8., quibus praecipitur: *illud tem-
pus magis valere, quod utilius sit nascenti.*
Capienda enim est haec regula, vbi de statu
liberorum quaeritur, vtrum ingenui nascantur,
an libertini l. 5. §. 2. D. de stat. hom. (90.);
quoniam ipsae hae leges requirunt, vt liberi
nascantur de tali, *cum qua pater poterat ha-
bere connubium l. II. cit.*, et vt sint *primitus
naturales*. Nou. cit. Quidquid iure Romano
matrimonium inter adulterum et adulteram
perpetuo fuerat interdictum (162.)?

§. CLXVIII.

Tres autem iure nouo obtinent legitimandi modi: I. per *subsequens matrimonium*
a Constantino l. 5. C. de nat. lib., II. per *ob-
lationem curiae* a Theodosio iuniore l. 3. C.
eod., III. per *rescriptum principis* a Iustiniano
inuentus Nou. LXXIV. c. 2. Nam legitimatio
per

per adrogationem, ab Anastasio inducta *l. 6. c. eod.*, iam a Iustino abrogata est, *ut sciant omnes legitimis matrimonii legitimam sibi posteritatem querendam l. 7. c. eod.*, tum ab ipso Iustiniano *Nou. LXXXIX. c. 7.* Quae vero eidem adscribitur legitimatio per testamentum *Nou. LXXIV. c. 2.*, illam commode ad eam, quae fit per rescriptum principis, referri posse dicemus (171.). Addunt legitimationem per nominationem filii *Nou. cit. c. 2.*: sed ea magis agnitus est legitimi matrimonii, quam vera legitimatio.

§. CLXIX.

Legitimatio per subsequens matrimonium est, qua pater ducendo concubinam liberos naturales, ex ea procreat, efficit legitimos. Posteaquam enim ex *leg. Pap. Pop. cap. 4.*, quam vxorem habere non licet, eam concubinam habere ius esset, quae naturali quidem matrimonio (*pos. iur. nat. 699.*), *sed inaequali*, effectibus ciuilibus destituto, iuncta erat viro, et iusta pene vxor *l. 3. C. de nat. lib. SVETON. in Vesp. III. l. 144. D. de V. S.*, variis de caussis frequens plane erat concubinatus. cf. HEINECC ad *leg. Pap. Pop. II. c. 4.* Ad quem abolendum, ac ad iustum matrimonium perducendum, primus christianorum principum Constantinus edidit constitutionem, ut, qui *ante eam* liberos habuissent ex concubinatu, iusto matrimonio legitimos reddere valerent. Constantinum porro imitati sunt Zeno in *l. 5. C. de nat. lib.*, tum Anastasius

sius in *I. 6. C. eod.*, et Iustinus in *I. 7. C. eod.* Tandein Iustinianus generatim statuit: ut *in futurum* quoque vitium concubinatus iustis nuptiis tollere, et liberos legitimos facere liceret *I. 10. et 11. C. eod.* Dotalia tamen instrumenta requirit ubique Iustinianus; ast non, quod ea ad substantiam huius legitimatis pertinere videantur, quoniam et sine his, declaratione de contrahendo matrimonio apud acta facta, absolui potest arg. *I. 4. §. 4. D. de aduoc. diu. iud. CYIAC. XIII. Obs. 4.*, sed quod, antiquis nuptiarum sollemnibus iam obsoletis (146.), haec vnuſ fere essent modus probandi nuptias *PLAVT. in Trin. act. III. sc. 2. v. 64. Nou. LXXIV. c. 4. cf. tamen GEBÄVER. excurs. IV. §. 3.* Horum loco hodie ierologia ecclesiastica necessaria est (148.). Ceterum, cum nuptias non concubitus, sed consensus faciat (148.), matrimonio etiam in articulo mortis cum concubina celebrato proles habebitur legitima. *PEREZ. ad cod. X. T. XVII. 14.* De veteri Germanorum ritu huius legitimatis eruditus scripsit *Ev. OTTO. iurisprud. Symbol. exercit. III. c. 4.*

§. CLXX.

Alter modus legitimandi est per *oblationem curiae*. Venit autem curiae nomine ordo *decurionum*, qui in municipiis consilio publico praefecti, et in iis veluti senatores erant *I. 33. C. de decur. iunct. PLIN. X. epist. 115. et seqq.* Horum etsi honos quidam esset, ac dignitas *I. 2.*

I. 2. §. 2. D. de decur. I. 4. C. eod., variaeque
 flebiles praerogatiuae *I. 8. D. eod. I. 9. §. II.*
 et *I. 15. D. de poen.*, longe grauiora tamen
 erant incommoda. Nam nec militare pote-
 rant *I. 17. C. de decur.*, nec ruri degere *I. vn.*
C. si cur: rel., nec ciuitatis vectigalia exercere
I. 6. §. 2. D. de decur. Vtabantur per
 substitutam personam functiones curiales obire
I. 60. C. de decur, praedia sine decreto alienare
tit. C. de praed. decur.: morituri porro
 curiae suae quadrantem, immo, si improles de-
 cederent, dodrantem relinquere tenebantur
tit. C. quando et quib. quart. Nou. XXXIII.
c. 1. Denique ludos Circenses, aliaque spe-
 ctacula, vias publicas, ac legationes suis cu-
 rare sumtibus, imperatoribus larga munera of-
 ferre, atque fiscum, si detrimentum passus
 esset, subleuare cogebantur. WUNDERLICH
Diff. de legit. per obl. cur. Inde factum, vt
 Traianus meminerit eorum, qui inuiti fiunt decuriones PLIN. X. ep. 14., Papiniano vero
 placuerit, spurios quoque decuriones fieri *I. 6. pr. D. de dec.; quod*, vt VLPIANVS ait, *ex*
vtilitate sit, semper ordinem habere plenum. I.
2. §. 2. D. eod.: immo sub Diocletiano christia-
 ni in poenam curiae addicti sint. CASSIOD.
*I. hist. trip. I. 9. EVSEB. II. de vita Constan-
 tini c. 20. et 30. SOZOMENVS I. hist. eccles. c.*
8. add. BASILII M. epist. LXXXIV. Denique
 cum passim iam deessent, qui tanto oneri
 succederent, THEODOSIVS et VALENTINIA-
 NVS a. v. c. 442. constitutionem ediderunt
 a Iustiniann seruatam in *I. 3. C. de nat. lib.*,
 ut filii naturales, a patre curiae traditi, aut

filiae, in matrimonium collocatae curialibus,
 iura legitimorum nanciscerentur. Hos vero
 curiae oblatos non statim *decuriones* factos
 esse, sed tantum curiales *l. 3. cit.* defendit
MERILLIUS VIII. obs. 26., quem sequitur au-
 ñor noster *b. §. et in antiq. ad b. t. §. 24.* Mo-
 uit Merillium, quod non modo *curiae sub-
 iecti* aperte distinquantur a decurionibus in
l. 55. c. de decur.; sed quod et absurdum fuis-
 set eos, qui aut aetatem non haberent, aut
 non essent idonei ad rempublicam administra-
 dam, aut cum plenus iam esset decurionum
 numerus, ad decuriatus honorem euehi, vt-
 pote qui nec legitime natis facile tribuebatur.
 Verum hanc Merillii sententiam abunde re-
 futat **REIZIVS ad Theoph. Excurs. XV.** Prae-
 terquam enim, quod **THEOPHILVS** curiae ci-
 uitatis oblatos *decuriones* fieri aperte testetur
paraph. §. 2. l. de hered. quae ab int. def., at-
 que in eadem *l. 3. c. cit. de decur.*, ad quam
 Merillius prouocat, *curiae splendore honestari,*
decurionibus immisceri, et *illustris ordine ci-
 uitatis illuminari* dicantur, add. *Nou. XXXVIII.*
et LXXXIX. c. 2. et 3., produxit idem vir ce-
 leberrimus ipsius Theodosii constitutionem,
 quae occurrit *Tit. XI. T. VI. append. pag. 35.*
et seq., in qua iis curiarum *commoditas*, *decu-
 rionum nobilitas*, *dignitatis impartitio*, et
sors decurionatus manifeste tribuuntur. Ut
 praetereamus leges innumeras, quibus *Tit. c. Theod. de decur.* tam decurionibus, quam cu-
 rialibus promiscue splendor, ordo, onera, et
 munera assignantur. Sane non modo iuuenes
16. vel 18. annorum adscripti l. 4. c. Tb.
de

*de fil. mil. app., l. 7. c. Tb. de decur., sed et decuriones praetextati occurrunt in aenea tabula Canufina apud FABRETT. c. IX. insc. 9., iuniores scilicet, qui discendi caussa in curiam venerant, quin sententiam dicerent ABBAS DAMASCENVS in explic. dict. tab. cap. 30., add. l. 1. C. de mun. et bon. Eos tamen, qui plane erant inidonei, haud admissos: immo *subjectos curiae*, qui nominationibus obnoxii, ne cum tamen onerum, et honorum participes erant, a curialibus vel decurionibus distinctos fuisse, facile conceditur FABROTT. in *apolog. pro Graec. GOTHOFR. paratil. ad Tit. c. de decur.* Vnde cetera quoque Merillii argumenta corruere patet. Quamobrem et Ev. OTTO olim eundem secutus in *comment. Inst. ad §. vlt.*, sententiam mutauit in *altera edit. de aedil. col. c. 5. pag. 157.* cf. GEBÄVER *exc. IV.**

§. CLXXI.

Fit persaepe, ut pater, liberos naturales habens, concubinam aut omnino ducere nequeat, (puta quod mortua sit, vel lateat) aut saltem non sine peccato. Hinc in subsidium inuenta est a Iustiniano legitimatio *per rescriptum* principis, qua ad supplicationem patris, *qui liberos legitimos non habet*, et concubinam ducere nequit, beneficio principis liberi naturales fiunt legitimi. *Nou. LXXXIX. c. 9.* In praeiudicium enim liberorum legitimorum, aut iusti matrimonii eam impertiri minime solet *Nou. cit. (56.).* Sed et ad

liberorum supplicationem, quos pater in testamento, velle sibi eos legitimos successores esse, scripserit, eandem extendit Imperator in *Nou.* LXXIV. c. 2. §. 1.

§. CLXXII.


Per legitimationem liberi illegitimi subiiciuntur potestati patriae (166.) : igitur I. id fieri nequit sine consensu liberorum *Nou.* LXXXIX. c. 11. *Inuiti*, inquit MODESTINVS, filii naturales non rediguntur in patriam potestatem l. 11. D. de his, qui sui vel al. iur. Etsi enim beneficium videatur, inuito tamen obtrudi nequit, eo minus, quod ex personis sui iuris fiant alieni iuris, non sine insigni iurium diminutione (138.). II. Succedunt patri legitimati velut heredes sui, nempe legitimati per subsequens matrimonium indistinctim l. 10. c. de nat. lib., eo magis, quod hi ad posteriorem liberorum legitimorum edendam progeniem occasionem praestiterunt l. 10. cit.; per rescriptum principis vero, cum soli sunt *Nou.* LXXXIX. c. 9.: alias enim a principe legitimari haud solent cit. *Nou.* Vnde auctor noster, aliquique interpretes concludunt, eos, legitimis extantibus, non admitti ad successionem citra speciale principis indultum: immo, hoc etiam impetrato, legitimos praecipuam habere legitimam; quod principis beneficium in aliorum incommodum haud sit extendendum l. 2. §. 16. D. ne quid in loc. publ. (56.). Ideo et legitimati per dationem curiae heredum suorum quidem iura nanciscuntur §. 2. l. de hered. quae ab int. def.

def., extantibus tamen legitime natis, non potest pater singulis plus relinquere, quam vni filio ex legitimo matrimonio procreato, cui minima portio relicta est *l. 9. §. 3. c. de nat. lib.* An autem legitimatio ius primogeniturae, et successionis in feudo tribuat, huius loci non est disceptare, cum primogenitura, et feuda iure Romano incognita sint. cf. BACHOV. *ad Treutler. vol. I. disp. 2. 6. et 7.*

§. CLXXIII.

Sublata iam dudum illa conditione curia-
lium, hodie in Austria duo supersunt modi le-
gitimandi: per subsequens matrimonium, et
per rescriptum principis, seu per excelsum Re-
gimen, vtpote cui legitimandi potestas in qua-
uis prouincia concessa est. *Res. de a. 1762. 13.
Nouembr.* Ac priori modo legitimati pariter cum
legitimis succedunt; per rescriptum principis,
vero demum his deficientibus, nisi diserte aliter
rescriptum sit: immo, si nobilium liberi sint,
per decimum etiam gradum excluduntur. *Erb-
recht außer Testament T. II. §. 2. et 3. DON-
NER Oester. Recht. p. 147. seq.*





T I T. XI.

DE ADOPTIONIBVS.

§. CLXXIV.

Filios familias non solum natura, verum et naturae aemula, ac nuptiarum imitatrix adoptio facit *I. I. D. b. t.*; de qua velut tertio modo adquirendi potestatem patriam hoc titulo agendum erit (154.). Adoptio antiquissimarum gentium moribus recepta, ut de Hebreis *Exod. II. 10. Esth. II. 7.*, de Aegyptiis et Assyriis *JOSEPH. I. antiq. 15. DIOD. sic. Biblioth. IV.*, de Graecis *PLVTARCH. in Theseo*, de Persis *PROCOP. I. de bell. Pers. c. 11.*, de aliis alii testantur *LIV. XLII. 52. SALLVST. in Iugurth. IX. FLORVS III. 1.*, Romanis tamen erat frequentissima, non vna ex caussa. Adoptabant alii, quod *cupientes liberorum, mulierum osores essent*, ut inquit *PLAVT. in Poenul. prolog. v. 74. seqq.*, alii, quod filios alienos bonos, quam malos forte ex se natos mallent *TACIT. I. hist. 16.*, alii ad poenas orbitatis effugiendas, et praemia tum ante leg. *Pap. Pop.*, tum in ea ipsa patribus proposita consequenda *DIO. LXI. GELL. V. 19.*; donec se natus consulto Memmiano cautum esset, ne simulata

mulata adoptio in vlla parte muneris iuuaret
TACIT. XV. annal. 19. l. 2. §. 2. D. de vac.
et excus. mun. (ord. hist. iur. ciu. V. §. 17.):
plurimi vero, ut adoptione desertam domum
fulcirent, et extraneis saltem adscitis, sacra fa-
miliae conseruarent, quae interire turpe fuisse
testatur CICERO pro dom. XIII. Denique, quod
nonnunquam patricii plebeiorum iuribus, ma-
xime tribunatui, inhibabant, exemplo Clodii
apud CIC. ib. XIV. et Dolabellae apud DIO.
XLII. Quibus rite perpensis illud quoque non
obscure colligitur, adoptionem olim indistin-
ctim tribuisse potestatem patriam. Etsi enim
recepta apud Romanos esset quoque adoptio per
testamentum, quae tamen potestatem patriam
haud induxit: veluti Crassus adoptauit Lici-
niae filium CIC. in Brut. LVIII., Caecilius Atticum
CORNEL. NEP. Attic. V., Caesar Octauium SVET.
Iul. LXXXIII., Augustus Tiberium SVET. Octau.
CI. add. CICER. VII. ad Attic. epist. 8.; quum
tamen, similiter adoptatus in patriam pote-
statem non veniret, nec alia iura familiae con-
sequeretur CVIAC. VIII. obs. I., bonorum tan-
tum, et *nominis heres* esset OVID. XV. Meta-
morph. 51. v. 74., immo vix ut legitima ha-
beretur adoptio, nisi iterata APPIANVS Bell.
ciu. III., et *confirmata* fuisse ex lege cu-
riata DIO. XLVI. l. 38. D. b. t., inde liquet,
eam veri nominis adoptionem haud fuisse, CV-
IAC. l. c. cap. 7.

§. CLXXV.

Adoptare vero, si etimologiam spectemus, idem est ac *adlegere*, cum optare sit legere, vel eligere, SERVIVS ad *Virg. I. Aeneid. v. 429. l. 2. §. 3. l. 4. D. de opt. vel elect. leg.* Inde AVSONIVS: *nulla viro Soboles, imitatur adoptio prolem, quam LEGISSE iuuet, quam genuisse velit. in Nerua XIII. add. VOPISC. in Aurelian. XXIV.* Quemadmodum etiam adoptare idem est *SALLVSTIO ac liberos sumere. bell. Iug. X.* Inde GELLIVS adoptionem vocat: *cum in alienam familiam, inque liberorum locum extranei sumuntur. V. 19.* Evidem Heineccius eam definit: actionem sollemnem, qua in locum filii vel nepotis adsciscitur is, qui *natura talis non est.* Ast cum pater non modo filium naturalem, seu notum *l. 7. c. de nat. lib.*, sed et emancipatum *l. 23. D. de lib. et postb.*, auus quoque nepotem suum nonnunquam adoptare valeat *§. 2. I. b. t.*, qui omnes natura liberi sunt, sed non in familia, rectius definitur: *actus sollempnis, quo in familiam recipitur, qui in familia non est.* GELL. *l. c.* Fundamentum adoptionis, perinde ac legitimatis (166.), est fictio, eum nempe, qui in familiam recipitur, natura in eadem esse: ideo *imago l. 23. D. de lib. et postb., commentum l. 76. D. de condit. et dem., ludibrium l. 10. c. b. t., et similitudo naturae dicitur CAI. l. 1. T. 7.*; ex quo fluit axioma: *adoptio imitatur naturam §. 4. I. b. t. CIC. l. c. XIV.* Quia porro introducta est, ut testatur THEOPHILVS, *ad molliendum naturae defectum, vel infortu- nium*

niūm in *paraphr. ad pr. I. b. t.* AVSON. *l. c.*, alterum erit: concedi adoptionem in *solatium* eorum, qui liberos non habent CICERO *l. c.* THEOPH. *l. c.*

§. CLXXVI.

Id solum, quod fieri potest, imitari et fingere licet, ex priori itaque axiomate (175.) deducitur: I. Ut ii tantum adoptent, qui liberos natura procreare, et in potestate habere possunt (174.), hinc II. etiam spadones, §. 9. *I. b. t.*, scilicet proprie tales, qui propter morbum ad tempus frigent arg. *l. 6. D. de lib. et postb.* Etsi enim hi, ut TRIBONIANVS ait, generare non possunt §. 9. cit., in praesentia nimirum subintelligendum est, naturalem tamen facultatem, et spem generandi habent *l. 6. §. 2. D. de aedil. edict.*: quare haud opus est, ut cum PETITO *ro' nunc* inferamus *II. obs. 6. SCHVLTING ad b. t. §. 6.*, eo magis, quod interdum particula non pro nondum et contra usurpetur arg. *l. 9. C. de fideicom. lib. CVIAC XV. obs. 5. et XV. quaest. Papin. ad l. 69. §. 2. de leg. 2.* Ast nequeunt adoptare spadones late accepti pro iis, qui in perpetuum impediuntur arg. *l. 7. D. de aedil. edict. l. 128. D. de V. S.*, nec castrati, qui nullos habent testes, vel attritos, ruptosue §. 9. *I. b. t.*, quoniam generare nullo modo possunt *l. 39. §. 1. de iur. dot.* Ideo CLAVDIANVS *de Euiropio*: -- *nubas, ducasque licebit. Nunquam mater eris, nunquam pater l. v. 223.* Nec III. impuberis arg. §. 4. *I. b. t.* (149.), nec IV. feminae, quia nec

nec naturales liberos in potestate habent §. 10.
I. b. t. (136.) ex indulgentia principis tamen
 in solatium liberorum amissorum adoptare pos-
 sunt §. cit.: non quidem ut potestatem, solis
 vtpote patribus propriam (137.), nanciscantur; sed
 vt filium heredem saltem habeant *I. 5. c. b. t.*
 Quare vidnis id tantum, non virginibus, da-
 tum fuisse videtur, et exorbitans est Valeriae
 Augustae exemplum, Candidianum sterilitatis
 caussa adoptantis *LACTANT. de mort. pers. XL.*
 Leonis vero constitutio, qua non virginibus
 modo, sed et castratis plane adoptandi faculta-
 tem impertitus est *Nou. XXVI. et XXVII.*, mi-
 nime obtinet (*Ord. hist. iur. ciu. VIII. II.*).
 Nec V. minores adoptare valent natu maiores;
 nam *pro monstro est, ut maior sit filius, quam*
pater §. 4. *I. b. t.* Qua de caussa CICERO im-
 pugnat Clodii adoptionem: *factus es filius eius*
*contra fas, cuius per aetatem pater esse potui-
 sti* *I. c. XIII.* Honoraria itaque tantum erat
 adoptio, qua Iustinianus adolescens Euthoricum
 senem adscivit *IORNAND. de reb. Goth.*, in qua
 aetatis ratio non habebatur *Ev. OTTO iuris-
 prud. symb. exerc. III. 12.* Immo quem quis
 in filium adoptat, plena pubertate, id est,
 octodecim annis praecedat §. 4. *I. et l. 40.* §.
 1. *D. b. t.*; hac enim demum maturitas adesse
 solet (121.). Quos annos plenae pubertatis
 non Tribonianum primum definiuisse colligi-
 mus ex *PAVLO III. R. S. T. §. 2.*; *l. 1. §. 3.*
D. de postul. l. 14. §. 1. *D. de alim. leg.*, id-
 que iam dudum a Graecis desumptum fuisse vi-
 detur *POLLVX. l. 8. onom. c. 30.* Inde explo-
 sam fuisse Elagabali adoptionem, qua Alexan-
 drum

drum Seuerum vix quatuor annis minorem adlegit, testatur HEROD. V. c. 7. Si quis vero nepotis loco alium adoptat, ob duplicem fictionem concurrentem, triginta sex annis eundem praecedere debet §. 4. I. cit. Quae adoptio in nepotem permittitur licet quis filium non habeat §. 5. I. b. t., tum quia potentia generandi, non actus, respicitur, tum quia nepos ex incerto filio, vel mortuo natus fingitur l. 15. §. 1. et l. 43. D. b. t.

§. CLXXVII.

Ex altero axiomate (175.) consequitur VI. nec eos adoptare posse, quibus adhuc est generandi potentia l. 17. §. 2. D. b. t.; quod melius sit, hos de liberis procreandis cogitare. *Quod est*, inquit CICERO, *ius adoptionis? nempe ut is adoptet, qui neque procreare iam liberos possit, et cum potuerit, sit expertus l. c. XIII.* Atque hanc potentiam ARISTOTELES septuagesimo lib. V. hist. animal. PLIN. VII. H. N. 14., lex Pap. Pop. vero, spectando quod plerumque fit, anno sexagesimo in mariibus terminauit cap. 3. in ord. hist. iur. ciu. pag. 183. Multo minus porro VII. adoptare poterunt, qui iam vnum, vel plures liberos naturales habent l. 17. cit. Vnde idem CICERO impugnat Clodii adoptionem, cuius pater adoptiuus iam suscepserat liberos l. c. Quae autem in contrarium adferuntur exempla REINOLD. in var. cap. 42. p. 307., ad ius commune miniime sunt trahenda PERIZON animadu. hist. cap. 3. p. 125. Quia tamen VIII. filium habenti permisum est alium adoptare nepotis loco, quasi ex

ex hoc filio, eo casu filii consensum requiri, ne ei inuitus suus heres adgnascatur §. 7. l. b. t. manifestum est. Aliud igitur dicendum, si simpliciter, et tamquam ex incerto filio natus adlegitur (176.).

§. CLXXVIII.

Per adoptionem adsciscitur in familiam vel qui sui iuris, vel qui sub patria alterius potestate est. Prior modus dicitur *adrogatio*, hic vero nomen generis retinet, et *adoptio*, in specie nimirum, vocatur l. I. §. I. D. et §. I. l. b. t. *Fit enim persaepe*, ait BOETHIVS, *ut species iisdem nominibus nuncupentur, quibus et genera.* ad Top. Cicer. II., ob inopiam scilicet vocabulorum l. 4. D. *praeſe. verb.* Differunt igitur hae species: (a) *subiecto*: arrogatur paterfamilias, adoptatur filiusfamilias l. I. §. I. D. b. t.: (b) *forma*, illa enim auctoritate imperantis, haec magistratus perficitur: (c) *effectu*, nam illa semper potestatem patriam tribuit, non etiam haec: *vt iam nunc seorsim expendemus.*

§. CLXXIX.

Adrogatio est actus, quo homo sui iuris auctoritate summi imperantis in patriam alterius potestatem redigitur §. I. l. 2. pr. D. b. t. Quum euim iure decemuirali Tab. IX. nec de capite ciuis Romani (82) ideoque nec de statu familiae GOTHOFRED. in not. ibid., nec, vt dicemus (486.), de hereditate decerni quidquam poterat iniussu populi, adrogationem

nem in comitiis curiatis fieri oportuit GELL.
V. 19. seu *lege curiata* TACIT. I. hist. 15. l. 2.
c. b. t. Praecedebat videlicet, cum et de
sacris gentilitiis transferendis ageretur, *ponti-*
ficum notio CIC. l. c.: an iusta sit adoptionis
caussa GELL. l. c. l. 15. §. 2. 3. D. b. t., et an
pupillo utilis l. 17. §. 1. D. eod. Tum sequebantur
quaestiones patri, et filio adoptiuo propositae,
simili formula: *Auctor ne es sis, ut in Te p. Fon-*
teius vitae, necisque potestatem haberet, ut in
filio CIC. l. c. XXIX. Caussa cognita demum
fiebat sollemnisi rogatio: *Velitis, iubeatis,*
Quirites, vti l. Valerius l. Titio tam iure le-
geque filius siet, quam si ex eo patre, matre-
que familias eius natus esset: viique ei vitae
necisque in eo potestas siet, vti patri endo filio
est. GELL. l. c. A qua populi rogatione porro
adrogationis nomen fluxisse videtur: non, vt
CAIVS coniicit in l. 2. D. b. t., a patris, ac
filii interrogatione. GELL. l. c. TACIT. XII.
ann. 26. cf. MENAG. *amaenit.* l. c. 39.
Inde rursus explicari poterit, cur adrogatio
olim Romae tantum VLPIANVS VIII. frag-
ment. 4. iunct LIV. V. 52., atque inter solos
ciues Romanos obtinuerit, adeo, vt feminae,
quibuscum nulla comitiorum erat communio,
nec adrogare potuerint, nec adrogari GELL.
l. c. Verum sublatis comitiis, vt sensim om-
nis potestas in principem concesserat (50.),
ita et adrogatio auctoritate principis, qui alio-
quin et Pontificis Max. munere fungebatur
RAEVARD. *de auct. prud.* VI., expediri cepit
§. 1. l. b. t. De aetate tamen huius mutatio-
nis non satis constat. Sane Augustus Agrip-

pam, et Tiberium SVET. *in Aug. LXV.*, Clau-
dius Neronem populi auctoritate adrogarunt
SVET. *in Claud. XXVII.* Et licet postea
inter principes desierit vetus haec sollemnitas
TACIT. *I. hist. 15. 17.* SPARTIAN. *in Hadr.*
III. IV. XXIV. *in Ael. Ver. III. IVL.* CAPI-
TOL. *in Anton. IV.*, inter priuatos tamen Gal-
bae aetate adhucdum viguit TACIT. *I. c.* Hu-
ius demum exemplo, ut coniicit SCHVLTING.
ad vlp. fragm. VIII. 2. p. 589., omnino ne-
glecta est. Certe sub Antonino iam principis
rescripto perfectas esse adrogationes tum ex
Caio *I. 2. et 21. D. b. t.*, tum Marcello *I. 38. D. eod.* ciuius aeui iure consultis colligimus. cf.
tamen CYRILL. *ad b. t. §. 1.* Ab eo itaque
tempore ex principis rescripto non modo fe-
minae *I. 21. D. b. t.*, sed et plures liberi simul
cognita caufsa *I. 15. §. 3. eod.*, neglectis anti-
quis sollemnibus, adrogari poterant.

§. CLXXX.

Adrogatione homo sui iuris filius familias
adrogatoris (169.), res quodammodo, ac seruus
efficitur (135.): triti autem iuris est, ciuem
Romanum neminem inuitum libertatem posse
amittere CIC. *I. c. XXIX.*; hinc (I) adrogan-
dus ipse auctor fieri debuit adrogationis CIC.
I. c. GELL. I. c. *Inuiti enim*, ut MODESTI-
NVS inquit, *non rediguntur in patriam pote-*
statem I. II. D. de his, qui sui vel al. iur.
Quemadmodum porro pater naturalis ius ha-
bet in filii liberos, et cuncta eius bona (183.), ita
quoque (II.) res omnes adrogati, eiusque liberi
adro-

adrogatorem pleno iure citra cessionem sequebantur *l. 15. D. b. t. Tit. l. de adq. per adrog.*
CAI. l. II. T. 2. pr. Quamobrem etiam *Augustus non ante Tiberium adoptauit, quam is Germanicum adoptauit: ut protinus adoptione facta incepit Germanicus Augusti nepos esse.* §. 11. *I. b. t.* Vnde (III.) ratio petenda est, cur impubes adrogari haud potuerit: nec enim ius comitiorum habebat, nec per aetatem in rem tam grauem et suspectam ipse auctor fieri poterat; tutori vero tanta potestas non erat, ut caput liberum fidei suae commissum alienae ditioni subiiceret valeret. *GELL. l. c. VLP. T. VIII.*
 §. 8.

§. CLXXXI.

Quum tamen, omni circumspectione adhibita, proficia pupillo esse possit adrogatio, forte etiam, ut ab importunis heredipetarum precibus se liberaret, constituit Antonius Pius, impuberis quoque adrogari posse, sed non alter, quam (I.) consensu propinquorum *l. 2. C. b. t.*, (II.) auctoritate tutorum *l. vlt. C. de auct. praest.*: hi enim omnes, nisi manifestum subsit impuberis commodum, consentire haud presumuntur; (III.) causa a magistratu cognita *l. 2. C. b. t.*, de aetate, moribus, facultatibus, affectione adrogatoris, ut honesta plane, et salubris intelligatur adoptio *l. 17. D. et §. 3. I. b. t.*: (IV.) praeterea caueat adrogans, si intra pubertatem deceperit adrogatus, restitutum se bona illis, qui, si adoptio facta non esset, ad successionem eius essent venturi §. 3.

cit., ideoque non adgnatis tantum, quorum iura adgnationis adrogatione sublata sunt, sed omnibus, ad quos res pupilli pertineret, si in priori statu mansisset *l. 18. seqq. D. b. t.* Cauendum autem erat datis fideiussoribus *l. 2. C. b. t.*, et cum ii, quorum interest, abesse possint, vel alio modo impediri, olim quidem *seruo publico l. 18. D. b. t.*, qui omnibus adquirit *l. 2. D. rem pup. solu.* (84.), post constitutionem Arcadii et Honorii vero in *l. 3. C. de Tabul. Personae publicae §. 3. l. b. t.*, *hoc est, tabulario*, ut adiicit THEOPHILVS in *b. §. (V.)* Eum non emancipet adrogator, nisi cognita caussa dignus emancipatione fuerit, et tunc quoque sua bona ei reddet, ad euitandam improbitatis suspicionem HOTTONIAN. *ad b. t.* Quod si illum exheredauerit, vel sine iusta caussa emancipauerit, praeter bona et commoda allata, tenetur ei quartam suorum bonorum relinquere §. 3. *l. cit.* Platum igitur est, quartam deberi, licet eum ex iusta caussa exheredauerit §. 3. *cit.*: quod aper te confirmat VLPIANVS *l. 8. §. 15. D. de inoff. test.* Cur enim, si iustum caussam habuit, cum non emancipauit? Sed an haec quarta Antonini, seu Piana, sit quarta legitima tantum, id est, portionis ab intestato debite, an quarta omnium bonorum, dubitatur. Postremum placet: quoniam in §. 3. *cit.* et *l. 2. C. b. t.*, abscisse quarta bonorum, et in *l. ult. D. si quid in fraud. patr. quarta ex bonis, quae mortis tempore illius, qui adoptavit, fuerunt, vocatur, tum quia diuersis remediiis, legitima scilicet querella inofficiosi l. 8. §. 15.*

D.

D. de inoff. test., Piana vero actione familiae eriscundae l. 2. §. 1. *D. famil. erc.* petuntur. cf. SCHVLTING. *Tit. de adopt. et emanc.* Nec obstat: sic adrogatum melioris conditionis fore liberis naturalibus, quibus nonnisi legitima debetur. l. 30. *C. de inof. test.* His enim aliquin, si modo digni sint, satis patrocinatur congenitus parentum amor, non vero adoptionis; hinc hi maiori opus habebant legis favore, quem etiam vtronea capitum, et fortunarum oblatione (180.) p[re]e naturalibus merentur. Quod vero aiunt, hac ratione quantum adrogatum nihil accipere: false prorsus supponit, adrogationem quinque liberorum, praecipue impuberum, admissam fuisse (177. et n. 3. h. §.) l. 15. §. 3. *D. b. t.* Ceterum eo ipso quod liberos habenti, aut procreandorum capaci vix concessa fuerit impuberis adrogatio, exiguus iam olim erat huius quaestio[n]is usus.

§. CLXXXII.

Effectus adrogationis generatim est, quod adrogatus in potestatem, et familiam adrogatoris veniat; vnde *adoptiones*, vt CICERO inquit, *hereditates nominis, pecuniae, sacrorum sequuntur* l. c. XIII. Habet igitur adrogatus (I.) iura adgnationis, non vero cognationis, vtpote quae naturalia sunt, et in sanguine fundantur l. 23. *D. b. t.* Ideo vxor adrogatoris, aut mater eidem matris, aut auiae loco non est, sed filiae eiusdem vt frater adgnascitur, quia haec in patris familia est *leg. cit.*

(II.) Transit in nomine adrogatoris leuiter plerumque inflexum: ut C. Octavius, adoptatus a Caesare, C. Iulius Caesar Octavianus DIO. CASS. XLVI. p. 322., Vprauda a Iustino Iustinianus, a Iuliis Iuliani, a Marcellis Marcellini, a Domitiis Domitiani dicti sunt. ANT. AVGUSTIN. III. emendat 4. Transit porro in sacra VALER. MAX. VII. c. 7. CIC. l. c. XIII., gentem l. II. §. 2. D. de bon. poss. sec. tab., ac familiae imagines, de quibus BRISSON. de verb. sign. voc. *imago*. vid. l. 22. C. de adm. tut. Vnde et illud consequitur: plebeios adrogatione a patriciis facta consecutos esse nobilitatem, utpote quae iuribus adnationis annumeratur, et in sacris, ac imaginibus posita erat HEIN. comm. ad leg. Pap. Pop. II. c. 1. §. 4. Id demonstrant exempla Cn. Cornelii Cossi, qui ex Licinia, plebeia familia, adoptatus in patriciam Corneliam, tribunus militum consul. potest. factus est, quae dignitas sequenti demum anno cum plebeiis comunicata fuit LIV. V. 12.: tum Liuiac, [quae] TACITO: NOBILITATIS per Claudiam familiam, ET ADOPTIONE Liuiorum, Iuliorumque clarissimae dicuntur. V. ann. 1., et Angusti, de quo OVIDIUS:

Hic a te magna descendit origine mens.

*Et fit ADOPTIVA NOBILITATE tuus IV.
faſt. v. 21. add. l. 13. et 35. D. h. t. l. 6. et
10. D. de ſenat. PLIN. XXXV. H. N. c. 2. Si-
mili ratione patricii adrogati a plebeiis ad
ple-*

plebem transibant sublata sanguinis ac imaginum nobilitate; quemadmodum de Dolobella DIO. CASS. *XLII.* testatur, et de Clodio, qui, ut tribunus plebis fieret, in P. Fonteii plebeam gentem se adrogangum dedit, CICERO *I. c. XIII.*; licet senatores, senatorumque liberi per adrogationem non amitterent ordinem senatorium *I. 6. §. I. D. de senat.* Aliam enim esse ordinis, ac dignitatis praerogatiuam, aliud ius gentis atque originis recte obseruat HEINEC. *I. c. aduersus CORASIVM ad I. 35. D. de senat.* et BRISSON. *de iur. connub. p. 245.* Sed ut olim haec gentis mutatio populi, aut principis consensu facta est, ita et hodie nobilitatem minime adquiri adrogatione, nisi et imperans, penes quem ius est, creandi nobiles, auctor fiat, manifestum est. (III.) Denique adrogatus non solum patri adoptiuo, sed et fratribus, ac sororibus in eadem potestate constitutis, tum adrogatoris fratri, patruo, ac ceteris adgnatis longioris gradus ab intestato succedendi ius habet, non vero adoptantis vxori, ac cognatis, cum proprie consanguineus haud sit *§. 2. I. de legit. adgn. success.* Ceterum ex his, quae adrogatos sequuntur, iuribus perbelle quoque illustrari possunt loca APOSTOLI ad Rom. *VI. v. 17. VIII. 15. Galat. IV. v. 6. 7. Eph. I. v. 4.*

§. CLXXXIII.

Ab Adrogatione differt liberorum adoptio striete dicta (173.), de qua GELLIVS: *Adoptantur autem, cum a parente, in cuius potestate sunt, tertia mancipatione ceduntur, atque ab eo,*

qui adoptat, apud eum, apud quem legis actio est, vindicantur V. 19. Scilicet, cum patria potestas tria demum venditione solueretur (138.), pater naturalis apud magistratum, coram quo lege agi poterat *I. 4. D. b. t.*, praesentibus quinque testibus, libripende, et attestato (qui tacta aure ima, memoriae loco secundum veteres PLIN. XI. R. et C. 4. 5., testem aduocabat formula: *Memento, quod tu mibi in illa causa testis eris.* PORPHYR. ad Horat. I. servm. I. sat. 9.) patri adoptiuo mancipabat filium verbis: *emancupo tibi hunc filium, qui meus est.* Tum adoptans aces tenens, ac apprehendens filium dicendo: *Hunc ego hominem, iure Quiritium meum esse aio, isque mihi emtus est hoc aere, hac aeneaque libra, aere (rauduscum olim dicebatur), id est, sestertio numo libram percutiebat, illudue quasi in pretium patri naturali offerebat BOETH. ad Cic. Top. 3.* Ita bis mancipatum, et rursus manumissum tertia demum mancipatione filium VLP. fragm. XII., at nepotem, filiamue una VLP. I. vlt. c. b. t. et CVIAC. ad b. I. vlt., plene cesserat in iure adoptanti GELL. I. c. Recte igitur definitur adoptio, quod sit: *actio legis* (§. 69.), *qua liberos, in aliena potestate patria constitutos, adoptamus auctoritate magistratus* *I. 2. p. D. b. t.*

§. CLXXXIV.

Adoptantur itaque ii, qui in parentum potestate sunt (183.); unde consequitur: (I.) **Vt** in adoptione iudicium patris, qui optimum confi-

consilium pro liberis capere praesumitur, spestandum sit, filium verq non contradicere sufficiat *l. 5. D. et l. vlt. c. b. t.* (II.) Ut et infantes adoptari possint; cum non vt in adrogatione auctores fiant *l. 42. D. b. t.*: et si liberos sanguinolentos vendere (141.), cur non et in adoptionem dare licuisset? (III.) Ut extra matrimonium procreati, cum sui iuris sint *l. vlt. D. b. t. de his qui sui vel al.*, adoptari nequeant, bene vero adrogari *l. 7. c. de nat. lib.* (178.).

§. CLXXXV.

Adoptio porro erat actio legis (183.); ergo perficere eam oportebat (IV.) coram magistratu, apud quem erat legis actio, velut consule, praetore, proconsule, praefide provinciae *l. 3. et 4. D. b. t.*; quum tamen esset actus iurisdictionis voluntariae, magistratus etiam apud semetipsum in adoptionem dari, aut liberos suos dare poterat *leg. cit.*: nec coram tribunal tantum, sed etiam quocunque loco, praesente modo illo magistratu arg. *l. 36. D. b.*, ideoque etiam domi fieri poterat. Vnde SVETON. de Augusto: *Caium et Lucium adoptauit domi per aes et libram emtos a patre Agrippa CLXIV.* Et PLINIUS: *Itaque non tua in cubiculo, sed in templo, nec ante genitalem torum, sed ante puluinar Louis optimi Maximi adoptio peracta est.* paneg. VII. cf. MERRILL. ad *l. pen. c. b. t.* Immo simulato partu matrisfamilias eandem factam fuisse erudite docet EVER. OTTO iurisprud. *Symbol. III. ex-*

eredit. cap. 4. et seq. (V.) Non tamen in tempus fieri poterat v. c. ad triennium, nec enim conuenit moribus nostris, inquit PAVLVS, filium temporalem habere l. 34. D. b. t. Nec (VI.) per tabulas, sed a praesentibus (183.) seruato sollempni iuris ordine l. 4. c. b. t. Ast iure Iustinianeo, sublato veteri mancipationum ritu, adoptio coram quocunque iudice competente, praesente adoptante, et adoptato, nec contradicente, absolui potest l. vlt. C. b. t. §. 8. *I. quib. mod. ius patr. pot. solu.* Modum adoptandi Hebraeorum HEIN. in *discurs. Germ. ad Instit. b. t.*, aliarum quoque gentium MERILL. III. obs. 40. PITHOEVS *l. 1. adu. c. 1.* et COLER. *cap. VII. parerg. exposuerunt*

§. CLXXXVI.

Effectus adoptionis olim perinde, ac arrogationis erat, quod liberi adoptui in familiam, sacra, gentem, ac potestatem adoptantis transirent pr. §. 2. et 8. *I. b. t.*, patris vero naturalis familia mancipatione excluderentur. *Nam consuetudo*, ait SERVIUS, apud antiquos fuit, ut qui in familiam vel gentem transiret, se abdicaret ab ea, in qua fuerat, et sic ab alia recipereetur ad. II. Aeneid. D. AVGVSTIN. libr. I. contr. sec. Iul. resp. Hinc durante adoptione quoad patrem naturalem erant extraneorum loco §. 4. *I. de exhered. lib.*, adeo, ut sententia plurium saltem iureconsultorum ab eo impune exheredari *l. 8. §. 10. D. de bon. poss. contr. tab.*, et praeteriri potuerint *l. pen. C. b. t. cf. MERIL. in decis. ad b. l.* Nec,

Nec, vt auctor putat, ex tribus maribus adoptato quarta relinquenda erat a patre naturali, sed a patre *adoptuo* §. 14. *I. de hered. quae ab int.*, et *ibi THEOPH.*, *l. 10. §. 3. C. b. t.* Idque ob fauorem trium liberorum, et faecunditatis priuilegium introductum videtur. cf. *MLIVS diff. defct. Sabin.* Inde vero non raro accidit, vt adoptatus, patre naturali defuncto, et adoptione dein per emancipationem adoptantis sublata, ad neutrius successionem vocaretur §. 14. *cit.* Ne igitur adoptionis fragilitate, et ludibrio ius naturale dissoluatur, rem omnem ita decidit Iustinianus, vt si auo materno, paterno, vel aliis *adscendentibus* in adoptionem datus sit, eorum potestati patriae, omnibus antiquis adoptionis iuribus seruatis, subiicitur, ad patrem adoptium porro totam spem extendere, non successionem patris naturalis molestare debeat; vtroque vtpote iure tam naturali, quam legitimo concorrente, ideoque et emancipationis metu cessante *l. pen. C. b. t.*: contra adoptatus ab *extraneo* (id est, extra lineam parentum constituto) in patris naturalis potestate maneat, integra omnia eiusdem iura seruentur, ac si adoptio subsecuta non esset, praeterquam quod et patri adoptuo ab intestato succedendi ius habeat §. 14. *I. et l. pen. c. cit. §. 2. I. b. t.* Inde priorem adoptionem *plenam* et *perfectam*, hanc vero *minus plenam* et *imperfectam* vocant interpretes.

§. CLXXXVII.

Adoptionem adhucdum in Germania vige, ac patriam potestatem inducere contra VINN. *ad b. t.* pluribus exemplis docuerunt KVLPI^S de *adopt. et emanc. princ.* et STRYK, in *vñu pand. ad. b. t.* Iure nostro adoptio inter nobiles auctoritate principis, inter alios auctoritate magistratus; et quidem si minor arrogatur, eius, cui minor subest, sin maior, auctoritate illius, cui adrogator paret, expeditur. *Erbrecht ausser Testament T. 3. §. 3.* Ac hodie quoque, si minor adrogatur, cautionem ab adrogatore sicut a tutore praestandam, iuste vero emancipato quartam relinquendam esse testatur VOSSIUS *l. c. ad b. t.* §. 215.

§. CLXXXVIII.

Vt imago adoptionis huc quoque a VINO ad *pr. l. b. t.* refertur *vñio prolium*, Romanis ignota, Germanorum moribus recepta, vi cuius parentes ad secundas nuptias transeuntes conueniunt, vt liberi ex priori matrimonio procreati cum iis, qui in posterum suscipiuntur, aequali iure vtrique parentum succedant. Eaque (a) decreto magistratus competentis, (b) praeuia caussae cognitione, (c) constitutis curatoribus liberorum, ne pars eorum nimis laedatur, expedienda est GAILL. II. ob*jeru.* 125. RICK. *tract. de vn. prol.* Patet igitur, eam non esse nisi pactum quoddam successorum ad vitricorum, nouercarum, ac priuignorum odium declinandum, seruandamque inter

inter liberos aequalitatem initum, patriam potestatem haud inducere, ideoque ab adoptione plane esse diuersam.



T I T. XII.

QVIBVS MODIS IVS PATRIAЕ POTE STATIS SOLVATVR.

§. CLXXXIX.

Quemadmodum seruos potestate dominica liberari posse, supra (94.) obseruauimus, ita expositis modis, quibus patria potestas constituitur, naturale est, ut videamus, quibus eadem dissoluatur *pr. l. b. t.*

§. CXC.

Sane si ius naturae spectemus, cum tota haec potestas in obligatione educandi fundetur (134.), finito educationis onere, etiam imperium parentale definit; licet gratitudinis obligatio, perpetua sit (*iur. nat. pos. 738.*). Ast iure ciuili Romano est species dominii Quiritarii (136.); vnde fluit axioma: *quibus modis*

dis cessat dominium Quiritarium, iisdem definit patria potestas.

§. CXCI.

Soluitur itaque I. *Morte naturali* tam filii, quam patris *pr. l. b. t.* Etsi enim naturaliter ad matrem superstitem deuolueretur (*iur. nat. pos.* 745.), iure Romano tamen ius hoc, in sola persona patris radicatum (136.), eius morte omnino extinquitur (*iur. nat. pos.* 591. 742.), et *filii, filiaeue* sui iuris fiunt. Idem mortuo aucto de liberis vltiorum graduum, quorum pater eundem praemortuus est, aut *emancipatione* eiusdem potestate exiit, dicendum est *l. 41. D. de adopt.*; alias vero sub potestatem patris, viuo aucto quodammodo suspensam (138.), recidunt *pr. l. b. t. l. 5. D. de bis qui sui vel al. iur.* II. *Morte ciuili*, id est, *capitis deminutione maxima*, et *media*, vtpote quae morti aequiparantur *l. 63. §. 10. D. pro soc. l. 209. D. de R. I.* Illa enim libertas, hac vero ciuitas amittitur §. 1. *I. de cap. dem.*: homo vero peregrinae conditionis alium sub potestate Quiritium habere *CAI. I. I. T. 6.* (134.), aut sub potestate patria ciuis Romani existere haud poterat *PLIN. epist. 6. §. 1. l. b. t.* Vnde non modo captiuitate (82.) §. 5. *l. b. t.*, et servitute poenae (83.) §. 3. *l. b. t.*, sed et deportatione patris, aut filii ob maleficium in insulam, qua ius ciuitatis perimitur, ius patriae potestatis quoque tolli manifestum est §. 1. *I. b. t. THEOPHIL. b. t. §. 1.* Priori tamen casu postliminio, quo a reuersis tempore belli

omnia

omnia iura recepta fuisse dicemus (349.), convaluit pristina potestas; quae ideo a TRIBONIANO interim pendere §. 5. l. b. 1., ab VLPIANO vero *in suspenso esse* dicitur X. fragm. 4.: seruitute poenae autem, vel deportatione amissa recuperabatur plenaria restitutione l. 1. c. de sent. pass. §. 1. l. b. t. III. *Adoptione plena* potestas patris naturalis soluitur quidem (186.), transit tamen in patrem adoptum §. 8. l. b. t.: vnde adoptatus sui iuris non fit. Minus plene adoptatus vero manet sub potestate patris naturalis (186.). IV. *Emancipatione*, de qua mox dicemus (194.).

§. CXCII.

Sed ex eodem axiomate (190.) non amittitur (I.) relegatione, nam relegatus sequiori aevo Cic. XI. epist. ad fam. 16. non, vt exul, priuabatur iure Quiritario, quemadmodum aperite innuit OVIDIUS l. V. Trist. eleg. 12. v. 15. et 18.

*Nec vitam, nec opes; nec ius mibi cuius
ademit,*

Nil nisi me patriis iussit abesse facis.

*Ipse relegati, non exulis vititur in me no-
mine.*

add. l. 7. §. 3. D. de int. et releg., idque ex diuersitate sententiae, ac executionis forma intelligitur l. 7. §. 17. D. eod. et l. 17. §. 1.

D.

D. de poen.; salvo itaque ciuitatis iure, ignominiae aut poenae causa necesse habuit ab urbe Roma, alioue quo loco abesse, ut habeat Acellius Gallus apud FESTVM voc. *relegati*. cf. BRISSON de V. S. in *relegatio*: hinc relegati patres in potestate sua retinent liberos, et liberi relegati in potestate patris remanent §. 2. *I. b. t.* Nec (II.) olim dignitate. Quamuis enim in ipso muneric publici exercitio paulisper interquiesceret ius parentale (§139.), eidem tamen filius subest, *toto vitae tempore*, *etiam si magistratus gesserit maximos*, vel *studiis erga rempublicam laudem sit promeritus*, ut testatur DIONYS II. 20. Evidem bi, qui *Flamines Diales inauguraruntur*, et quae *virgines Vestae capiuntur in potestate parentum esse desinunt*, iam sua aetate scripsit VLPIANVS X. *fragm. 5.*, id tamen vix ob dignitatem erat, sed quod *sine capit is minutione* vera quidem GELL. I. N. A. 12., attamen *velut bello captae sub potestate pontificis maximi venirent* GELL. I. c. Minime vero (III.) tollitur liberorum exheredatione I. 20. *D. de bon. poss. contr. tab.*; hac enim pater ab hereditate quidem sua excludit liberos, potestati vero in eos nullo modo renuntiat. Sed nec quod in poenam liberorum introductum est, fauorem eorundem operari debet.

§. CXCIII.

Ex constitutione tamen Iustiniani (V.) summa patriciatus *dignitas*, quam Constantinus inuexit (*ord. hist. iur. ciu. VII. §. 1.*), filium

filium a patris iure liberat. Erant enim patricii primi *in aula* ministri, Patres principis, et imperii CLAVDIAN. *in Eutrop.* II. v. 49. ; quis autem, inquit TRIBONIANVS, patiatur, patrem quidem posse per *emancipationis* modum suae potestatis *nexibus* filium relaxare, *imperatorianam* vero celsitudinem non valere eum, quem sibi patrem elegit, ab aliena eximere potestate §. 4. I. b. t. Evidem VINNIUS, secutus Bachonium, ex CASSIODORI, qui iam sub Theodosio vixit, formula: *leges tantam patriciis dignitatem detulerunt, ut in sacris positus, cum hoc fuerit honore praecinctus, paternae potestatis nexibus exuatur.* VI. varior. c. 3., huius constitutionis originem minus recte Iustiniano tribui autumat *ad b. t.* §. 4. Verum cum Cassiodorus non solum sub Theodosio, sed et sub Athalarico, immo et Theodahado et Vitige vixerit, ac negotia publica tractauerit, quin etiam verbis Iustiniani fere vtratur, eum omnino Iustiniani sanctionem a. v. c. 530. circiter latam videre potuisse, et inde describere, confecit REINOLD. var. c. 19. Paullo post simile priuilegium etiam episcopi velut *patres spirituales* Nou. LXXXIII. c. 3., tum consules, praefecti praetorio, praefecti vrbi, magistri militum, et patroni fisci consecuti sunt cit. Nou. c. 2. Hi tamen omnes iura legitimorum intacta seruant, vnde et eorum liberi post mortem aui in eorum potestatem reuertuntur cit. Nou. c. 2., secus ac in *emancipatione* (191. 1.).

§. CXCIV.

Praecipue vero hoc pertinet *emancipatio* (191.), quae naturaliter est actus, quo proles ex potestate parentum dimittitur; et cum societas necessaria sit ab arbitrio eorum non omnino pendet (*iur. nat. pos.* 739.). Iure ciuili vero, cum liberi res mancipi sint (135.), ut omnis mancipatio ritu sollempni per aes et libram fieri debuit *VLP. XIX. regul.* §. 3. 4. *BYN KERSCH. de reb. manc. p. 1.*, ita et liberorum emancipatio erat actus sollemnis, quo pater per aes et libram se sponte abdicabat potestate in liberos. *BRISSON de V. S. voc. mancipatio.* Simpliciorem vero emancipandi modum instituit Anastasius, ac post eum faciliorem adhuc Iustinianus: inde emancipatio alia *vetus*, alia *Anastasiana*, alia *Iustinianea*.

§. CXCV.

Cum enim ex lege Romuli, ac XII. Tab. filius tercia demum venditione patris iure liberaretur (138. 2.), venditione saltem imaginaria etiam in emancipatione filii opus esse putabant veteres §. 6. 1. b. t. Praesentibus itaque quinque testibus ciuibus Romanis *BOETH. ad Top. Cic. III.*, libripende et antestato v. *GRVT. insc. p. 1081.*, pater filium suum praesenti emtori mancipabat formula: *Mancupo tibi hunc filium, qui meus est.* Ille contra dicens: *Hunc ego hominem ex iure Quiritium meum esse aio, isque mihi emtus est hoc aere, hac aeneaque libra, festertio numo arg. l. vlt.*

C.

C. de donat. VITRVV. *Architect. I. 4.*, quo libram percusserat, velut pretio tradito filium in imaginariam seruitutem emebat *I. 3. §. 1. D.* de cap. min., et sollemni vindictae ritu manumitterebat. Quoniam vero bis venditus, et manumissus in patriam potestatem reciderat (138. 2.), ter repetenda erat haec mancipatio, ac postremae adiectum pactum fiduciae: *Ego vero hunc filium meum ibi mancupo, ea conditione, ut mihi remancipes, ut inter bonos bene agier oportet, ne propter te tuamque fidem frauder.* Cic. III. de offic. 15. Epist. ad famil. VII. 12., (quod recentiori aetate interpositum praesumebatur §. vlt. I. de leg. adgn. succ.). Denique recepto numo remancupabat filium patri, ut is potius filium vindicta manumitteret *Nou. LXXXI. praef.*, eique patronus fieret, quam emitor, qui ab illo pacto pater fiduciarius dictus est *CAI. I. Inst. 9.* et *ibi SCHVLTING.* In filiabus tamen, ac nepotibus una mancipatio, interposito fiduciae pacto, suffecit *CAI. I. Inst. 6. §. 3. 4.* (138. 5.). Atque hos emancipationis ritus seruarunt nobis *THEOPHIL. ad b. i. §. 6. CAI. I. Inst. 6.* iunct. *BRVMER. ad leg. Cinc.*, ex quibus explicari poterit, cur emancipatio vetus dicatur *actio legis* (69. 2.), qua liberi masculi, primi gradus per tres venditiones, et mancipationes, rotidemque manumissiones, filiae autem, et nepotes una venditione et manumissione patria potestate exibant.

§. CXCVI.

Haec quidem olim. Nam Anastasius explosa veteri forma statuit, ut emancipatio precibus a patre principi oblatis, et secuto desuper imperiali rescripto, apud competentem iudicem insinuato, peracta plenissimum robur, aequa ac illa vetus, habeat, modo et liborum infantia maiorum voluntas proposito parentum consona sit *l. pen. C. de emancip. PAVL. II. R. S. 25. §. vlt.*

§. CXCVII.

Sed quum et hic modus a ciuibus absentibus saltem non sine temporis, ac pecuniae dispendio frequentari poterat, eundem inutilem reddidit Iustinianus, longe facillimum inducendo: ut scilicet pater sine imperiali rescripto coram magistratu competente filios suos, vel filias, nepotes vel neptes (filio licet in potestate retento *§. 7. I. b. t.*), ac deinceps ceteros sua manu dimittat saluis per omnia antiquis iuribus *§. 6. I. b. t. l. fin. C. de emancip.* Ceterum facile liquet, nec huic, nec Anastasianae proprie quadrare emancipationis nomen (194.).

§. CXCVIII.

Emancipatione potestas patria, quae in aestimabilis est *l. 114. §. 8. D. de leg. 1.*, amittitur, et liberis legitimis honor *§. 2. I. per quas perf. cui. acq.*, liberalitas *l. 5. C. de emanc. lib.*, ac donatio *l. 6. §. 3. C. de bon. quae lib. obtin-*

obtingit: nemo vero citra iniuriam re sua inuitus priuari, aut ad liberalitatem cogi potest (*iur. nat. pos.* 391,); hinc nec ullo penè modo pater ad emancipandos liberos cogitur §. *vlt. l. b. t. l. 4. c. de eman. lib.*, id est, sine iustis cauissimis, iure nouo demum proditis arg. *l. 31. D. de adopt.* Quales sunt: I. filiarum prostitutio agendo lenonem *l. 6. c. de spect.*, II. liberorum expositio *Nou. CLI**I. c. 1.* nec enim suam quis dicere poterit sobolem, quam pereuntem contempsit. *l. 2. c. de inf. expos.*, III. incestae nuptiae v. c. cum marterera, amita, adeo, ut liberi prioris matrimonii suis iuris facti mox accipiunt patris hereditatem necessaria duntaxat ei praebentes. *Nou. XII. c. 2.* Quas autem adiicere solent interpretes: saeuitiam patrum nimirum ex *l. fin. D. si a par. quis manum.*, adrogationem in praeiudicium impuberis vergentem. *l. 32. seq. D. de adopt.*, et relictum legatum, vel acceptam pecuniam ea conditione, ut liberos emanciparent *l. 92. D. cond. et dem. l. 1. §. 3. si a par. quis manum.*, proprie hic non pertinent. Nam ut prima species est priuilegium odiosum ad exemplum non trahendum (60. 61.), ita in altera adrogatoris petestas usque ad pubertatem suspensa dici potest, in tertia vero ex iis, quaa expresse agit, tacite intelligitur sponte patris emancipatio.

§. CXCIX.

Morte, professione religiosa, relegatione. perpetua patris, aut filii, tum huius adoptio-

ne plena (187.) nunc quoque finiti patriam potestatem ex eius effectu facile liquet. Voss. *I. c.* §. 216. Emancipatio expressa coram magistratu hodie rarissima est, nisi quod in emporiis inter mercatores obtineat; sed frequenter tacita, per nuptias, specialem oeconomiam, aut quum bona propria habentes filii expletis annis viginti quatuor pro maiorenibus declarantur petentes a magistratu. Voss. §. 216. Emancipatio tamen adoptati, quum iura familliae tollat, adhuc hodie auctoritate magistratus eo modo, quo adoptio facta est, expediri debet. *Erbr. auf. Testam.* T. 3. Nec enim vbi quis interueniente pacto adoptatus est, eius emancipatio pro lubitu fieri potest, vt pote qua successionis iure priuatur. *DONNER. I. c. p. 194.*

§. CC.

Hoc loco auctor recenset statutum Lubencense, vi cuius parentes ad secunda vota transeuntes liberis prioris matrimonii partem bonorum adsignant interuenientibus actis; eo effectu, ut e potestate exeant, sub tutelam veniant, et a bonis postea acquisitis excludantur. *Ius. Lub. part. 2. T. 2. Art. 33. et ibi Mev.; Stat. Hamb. part. 3. T. 3. §. 2.*



T I T. XIII.

DE TUTELIS.

§. CCI.

Prima hominum diuisio erat in liberos et seruos a *Tit. III.* vsque ad *VII.*, altera in ciues et peregrinos §. 127., tertia in homines sui et alieni iuris a *T. VIII.* vsque ad *XII.* Sed rursus ex his personis, *quae in potestate non sunt*, vt loquitur **TRIBONIANVS**, quaedam vel in *Tutela* sunt, vel in *curatione*, quaedam *neutrō iure* tenentur *pr. I. b. t.* Evidem **PAVLVUS** in *l. 43. D. de obl. et act. l. 2. §. 1. D. de pollicit.* et **VLPIANVS** in *l. 20. D. de nou. cos.* qui tutelae subsunt, opponere videntur illis, qui sui iuris et potestatis sunt: vnde et **CVIACIVS** eos sui iuris esse negat. *XXI. obs. 23.* Sed perpendisse vir eximius non videtur, potestatis vocabulo plura significari *l. 215. D. de V. S.*, et pupillos, licet suae tutelae, atque auctoritatis non sint, nec potestatem arbitrii habeant tamen nec dominicam, nec patriam potestatem agnoscere, quod ad homines sui iuris proprie sufficit *pr. I. de his qui sui vel alieni iur.* Quamobrem ipse **VLPIANVS** patresfamilias siue puberes siue *impuberes* sui

iuris esse testatur in l. 4. D. eod. Primo de his videamus, qui in tutela sunt.

§. CCII.

Vt impuberes parentibus destituti auxilio aliorum, qui parentum vices obeunt, regantur, ac edacentur, huius vniuersi fines, societatis humanae vinculum, et naturalis aquitas manifesto postulant, (*iur. nat. pos. 743. seq.*) *Natura*, ait LACTANTIVS, *iustum esse, tueri eos, qui tutela carent.* VI. D. I. 12., et TRIBONIANVS: *Impuberis in tutela esse, naturali iuri conueniens est: vt is, qui perfectae aetatis non sit, alterius tutela regatur §. 6. I. de Atil. tut. Cic. I. de offic. 34. HORAT. de art. poet. v. 161. seq.* Conditis ciuitatibus porro plurimum intererat, teneros ciues in futuram regi reipublicae spem. Vt ergo apud alias gentes teste PVFFENDORF. *iur. nat. et gent. IV. 5. §. 15. SELDEN. de vxor. Hebr. II. 3.*, ita et Romae tutela impuberum obtinuit. Ast praeter hos iure Romano, quemadmodum apud Athenienses Cic. *pro Flacco XXX. DIO CHRYSOST. orat. 75. SALMAS. de mod. usur. IV. p. 165. et X. p. 425.*, etiam feminae ob infirmitatem sexus non solum sub *pupillari*, verum et sub *perpetua* tutela erant, ne maiorenitate quidem terminanda BoETH. *ad Top. Cic. LIV. XXXIV. 2. Cic. pro Mur. XII.*, adeo, vt nec agere, nec rem mancipi alienare Cic. *pro A. Caecin. XXV. VLP. XI. 25. 17.*, nec in manum mariti conuenire sine tutorum auctoritate potuerint Cic. *pro Flacco. XXXIV.* Erat ea

ea aut *testamentaria* testamento mariti scilicet, cuius in manum venerant, delata LIV. XXXIX. 19. CIC. pro *Mur.* XII., aut *legitima* proximorum agnatorum VLP. XI. 7., aut in defectum *praetoria*. cf. *leg. Pap. Pop.* cap. 13., et HEINECC. *antiq. ad b. t. §. 17. seq.* Licet porro sensim mulieres illustres DIO CASS. LVI. et XLIX., tum iure trium aut quatuor liberorum etiam aliae eadem liberarentur *cap. 12. leg. Pap. Pop.*, mansit tamen ea adhuc sub Antoninis APVLEI. *Apol. II. p. 327.*, sub Constantino *l. 2. c. Tb. de tut. creand.*, immo et sub Leone *l. 3. c. de legit. tut.* Sensim vero ad tempora Iustiniani omnimode exoleuit. HEIN. *l. c. §. 24.*

§. CCIII.

Definitur *tutela* a Seruio Sulpitio: vis ac potestas in capite libero ad tuendum eum, qui propter aetatem se sponte defendere nequit iure ciuili data ac permissa §. 1. l. b. t. *Vis ac potestas* generis loco ponuntur, et posterius vel explicatio prioris est, vt et idem sit, ac *id est*, quo sensu saepe usurpatur STEWECH. ad *veget.* III. 10., vel, vt auctor putat, illud facultatem imperandi cum coercitione coniunctam, hoc facultatem disponendi sine coercitione significat TACIT. *Annal.* XV. 14. III. 37. II. 29.: forte etiam, vt plenior fiat oratio, ambo coniunguntur arg. l. 17. D. *de leg. §. 3. l. de interd.* TACIT. XV. *biflor.* 39.: *in capite libero*, id est, in pupillum ciuem Romanum, qui sui iuris est VLP. XI. 5. GELL. V. 10.; casus enim auferendi pro ac-

cusandi, ut aliis scriptoribus Voss. *VII. art. gram. 65.*, ita et iureconsultis frequens est Cic. *ad Her. XIII. GELL. l. c. (179.)*; immo cum etiam tutor homo sui iuris esse debeat, et pupilli in sequentibus verbis frequens mentio fiat, de tute haec verba capere licebit. Quia tamen potestatis vox ambigua est, additur, ad *tuendum* eum, qui se sponte defendere nequit; atque ex hac re *tutores* nomen acceperunt, quasi *tutores atque defensores* §. 2. *I. b. t.* MENAG. *amoen.* XXXIX. Nec est, cur cum HEINECCIO, et HOTTONANO *ad b.* §. verba: *propter sexum aut infirmitatem consilii* a Seruio adiecta, a Triboniano autem praetermissa, ac nomine *capitis liberi* feminorum quoque tutelam comprehensam fuisse opinemur; solam enim pupillarem definire in animo erat Seruio Ev. OTTO. *diff. de perpet. fem. tut.* Denique cum duodecim tabulac, seu *ius ciuale* per eminentiam GOTTHOFR. *IV. font. iur. ciu. II. cap. vlt.*, sine ullo facto hominis immediate tutelam deferant proximis agnatis *Tab. V.*; permittant porro patri tutorem dare suis liberis *Tab. ead.*, §. 3. *I. b. t.*, atque aliae leges rursus idem permittant magistratibus *Tit. I. de Atil. tut. l. I. §. 2. D. de tut. dat.*, recte additur: *iure ciuali data, ac permissa.*

§. CCIIV.

Atque ex hoc simul apparet, verissimum esse, quod TRIBONIANVS obseruat: *Tutelam esse munus publicum pr. I. de excusat. tut.*
Ta-

Tametsi enim tutor non tractet rem publicam, sed priuatam, nec reipublicae, quod ad rem pecuniariam attinet, intersit primario, pupillis tutores dari *l. 2. §. pen. D. ad manicip.*, et ideo tutela proprie non sit munus reipublicae *l. 6. §. 15. D. de excusat.*; quia tamen secundario saltem ad curam publicam pertinet, pupillos defendi *l. 2. §. 2. D. qui pet. tut.*, tutela, quae naturaliter honestatis, et voluntatis erat, lege imperantibus necessitatibus facta est *§. 3. I. de Atil. tut.* (*iur. nat. pos. 373.*). Quod vero necessario obimus lege, more, imperio eius, qui iubendi habet potestatem, munus esse constat *l. 214. pr. D. de V. S.* Atque hoc sensu tutela iuris publici quoque esse dicitur *l. 9. D. de his, qui sui vel alien. iur. (31.).*

§. CCV.

Inde exsculpitur regula: ii tutores esse possunt, qui muneric publici sunt capaces (*204.*); hinc I. non solum paterfamilias, sed et filius-familias *pr. I. qui test. tut. dar.* Etsi enim hic domi res sit, (*143.*), tamen *in publicis causis, velut, si tutor detur, loco patrisfamilias habetur l. 9. D. cit.* Quod vero *VLPIANVS* inquit: *in sua potestate non videtur habere, qui non est suae potestatis l. 21. D. ad leg. Iul. de adult.,* de eodem genere potestatis eum intelligere, ex ipsa hac lege manifesto patescit. At II. incapaces tutelae sunt servi, vt et peregrini; vtpote omnis status, atque iuris ciuilis expertes *l. 22. D. de test. tut. (77. 127.)*, nec non mulieres *l. vlt. D. b. t.;*

quo-

quoniam receptum est, ut ciuilibus officiis non fungantur *I. 12. §. 2. D. de iudic. I. 2. D. de R. I. (ord. bift. iur. ciu. IV. §. 47.)*. Excep-
ta tamen matre, et auia, quas Iustiniani con-
stitutione *Nou. CXVIII. c. 5. sub certis con-*
ditionibus ad tutelam admitti infra dicemus
(221.)

§. CCVI.

Quoniam porro finis tutelae est: vt tu-
tor pupillum, qui per aetatem se ipsum defen-
dere nequit, tueatur (202 seq.), patet, cur I.
nec minorennes §. 13. *I. de excus.*, nec II.
furiosi et insani *I. 10. §. 3. D. de test. tut.*,
nec III. surdi et muti tutelam administrare va-
leant *I. 1. §. 2. et 3. I. pen. D. b. t.* Nam *in-*
ciuile est, eos, qui alieno auxilio in rebus
suis administrandis egere noscuntur, et ab aliis
reguntur, aliorum tutelam vel curam subire.
§. 13. *I. cit.* Idcirco talis, si testamento tu-
tor datus est, administratio eius suspenditur,
constituto interim curatore, dum defectus
cessat; tutor legitimus vero aut datius omnino
excluditur. Quod ex sequentibus magis in-
telligetur.

§. CCVII.

Dum vero tutela comparata esse dicitur ad tu-
endum *caput liberum*, hoc est, personam ci-
uilem (203.), explicari inde poterit I. tuto-
rem *personae* dari, non caussae, vel rei §. 4.
I. qui test. tut., scilicet *primario*. Magis enim
interest moribus pupilli, quam rebus eius in-
uigilari. Hae tamen, vtpote educationis
media, *per consequentiam* administrationi tu-
toris

toris subsunt' *l. 12. §. 3. D. de admin. tut.* Sed numquid et ad certum actum, velut ad adeundam hereditatem *l. 17. §. 1. D. de adpell.*, aut si diffusum est pupilli patrimonium, partim rei Africane partim Syriacae *l. 15. D. de test. tut.*: tam Romae a praetore, quam in prouinciis a praefide tutor dari potest *l. 27. D. de tut. dat.*? Nempe id contra ius consuetudine introductum esse ex verbis *l. 15. cit.* colligimus NOODT. *probab. l. c. 2. n. 16.*, et tum quoque tutores singuli in solidum dantur *personae*, quae indiuidua est, licet rerum administratio inter eos diuidatur. *Tit. c. de diu. tut.* Rursus, quia tutela in caput liberum defertur II. nec patrem habenti tutor datur, *si modo eius potestati subfit l. 239. D. de V. S. arg. pr. l. b. t.*; nec enim caput liberum est (135.), nec tutele egit, qui patris imperio regitur. Emancipatus contra tutelae omnino subesse potest *Tit. I. de legit. par. tut.*; sicut et patre capto, cum suspensa sit quodadmodo potestas (82.), curator interim filio datur *l. 6. cit.* Ob eandem rationem III. nec seruo *l. 17. D. de tut. dat.*: imo IV. ne quidem peregrino tutor datur ex iure Romano: *non enim potest iure Quiritium liber esse, qui in numero Quiritium non est Cic. pro A. Caecin. XXXII.* Quin vero hic ex iure gentium, aut legibus patriis tutorem acceperit nulli dubitamus (64.) Iure Austriaco tutor aequa principaliter rebus ac personae datur, hinc definitur tutela: ius tuendi personas, ac bona eorum, qui propter aetatem, aut alias causas se regere, rebusque suis superesse non possunt *Gerbabsch. Ordin. T. 1. §.*

I. §. 1.: ideo quoque, cum res pupilli exigit, plures eidem tutores dari possunt. *l. c. T. 4.*
§. 3.

§. CCVIII.

Fundamentum tutelae praecipuum reperiatur in lege decemuirali, qua caustum erat: *Pa-*
terfamilias vti legassit super pecuniae tutelae
ue rei suae ita ius esto. Tab. V. et ibi GOTH-
FRED., vbi pecunia est omne testatoris patrimo-
nium AVGUSTIN. VI. de doctrin. christ. p. 585.
T. VI. oper., l. 222. D. de V. S. Nomine suae
rei autem veniunt liberi in potestate con-
stituti, vtpote res mancipi (135). Quare
haec verba, et apud. VLP. IX. 14., et in pr.
l. de leg. Falcid. et l. 120. D. de V. S. extan-
tia, contra fidem omnium codicum praeter-
mittit NOODT. H. obf. 19. Quod enim vrget:
ita non personae, sed rei tutorem dari, leue
est: quoniam post mortem patris, qua tutela
effectum demum sortitur (202.), liberi iam non
res sunt, sed personae (191. 75.). cf. THEOPH.
§. 3. I. de tutel. Quia vero decemuiri here-
ditatem, et tutelam eadem tabula, immo et
eodem capite completebantur; probabile est,
veteres tutelam hereditati aequiparasse. Vnde
sicut heres testamentarius excludit legitimum
ab intestato demum venientem l. 39. D. de
adq. hered., ita et tutor testamentarius praec-
ualet legitimo l. 11. pr D. de test. tut. Quem-
admodum porro praetor supplendi iuris ciu-
lis caussa bonorum possessionem decernit (ord.
bist. iur. ciu. IV. §. 18.), ita quoque, defi-
cien-

ciente testamentario, et legitimo, a praetore tutor constituitur *pr. I. de Atil. tut.*

§. CCIX.

Ex his intelligimus, triplicem esse tutelam: *testamentariam*, de qua *T. XIV.*, *legitimam*, *T. XV. seq.* et *datiuam T. XX.* Addunt nonnulli pactitiam ex §. 9. *I. de excus. tut.* l. 15. §. 1. *D. eod. l. 29. D. de test. tut.* LEYSER. *Medit. ad D. T. V. spec.* 328. Sed cum iure Romano nudae promissiones obligationem perfectam haud produixerint *l. 10 C. de pæt.* l. 27. c. *locat.*, multo minus, ut dicemus (485.), hereditas pacto priuatorum deferi potuerit; promissio vero in *cit. leg.* non aliis effectus tribuatur, quam quod promittens se ultra excusare nequeat, patet, hanc nouam tutelae speciem haud esse. cf. VAN. VRYHOF. *obs. iur. ciu. cap.* 9. Ast iure Germanico, ut pætā successoria, ita et tutelas pactitias inter familiias illustres obtinere testantur LEYSER. *l. c.* et LVDOVICVS *T. H. l. IV. opusc. II. diff.* 4. *litt. yy.*



TIT.



T I T. XIV.

QVI TESTAMENTO TVTORES
DARI POSSVNT.

§. CCX.

Inter insignes effectus patriae potestatis (139.) iam ab exordio vrbis is quoque putabatur, ut pater liberis suis impuberibus tutorem testamento dare possit. Ita iam Anicus Marcius Tarquinium Priscum liberis suis tutorem constituit *Liv. I. 34.*, non legitimum, quoniam non erat adgnatus, nec datiuum, hic enim sero demum inualuit *pr. l. de Atil. tut.*: sed testamentarium. Postea expressa lege a decemuiris caustum est, ut paterfamilias super tuteiae rei suae legare possit (209.) Quia vero *res suae* seu heredes sui, quibus tutor a patre datur, sunt liberi in potestate patria constituti *l. 37. §. 1. D. de R. I. §. 2. l. de ber. qual. et diff.*, et in alterius potestatem non recasuri *§. 3. l. de tutel.*: *legare* porro sit legis modo disponere in testamento *VLP. XXIV. 1.*, cuius pars quodammodo sunt codicilli testamento confirmati *arg. l. 16. D. de iur. codic.*; verissimum est axioma: *Pater liberis in potestate sua*

sua constitutis, et in alterius potestatem non recasuris tutotem testamento, vel codicillis testamento confirmatis, dare potest l. 1. pr. l. 3. D. de test. tut. §. 3. l. de tutel.

§. CCXI.

Sane iam ipsa lex naturalis patri concedit, ut exercitium suae potestatis in alium transferre, ideoque etiam tutorem liberis suis nominare queat (*iur. nat. pos. 743. seq.*); multo magis itaque illud poterat pater cuius Romanus vi dominii Quiritarii, quod in liberos habebat (139.). Ergo *patria potestas* liquidum est tutelae testamentariae fundamentum *l. 73. §. 1. D. de R. I.*

§. CCXII.

Quamobrem tutorem testamento dare potest I. solus pater, aut etiam auus paternus nepotibus, quorum pater viuo auo mortuus, vel emancipatus est; alias enim, sub huius potestatem reciderent *l. 1. pr. et §. 2. D. de test. tut. §. 3. l. de tutel.* et *ibi THEOPHIL.* Mater itaque, auia, auus maternus, aut persona extranea hoc iure destituuntur *l. 1. cit. II.* Dat sur solis liberis potestati patriae subiectis, maribus aut feminis parum interest, non item emancipatis *l. 1. cit.* Quin vero III. etiam exheredatis iure constituatur, nulla omnino est dubitatio. *Pater, inquit, MODESTINVS, insituto herede filio, vel exheredato tutorem testamento dare potest. l. 4. D. de test. tut.*

Q

Ex-

Exheredatio enim non est modus soluendi potestatem patriam (192); idcirco etiam exheredatus heres sius vocatur §. 2. *I. de hered. qual. et diff.*, cui tutorem dari posse supra obseruauimus (210.) *I. 73. §. 1. D. de R. I.* Et licet exheredatus bona paterna forte nulla habeat, tutor utique personae datur (207.). Quidquid bona materna, aut aliunde profecta tenere possit? cf. NOODT ad *D. I. XXVI. Tit. 2.* Datur immo IV. etiam posthumo §. 4. *I. de tutel.* Quamuis enim embryo, atque adeo persona adhuc incerta sit, post fori disputationem tamen admissum videtur, ut huic quoque familiae sp̄ei optimo patris consilio subueniatur, cum quoties de commodo eius agitur, habeatur pro iam nato *I. 7. D. de stat. bom.* In ea tamen caufsa sit, vt, si viuis parentibus nasceretur, sius heres, ideoque nemō ante eum ordine prior esset §. 4. *I. cit. et ibi THEOPH.* Vnde, si pater *liberis* simpliciter tutorem dederit, generali hac appellatione et filii, filiaeque, nepotes, ceterique, qui ex his descendunt, atque etiam posthumi continentur §. *vlt. I. b. t. l. 220. D. de V. S. : filiorum* nomine vero posthumi quidem, et filiae, non vero nepotes veniunt §. *vlt. cit. l. 16. D. b. t.* Licet enim alias filiorum nomine omnes liberi, etiam nepotes, intelligantur, praesertim si hi alias beneficio omnino exciderent arg. *I. 220. §. 1. D. de V. S.*; in materia tamen *de tutelis iureconsulti inhaeserunt CALLISTRATI* regulae in *I. 220. cit.*, quod et proprietati sermonis conueniret, et voluntati testatoris, qui eo ipso tutorem legitimū, aut datum praeferre putabatur. Sed et *filiabus*-datus, non censemtur

tur datus filiis; exemplum enim pessimum est, feminino vocabulo etiam masculos contineri l. 45. D. de legat. 2. NOODT. ad D. l. c.

§. CCXIII.

Quoniam tutela est instar hereditatis (208.), et pater super ea legare solum potest (210.), sequitur: I. Ut ab eodem tutor ordinarie dandus sit in testamento, quo sibi ipsi heredem scribit l. 1. §. 1. D. de test. tut., non in epistola, testamento imperfecto l. 2. C. de conf. tut., aut verbis precatiuis l. 1. §. 1. D. eod. Atque eo sensu tutor dari nequit sine pecunia in l. 53. D. de V. S., id est, sine hereditate Cic. Top. XVIII., non vero quasi soli heredi instituto filio, non aequae exheredato tutor daretur, vt interpretatur HOTTO MAN. VI. obs. 5. (212. 3.). II. Quia tamen codicilli in testamento confirmati eius quodammodo pars sunt, in his quoque tutor nominari potest l. 3. pr. D. b. t. Aliam rationem addit auctor, quod haec tutela naturam fideicommissi habeat. Sed fallitur: nam fideicommissum verbis obliquis relinquitur, ac in codicillis testamento etiam non confirmatis §. 3. l. de sing. reb. per fideic. rel. §. 1. l. de codicill.: quod tamen in tutela hand admittitur l. 3. cit. l. 1. §. 1. D. de conf. tut. Ex priori principio porro sequitur: III. Ut illi testamento tutores dari possint, quibuscum est testamenti facio l. 21. D. b. t.: scilicet iuris veteris in comitiis, in quibus olim deferrandam fuisse hereditatem dicemus (486.); verbo illi, qui habiles sunt muneri publico (204.):

igitur et seruus *proprius* cum libertate: aut sine ea, vtpote quam tacite accepisse videtur (99.), et quidem directe, vt post iureconsul-
torum dissidium *l. 32. §. vlt. D. de test. tut. l. 9. c. de fideic. lib.* definiuit Iustinianus *§. 1. l. b. t. AMAYA. l. obs. 7. cf. tamen Ev. OTTO ad b. §.*: *immo et alienus*, sed ita: *cum liber erit*, aut cum huius voluntatis coniecturae fal-
tem habentur *l. 10. §. vlt. D. de test. tut.* Ast vbi quis seruum tutorem dederit, quem ho-
minem liberum putauit, nec liber erit, nec tu-
tor *§. 1. cit. 22. D. de test. tut.* Porro recte
tutor nominatur filiusfamilias (205.), magi-
stratus quoque, velut consul, praetor *l. 20. §. 1. D. eod.*, quin etiam furiosus, et minor:
censentur enim hi sub conditione sublati impe-
dimenti vocari; vnde curator interim a magi-
stratu creatur *l. 10. §. 7. D. de excusat.* Con-
tra IV. tutor dari nequit persona incerta *l. 20. pr. l. 30. pr. D. de test. tut.*; ea enim nec he-
res olim institui poterat, nec legatum capere *§. 25. l. de legat.*, et *certo iudicio debet quis pro-
tutela suae posteritati cauere §. 27. l. eod.* Quo-
niam autem verbis legis duodecim tabularum
latissima potestas tributa tutelas constituendi *l. 120. D. de V. S.*, illud hic singulare occurrit:
quod tutor non solum pure, et sub conditio-
ne, sed et ex certo tempore, vel in certum
tempus testamento dari potest *§. 3. l. b. t.*:
quod postremum in heredis institutione non
admittitur *§. 9. l. de hered. inst.* Repugnans
enim videbatur, vt quis pro parte temporis te-
status, pro alia intestatus decedat *l. 7. D. de R. l.*, quemadmodum alibi exponemus (544.).

§. CCXIV.

§. CCXIV.

Hoc vno tamen excepto V. etiam quod ad tutelam nequit testator partim testatus, partim intestatus decidere, velut in hereditate obtinet §. 5. I. de ber. inst. Inde fluit VI. vt, si adhuc speratur tutela testamentaria, velut si testamentarius tutor ex die, conditione datur, aut ad tempus furore v. c. aut minorenitate impeditur (206.), vel si tutela semel iam ad testamentarium deuoluta, sed finita est remotione, aut excusatione forte, cesset legitima, atque a magistratu tutor dandus sit l. II. pr. et §. I. D. de test. tut.

§. CCXV.

Quum itaque ex dictis tutorem nemo reget, nisi (a) pater (b) liberis potestati suae subiectis, et quidem (c) in testamento, vel codicillis testamento confirmatis (210.), sequitur, vt si defectus sit vel in persona dantis, vel accipientis, vel in modo, tutoris datio non subsistat arg. l. 5. C. de legib., nisi acedente confirmatione magistratus, quae est actus, quo id, quod tutoris dationi testamentariae deest, a magistratu suppletur l. I. §. I. D. de conf. tut. Eaque fit aut cum inquisitione in personam, ac facultates tutoris, aut sine ea arg. §. vlt. I. de tut.; quandoque etiam cum satisfactione: rem pupilli saluam fore l. 5. D. de conf. tut.

§. CCXVI.

Qua de re sequentes tenendae sunt regulae: (a) Si non ex parte dantis, sed *accipientis*, vel *modi* defectus subuersatur *sine inquisitione* fit confirmatione l. 1. §. 2. D. de *conf. tut.* Paternum enim iudicium, ac amor inquisitionis loco habetur pr. l. de *satisfat. tut.* Vna est exceptio, si pater naturali non instituto tutorem dedit l. 7. D. et l. vlt. C. eod. Vnde filio emancipato §. vlt. l. de *tut.*, naturali instituto arg. l. 7. D. de *conf. tut.*, in testamento imperfecto l. 3. D. eod., aut codicillis testamento non confirmatis, aut verbis precatiuis a patre datus omnino confirmandus est l. 1. §. 2. D. ead.: modo disquiratur, an durauerit patris voluntas, an non ob celatum, vel emergens demum tutoris vitium reuocata censeatur l. 8. et seg. D. de *conf. tut.* Plane ex heredato datus non eget confirmatione (212.) Nou. 115. c. 3. fin., licet olim mouente eo querellam opus fuerit euentali, quod omnia testamenti capita suspendentur l. 26. §. fin. D. de *test. tut.* Contra (b) defectus in dante supplendus est confirmatione *cum inquisitione* l. 1. §. 2. D. de *conf. tut.*: vt si mater tutorem dedisset, vel patrius, aut plane extraneus l. 2. D. eod. Attamen mater *non nisi* *instituto herede filio*, vt MODESTINVS ait, tutorem dare potest, qui *quasi in rem* *potius quam in personam* datus confirmabitur ex decreto praetoris, aut proconsulis l. 4. D. de *test. tut.* l. 2. D. de *conf. tut.* Cui obstare videtur l. 4. C. de *test.*, *tut.* in qua Alexander imp. rescribit, etiam tunc, quum mater filios *heredes non instituerit*, solere ex voluntate defunctae tuto-

rem

rem confirmari. An cum Accursio *l. 4. D. cit.* per hanc *l. 4. c. cit.* sublatam dicemus, quum tamen Modestinus Alexandro a consiliis fuerit. An cum CVIACIO in *not. prior ad §. 5. l. b. 1.* in *cit. l. 4. c.* particula *non delenda* erit? Optima videtur BYNKERSCHOEKII interpretatio: priorem legem de *iure*, et eo, quod fieri debet; alteram vero in voce: *salet* de eo, quod *moris* est, accipiendam esse *II. obs. 17.* Denique (*c*) a *minori* magistratu confirmatus sine inquisitione, *satisfare* tenetur, ut satisdatio sit inquisitionis loco *l. 5. D. de conf. tut.* Confirmati vero tutores, licet proprie mixti sint NOODT. *l. c. T. 3.*; cum inquisitione tamen confirmati pro datuis *arg. l. 5. D. de conf. tut.*, sine ea vero, pro testamentariis haberi possunt *l. 3. D. eod.* Illi enim ob praecedentem inquisitionem, hi potius ob paternum iudicium admittuntur *l. 3. c. eod. l. 32. D. de excusat.* Iure austriaco quoque mater et ania in bonis liberis relictis tutorem dare possunt a magistratu tamen cum inquisitione confirmandum *Gerb. ordn. l. c. T. 2. §. 2.*

§. CCXVII.

Immo hodie omnes tutores etiam iure in testamento nominati, ut et legitimi confirmari debent per *Recess. Imp. anni 1577. T. 32.* Quod iure Austriaco adeo verum est, ut ante delatam sibi a magistratu tutelam se eidem immiscere regulariter prohibeantur *Gerb. ordn. T. 10. §. 1.* Quin ob iustum caussam, excluso testamentario, alius a magistratu tutor dari poterit *l. c. T. 2. §. 1.*



T I T. XV.

DE LEGITIMA AGNATORVM TV-
TELA.

§. CCXVIII.

Quum is, qui sanguine iunctos perficit, id praestet, quod communis stipes praestare debuisse, sicque ipsi communi stipiti gratum reperdat animum, consanguinei sibi inuicem speciali ratione obligantur ad mutua beneficia praestanda: horum vero praecipuum est recta educatio; quare, si parentes moriuntur, nec educationem liberorum aliis committunt, eorum curam *naturaliter* suscipere tenentur proxime iuncti, eo magis, quod et successionis emolumento fruantur WOLF. I N. part. VII. §. 838. In Graecia Solon tutelam, exclusis agnatis, forte quod hereditatem capere, quam expectare malint, solis cognatis, quos Archontes aptos crederent, detulit DIOG. LAERT. I. 56. PETIT. *de leg. Attic.* VI. 7. Charondas vero agnatis curam bonorum, cognatis educationem personae credidit. Illorum enim ob successionis legitimae spem intererat, integras conseruari facultates, horum vero, gratiam puillorum mereri DIOD. Sic. *Bibliothec.* XII. p.

81. Lycurgus denique, in tanta Spartano-
rum continentia nihil veritus, tutelam solis
agnatis comisssit CRAG. de rep. laced. II. 11. IV-
STIN. III. 2. Similiter Decemuiri, quemadmo-
dum ad hereditatem, ita et ad tutelam proximo-
mos vocarunt agnatos: satis proinde, ut sen-
tit VLPIANVS in l. 1. D. b. t., integris nem-
pe adhuc ciuium animis SALLVST. bell. cat. 9.
FLOR. II. c. 19. III. c. 12.; at summo pupil-
lorum periculo deprauatis iam ciuitatis mori-
bus. Vid. omnino SVET. in Galba IX. PERS.
sat. II. v. 12. seq. HORAT. II. sermon. 5. Ver-
ba legis erant: si paterfamilias intestato mori-
tur, cui impubes suus heres escit, agnatus pro-
ximus tutelam nancitor. Tab. V. add. Ev. OT-
TO Tom. III. Thes. praef. pag. 7. Vnde per
eminentiam legitima dicitur haec tutelae spe-
cies l. 5. pr. D. b. t. (ord. hist. iur. ciu. III.
§. 11.). Intestatus autem hoc loco audit, qui
vel omnino non fecit testamentum, vel saltem
quantum ad tutelam attinet, intestatus deceffit,
ut si nullum tutorem nominauit, aut is, qui
datus est, viuo testatore decesserit §. 2. l. b. t.;
quo pertinet l. 6. D. b. t. et l. 11. §. 3. D. de-
test. tut. Aliud igitur dicendum, si suscepta
iam tutela, sed nondum finita, moriatur, vel
excusetur, remoueatur, vitio denique, aut
conditione impediatur; tunc enim deuoluta
iam ad testamentarium tutela, vel adhucdum
sperata, legitimus non admittitur, verum da-
tiuus venit l. 11. D. cit. (214.) cf. tamen
NOODT. ad D. l. XXVI. Tit. IV.

§. CCXIX.

Mouisse decemuiros videtur praesumtio, optime tuituros esse bona, ne dilapidarentur, illos, qui successionem sperarent *I. I. D. b. t.*; immo, quod naturale sit, incommoda cuiusque rei eum sequi, quem sequuntur commoda *I. IO. D. de R. I.* Hinc axioma: *vbi successionis est emolumentum; ibi et tutelae onus esse debet.* §. *vn. I. de legit. patron. tut.* Succidunt vero legibus duodecim tabularum agnati, tum *patroni*, quales nonnunquam parentes sunt (195.), tum etiam *patronorum liberi Tab. V.*; quatuor igitur sunt species tutelae legitimae, **AGNATORVM** scilicet, **PATRONORVM**, **PARENTVM**, et **FIDVCIARIA**.

§. CCXX.

Ad successionis commodum igitur primo loco deficientibus liberis vocabantur agnati, et gentiles, non etiam cognati *pr. I. de succ. cogn.* *Si intestatus moritur: cui suus heres nec escit, agnatus proximus familiam habeto.* *Si agnatus nec erit gentilis familiam heres nancitor. L. L.XII. Tab. I.V., pr. I.b.t.* Dicuntur vero *gentiles*, qui ex eadem gente seu stirpe orti sunt **FEST.** *voc. gentilis*; quae cum in plures rursus familias scindatur *Svet. in Caes. VI.*, agnati vocantur, qui non modo ex eadem gente, sed et familia sunt. Ideo **FESTVS: gens appellatur, quae ex multis familiis conficitur.** Inde tria ordinarie Romanorum nomina, v. c. *Publius Cornelius Scipio*, quorum pri-

primum, *prænomen* scilicet, huic personae proprium: secundum vniuersae genti communne erat, seu *nomen*: tertium denotabat familiam, *cognomen*: igitur omnes Cornelii gentiles erant; cum autem ex hac gente plures natae essent familiae, velut Scipionum, Lentulorum, Sullarum: cuncti Scipiones, Lentuli, Sullae sibi agnati erant. Hinc FESTVS *l. c.* gentiles *mihi sunt*, qui *meo nomine appellantur*; seu, quia liberti quoque nomen familiae manumissoris sibi sumebant (112.), accuratius CICERO: gentiles *sunt*, qui *inter se eiusdem nominis sunt*, qui *ab ingenuis oriundi sunt*; *quorum maiorum nemo seruitutem seruiquit*. Top. VI. His praemissis ex priori axiomate (219.) deducimus: I. Legitimos tutores esse agnatos, his deficientibus gentiles *pr. l. b. t. Cic. pro Balbo XXV.* II. Proximos, vt in hereditate, ita et in tutela, praeferri remotioribus §. *vlt. l. de cap. demin.*; vt primum fratres ex eodem patre geniti *l. c. b. t.*, tum adoptiui *l. 2. §. 3. D. de suis de et leg. her.*, demum patruus, et patruelles, ceterique, vocentur. III. Ad plures eiusdem gradus simul pertinere tutelam §. *vlt. l. cit. l. 9. D. b. t.*

§. CCXXI.

Sed iure nouo, sublato iam agnatos inter, et gentiles discrimine, vt ne mentionem quidem horum faciat VLPIANVS in *l. 1. D. b. t.*, atque obsoleto iure gentilitio CAI. apud. collat. leg. Mos. Tit. XVI. *n. 2. fin.*, Iustinianus, quemadmodum ad hereditatem Nou.

CXVIII.

CXVIII. c. 4., sic IV. ad tutelam quoque cognatos perinde ac agnatos vocat, proximitatem gradus vnicē respiciens. *Nou. cit. cap. 5.* Denique, quum olim ne mater quidem tutela liberorum suorum fungi posset (205.), nisi, deficiente testamentario, et legitimo, a principe id specialiter postulasset *l. fin. D. de tutel. l. 2. C. quand. mul.* Iustinianus V. matrem quoque, ac auiam admisit, omnibusque a latere iunctis, quin ipsi auo paterno prae-tulit; modo renuntient beneficio senatusconsulti Velleiani (*ord. hist. iur. ciu. V. §. 15.*), et secundis nuptiis *Nou. cit. c. 5.*, sine iure-iurando tamen *Nou. XCIV. c. 2.* Secundo nu-bentibus vero tutela adiimitur *Nou. cit.*; vt-pote quae saepe non solum res filiorum, sed et vitam nouis addicere solent maritis. *l. 22. C. de adm. tut.* In Austria quoque deficientibus testamentariis, ad tutelam vocantur pro-ximi successores ab intestato iuxta *ordinem suc-cedendi de a. 1770.*, adeo, ut qui eidem se sine iusta caussa subducunt, spe successionis in bona pupilli priuentur, non tamen et eorum heredes *Gerb. Ordn. T. 3. §. 1.* Matri quoque eodem iure tutela prae omnibus legitimiis competit, adiunctis tamen uno aut plu-ribus tutoribus; qui etiam, dum matri forte ex hereditate defuncti mariti satisfactum non-dum non est, aut lis cum pupillo intercedit, soli eidem rei inuigilare debent *l. c. §. 2. et 3.* Tutelam porro a matre secundis nuptiis amitti disponitur *l. c. §. 4.*; id tamen mori-bus non semper obtinet, si modo tutelam fi-delis.

deliter administret. DONNER. *Einleitung zur
Keimt. der Oester. Recht.* §. 24.

§. CCXXII.

Ad finem huius tituli monet TRIBONIA-
NVS illud quoque agnationem inter et cognationem
interesse, quod illa, utpote ciuilis,
omni capitis deminutione scilicet maxima, et
media, quibus omne ius ciuitatis, tum etiam
minima, qua ius familiae extinquitur, *plerumque*
perimatur §. vlt. I. b. t.; non tamen semper,
si nouas constitutiones spectemus: nam
emancipatus, licet, ut mox dicemus (228.),
minimam capitis deminutionem subire videatur,
tamen et ad hereditatem legitimam agnatorum,
et ad tutelam vocatur l. 4. C. de leg. tut.
l. 7. D. de cap. min. §. 2. I. de Sct. Orph. Cogna-
tio vero velut naturale vinculum, et si quoad
effectus naturales nulla l. 8. D. de R. I., quoad
civiles tamen, velut hereditate, tutela,
capitis deminutione maxima et media saltem
dissoluitur §. 6. I. de cap. dem. HORAT. III. Od.
5. l. 7. D. *vnde cognati* l. 10. §. 5. D. de grad.
Id occasionem praebuisse videtur TRIBONIA-
NO, ut titulum de capitis deminutione, supra
iam expopendum, ordine praepotero huc re-
iecerit.



TIT.



T I T. XVI.

DE CAPITIS DEMINVTIONE.

§. CCXXIII.

CAPVT veteribus idem erat, ac status ciuilis, nempe *libertatis*, *ciuitatis*, et *familiae* (76.); quod, qui in censum redigebantur (97.), *capita* LIV. *Hi.* 24. *X.* 47., egeni vero in sextam classem relati, quoniam ciues erant, libertate, ac ciuitate fruebantur, *CAPITE cen-si* dicerentur GELL. XVI. 10. Ideo *censu ex-cludere* erat *libertatem*, *ciuitatemque eripere* Liv. XLV. 15., et *caput de ciuitate eximere* l. 2. D. de publ. iud. Eodem sensu *seruus caput non habuit* §. 4. I. b. t. (77.), filiisfamilias opposita sunt *capita libera* (203.), et poena capitalis non ultimum supplicium tantum, sed et priuatio libertatis ac ciuitatis erat l. 2. D. cit. et l. 2. D. de poen. BRISSON. voc. *Capitatis*. MINVERE autem saepe idem est, ac *mutare*; quo sensu PAVLVS dicit *vitae propositum minuere* l. 17. D. de oper. lib., et TENTIUS: *minuere consilium*. Hecyr. IV. 3. v. 10.

§. CCXXIV.

Inde iam plana fit TRIBONIANI definitio: *capitis deminutio est status prioris mutatio pr.* I. b. t. l. 1. D. de cap. min. l. 2. D.

D. de in integr. rest. Addit ATTALIOT. in *Synopsi Tit.* 3. in *deteriorem*; quemadmodum et THEOPHILO: est *passio statum patientis* mutans, aut minuens ad pr. I. b. t. Enim uero, qui ex seruo liber, ex peregrino ciuis, ex filio-familias paterfamilias fit, capite non minuitur, non ideo, quod *meliorem* conditionem subintrat, sed *quia caput nullum habuit* §. 4. I. b. t., seu statum, quem mutare potuisset (123.) l. 3. §. 1. et l. 4. D. b. t.

§. CCXXV.

Quemadmodum vero status ciuilis *triplex* est: libertatis, ciuitatis, et familiae (76.), ita et capitis deminutio tribus modis accidit (223.) pr. I. b. t.; utpote qua adimuntur, quae *a rerum natura, a ciuitate, a genere* tribuerentur l. 3. D. de ini. et releg. Alia scilicet est *maxima*, qua libertatem, simulque ciuitatem, ac familiam (77.): alia *media* siue *minor*, qua ciuitatem amittimus, retinemus vero libertatem: alia *minima*, qua familia mutatur, libertas, et ciuitas retinetur l. vlt. D. et §. 1. seqq. I. b. t. Maxima, et media, quoniam, qui eam patitur, persona ciuilis esse definit, et respectu ciuitatis pro mortuo habetur (77.) CIC. post. red. in sen. XI. et IV. ep. ad Att. 1., mors ciuilis l. 209. D. de R. I. §. 1. I. quib. mod. ius patr., et cum vtraque statum publicum perimat, magna, tertia vero, cum nonnisi priuatum statum tollat, minor dicitur l. 1. §. 4. D. de suis et legit. hered. l. 5. §. fin. D. de extraord. cogn.: quam ideo *saluo statu,* nimi-

nimirum ciuitatis seu publico, *contingere* inquit VLPIANVS *I. I. §. 8. D. ad sct. Tertyl.* cf. NOODT. *II. obf. 22.* Et nunc intelligimus, quod auctor supra monuit (112. 4.), iura patronatus, vtpote ciuilia, capitis deminutio-
ne maxima, et media amitti: quod ad operas officiales vero etiam mimima, puta adrogatio-
ne §. *I. I. de adquis. per adrog.*; quoniam nec in adrogati persona durare possunt (180. 2.) nec, ut VLPIANVS monet, *cuiquam alii deberi possunt, quam patrono, cum proprietas earum, et in edentis persona, et in eius, cui eduntur, constitit.* *I. 9. §. I. D. de oper. libert.*

§. CCXXVI.

Maxima capitis deminutio, sublata libertate, faciebat seruum, hanc itaque patiebantur: I. Detrusi in *veram* seruitutem aut iure gentium per captiuitatem in bello (82.), aut iure ciuili per modum poenae (83.). II. Serui poenae per *fictionem* (83.), quam tamen Iustinianus sustulit *Nou. XXII. c. 8.*

§. CCXXVII.

Media, ademto iure ciuitatis, e ciue fecit peregrinum (225.): haec igitur accidit I. ei, cui *aqua et igne interdictum* fuit §. 2. *I. b. t.* Antiquissimum enim erat Romanorum institutum, *vt nemo ciuis Romanus ciuitatem possit amittere, nisi ipse auctor factus sit* CIC. *pro dom. XXIX.* et *pro Caecin. XXXIII.*, amittebatur ea tamen, simul ac quis in aliam ciuitatem rece-
ptus

ptus esset CIC. l. c. XXX., cum duarum ciuitatum ciuis esse non posset CORNEL. NEPOS in Attic. III. add. l. fin. D. de legation.; vnde si quem ciuitate eiicere necessarium videbatur, tecto, aqua, et igne interdicebatur CIC. l. c., quibus velut necessariis vitae subsidiis admittis vltro alteri ciuitati nomen dedit; qua receptus demum, non ipsa interdictione, iure ciuiis Romani cadebat. Ideo Cicero se ciuitatem amississe negat, quod apud amicos delitesceret. II. Eandem patiuntur *deportati* in insulam §. 2. I. b. t. Quum enim ab iis, quibus aqua, et igne interdictum fuisse diximus, orbe Romano pulsis imperio suo metueret Augustus, suasu Liuiiae DIO. CASS. LV. et LVI. statuit, vt hi imposterum compedibus vinciti, impositi nauibus, sub scernorū publicorum custodia in insulas, praecipue Gypsum, et Oisim CVIAC. X. obs. 27. et XX. c. 31., deportarentur SVET. in Aug. LXV., quas si euaderent, morte punirentur l. 28. §. 13. D. de poen. Vnde deportatio proprie non est surrogata interdictioni, vt habet VLPIANVS l. 2. §. 1. D. de poen. l. 3. D. ad l. Iul. pec., haec enim et post Augustum occurrit, et a deportatione distinquitur l. 1. §. 2. D. de legat. 3. l. 8. §. 1. et 2. D. qui test. fac. poss. §. 2. l. b. t. TACIT. IV. ann. 21.: sed eidem velut latiae fugae l. 5. D. int. et releg. superaddita est tamquam insulae vinculum l. 5. cit.; vtraque vero exilium audit cit. l. 5., et ad peregrinitatem redigit l. 10. §. 6. D. de in ius vnc. PLIN. IV. ep. XI. Quid vero illud est, quod CAL. LISTRATVS habet: magna capitis deminutione. velut deportatione libertatem amitti l. 5. §. 3

D. de extraord. cogn.? Missis aliorum interpretationibus, placet illa CVIACI ad b. t.: per libertatem intelligi eam, quae iuris Quiritium, et solidis ciuibus Romanis propria est. Sane hac priuatur deportatus. *Qui enim potest iure Quiritium liber esse, qui in numero Quiritium non est?* Cic. pro Caec. XXXIII. At non amittit libertatem iuris gentium; nam emit, et vendit, locat, conductit, permuat, foenus exercet, et cetera similia l. 15. **D. de interd. et releg.** l. 17. §. 1. **D. de poen.** Porro III. et illi, qui ab his, quorum sub imperio sunt, desciscunt, et in hostium numerum se conferunt, vti etiam IV., quos senatus hostes iudicauit l. 5. §. 1. **D. b. t.**, nec non in opus publicum perpetuo damnati l. 17. §. 1. **D. de poen.** mediam subeunt capitis deminutionem: non autem relegati. Hos enim ab exilibus distinqui, et salua retinere ciuitatis iura supra docuimus (192.) §. 2. **I. quib. mod. ius patr. pot.**

§. CCXXVIII.

Minima denique capit is deminutio TRIBONIANO est, qua salua libertate et ciuitate status commutatur §. 3. **I. b. t.**, nempe familiae seu priuatus (225.). *Quod accidit in bis, qui quum sui iuris fuerunt, ceperunt alieno iuri esse subiecti vel contra §. 3. cit.* Hanc igitur patiuntur I. Adrogati (179.) l. 2. §. 7. **D. b. t.**, II. Adrogatorum liberi, qui patrem secuti in aliena potestate sunt, et familiam mutant l. 3. pr. **D. b. t.** (180.): vti et plene adoptati (186.). III. Legitimi (172.), Immo IV. olim

olim etiam mulieres, quae in manum mariti
venerant (146.): nec non liberi emancipati
erit. §. 3. l. b. t., cum iura familiae mutau-
rint, et nemo emancipari potuerit, nisi in ima-
ginariam seruitutem deductus l. 3. §. 1. D. b.
t. Hinc GELLIVS quoque ut singulare priuile-
gium obseruat, quod virgines Vestales a pon-
tifice captae *sine emancipatione, et sine capitibus*
minutione potestate exierint I. 12. HVBER III.
digress. 6. cf. tamen VINN. *comment. ad §. 3.*
b. t. et HEINEC. antiqu. ad b. e. in fin. Quod
iure nouo, dum, abolita iam seruitutis imagi-
ne l. vlt. c. de *emanc. lib.*, emancipatis tam-
quam naturaliter cognatis arg. l. 69. §. vlt.
D. de *legat.* 2. et l. 195. §. 1. D. de *V. S.* ea-
dem sunt familiae, et successionis iurā cum
cognatis Nou. CXVIII. c. 4. et 5., minime ob-
tinet. Ceterum et ii, *quibus dignitas magis,*
quam status mutatur, monente TRIBONIANO,
capite non minuuntur, velut a censore senatu
moti §. 5. l. b. t.

§. CCXXIX.

Iure nostro, cām nulla detur seruitus pro-
prie dicta (75.), nulla quoque datur maxima
capitis deminutio (225.). Media vero tribui-
tur bannitis ex imperio, aut in perpetuum et
generaliter relegatis, quoniam iure ciuitatis
priuantur Cl. HVPKA pos. iur. crim. §. 87.
Minimam non quidem incurruunt adoptati, aut
emancipati, vt pote salua retinentes iurā agna-
tionis; attamen professi religiosi emissa pro-
fessione: quod his nec legitima debetur, nec

ab intestato succedunt, nec aliorum iurium familiae capaces sunt. Resc. dd. 26. Augusti 1771. et 2. Maii 1773. cf. Perill. de CRONENFELS *adnot. ad Westenberg.* p. 233.

T I T. XVII.

DE LEGITIMA PATRONORVM TUTELA.

§. CCXXX.

Altera species tutelae est *tutela patronorum* (219.), quam patronus, eiusue liberi in liberto impubere, eiusue liberis habent §. vn. I. b. t. Est vero patronus, qui seruum seu proprium, seu alienum manumisit l. 3. §. 1. et 2. D. *de suis et leg. hered.* l. 3. D. *de iur. patr.*

§. CCXXXI.

Hic, quum liberto vitam ciuilem dedisset, ideoque ei, quasi pater, et proximus agnatus esset (111.), legibus duodecim tabularum tam ipse, quam liberi eius ad liberti intestato, et improlis decedentis hereditatem vocabantur (112.). *Ciuis Romani hereditatem,* inquit VLPIANVS, *lex XII. tabularum patrono defert,* si intestato sine herede suo deceperit XXIX. fragm. I. l. 23. §. 1. D. *de bon. lib. pr. I. de success. libert.*

§. CCXXXII.

§. CCXXXII.

Quia vero, penes quem est successionis commodum, ad eum etiam tutelae onus pertinet (219.), agnati porro, quales etiam patroni, eorumque liberi censentur (111.), eadem lege decemuirali expresse ad hereditatem vocantur (220.); iam veteres legis illius interpres, Sextus Aelius, Lucius Attilius, et Lucius Aelius interpretatione extensiua tutelam quoque impuberis liberti, aut suorum libero-rum patrono, eiusue liberis deferebant, modo tutelae capaces sint: alias enim, si femina v. c. impuberem seruum manumisit, *ipsa quidem ad hereditatem vocatur, quum alius sit tutor* §. vn. l. b. t. Quia praeterea verbum: EX LEGIEBVS sic accipiendum est, tam ex legum sententia, quam ex verbis l. 6. §. 1. D. de V. S., legitimi porro tutores vocantur, qui ex lege XII. tabularum introducuntur seu propalam, seu per CONSEQUENTIAM, quales sunt patroni VLP. XI. 3., comperti iuris est, cur haec quoque tutelae species legitima dicatur l. 3. pr. D. de leg. tut. et §. vn. l. b. t. Hodie, quum nulli reperiantur libertini propriæ dicti (113.), hic titulus extra usum est.





TIT. XVIII.

DE LEGITIMA PARENTVM TVTELA.

§. CCXXXIII.

Tertia species tutelae legitimae est *parentum* (219.), quae patri competit, aut aucto paterno in liberos emancipatos impuberes *I. 3. §. vlt. D. de legit. tut. §. vn. I. b. t.*

§. CCXXXIV.

Quum enim pater filium emancipatione per aes et libram in imaginariam seruitutem deduceret (228.), hic manumissus, non quidem ratione status, sed tamen ratione iurium patronatus, erat quasi libertus manumissoris, penes quem uti commodum successionis, ita et onus tutelae erat (231. *seq.*).

§. CCXXXV.


Ob interpositum tamen pactum fiduciae, vel saltem praesumptum, non emtor, sed ipse pater manumisit filium, eiusue patroni personam sustinuit (195.). Quemadmodum ergo ex editio praetoris emancipato velut patronus, prae-

praesertim cum et pater esset, successerat (231.)
I. i. pr. et §. 6. D. si a par. quis manum., ita
 eum tutela quoque emancipati impuberis gra-
 uare placuit. Atque haec tutelae species olim
fiduciaria dicta est *VLP. XI. 5.*; quod pacto
fiduciae tamquam proximo fundamento innite-
 retur. Posteaquam vero eandem etiam ex suc-
 cessionis iure, ac per consequentiam ex lege de-
 cemuirali deriuari posse visum est, haec quo-
 que, ad similitudinem tutelae patronorum
 (232.), *legitima* dici cepit *§. vn. I. b. t.*

§. CCXXXVI.

Equidem hodie cessante emancipatione
 veteri (199.), et quod inde fluebat, patrona-
 tus iure (113.), huiusmodi tutela exulat. Pa-
 tri tamen iure Austriaco velut proximo agnato,
 ac fidelissimo liberorum custodi tutela in bo-
 nis, quae a matre defuncta consecuti sunt,
 defertur, quam nequidem secundis nuptiis
 amittit. Poterit tamen tunc arbitrio magistra-
 tur eidem unus cognatorum matris defunctae
 velut contutor adiungi *Gerh. ord. I. 3. §. 5.*
et 8.





T I T. XIX.

DE FIDVCIARIA TVTELA.

§. CCXXXVII.

Postea quam parentum tutela non iam fiduciaria, sed legitima diceretur (225.), quarta tutelae legitimae species (219.), a priori distincta, *tutela fiduciaria* appellari cepit §. *vñ. I. b. t.*

§. CCXXXVIII.

Est nimirum *fiduciaria tutela*, quam post mortem parentis emancipatoris liberi eius masculi (205.), et perfectae aetatis (206.) in impuberem emancipatum exercent §. *vñ. I. b. t. l. 4. D. de legit. tut.* Ita impubere emancipato *ab auo*, haec tutela in ipsum patrem superstitem, aut patruum: sin *a patre* emancipatus est, in fratres impuberis adultos deuoluitur *cit.* §. *vñ. iunct. THEOPH. ad b. t.*; quod omnes hi emancipatoris, seu patroni, liberi essent, quibus tutelam incumbere monuimus (232.). Cur vero hi non aequae, ac patroni liberi *legitimi* tutores dicantur, rationem reddit TRIBONIANVS, quod liberi patroni; si libertus non fuisset manumissus,

numissus , codem modo dominium habuissent ,
ac patronus , sed filii patris non habuissent pa-
triam potestatem in fratrem impuberem in po-
testate retentum §. vn. l. b. t. Verumenim-
uero hanc rationem nec solidam satis esse , nec
in nepotem quadrare obseruant interpretes ,
aliam substituentes , quod liberi patroni ex iu-
re decemuirali ad *hereditatem liberti* vocentur ,
eoque etiam ad tutelam (231.) l. 3. §. 7. D.
de legit. tut. : contra *emancipati hereditatem*
ad solos emancipatores ex pacto fiduciae §.
vlt. l. de legit. agn. success. , non etiam eorum
liberos , ne quidem iure praetorio , pertinere
l. 1. §. 2. et 5. D. *si a par. quis manum.* cf.
VINNIUS , et HVBER. *ad b. t.* et GEBÄVER
Excurs. V. ad instit. Sed iure nouo exoleuit
tutela fiduciaria , quoniam ad dictas personas ,
sublato iam agnatorum , et cognitorum di-
scrimine Nou. 118. c. 4. et 5. , velut tutores
legitimos tutela deuoluitur CYRILL. *com-*
ment. ad b. t. Iure Austriaco quoque tutela
legitima fratri perfectae aetatis in fratres , fo-
roresue impuberes defertur : ad diuidendam
tamen hereditatem alii tutores dantur Gerb.
Ordn. T. 3. §. 9.



T I T. XX.

DE ATILIANO TUTORE, ET EO, QVI
EX LEGE IVLIA ET TITIA DATVR.

§. CCXXXIX.

Euenit non raro, vt nullus omnino tutor testamento datus sit, deficiat quoque legitimus, aut impediatur saltem testamentarius (206.). Ne igitur tunc indefensus maneat pupillus, lege Attilia Romae, tum Iulia et Titia in provinciis cautum est, vt certis magistratibus ius dandi tutorem competeret cum formula: *Do te tutorem* BRISSON. *V. de form. p. 408.* Vnde tertia est tutelae species, scilicet *datiua* (209.), quae est *actus legitimus* (70.), quo, deficientibus testamentariis et legitimis, aut prioribus impeditis, tutores a magistratu ex lege dantur pr. et §. I. l. b. t.

§. CCXL.

Ex quo sequentia intelliguntur axiomata
I. Tutor hic *ex lege* a magistratu datur, cui
scilicet nominatim ius dandi tutorem imperti-
tur, *vel lex, vel senatusconsultum, vel prin-*
cips, l. 6. §. 2. D. de tutel. II. Datur in sub-
fidiuus,

fidium, deficiente scilicet omnino testamentario, ac legitimo, aut priori saltem impedito. Nam et quum speratur testamentarius, non admittitur legitimus (206.). III. Tutoris datio est *actus legitimus*, ut diserte vocatur in l. 77. D. de R. I.; quoniam speciali legis concessione soli magistratui competit, ac in iure sollemniter celebranda erat (§. 70.). GOTHOFRED. *ad leg. cit.*

§. CCXLI.

Fundamentum igitur huius tutelae est plebiscitum seu lex Atilia (239.), de cuius aetate tamen non omnio constat. Eam ante a. v. c. 567. latam fuisse constat ex LIV. XXXIX. 9. Ab Atilio longo autem, tribunoplebis a. v. c. 309., esse nequit, quoniam praetoris urbani meminit, qui tamen tunc nondum erat (*ord. bist iur. ciu. IV. §. 5.*). Nec ab Attilio Regulo praetore a. v. c. 460. vt censet PIGHIVS in *ann. ad ann. 460.*, quia plebiscitum est. Probabile igitur fit, eam a. v. c. 443. auctore Lucio Regulo tribunoplebis conditam fuisse LIV. IX. 30., vt iam SIGONIUS *l. antiq. iur. ciu. cap. 13.*, et GRAVINA *III. orig. XXXIII.* existimarunt. Quia vero haec lex Romae tantum obtinuit VLP. XI. 18., atque in sola Sicilia receptum fuit, ut praetores *pupillis, et feminis agnatorum cura destitutis tutores darent* DIOD. SICVL. in *excerp. Peiresc.*, lata demum est L. Iulia et Titia ita dicta a Iul. Caesare Augusto III. et M. Titio Coss. a. v. c. 723., (non 728., quo iam IV. consul erat Augustus

stus Ord. hist. iur. ciu. IV. §. 46. VALES ad excerpt. Peiresc. p. 61.) qua idem ius ad omnes prouincias extensum est VLP. l. c. Immo legem Iuliam et Titiam non vnam legem fuisse, sed duas, ob auctoritatem THEOPHIL. ad pr. I. b. t., atque particulam Et inter duo nomina interpositam statuit REIZIVS excurs. XII. ad Theophb Addit legem Iuliam ad solam Siciliam forte pertinuisse: tum vero a M. Titio consule a. v. c. 723. relatam, et ad omnes orbis Romani prouincias extensem fuisse.

§. CCXLII.

Ius dandi tutorem ex lege descendit (240.); patet itaque: I. neminem posse tutorem dare iure magistratus, id est, ex natura officii sui, ob quod nimirum institutus est: sed ex speciali legis concessione, qua hoc ius suo officio superadditum est l. 6. §. 2. D. de tut. l. 1. pr. D. de off. eius cui mand. iurisd., cf. VINN. ad b. t. §. 4. Nominatim vero ex ipsa lege Attilia Romae tutorem dabat praetor cum tribunis plebis pr. I. b. t., vtpote quos aliquando cum praetore aut edicta, aut alia negotia de communi sententia constituisse discimus ex CIC. III. de off. 20. Vnde Fecennia Hispala post patroni mortem, quia in illius manu erat. tutorem a tribunis, et praetore petuisse dicitur, apud LIV. XXXIX. 9. Licet vero omnes tribuni adhibendi essent, maioris tamen partis suffragia, sex scilicet cum decem essent l. 2. §. 34. D. de orig. iur. LIV. III. 30., sufficiebant pr. I.

I. b. t., vbi in aliis negotiis vel vnius intercessione impediretur reliquorum sententia **LIV.** *VI. 35. IV. 49. DIONYS.* *X.* Primus imperator Claudius, quod praetores cum tribunis forte in munere suo negligentiores erant, *sanxit*, *vt pupillis extra ordinem tutores a consulibus darentur* *SVENT.* *in Claud.* *XXIII.*, ex inquisitione tamen §. 3. *I. b. t.* in mores, facultates tutoris, et similia arg. *I. 21. D. de tut. dat.* **CVIAC.** *in Papin.* *ad I. 5. C. de conf. tut. p.* 296; idque sub Traiano adhuc obtinuisse colligimus ex *PLIN.* *IX. ep. 13.* Sed Marcus Antoninus, *ut diligentius de tutoribus trattaretur* **CAPI-**
TOLIN. *in Anton.* *X.*, quum nouis indies reipublicae negotiis obruerentur consules, *praetorem tutelarem fecit*, ita dictum, quod tutelaribus cognitionibus praesideret, *I. 1. C. de tut. illustr.* Paullo post, sub Septimio Seuero fortasse arg. *I. 1. D. de praef. vrb.*, inualuit, *vt praefectus vrbii*, adhibitis decern senatoribus cum praetore tutelari *I. 1. C. de tut. illustr.* extra ordinem personis illustribus in vrbē, tum extra vrbem usque ad centesimum lapidem, vel in prouinciis suburbicariis *I. 1. et vlt. D. de praef. vrb.* **GOTHOFR.** *diss. de prou. suburb.*: praetor vero secundum suam iurisdictionem, id est, intra vrbem ignobilioribus tutorem constitueret §. 4. *I. b. t.* cf. *VINN.* *ad b. §.* In prouinciis vero lex Iulia et Titia ius nominandi tutorem, praecedente tamen inquisitione, indulxit praefidi §. 4. *I. b. t.* Quod postea speciali legis concessione, nimirum oratione *D. Marci*, etiam ad legatos proconsulium *I. 1. §.*

I. D. de tut. dat.: immo et ad magistratus municipales, dumodo satisfactionem a tute exigerent, nec magnae essent pupillorum facultates, porrectum est. Quantitas vero cum lege expressa non fuerit, eam praefes aestimabat; hinc huius iussus, id est, auctoritas, seu permissio accedere debuit. §. 4. I. b. t. PAVL. IV. T. 4. §. 2. l. 19. pr. §. I. D. de tut. dat. Tandem Iustinianus statuit, vt defensores ciuitatum, de quibus vid. *l. vn. c. de offic. iur. Alex.*, et CVIAC. ad Nou. 115. aut aliae publicae personae, id est, magistratus etiam sine iussione praesidum, si patrimonium quingentos solidos (seu aureos HOTTON. antiquit. IV.) non excedat, vacuum episcopo loci, vti et Iuridicus Alexandrinus, ex constitutione Marci imperatoris *l. 2. D. de offic. iurid.*, tutores dare possint. §. 5. I. b. t. l. 30. C. de ep. aud.

§. CCXLIII.

Quia porro, quaecunque specialiter lege, vel senatus consulo, vel constitutionibus principum tribuntur, mandata iurisdictione non transferuntur *l. 1. D. de offic. eius*, cui mand. iurisd., ex eodem axiomate primo (240.) manifestum est: II. tutoris dationem non posse mandari alteri *l. 8. D. de tut. dat.* Sed numquid magistratus municipales non nisi iussu praesidum (232.) §. 4. I. b. t., et legati proconsulium mandata demum sibi iurisdictione tutores dare possunt *l. 1. §. 1. D. eod. iunct. l. 13. et 15. D. de offic. proc.*? Verum est. At quemadmo-

modum illi praecedente praefidis aestimatione, atque permisso, ita et hi mandata sibi iurisdictione, velut necessario antecedenti, *iure proprio*, ipsa lege iam, seu oratione D. Marci, indulto, tutorem constituebant *l. 3. et l. 1. §. 1. cit. NOODT. II. De iurisd. 8. VINN. ad b. 2. §. 4.*

§. CCXLIV.

Tutela dativa autem in subsidium est introducta (2402.); igitur locum habet: I. Deficiente omnino tam *testamentaria*, quam *legitima pr. l. b. t.* II. Quum *testamentaria* saltem speratur adhuc, velut si ex conditione, certa die, aut heredis aditione pendet, *§. 1. l. b. t.* vel aetate, aut furore impeditur (218.). III. Finita *testamentaria* per mortem tutoris post testatorem, aut per captiuitatem, excusationem, aut remotionem *l. 11. D. de test. tut. §. 2. l. b. t. l. 1. c. in quib. cas. tut. bab.* (218.); imo IV. quandoque ad singularem quemdam actum suscipendum (207.).

§. CCXLV.

Denique tutoris datio est species eorum actuum legitimorum (240), de quibus PAPNIANVS tradit in *l. 77. D. de R. l.*, quod diem ac conditionem non admittant. Hinc tutor pure dandus a magistratu, non sub conditione, nisi haec magis admonitionem contineat, qualis est: *si satisdederit l. 6. §. 1. D. de iunct. l. 3. D. de legat. 1.*: nec in diem: nec ex die (70.); quod in *testamentaria* seus esse

esse diximus (213.), tum quod non sit actus legitimus (210), tum quod, pendente conditione, aut die, per aliam, nempe datiuam, suppleatur (244.) Contra in datiuia id agitur, ut pupillo illico consultum sit (239.), et si conditionem, vel diem reciperet, rursus magistratus ad dandum alium adeundus esset, sicque datio illa foret lusoria *GOTHOFR.* *ad l. 77. cit.*

§. CCXLVI.

Tutoris datio hodie iurisdictionis ordinariae est *Recess. imper. 1577. T. 32.*, competens ideo iure Austriaco illi magistratui, cui testator tempore mortis suberat. *Gerb. Ordin. T. 4. §. 1.* Atque si pupillus bona in diuersis prouinciis sita habeat, illorum administrationi constituuntur tutores ab eo magistratu, cui ipse testator, si praesens fuisset, paruisse. *Resol. de a. 1753. 12. Oct.* Ideo quilibet magistratus pupillorum suorum, et tutorum nomina, illorum bona, horum rationes, omniaque acta, quae pupillos concernunt, in tabulas referre tenetur. *Gerb. Ordin. T. 4. §. 5.*





T I T. XXI.

DE AVCTORITATE TVTORVM.

§. CCXLVII.

Quemadmodum tutor, sustinens parentum vices, naturaliter easdem fere erga pupillum obligationes habet, ac ipsi parentes (*iur. nat. pos. 743. seq.*); ita et iure ciuili triplex potissimum suscepta tutela est tutoris officium: (a) Ut *personam* pupilli praeclera institutione tueatur (*207. I.*), (b) *res* eius, confecto ante*a* inuentario, utiliter administret (*207. I.*), (c) in negotiis a pupillo gestis *auctoritatem* interponat *pr. I. b. i.* Prioribus duobus membris tamquam prolixioribus praetermissis, arg. *proem. Institut.*, plenissime tamen tum in Digestis, tum in Codice. *tit. de admin. tut. expositis*, Tribonianus nonnisi tertium in praesenti titulo pertractat. Interponenda vero est tutoris auctoritas, quod imperfecta sit aetas pupillaris §. 6. *I. de Atit. tut.*, quae, secus ac in statu naturali (*iur. nat. pos. 737.*), definita est iure Romano certo annorum numero. Et quidem *infans*, qui nimirum fari non potest faltem iure *I. I.* §. 2. *D. de adm. tut.* MACROB. *I. somn. scip. 6.*, sine sexus discrimine dicitur,

S

qui

qui septimum annum non compleuit *l. 18. c. de iur. delib. l. 14. D. de spons.* *Impubes* vero est mas usque ad annum decimum quartum, femina ad duodecimum *pr. l. quib. mod. tut. fin.* *Impuberum* alii dicuntur *infantiae*, alii *pubertati proximi* *§. 10. l. de inut. stip.* Atque auctor noster cum *ACCVRSIO*, *HOTTOANO*, *VINNIO* ad §. 10. *cit. tempus*, quod infantiam sequitur usque ad pubertatem, in duas partes aequales diuidit; priorem *infantiae*, alteram *pubertati proximi* assignat. Hac ratione mas a septimo usque ad decimum cum dimidio, femina ad nonum cum dimidio *infantiae*: ultra hos annos autem ad pubertatem usque *pubertati proximi* appellantur. Quamuis alii *pubertati proximos* semestri demum tempore a *pubertate abesse* desiderent: *EV. OTTO*, et *CYRIL.* ad §. 10. *cit. arg. l. 17. D. de excus.* *iunct. l. 13. §. 2. c. de iudic.*: alii denique rem omnem prudenti relinquant *iudicis arbitrio*. *l. 1. vlt. D. de iur. delib. DE CIVS ET GOTHOFRED.* ad *l. III. D. de R. l.*

§. CCXLVIII.

Licet itaque recepti iuris esset: *neminem posse alieno nomine agere pr. l. de iis, per quos. ag. poss., neque promittere, tertium quid facturum, daturumue §. 3. l. de inut. stip.*, necessaria tamen ob imperfectam aetatem erat exceptio in pupillo (247.). Et quidem si infans est, quoniam *non multum a furioso distat, quia nullum habet intellectum*. §. 10. *l. eod.*, *et non magis adhuc boni capax est, quam arbor, aut mutum aliquod animal*. *SENECA: ep. 124. et*

et 121. ; pro eo tutor ipse *omne iudicium* suscipit
I. 1. §. 2. D. de adm. tut., et quantum ad prouidentiam pupillarem *domini loco* haberi debet.
I. 27. D. eod. Ast pubertati, immo benigna iuris interpretatione etiam *infantiae proximus* §.
9. et 10. *I. de inut. stip.* iam ipse quidem negotium gerere potest §. 9. *cit. I. 5. D. de R.*
I. l. 9. D. de adq. vel. om. her. I. 1. §. 2. D. de adm. tut., hoc tamen ob infirmam pupilli intelligentiam a tutoris *iudicio*, ac *libertate* pendeat, eum igitur *AVCTOREM* fieri (vid. *exercit. iur. nat.* §. 174.) seu *auctoritatem interponere* oportet *I. 9. cit.*, ad eum scilicet modum, quo populus iubere, senatus *auctor* fieri dicitur *LIV. I. 17. add. VIRGIL. V. Aeneid. v. 417.* Immo ut adrogati (180.), ita et tutoris adprobacionem sollemni formula: *auctor ne esset exploratam fuisse probabile est arg. I. 3. D. b. t.*; inde itaque magis, quam ab *augendo* deriuanda videtur *auctoritatis* notio. cf. *Ev. OTTO ad b. t. princ.*

§. CCXLIX.

Quia praeterea tutoris iudicio opus erat, ne pupillus indeliberato consilio *sibi noceat* (247.) *pr. I. b. t.*, recte definitur *auctoritas tutoris*, quod sit *aetus legitimus*, quo tutor id, quod pupillus *infantia maior* gerit (248.), et *ex quo eius conditio deterior fieri possit* sollemniter adprobat (248.).

§. CCL.

Equidem in *l. 77. D. de R. I.* auctoritas tutoris inter actus legitimos haud refertur; verumtamen Papiniani mentem non fuisse ibidem omnes actus legitimos recensere, et praeter ad ductos alios omnino dari ex ipsis legis verbis abunde colligitur. *GOTHOFR. ad l. cit.* Atque inter hos tutoris auctoritatem esse, suadent characteres, quos cum iis communes habet. Nam *I. ea interponenda erat statim in ipso negotio §. 2. l. b. t. add. DONAT. ad Terent. Plorm. V. 3. v. 7.*, II. a tutore *praesente §. cit.*, utique non corpore tantum, sed et animo; nam non multum interest, absens sit tutor, an praesens quidem, sed somno, furore arg. *l. 17. §. 11. D. de iniur.*, morbo comitali occupatus ignoret, aut plane per vim retentus taceat *l. 1. §. 1. l. 14. D. b. t.* Sufficit tamen, si *pupillo* praesens est, etsi non exaudiatur vocem tutoris *is, qui cum pupillo contrahit. l. 9. §. vlt. D. b. t.* Nec *III.* valebat auctoritas post tempus, vel *IV.* per epistolam, aut per nuntium interposita *§. l. 9. §. 5. D. b. t.* Pure denique *V.* interueniat, non conditionaliter, quamuis contractus conditionalis cum pupillo celebretur *l. 8. D. b. t.* Hae omnes vero notae actibus legitimis a *PAPINTIANO* in *l. 77. D. de R. I.* sunt propriae. Ast, quam primo loco adtulimus, ei obstat videtur *l. 25. §. 4. D. de adq. vel om. hered. Iussum eius, qui in potestate habet, non est simile tutoris auctorati, quae interponitur perfecto negotio.* Particulam *non inferendam esse* putat *MARCILIVS.*

Con-

Contra IAC. GOTHOFR. legendum esse: *pro-
iecto* negotio, quod iam aliquo vsque pro-
cessit, promotum est, nondum tamen perfe-
ctum ad l. 29. D. de R. I. Enim uero nulla
opus est legis correctione. Tutor enim, an-
tequam sciat, quid agatur, et num pupillus
consentiat, huins iudicium supplere, ac nego-
tium adprobare nequit; explicatum igitur iam,
ac perfectum sit oportet: tunc autem statim, quin
alius actus interueniat, interponenda erit auctor-
itas, v. l. 1. fin. D. de solut. et l. 137. pr. D.
de verb. obl. Sane iam apud veteres dubita-
batur, si mulier absens seruum iussit esse libe-
rum: an eo tempore commodanda sit auctorita-
tas, quo epistola scribitur, an quo a seruo
accipitur. IVLIANVS existimabat: *praeflandam
esse, quo libertas peragitur, peragi vero tunc
intelligitur, quando seruus cognouerit domi-
nae voluntatem, id est, perfecto negotio* (cf.
iur. nat. pos. 455. l. 38. pr. D. de adq. vel om.
poss.). NERATIVS tamen probabat: *sufficeret,
quando epistola scribitur, auctoritatem tutoris
adhiberi, cuius sententia et constitutione impe-
ratoria confirmata est.* VLP. apud Schulting.
iurispr. anteiusst. p. 307. CVIAC. XIII. obs. 31.

§. CCLI.

Quum tamen auctoritas tutoris in fau-
orem pupilli introducta sit, ne aetas improuida
in damnum incidat (249.), haud eo vsque ex-
tendenda erit, vt pupillorum lucrum interci-
piat arg. l. 14. C. de procur. Vnde placuit re-
gula: *meliorem guidem suam conditionem lice-*

re eis facere, etiam sine tutoris auctoritate, deteriorem vero non aliter, quam tutoris auctoritate. pr. I. b. 2.

§. CCLII.

Facit vero conditionem *meliorem* pupillus, quum adquirit, *deteriorem*, quum alienat. arg. *I. 11. D. de adq. rer. dom.* Igitur I. sine tutoris auctoritate sibi stipulatur *I. 9. pr. D. b. 1.*; nam *nullum periculum est, quod sciam, stipularier*, inquit Simo apud PLAVT. Pseudol. *IV. 6. v. 14.*, donationem vel remissionem acceptat *I. 2. D. de acceptil. I. 28. D. de pact.* Sed nec promittere *pr. I. b. t.*, nec debitum remittere *I. 28. cit.*, nec serum libertate donare, aut quoctunque modo se obligare sine tutori auctore potest *I. 9. D. b. t.* Ideo II. in his caussis, ex quibus mutuae obligationes nascentur, bilateralibus scilicet, ut emtione venditione, locatione conductione, auctoritate non interueniente, illi quidem, qui cum pupillo contrahunt, obligantur, non autem pupillus *pr. I. b. t.* Vnde huiusmodi contractus **VLPIANO** uno latere constare dicitur *I. 13. §. 29. D. de aet. emt. vend. seu claudicare.* Finge enim, pupillum emissi vestem *20. aureis incio* tutore. Huic si postea placuerit pretium, standum a venditore erit contractui: sin dissiperit, reddendum erit pretium, licet dissipata foret res vendita; idque in fauorem pupilli salua omnino iustitia introduci potuit, quod, qui cum alio contrahit, huius conditionis non debeat esse ignarus *I. 19. D. de R. I.*

I. Quin tamen rem alienam, quam adhuc tenet, aut qua locupletior factus est, reddere teneatur, etiam iure ciuili cogente, nulla est dubitatio *l. 5. §. 1. D. b. t. l. 46. D. de obl. et act.* Nam hoc natura aequum est, neminem cum alterius detrimento fieri locupletiorem *l. 14. D. de condic. ind.* An vero pupillus ex tali contractu ne quidem naturaliter obligetur, alio loco expendemus (863.).

§. CCLIII.

Ex eodem principio (251.) ratio reddi poterit, III. quare pupilli hereditatem adire non possint citra tutoris auctoritatem, quamvis illis lucrosa sit, nec *vllum damnum babeat §. 1. I. b. t.* (ita enim legendum esse praeter contextum suadet et CAIVS in *l. 9. §. 3. D. b. t.* et THEOPH. *ad b. §. ANT. AVGVSTIN. III. emendat. 7. 10.*). Nam heres adeundo hereditatem creditoribus, et legatariis in solidum obligatur, obligari vero pupillus citra auctoritatem tutoris nequit *l. 8. D. de aq. hered. l. 9. D. b. t.* Sane vtvt locuples videatur hereditas *l. 4. in fin. D. ad scit. Treb.* latitat tamen perfaepe in ea aeris alieni cumulus, vt idcirco eius aditio plena periculi, atque adeo altioris sit indaginis. Quidquod aditio hereditatis sit actus legitimus *l. 77. D. de R. I. (70.)*, sollemni formula expedienda VLP. XXII. 28.? vt alibi dicemus (592.); ad ea vero, quae sollemnitas iuris desiderant, explicanda tuteore auctore opus est *l. 19. D. b. t.*

§. CCLIV.

Praestanda autem est tutoris auctoritas, ut infirmum suppleatur pupilli iudicium: *l. 32. §. 2. D. de agd. vel omn. poss.* (248.) ea igitur ratione tutor, et pupillus vna quodammodo censentur esse persona. Quamobrem, sicut nemo secum ipso contrahere, litigare, et in causa propria testis *l. 10. D. de testib.*, aut iudex esse potest *l. 10. D. de iurisd.*; ita, ne tutor sibi malit bene esse, quam pupillo, in negotiis, quae inter ipsum, et pupillum geruntur, auctoritatem suam adcommodare, seu *auctor fieri in rem suam* nequit *§. 3. l. b. t. l. 1. pr. D. b. t.*

§. CCLV.

Inde patet, cur I. tutor res pupilli emere haud possit *l. 34. §. 7. D. b. t.* Nisi forte con-tutor auctoritatem interponat *cit. l. 5. §. 2.*, aut tutor palam, et bona fide, velut auctione publica, emat *l. 5. c. de cont.* Inde porro liquet, cur II. lite inter tutorem, et pupillum interueniente, antiquitus, dum iudicia erant sollemnia, a praetore ex moribus datus fuerit tutor *l. vlt. c. de in lit. dand. tut. §. 3. l. b. t. iunct. l. 19. D. b. t.*, ideo *praetorianus* dictus VLP. XI. 24.; nunc vero, postquam iudicia sollemnia desierunt *tit. c. de form. et imp. act. subl.*, constituatur *curator* *§. 3. l. cit. Nou. LXXII. c. 2.*, quem ideo Tribonianus pro *tutore* subiecisse videtur in *l. 3. et seqq. D. de tut. l. 24. D. de test. tut.*, aliisque GYPHAN. ad *b. §.*

§. Iure nouissimo tamen raro iam simili curatore opus erit, quoniam et debitor, et creditor pupilli a tutela arcentur. *Nou. cit. c. 2.*

§. CCLVI.

Iure Austriaco tutoris auctoritas non est actus legitimus, quare nemo dubitat, quin et ex interuallo, litteris, aut per nuntium interponi possit. Cetera, quae diximus, adhuc obtinent. Nam adquirere quidem pupillus ipse potest, non vero se obligare aliis *Gerb. Ord. T. 14.* Immo iure novo non modo talis obligatio nulla est, sed et, si pecunia *mutua* data sit minori sine consensu tutoris, aut curatoris, et extet adhuc, in fiscum redigitur *Ref. de anno 1753. 12. April.* Quin moribus sine actatis discrimine vix quidquam pupillus, sed omnia eius nomine tutor agit.





T I T. XXII.

QVIBVS MODIS TVTELA FINITVR.

§. CCLVII.

Quum omnis societas cessante obligationis caussa dissoluatur (*iur. nat. pos. 693.*), tutelam quoque adepta pubertate naturaliter terminari diximus in *iure naturali pos. 744.* Eodem modo iure Romano, cum caussa tutelae sit *tutio pupilli*, qui per aetatem seipsum defendere nequit (*203.*), finietur tutela, quoties is aut defensione iam non opus habet, aut ea a tutori praestari ultra nequit. Hinc varii sunt modi, quibus tutela finitur, tum ex persona *tutoris*, tum *pupilli*, tum *vtriusque*; quorum alii *ipso iure* obtinent, alii *interuentu magistratus*.

§. CCLVIII.

Primus itaque modus *communis* vtrique erit MORS: tam pupilli scilicet, quoniam persona defensione iam non eget, bona vero ad eius heredes deuoluuntur §. 3. l. b. t., quam etiam tutoris, adeo, ut tutela, velut munus publicum perso-

personale in singulari animi prouisione, ac industria fundatum, ad heredes minime de-
ueluatur *l. 16. §. 1. D. de tutel.* cf. *iur. nat. pos. 591.* Licet enim tutelae legitimae ad liberos, modo capaces sint, descendant, id tam
enim non iure hereditario, sed agnationis fieri,
manifestum est *l. 16. §. 1. cit. et l. 46. D. fam. ercise.*

§. CCLIX.

Alter est CAPITIS DEMINVTIO. Et qui-
dem ex parte *pupilli* siue maxima interueniat,
velut captiuitas *§. 1. I. b. t.*, quo casu inte-
rim curator bonis constituitur *l. 15. D. ex quib.
caus. mai.*, siue media, vt deportatio *§. 1. cit.*
pubertati proximi nimirum, qui iam doli capax
est *l. 111. D. de R. I.*, siue minima, vt adro-
gatio *§. 1. cit.* Semper enim caput liberum esse
definit (207.). Ex parte *tutoris* quoque tu-
telā finitū maxima et media: illa enim seruus,
hac peregrinus efficitur; vterque autem mune-
ris publici, ideoque tutelae incapax est (205.2.)
§. 4. I. b. t.; ast minima in se tutelam non soluit,
quoniam et filiusfamilias tutor esse potest (205.
1.). Quia tamen ea ius agnationis tollit (222.),
soluebat quoque olim tutelam legitimam (220.)
§. 4. I. b. t. l. 7. D. de cap. min. iunct. Go-
*THOFRED. in not. ad Tab. V. BALDVINV*s in
Scaeula p. 159. cf. tamen CVIAC. ad Vlp. fragm.
IX. 9. et HVBER. in Eumen. ad cit. l. 7. Ve-
rum sublato iam agnatorum et cognatorum di-
scrimine (221.), minima capitis minutione,
qua

qua salua manent cognationis iura (222,), nec legitimam tutelam finiri, planum est.

§. CCLX.

Ex persona pupilli finitur III. tutela PERTATATE pr. l. b. t. In qua aestimanda, num annorum numerus, num corporis habitus spectandus esset, variabant veteres. Ita Augustus eam in feminis duodecim (149.): Proculianorum secta, stoicos secuta, in masculis quatuordecim annis terminauit VLP. libr. sing. regul. Tit. II. SENECA, VII. de benef. I. PLVT. V. de plac. phit. 24. l. 2. pr. D. de vulg. et pup. subst. l. 5. D. qui test. fac. poss., ut et TERTVLIAN. de anima XXXVIII. 38. de vel. virg. XI. ac MACROB. in somn. Scip. I. 6. Cassiani contra corporis habitum respiciebant. Priscus denique vtrumque VLP. l. c., quem sequitur SERVIUS ad Virg. VII. Aeneid, v. 63., VII. eclog. 34. et ISIDORVS XI. orig. 2. Ob quam ambiguitatem etiam testatores, ad pubertatem filiis cauentes, diuersum exprimere solebant tempus l. 49. D. de legat. I. l. 101. §. 2. D. de condit. et dem. l. 43. §. 2. D. de legat. 2. add. D. PAVLVS ad Galat. IV. 2. cf. MERILL. l. l. obseru. 22., l. V. 16., et l. VIII. 29. Diffidium sustulit Iustinianus, atque secundum Proculianorum sententiam puberitatem in mariibus quatuordecim, in feminis duodecim annis definiuit pr. l. b. t. l. vlt. c. quando tut. esse des.; ut nec Tribonianus interpolationis cum CIVACIO XXII. obs. 20., nec Iustinianus vanae glo-riolas cum HEINECCIO in antiqu. ad b. t. §. 2., alius-

aliisque incusari possit. In eo tamen falli videtur Tribonianus, quod occasione sententiac Cassianorum, habitum corporis inhonesta eius indagatione exploratum fuisse arbitretur *pr. I. b. t.* Licet enim eam in Graecia obtinuisse **FLORENS CHRISTIAN.** *ad Aristophan. in Vespa. v. 587.* **PLATO.** *de leg. XI.*; imo et apud Romanos in nuptiis **QVINTIL.** *Declam. 279.*, in venditionibus seruorum **CASAVBON.** *ad Suet. in Aug. LXIX.*, in militum delectu **MENAG.** *amoenit 40.*, ac in mulieribus praegnantibus *I. I. D. de inspic. ventr.* admissam fuisse concedatur: in tutelis tamen eam receptam fuisse (id quod Tribonianum reapse existimasse contra **HYBER.** *III. digress. 14.* et **BYNKERSCH.** *III. obs. 24.* vel ex eo colligitur, quod *cit. textus pr. I. et I. vlt. C.* sub materia tutelarum retulerit) nullo omnino veterum testimonio probari potest. Et si ita est, cur non et in foeminis, quarum pubertas itidem *habitu corporis* aestimabatur, **SERV.** *ad Virg. VII. Aeneid. v. 53.*, adhibita fuit, ut ipse fatetur **TRIBONIANVS pr. I. cit.** Magis igitur est, ut dicamus, Cassianos eamdem non ex nudi corporis inspectione, sed ex habitu barbae, et vultus externi aestimasse. Quo sensu vocem *habitus* accipi passim constat **CIC.** *pro Cael. XXIV.* **GRONOVI.** *ad Liu. XXIX. 17.* *vid. RAEV. IV. var. 10.* Etsi vero tutelam pubertate finitam fuisse certum sit, monet tamen **Heineccius**, adolescentes non recepisse administrationem, nisi constitutis curatoribus; id an verum sit, infra videbimus (272.).

§. CCLXI.

Cessat IV. tutela , et quidem ex parte *tutoris*, VENIENTE DIE, aut EXISTENTE CONDITIONE, ad quam usque tutor testamento datum est §. 2. et s. 5. l. b. t.; non enim plus iuris habet, quam testamento in eum translatum est. Quod si contingat, in locum testamentarii suffici datium, supra obseruauimus (244.). Atque hic modus tutelae testamentariae proprius est (213. 5.). Tametsi et is, qui in locum testamentarii ob pendentem diem aut conditionem datur (213. 5.), eadem existente tutor esse desinat §. 1. l. de Atil. tut.

§. CCLXII.

Denique V. EXCUSATIONE ex iusta causa, et VI. REMOTIONE a tutela ob id , quod suspecti visi sunt , interueniente Magistratu tutores esse desinunt §. vlt. l. b. t. De illa T. XXV., de hac T. XXVI. dicemus.

§. CCLIII.

Cum naturale sit , ut quisque rei alienae administrator rationes reddat , tutor quoque , qui secundario rei velut diligens paterfamilias inuigilare debet (207. 1.), ad rationes gestae tutelae reddendas , et restituendum , quod reliquum est *tutelae iudicio* , seu *actione* a pupillo compellitur l. 1. D. de tut. et rat. distr. innct. l. 82. D. de condit. et dem. ; idque finita demum tutela. *Absurdum* enim videtur VL-

PIANO a *tutore rationem administrationis negotiorum pupilli reposci*, in qua adhuc per seueraret *l. 9. §. 4. D. eod.* Quod si rationes reddidit, sed improbe, duplum illius, quod subtraxit, restituere cogitur, *actione de distraudebis rationibus*, iam ex duodecim tabulis: quandoque finita tutela esse furtum duplione luito. *T. VIII.* et ibi *GOTHOFR. l. 55. §. 1. D. de adm. tut.* Sed de tutelae actione alibi erit dicendi locus (977.).

§. CCLXIV.

Quoniam iure nostro puberes quoque usque ad maiorenitatem non minus, ac impubetes tutelae subsunt, et eatenus nullum inter tutorem, et curatorem discrimin intercedit *Gerb. Ord. c. T. I. §. 1.*; pubertas propri non est modus finiendi tutelam, sed maiorenitas *l. c. T. 16. §. 2.* Praeterea iure nostro finitur tutela, respectu tutoris, vno inter fratres ad perfectam aetatem veniente; huic enim fiduciaria tutela committitur, priore tutele dimisso *l. c. §. 7.* Quod vero ibidem dicitur: nuptiis et professione religiosa eandem finiri §. 4., iure nouo cessat. Nam femina minor venit sub tutelam mariti perfectae aetas *Pragmat. de anno 1753. 12. April. §. 7.*, mari contra minori solum certa quantitas pro libera dispositione assignatur *l. c. §. 6.* Professio religiosa vero ante annum 24. emissa irrita est *Res. 1770. 17. oct.* Rationes apud nos singulis annis reddendae sunt, adeo, ut ad eas post annum et tres menses tutores a magistratu

tu adigantur primum comminatione poenae termino 4. hebdomadarum, tum poena ipsa termino 14. dierum indulto. Hae porro a constitutis apud magistratum personis examinantur, ut appareat, an omnino ut solers patrifamilias versatus sit; subinde ad dilucidandum remittuntur, et si exactae sint; vigore instrumenti absoluitur, ad eum modum, quem latius persequitur *I. c. T. 17.*



T I T. XXIII.

D E C V R A T O R I B V S.

§. CCLXVI.

Altera species hominum sui iuris est eorum, qui curatorum auxilio reguntur (201.) Quemadmodum vero latinis *curare*, et *procurare* synonyma sunt, ita *curator* idem fere ac *procurator*, is niimirum, qui mandata sibi aliena negotia gratis gerenda suscipit *I. 1. D. de procur.* *I. 20. D. de rit. nupt.* Id confirmant bina loca PLAVTI in *Epidic.* *Quod me attinet, ego curaui, quod mandasti mihi I. 2. v. 27. et in Mo-*

Mostell. *Hoccine mandauit tibi, quium peregre hinc abiit senex? Hoccine modo hic rem curatam offendet suam.* l. i. v. 24. Inde curator etiam procurator in l. i. r. si tut. vel curat. interu., et procuratores Cæsaris vicissim curatores Cæsaris dieuntur. BUNKERSCHOK. II. phys. 20.

§. CCLXVI.

Hoc modo Curatio est potestas administrandi bona, et rem familiarem eorum, qui rebus suis ipsi superesse nequeunt l. 8. c. de nupt. Curator enim iis datut, qui quidem puberes, eius tamen conditionis sunt, ut sua negotia tueri non possint pr. l. b. t. Inde curator etiam honoram tutus; et curatio tutela vocatur HORAT. II. sat. 3. v. 218. ibigne SCHOLAST., IVEN. XIV. sat. v. 112.

§. CCLXVII.

Ex definitione tamen intelligitur, magnam tutorem inter et curatorem esse differentiam. Curator enim I. primario rebus, secundario tantum personæ datur §. 2. l. b. t. l. 20. D. de rit. nupt. l. 8. c. de nupt.; quoniam puberibus datur, qui quidem ordinarie actionibus suis, non etiam rebus satis inuigilare possunt. Contrarium est in tutoré (207. 1.). Ideo II. curator et ad certam caussam dari potest §. 2. cit.; non item tutor (207. 1.); bona enim diuidua sunt, persona est indiuidua. Ex eadem ratione explicari poterit III. regula:

la : *babenti tutorem tutor dari non potest*, bene vero curator §. 5. l. b. t. l. 27. D. de *tut. tut.* Nam lex Atilia ei tantum iusserat tutorem dari, qui nullum habet (239.); fecus est in curatore. cf. HVBER. III. digress. 19. CVIAC. parat. cod. tit. in quib. causs. tut. Ideo quum tutor reipublicae caussa abest l. 15. D. de *tut. et curat.*, aut alia iusta caussa ad tempus excusatur, curator interim datur, non tutor §. 5. l. b. t. l. 16. D. de *tut. et cur. dat.* Sensim tamen senatusconsultis multas exceptiones inductas fuisse ex l. 9. D. eod. l. 17. D. de *tut.* l. 1. c. in quib. eas. tut. bab. intelligimus. Ita etiam tutor ob exilitatem intellectus auctoritatem interponit (248): curator vero puberum consilio quasi parum firmo l. 4. D. de *seru. export.* nonnisi *consensum* adcommodat. Vnde in D. lib. XXVIII. T. 8. inscriptio est: *De auctoritate, et consensu tutorum, et curatorum,*

§. CCLXVIII.

Curatores constituuntur puberibus, qui rebus suis ipsi superesse nequeunt (266.); igitur I. FVRIOSIS ex lege decemuirali: *s. furiosus, aut prodigus existat, ast ei custos nec escit, agnatorum, gentiliumque in eo pecuniae eius potestas esto:* Tab. V., et ibi GOTHOFR. l. 1. D. de *curat. fur.*, §. 3. l. b. t.; vt in stultos adagium fuerit: *ad agnatos et gentiles remittendos esse.* VARRO de *re rust.* l. 1. c. 2. COLVM. X. 2. Et licet his iure nouo praetores, vel praesides, cognita caussa, curatores nominent l. 1. D. de *curat. fur.*, quod agnati bo-

bonis inhiantes saepe satis sanos furiosos dice-
rent PLAVT. *Menaech.* V. 2. v. 76. seqq., ii tam-
en propinquos, si habiles fuerint, praeterire
haud poterunt arg. l. 14. D. et l. 5. C. eod.

§. CCLXIX.

Quum porro prodigis quoque iam *ab ini-
tio*, id est, ante duodecim tabulas, moribus
interdicta esset bonorum administratio l. i. D.
de curat. fur. PAVL. III. 4., eadem lex de-
cemuiralis etiam II. PRODIGOS, similes furio-
sis, quoniam *quoad bona ipsorum furiosum fa-
ciunt exitum* l. 12. §. 2. D. *de tut. dat.* seu,
ut SVETONIVS loquitur, *ob impendiorum fu-
rorem in Nerva.* XXXI. l. 1. D. *cit.* HORAT.
II. *Satir.* 3. v. 74., in curatione agnatorum esse
inbet VLP. XII. 21. (263.) Quod iure nouo
tunc obtinet, quum iis praetoris sententia, po-
stulantibus agnatis, bonis est interdictum, se-
cundum illud HORATII:

*Interdicto huic omne adimat ius
Praetor, et ad sanos abeat tutela propin-
quos l. c. v. 17.*

Formula interdicendi erat: *Quando tua
bona paterna, autaque nequitia tua disperdis,
liberosque tuos ad egestatem perducis, ob eam
rem tibi ea re, commercioque interdico.* PAVL.
l. c. Exempla occurrunt apud VALER. MAX.
III. 5., VIII. 6.

§. CCLXX.

Inde olim, qui rerum suarum administratione abstinere, ac sub potestate curatoris esse necesse habuit, is aut furiosus, aut prodigus habebatur (268. et seq.). Qua de re ne puberibus quidem, licet infirmum adhuc eorum esset iudicium, curator obtrudebatur. *Iniquum enim visum est, hominibus ingenuis non esse liberam rerum suarum alienationem l. 2. D. si a par. quis manum.*; eo magis, quod rigida ut plurimum patris disciplina educatis, incognito tum adhuc luxu, et nondum corruptis moribus, curatore non adeo opus videretur. cf. SALLVST. Catil. IX. FLOR. H. 19. III. 3.

§. CCLXXI.

Sed duplicem ea in re mutationem contingisse, primam lege Laetoria, alteram constitutione Marci Antonini, testis est IVL. CAPITOL. *in vita Antonini.* De curatoribus vero, inquit *quuu ante non nisi ex lege Laetoria, vel propter lasciviam, vel propter dementiam darentur ita statuit, ut omnes adulti curatores acciperent non redditis caussis.* cap. 10. Nimirum cum ex legibus duodecim tabularum curatio solis furiosis, ac prodigiis, caussa apud praetorem probata, concederetur (268. seq.); lex Laetoria illis quoque curatorem dedit, quorum apud praetorem accusata esset vel lascivia, vel dementia. Marcis vero Antoninus demum statuit, ut omnes adulti curatores acciperent etiam caussis non redditis. Planam hanc

hanc Capitolini interpretationem quum olim ipse probasset HEINECTIVS in prima edit. *An-*
ziquit. ad b. t., in postremis tamen editionibus aliam ingressus, triplicem ex hoc loco exsculpit curationem ante Antoninum: vnam ex lege Laetoria, nimirum *minorum*, qui peterent, et caussam probarent: alteram propter *lasciu-*
miam seu *prodigorum*: tertiam propter *demen-*
tiam scilicet *furiorum* ex iure duodecim tabularum; Antoninum postea statuisse, ut omnes adolescentes acciperent curatores, et quidem caussis etiam non redditis. Cuius contortae interpretationis aliud fundamentum nullum attrulit, quam quod secundum priorem explicationem lex Laetoria nil noui, et a lege decemuirali diuersi statuisse; quoniam dementia idem ac furor; prodigus idem ac lascivus fit. Verumenimvero quam false hoc dicatur, plura docent veterum testimonia. Sane CICERO III. Tusc. quæst. 5. Hanc, inquit, *insaniam*, quam paullo antea *dementiam* dixerat, a furore disiungimus. Hic enim est *mentis ad omnia Coecitas*, ea vero animi quaedam *insanitas*. Furor nempe ex magna animi commotione ortus cum rabie coniunctus, seu *rabida audacia*, ut inquit OPTATVS AFER. lib. II., temporarius tamen est, dilucida interualla habens l. 9. c. qui test. fac. post. l. 2. c. de contr. emt., adeo, ut et in sapientem cadere possit CIC. l. c. Contra est in *dementia*. Haec enim animi exilium perpetuum est, ea laborans placide delirat, et de mente sua discessit. CIC. l. c. et in Pison. XX. FESTVS. in mente captus. QUINTIL. Deelam. 348.

Sed et quam plurimae leges nostrae, velut
l. 2. D. de inoff. test., l. 8. §. 1. D. de tut. et curat. dat. l. 6. D. de curat. fur., l. 25. C. de nupt., aliaeque furorem a dementia manifesto separant. cf. BRISSON. voc. *furor*, et *dementia*. Nihil vero apertius in nostram interpretationem testimonio CICERONIS. Hic inquit, *Qui ita (de furore loquitur) sit affectus, eum dominum esse rerum suarum vetant duodecim tabulae. Itaque non est scriptum, si insanus quem ante dementem vocabat, sed si furiosus esse incipit. l. c.* Non minus quoque prodigi a lasciuis distant. Nam ii modo, qui *ingenui bona paterna ab intestato accepta dilapidando administratione interdicuntur, PRODIGORVM nomine veniunt in duodecim tabulis*, vt ex loco VLP. XII. §. 2. erudite colligit SCVLTING. ad Vlp. l. c. add. §. 2. I. quib. non est perm. fac. test. iunct. l. 18. D. qui test. fac. poss. l. 6. D. de verb. oblig. l. 10. D. de curat. fur. LASCVIS igitur tum lex Laetoria prospicit, eos intelligit, qui dissolute, ac luxuriose viuendo bona sua dilapidant, quin ad hanc adhuc ipsis sit bonorum administratio; vnde hos moribus seu *ethice*, illos autem *iuridice*, mediante scilicet iudicis sententia, prodigos vocare solent interpretes VINN. ad §. 3. l. b. t. cf. §. 11. I. de oblig. qua ex del. l. 15. §. 7. D. locat. l. 6. §. 7. D. de re milit. Ex his igitur, vt ad propositum reuertamur, ordo sequens intelligitur. I. Lex duodecim tabularum curatores dabat *furosis* (insanientibus cum rabie), et *prodigis* (*iuridice*): II. lex Laetoria *lasciuis* (*prodigis ethice*), et *dementibus*

pla-

(placide delirantibus), vtique non petentibus, quod si possent, certe non vellent, tantum plerumque hi sua stultitia sibi placere solent, sed inuitis, vrgentibus, ne familiae probro sint, agnatis. Antoninus demum, vt puberum utilitati sine existimationis periculo (270.) considereret, statuit III. vt omnes adulti etiam non redditis caussis curatores accipient. cf. RITTER. ad Hein. bift. iur. I. cap. 3. §. 99.

§. CCLXXII.

Sed alia iam ex priori nequitur difficultas. Ait enim TRIBONIANVS: *Inuiti adolescentes curatores non accipiunt, praeterquam in litem* §. 2. I. b. t. PAPINIANVS quoque: *Minoribus annorum DESIDERANTIBVS curatores dari l.* 13. §. fin. D. de tut. et cur. dat. MODESTINV^S Vlpianum et Paulum secutus: *Minorem ipsum sibi ipsi curatorem petere debere l.* 2. §. 5. D. qui pet. tut. Ita et ALEXANDER rescribit, quod puberes minores 25. annis ipsi sibi curatores, si res eorum exigat, petere debeant l. 6. C. qui pet. tut. Denique non solum in l. 3. C. de in integr. rest., sub DIOCLETIANO et MAXIMIANO lata distinquitur: *an minor curatorem habens laefus sit, an sine curatore constitutus:* sed et in pluribus legibus exempla minorum sine curatoribus proponuntur l. 4. §. 2. D. de minor. l. 43. §. 3. D. de procur. Contra vero ANTONIVS sanxit: *Vt omnes adulti curatores acciperent* (271.), quoniam *adbut,* vt ipse TRIBONIANVS ait, *eius aetatis sunt,* vt *sua negotia tueri non possint* pr. I. b. t.; vn-

de tutoris officium dicitur, admonere pupili puberem factum, *ut sibi curatorem peteret* l. 5. §. 5. D. de adm. tut. 3; constitutis vero curatoribus tutoris officium finem accipere l. 33. §. 1. D. eod. Aperte denique VLPIANVS tradit: Et ideo hodie in hanc usque aetatem (viginti quinque annorum) adolescentes curatorum auxilio reguntur: nec ante rei suae administratio eis committi debet, quamuis bene rem suam gerentibus l. 1. §. 3. D. de min. DIO, Cass. lib. LII. §. 20. l. 3. D. de min. An cum RAEVARDO l. var. 12. dicemus Tribonianum nobis antiquum ius legis Laetoriae, ab Antonino abrogatum, pro nouo per fraudem et infiditiam obtrusisse? Sed cum Triboniano faciunt utique, ut vidimus, etiam Papinianus, Modestinus, Vlpianus, Paulus, Alexander Seuerus et Diocletianus Antonino utique posteriores (*ord. hist. iur. ciu. p. 191. 194. 197.*). An cum NOODT, ad D. libr. XXVI. Tit. 6. et HEINECCIO ad h. §. statuendum erit, ex constitutione Antonini nulli puberum concedi administrationem suorum honorum, donec curatorem petat; sic omnibus curatorem dari, et tamen non iniuitis. Quasi non et id iniuitum foret, quod quis necessitate compulsus petit? Et ubi, rogamus, haec Antonini constitutio? Nos itaque putamus, inhaerendum omnino esse Tribonianii regulae in §. 2. I. b. 1. propositae, et tot legibus citatis subnixae. Nec enim aliud in iure antiquo hac ex parte mutasse Antoninum legimus, quam ne adolescentes caussas petitiae curationis ultra reddere deberent (271.): dengando administrationem ad eam petendam coactos

actos ab eodem fuisse, nullibi legimus. Immo iniquum videri, ingenuis hominibus non esse liberam rerum suarum administrationem, scribit CAIUS in l. 2. D. si a par. quis man., quem tamen sub Antonino adhuc vixisse constat MENAG. amoen. iur. ciu. cap. vlt. Post Antonini constitutionem itaque omnes adulti curatores accipiebant, qui scilicet eos petierant l. 13. §. fin. D. de tut. et cur. dat. l. 2. §. 5. D. qui pet. tut. l. 6. C. eod., agnoscentes, quod ipsi sua negotia tueri haud possint arg. pr. I. b. t.; cuius beneficii admonendi erant a tutori l. 5. §. 5. D. de adm. tut. Petitis vero semel curatoribus et constitutis finiebatur tutoris negotium l. 33. §. 1. D. eod., nec ultra iam ab arbitrio puberis pendebat, quoisque eos retinere vellet, sed usque ad annum vigesimum quintum curatoris auxilio regebatur l. 1. §. 3. D. de min. Principis enim est, rerum administrationem extra ordinem indulgere l. 2. et 3. D. eod. CVIAC. ad tit. de min. in princ. Sane patres olim tutelam ultra annos pubertatis iam ad decimum quartum l. 49. D. de legat. 1., iam ad decimum sextum, vel octauum extendebant l. 36. §. 1. D. de cond. et dem. l. 101. §. 2. D. eod. (260), et pueri vix puberes ad tribunos militum, vel ad oratorem, vel philosophum, vel iureconsulatum deducebantur, eorumque doctrinae, ac disciplinae committebantur, ut maximus quisque et vetustissimus pro parente esset PLIN. VIII. epist. 14. l. vlt. C. de test. mil. CIC. pro Rahr. XI. HORAT. III. od 1. Sallust. in Catil. VII. unde non aequae ac hodie minoribus curatorem

obtrudere necessum videbatur. In item tamen, cum et intendi, et excipi debuerit consentiente curatore *l. 2. C. qui leg. pers.*, curator etiam inuito dabatur *l. 1. l. 7. C. qui pet. tut.*

§. CCLXXXIII.

Ex fine curationis porro intelligitur, cur ex edicto praetoris etiam libertinis prodigiis, et ingenuis, qui ex testamento patris heredes facti *VLP. XII. 2.*, quibusque lex duodecim tabularum non prospexit (271.), tum surdis et mutis *l. 8. §. 3. D. de tut. et cur dat.*, aut morbo perpetuo laborantibus *§. 4. I. b. t.*, omnibus denique, qui *superesse rebus suis non possunt*, *§. 4. I. cit.*, a magistratu curator dandus sit *l. 65 §. 3. D. ad senatusconsultum Trebell.*: caeco tamen simpliciter obtrudendus haud erit *arg. l. 1. §. 5. D. de postul.* *Cic. V. Tusc. quaest. 39.* Inde curatio alia *legitima* est, quae in furiosos et prodigos ab ipsa lege defertur (268. seq.) proxime iunctis: alia *dativa minorum* scilicet, ceterorumque. Etsi enim impuberum tutela etiam legitima detur, non aequa tamen curatio minorum; his enim iam testari valentibus *§. 1. I. quib. non est perm. fac. test.*, cessat successionis commodum, ideoque et curationis onus (219.). Testamentaria curatio non obtinet, tum quod paterfamilias ex legibus duodecim tabularum tantum super *tutela* legare potest (208.), tum quod curator volenti datur (270.), et primario rebus (267.) minorum, de quibus ultra pubertatem ne

ne pater quidem disponere potest *pr. et §. 8.*
I. de pup. subst. Ut vero tutor non recte da-
 tus (215.), ita et curator a patre, vel matre
 testamento nominatus decreto magistratus con-
 firmatur *§. I. I. b. t. l. I. fin. et l. 2. §. I. D.*
de conf. tut. Quod cum sub Claudio demum
 inualuerit *Svet.* in *Cland. XXII.*, Caesar non
Octauio iam puberi App. de bell. ciu. III. Dio.
Cass. XLIV, sed posthumis tutores deditis
 videtur *Svet.* in *Cdes. LXXXII.* *CVIAC. VII.*
obs. 6.

§. CCLXXIV.

Etsi autem tutor, et curator pluribus dif-
 ferant, ut haec tenus obseruauimus, et post Mo-
 destinum in *libr. VII. differentiarum l. 20. D.*
de tut. et cur. dat. late docuit *CVIAC. XVII.*
obs. 7., in eo tamen conueniunt, quod cura-
 tores ab iisdem dentur magistratibus, a qui-
 bus tutores *§. I. I. b. t.*: quales vero hi sint,
 exposuimus supra (242.). Iisdem porro, qui
 tutelae habiles sunt (213. 3.), etiam curatio
 iniungi potest, nisi quod, qui tutelam alicuius
 gessit, inuitus eiusdem curator fieri non com-
 pellatur, etsi id testamento comprehensum fuisset
§. 18. l. de excusat. l. 20. c. eod. Sufficere
 enim videtur, *si cui, vel in paucis amici labo-*
re consulatur l. 20 c. de neg. gest.

§. CCLXXV.

Rursus quemadmodum cessante caussa, cessat
 tutela (257.), ita generatim etiam curatio; hinc

vt

ut impuberum tuteia pubertate, sic minorum in specie curatio maiorenitatem terminatur *I. 1. §. 2. et 3. 4. D. de min.* Haec naturaliter adest, quum quis et de alimentis sibi ipse propicere et actiones ad futuram felicitatem componere valet (*iur. nat. pos. 737.*). Quod tamen quum in singulis definire res sit longe difficultima, pluriusque altercationibus obnoxia, lege ciuili certo annorum numero ex eo, quod plurimum fit, determinandum erat. Talis Romae fuit lex Laetoria, a M. Lactorio Manciano Tribunoplebis a. v. c. 490. ut videtur, lata (*ord. hist. iur. ciu. IV. §. 43.*), qua, praeter alia capita ibidem enarrata, etiam minorenitatis terminus ad annos viginti quinque sine sexus discriminé positus est *I. 2. C. Th. de donat. et GOTHOFRED. ibid.* Et hoc, quia, obseruante VLPIANO, post hoc tempus compleetur virilis vigor *I. 1. §. 2. D. de min.* Definit enim corpus crescere, definit humorum, et corporis perpetua agitatio, qua animus adolescentium perturbatur, fragilis, et infirmus est *CVIAC. ad tit. de min. pr.* Qua in re Romani auctoritatem HIPPOCRATIS *V. apbor*, ut in aliis, secuti videntur *I. 12. D. de stat. hom. I. 3. §. fin. de suis et leg. hered.* Accedit, quod longissimum humanae vitae spatium centum annis circumscriberent *I. 56. D. de usufr. et quemadm.* PLIN. *VII. hist. nat. 4. SENECA de brev. vit. III.*, cuius quadrantem inuentuti tribuere visum est. GUNDLING. *ad tit. de min. §. 4. et 6.* Ex iusta tamen causa *venia aetatis* ad rerum suarum administrationem ab imperante quandoque indulgetur *tit. Cod. de his, qui*

qui ven. aetat. HARMENOP. I. Tit. 12. §. 22.: modo per scripturam mares numerum annorum viginti, feminae octodecem (149.), et insuper probitatem animi idoneis testibus probare valcent l. 2 pr. et §. 1. c. eod. Ex eodem praemissio principio furiosi, et morbo impediti, quum sanitatem recipiunt, ipso iure desinunt in potestate curatorum esse l. 1. D. de curat. fur. Prodigi vero receptis sanis moribus l. 1. cit. : modo etiam bonorum interdictio sententia magistratus sublata sit; utpote quae causa erat constituendi curatoris (269.).

§. CCLXXVI.

Sed et curator ob eamdem rationem, ac tutor, ex mente saltem legis decemuiralis (253.), tutelae iudicio conuenitur ad rationes reddendas, iduc restituendum, quod ex curatione reliquum est l. 3 c. arb. tut. l. 16. §. 1. D. de tut. et rat. distr. Quia vero actio, non ex verbis, sed ratione legis per interpretationem extensiuam deponita, *vitis* vocatur §. vlt. I. de leg. aquil., patet, cur haec quoque *actio inteliae vitis* audiatur.

§. CCLXXVII.

Fit persaepe, ut tutor, vel curator aduersa valetudine, vel alia necessitate impediatur, quominus negotia pupilli administrare possit. Et tunc, quia procuratorem solus dominus constituit l. 1. D. de procur., ipse pupillus praesens, et infantia maior, utpote dominus,

nus, auctore tamen tutore, procuratorem ordinare poterit: immo et tutor aut curator, si, litem contestando, eiusdem dominus factus est *l. II. c. de procur.* Alias vero praetor, aut praeses non quidem curatorem, aut procuratorem ex subtilitate iuris *l. I. cit.*, sed tamen, rogatu tutoris aut curatoris, ad negotia extrajudicialia *admiistratorem l. 13 D. de tutel.*, ad iudicialia *actorem* decreto substituet periculo ipsius tutoris *§. vlt. I. b. t l. 24 D. de adm. tut.*: cuius nomen non ab eo, quia per *acta* constituitur, ut censet THEOPHILVS *ad b. §.*, sed ab *agendo* ex institutis veterum domesticis *l. 8. pr. D. fam. erc. l. 32. D. de pign. PLIN. III. epist. 19.* deriuatur HEINECC. *antiq. b. t. §. II.*

§. CCLXXVIII.

Iure nostro quoque curatores proxime iuncti, aut his deficientibus alii a magistratudantur furiosis, mente captis, prodigiis, minoribus, surdis, caecis, mutis, et perpetuo morbo laborantibus *Gerb. Ordin. T. 5.* Minor aetas vero olim anno 22. in maribus, anno 20. in feminis: hodie vero sine sexus discriminatione anno 24. terminatur *Res. de anno 1753. 12. April.*, nisi venia aetatis impetretur, quam concedendi potestatem in illustribus solus princeps, in ceteris etiam excelsum regimen habet *Res. de a. 1768. 28. Aug. cf. DONNER oest. Recht. p. 27. seq.* Finita porro curatione hodie quoque actio tutela directa, et contraria obtinet *Gerb. Ordin. T. 18. et 19.*

TIT.



T I T. XXIV.

DE SATISDATIONE TVTORVM VEL CVRATORVM.

§. CCLXXIX.

Supersunt tria praecipua tutoribus, et curatoribus communia: satisdatio nimirum, excusatio, et crimen suspecti, totidem titulis proponenda. **SATISDATIO** generaliter accepta idem est ac *cautio l. 61. D. de V. S. l. 21. §. 2.* *D. de pec. const. l. 49. D. de solut.*, quae, ut alibi monuimus (*iur. nat. pos. 574.*) est actus, quo alium de re quadam securum reddimus *l. 1. D. qui satisd. cog.* Hoc cum vel adseueratione, vel iureinrando, vel datis pignoribus, vel fideiussoribus fieri possit, cautio vel est *mude promissoria* *§. 2. l. de satisd. vel iuratoria* *§. 2. cit. l. 17. c. de dignitat.* vel *pignoratitia* *l. 1. §. 9. D. de collat.* vel *fideiussoria* *l. 3. §. 1. D. si cui plusquam per leg. Falc.* Prima dicitur **CAUTIO** in specie *l. 3. c. de verb. et rer. sign.*, postremac duae sunt **CAUTIONES IDONEAE** *l. 59. §. vlt. D. mand. l. 4. §. 8. D. de fideic.* *lib.*, fideiussoria vero proprie vocatur

SATIS-

SATISDATIO l. 1. D. qui satisd. Et licet prō diuersitate rei iam vna, iam alterā sufficiat, regula tamen est, quod, quando praetor cautionem exigit, ne quidem pignoratitia sufficiat, praecipue quum dāniūm incertum imminet l. 1. §. 9. D. de collat. l. 2. §. 3. D. quod legat., sed fideiussoria, seu satisdatio requiratur l. 7. D. de stip. præt.

§. CCLXXX.

Tutores, ac curatores res alienas administrant, rationes reddere, ac quod reliquum est, restituere tenentur pupillo (263. 266.); naturale igitur est, vt caucant, rem pupilli, vel adolescentis saluam fore §. 4. l. de diuī. stip.; et quidem, cūm praetor id exigat §. 4. cit., et dāniūm adhuc incertum sit, datis fideiussoribus (279.). Cuius satisdationis finis est: Ne pupillorum et eorum, qui in curatione sunt, negotia consumantur, vel deminuantur. pr. l. b. t. Ex quo colligimus principium: Eos omnes satisdare cogendos esse, quorum fides et diligentia satis probata, ac electa nondum est pr. l. cit., seu, in quos vel illa suscipio cadere potest, non, vt auctor inquit, in quos cadit. Näm si iam suspecta persona sit, vel turpis, tutela committi nec cum satisdatione debet l. 17. §. 1. D. de test. tut. Melius enim est, intacta iura seruari, quam post causam vulneratam remedium quaerere l. vlt. 6. in quib. cauſſ. in integr.

§. CCLXXXI.

§. CCLXXXI.

In quos nulla cadere potest suspicio, illi satisdatione liberantur (280.) *I. 17. §. 1. D. de test. tut.*; igitur ab ea immunes sunt: I. Tutores testamento dati, a *patre* scilicet, *quia fides eorum, et diligentia, ut TRIBONIANVS monet, ab ipso testatore probata est.* *pr. I. b. t. I. 17. D. de test. tut.* Quod verum est, licet a patre sine iure dati essent; quoniam adhuc sine inquisitione confirmantur, ideoque pro testamentariis habentur (216.). vid. *I. 27. C. de episc. aud. I. vlt. §. 5. C. de curat. fur.* II. A *maioribus* magistratibus, vt a praetore, consule, praefide prouinciarum (*ord. bist. iur. ciu. IV. §. 3. seq. §. 9. seq.*) cum inquisitione dati (242.). Nam fides inquisitionis cedet proximulo cautionis *I. 13. §. vlt. D. de tut. dat. pr. I. b. t. I. 4. C. de tut.* qui *satis non ded.* Vnde et ab extraneo testamento datos, et *cum inquisitione* confirmatos satisdationem haud subire dicendum est *leg. cit.*, ne alioquin cum auctore in repugnancia incidamus.

§. CCLXXXII.

Ast merito ex eadem regula satisdare coguntur: III. Omnes legitimi, *quia nec paterno iudicio, nec cum inquisitione, sed indistincte, vt proximi sanguine, vocantur, qui saepe bona iam habere, quam exspectare malunt* (218.) *I. 5. §. 1. D. de leg. tut.* Una exceptio admittitur in patrono, et patroni liberis, si personae sint honestae, et maxime, si sub-

stantia modica sit *l. 5. §. 1. cit.* Insigne enim manumissionis beneficium suspicionem excludit, et contra reuerentiam foret, hunc aut liberos *contumelia satisfactionis*, vt vocatur *in l. 17. fin. D. de test. tut.*, onerare (112.). Satisfdant porro IV. dati a magistratibus *minoribus* sine inquisitione, vt a municipalibus (242.); quum eorum fides explorata nondum sit. *l. 5. c. de mag. conu. l. 4. c. de tut. qui sat. non ded. pr. l. b. t.* vnde in his formula: *Do te tutorem, si satisdederis*, BRISSON. de form. *V. p. 408.* Denique V. qui ex pluribus tutoribus aut testamentariis, aut legitimis, aut datiis se offert, vt solus administret, de indemnitate pupilli, vel adolescentis satisdare tenetur *§. 1. l. b. t.*, tum quod metus subuersatur, ne simulato officio lucrum captet, tum quod ceterorum interest, ne huius administratio ipsis noceat. Etenim naturale vitium est, negligi, quod communiter expeditur, vnde curat praetor, ne tutela per multos spargatur, sed per unum administretur *l. 3. §. 6. D. de admin. tut.*, ceteri vero sint *honorarii*, honoris caussa dati *l. 60. §. 2. D. de rit. nupt.*, qui, sine administratione quidem, obseruatores tamen quasi sunt, et custodes administrantis, vt et periculum ad eos pertineat *l. 3. §. 2. D. de adm. tut. l. 14. §. 1. D. de solut.* Et quidem aliis praefertur, qui satis offert, ita, vt electionem det contutori, utrum velit satis accipere, an satisdare *§. 1. l. b. t.*; si nemo offerat, is, quem testator designauit: si non fuerit adscriptum, geret is quem maior pars tutorum elegerit: sin disserint,

serint, res sorti committenda non est, *sorte*
 enim et *vrna mores non discerni recte monet*
TACITVS IV. bistor. 7., sed praetor statuet,
 quis tutelam suscipere, et ceteris satisdare de-
 beat. §. 1. l. b. t. l. 19. §. 1. D. de *test. tut.*
 Quod si omnes parati sint satisdare, ac omnes
 gerere velint, praetor permittet l. 17. D. de
test. tut., aut magis idoneum praeferet l. 18.
D. eod. Immo, si electo a praetore fidem non
 habeant, aut diuidi inter se tutelam velint,
 audiendi sunt, ut distribuatur inter eos admi-
 nistratio l. 3. §. 3. et seqq. D. de *adm. tut.*

§. CCLXXXIII.

Satisdatio vero praestatur oblatis fideiun-
 toribus (280.), mediante stipulatione alienae
 obligationi accedentibus §. 1. l. de *verb. obl.*
 l. 3. D. de *fidei.*; stipulatio vero iure Romano
 alteri fieri nequit, nisi et stipulantis intersit
 §. 19. et 20. l. de *inut. stip.* Hinc si pupil-
 lus iam infantia maior, et praesens sit, ipse
 sibi stipulabitur rem saluam fore (252. 1.); si
 absens sit, vel fari non possit, seruus proprius
 (130. 3.); quem si non habeat, emendus ei
 est: sed si non sit, vnde ematur, aut non ex-
 pediat emtio, servus publicus eidem stipulabi-
 tur l. 2. D. *rem. pup. salu. for.* Hic enim, ve-
 toti reipublicae (84.), ita et singulis ciuiibus
 adquirere potest ratione officii sui arg. l. 5. §.
 pen. D. de *pec. const.* l. 3. D. de *stip. praet.* l.
 1. §. 4. D. *vt legator.* GOTHOFR. ad l. 73.
 §. vlt. D. de *R.* l. pag. 322. Formula huius
 stipulationis videtur fuisse: *Fidene tua promite-*

tis rem pupilli saluam fore? Fide mea promitto. HEIN. *antiq. ad b. t. in fin.* Sed et tutor honorarius a gerente stipulari poterit; quoniam et ipsius interest, dum in ipsum redundat malae administrationis periculum (282.) *I. §. 2. D. de adm. tut. §. 20. I. de inut. stipul.* Quod si tutores, et curatores cauere nolint, pignoribus captis coercentur *§. 3. I. b. t.*, ac, si in contumacia perseverent, tamquam suspecti postulantur, et remouentur *I. 3. C. de susp. tut.*

§. CCLXXXIV.

Effectus huius satisdationis est, ut, si pupillus, vel adolescens actione tutelae, aut de rationibus distrahendis (263.) rem suam, excussis facultatibus, a tute, aut curatore, corrumue heredibus consequi nequeat *I. I. §. 1. D. de fideiuss. et nominat.*, aduersus fideiussores actione ex stipulatu (283.) experiri possit (280.) *I. 6. et 7. D. eod.* Sed et aduersus horum *confirmatores*, subuades, seu adstipulatores TURNEB. *XVI. aduers. 8.*, tum *nominatores*, qui suo periculo alios substituerunt tutores *I. 18. D. de tut. et cur. dat. PAVL. II. R. S. 28. §. 1. et 2. adfirmatores*, qui idoneos esse adfirmarunt, vtpote fideiussorum vicem sustinentes, ac tutores honorarios agi posse manifestum est *I. 4. §. vlt. D. de fidei. et nomin. I. 3. §. 2. D. de adm. tut.*

§. CCLXXXIV.


§. CCLXXXV.

Quod si nulla harum ratione indemnes seruari possint pupilli vel adulti, *vltimum eis praesidium adfert*, vt TRIBONIANVS loquitur, *actio subsidiaria*, senatusconsulto sub Traiano introducta *l. 5. c. de mag. conu.*, aduersus magistratus, qui satisdationem alias accipiunt, et tamen aut omnino non, aut non idonee passi sunt caueri §. 2. *l. b. t.*, ad praestandum id, quod ex administratione tutelae debetur; quoniam in omne periculum succedunt *l. 4. D. de mag. conuen.*; immo, si culpa eorum dolo proximo pelluceat, etiam eorum heredes obligantur *l. 4. cit. add. FABROTT. ad Theoph. paraph. ad §. 2. l. b. t.* Quam actionem non *tutelae utilem*, sed *in factum* esse auctoritate THEOPHILI *l. c. et ex l. 1. pr. D. de mag. conuen.* pluribus aduersus MERILL. VIII. obs. 24. et WISSENBACH. I. disp. 53. §. 6. *ad pandect. pag. 564. seq. docuit REIZ. excurs. XIII. ad Theoph.* Ex quo colligitur I. magistratus maiores, qui tutorem dant sine satisdatione, atque semper idoneum ex inquisitione nominare praesumuntur, hac actione non teneri, sed magistratus municipales *l. 1. pr. et §. 1. D. de mag. conu.*, nec non eos, qui dati sunt ad aestimandas satisdationes *l. 1. §. 8. D. et l. vlt. c. eod.* Cessat vero haec actio, si fideiussores initio idonei, dein facultatibus lapsi essent. Non enim debent magistratus futuros casus, et fortunam pupillo praestare. *l. 1. §. 11. et 13. D. eod.*

§. CCLXXXVI.

Quod satisdationem attinet, legibus nostris patriis cautum est, ut tutores testamentarii, et legitimi se offerentes, nisi bona immobilia possideant, eidem adstringantur: a magistratu vero ex officio ad tutelam suscipiendam coacti, saltem iuratoriam praestent *Gerb. Ordin. T. 7.*
 §. 1. Immo, quum alioquin curator bona immobilia distrahere nequeat sine decreto magistratus, pecunias vero fundis publicis eredere *Res. de anno 1760. 21. Febr. et a. 1771. 2. Mai.*, ac singulis annis rationes reddere teneatur (264.), satisdatio non adeo vrgeri solet. Ea tamen praestita, procul dubio aduersus fideiussores actio daretur. Quemadmodum et aduersus magistratum ob dolum, vel magnam negligentiam actio subsidiaria conceditur *Gerb. Ordin. T. 18.*





T I T. XXV.

DE EXCVSATIONE TVTORVM VEL CVRATORVM.

§. CCLXXXVII.

Quum tutela, ac curatio in aliorum perfectione consistat, considerando statum naturalem obligatio ad eamdem imperfecta est (204.), ut ad eam suscipiendam cogi nemo possit (*iur. nat. pos.* 372.), et eatenus excusatione opus haud habeat. Ad eum modum PLATO quoque nonnisi volentes ad tutelam admisit *de leg. XI.* Id quod antiquitus etiam Romae obtinuit §. 3. *I. de Atil. tut.* Posteaquam vero experientia docuisset, quod, qui quaeritur cogendus, rogatus recedit, et inuitatus effugit, is fide potior esse soleat *I. 13. c. de episc. et cler.*, exemplo aliorum munerum publicorum *I. 9. D. de muner.* (204.), constitutionibus principum, praecipue Antonini, de compellendis tutoribus ad tutelae administrationem cautum est §. 3. *I. cit.* (242.) Ab eo igitur tempore inualuisse videtur regula: Quae causae a muniberis publicis generatim, fere etiam a tutela, ac curatione excusant arg.

prin. I. b. t. (204.): licet sub generali vaca-
tione munerum ciuilium non etiam tutela con-
tineatur, sed specialem requirat mentionem
legis *I. 17. §. 3.* et *I. 15. §. 12.* *D. b. t. add.*
I. 8. §. 1. D. vacat. Verum cum quid a munere
publico excuset, demum *libr. L. T. 5. D.* tra-
datur, iam singulas excusationes inspicere iu-
uabit.

§. CCLXXXVIII.

EXCVSSARE, quasi *excaussare* BRISSON.
de V. S. in excusare, est adlegare caussam.
Vnde excusatio grammaticis passim est excep-
tio, ob quam inuitus onus suscipere haud te-
netur. At iureconsulti, laxiori inherentes si-
gnificationi, cum quoque excusari dicunt, qui
prohibetur. Ita in *I. 1 §. 3. D. de postul.* prae-
tor pueritiam postulare *excusauit*, et pueritiam
postulare *prohibet*, promiscue accipiuntur, et
in *I. II. D. de decur.*, qui tenerae aetatis sunt,
decuriones fieri *prohibentur*, mox quasi inha-
biles ad tempus *excusantur*; ut frustra CVIA-
CIVS. pro excusare *excuriare*. *XXVI. obs. 38.*,
et P. FABER. *III. sem. 23. excipere rescrip-*
serint. Quam excusationis notionem apud
bonos quoque auctores occurtere, docuit
HEINECC. *ad Brisson. I. c.* Immo Graeci,
cum simile in lingua sua non reperirent, e
latino verbum Ε'ξκουσατενσιν HARMENOP. *II.*
Tit. 5. §. 6., et Ε'ξκουσατειον THEOPH. *pr. I.*
b. t. formare non dubitarunt. BYNKERSCH.
IV. obs. 11. p. 385. seq. Hoc loco itaque ex-
cusatⁱo est exceptio, ob quam quis tutelam,
aut curationem suscipere vel non cogitur, vel
plane

plane pro hibetur. Hinc ea aut *voluntaria* est, qua qui experiri vult, onus tutelae declinat, aut *necessaria*, quae etiam volentes tutela excludit. Illa nonnisi opposita prodest, alias enim fauori renunciatum censetur: haec etiam non opposita magistratum ad exclusionem ad tutela mouet, vid. l. 13. §. vlt. D. b. t. Illa solum a tutela *fuscienda* liberat: haec etiam a *fuscepta*, cum eam quodammodo impossibilem reddat. Vtramque vero legitimis non minus, ac testamentariis, et datiuis communem esse ex §. 16. l. b. t. iunct. THEOPH. ad §. 17. ibid. l. 30. §. 2. D. eod. l. 3. §. 8. D. de legit. tut. l. 1. C. eod. l. 9. C. qui dar. tut. luculenter aduersus CVIAC. ad Vlp. XI. 17. docuit VLR. HVBER. *praelect. inst. b. t.* §. 20.

§. CCLXXXIX.

Voluntariae excusationes aut (a) vt priuilegium, aut (b) ob impotentiam, aut (c) ob imminens existimationis periculum indulgentur. Ut PRIVILEGIUM excusat: I. Numerus liberorum. Postquam enim amores furtui DIO CASS. LVI., matronarum luxuria PLAVT. mil. glor. III. 1. v. 9. 1. seq. DIO CASS. LIV., pluraque coelibatus, ac orbitatis commoda PLAVT. l. c. v. III. seqq. TACIT. XV. ann. 19. animos ciuium a nuptiis abduxissent: ad augendum ciuium numerum, bellis tum externis, tum ciuilibus maxime imminutum, pluribus remediis frustra fere tentatis DIO LVI., constat Augustum primo legem Iuliam de maritandis Ordinibus, tum pluribus capitibus au-

Etiam legem Papiam Popeiam, procreationi liberorum summopere facentem, iussisse a. v. c. 762. (ord. hist. iur. ciu. V. §. 6.). Atque inter alia huius praemia hoc facit illud, ut qui Romae tres liberos natos, *incolumes, legitimos*, qui quatuor in Italia, quinque in prouinciis haberent, omnium munerum personalium, ideoque et tutelae, immunes essent cap. 9., l. 2. §. 1. D. de vacat. et excus. mun. l. 2. §. 2. seq. D., et pr. I. b. t. Vnde celebre illud ius trium, quatuor, quinque liberorum PLIN. II, epist. 13., VII. 16., X. 50. cf. VFRTRAN MAVRVS de iure trium liberorum in thes. iur. ciu. T. 3. p. 965. Qua de re nascituri l. 2. §. 6. D. b. t., illegitimi l. 2. §. 3. D. eod., capti ab hostibus l. 1. l. qui num. lib., aut mortui minime proderant pr. I. b. t., nisi qui in acie pro republica amissi sunt; *bi enim in perpetuum per gloriam vivere intelliguntur* pr. I. cit. add GELL. XV., II. 15. CIC. I. Tusc. quæst. 48. Philipp. IX. 2.: quod quomodo de liberis cuiuscunque sexus accipi possit in l. 18. D. b. t., illustrat l. 1. et 2. C. de uxor mil. l. 10. C. de re mil. Illud in hac excusatione parum interest, an liberi mares sint, an feminæ, sui, an emancipati, aut in adoptionem dati, primi gradus, an nepotes ex filio mortuo pr. I. b. t. l. 2. C. qui num. lib. l. 3. C. de bis, qui num. Quod ad numerū vero locus et domicilium respicitur l. 2. C. Th. de in integr. rest. Et quemadmodum in vrbe regia, et terrarum domina cum continentibus l. 147. D. de V. S. minor suffecit, ita Italia prouinciarmm viætrix, ut in aliis, sic in hoc quo-

quoque ceteris prouinciis praetoriis, vel consularibus orientis, et occidentis melioris conditionis habebatur SPANHEM. de *praest. num.* T. 2. pag. 564. cf. HEIN. *comment. ad leg. Pap. Pop. I. cap. 3. et II. cap. 8.*

§. CCXC.

Ex rescripto D. Marci porro in semestribus (id est, libris, quibus decreta hibernis mensibus in consiliis prouinciarum lata describebantur SVET. in Aug. XXXV. MAMERINT panegyr. IV.) eodem priuilegio gaudent II. Administratores (a) REI FISCALIS §. I. I. b. t., adeoque aerarii, quod ciuitati proprium, ad onera publica destinatum est, et fisci, qui principi ad dignitatem suam sustinendam adsignatus est; quod bonorum discriminem, liberae reipublicae ignotum, Augusto, vel certe Tiberio imperante introduc̄tum est TACIT. VI. ann. 2., sed senescente sub principibus imperio haud reperitur, atque vtrumque genus bonorum fisci nomine rursus venit HEINECC. an-
tiq. ad b. t. §. 10. Excusantur quoque (b) procuratores REI DOMINICAE, siue patrimoni principis I. I. D. b. t., quod scilicet pleno iure ei proprium est. Vnde fiscus *sacrarum largitionum*, haec vero *priuatarum verum nomine* venit Tit. cod. de comit. sacrar. largit. et de comit. rer. priu. Praeerant autem aerario initio quaestores TACIT. XI. ann. 22., et licet illud Caesar aedilibus Dio XLIII. p. 237., Augustus vero viris praetoriis commiserit SVET. in iAug. XXXV.; denuo tamen quaestoribus restitutum est a Claudio SVET. in Claud. XXIV.

Sub

Sub Nerone demum ad praefectos aerario transiit. TACIT. XIII. ann. 28. et ibi LIPS. excurs. B. Fiscum vero curabant procuratores, aduocati, patroni fisci: patrimonium principis autem procuratores Caesaris. Nouisssime illud Comes sacrarum largitionum, hoc Comes rerum priuatarum administrabant Gvther. de offic. dom. August. III. 1. 16. 25. 32. Non minus excusantur (c) administratores TRIBUTORVM l. 10. C. b. t., et conductores fundi principalis, seu coloni patrimoniales l. vlt. C. quidar. tut. poss. ; at ratiocinator ciuitatis, qui vectigalia conduit a ciuitatibus, haud excusat l. 15. §. 7. et 10. D. b. t. Ciuitates enim iuribus fisci minime fruuntur l. 10. D. ad municip. l. 2. C. de iur. reip. Ceterum an excusatio haec voluntaria sit, an necessaria, ambigitur? Moribus Germaniae eam necessariam, sed iure Romano voluntariam esse asserit HEINECCIVS b. l. et in recitat. ad b. §. Sed quum pupilli, et minores iam iure Romano tacitam hypothecam in bonis tutoris ac curatoris habent l. 20. C. de adm. tut. l. 19. §. 1. D. de reb. auct. iud. poss. , huiuscemodi administratoris bona vero iam tacite oppignorata sint fisco, ac reipublicae l. 1. C. de priu. fisc. l. 3. C. de iur. reip. innct. l. 20. C. de adm. tut. , quod nec ipse diffidetur HEINECC. ad Pand. libr. XX. T. 2. §. 21. et 22. , magis est, ut inter excusationes necessarias referatur. add. THEOPH. ad b. §. Vnde TRIBONIANVS dicens: hos excusari posse §. 1. l. b. t., improprie loquitur arg. §. 11. l. l. 20. D. b. t. l. vn. C. quia monb.

morb. iunct. l. 3. §. 12. *de susp. tut.* l. 17. c. b. t.

§. CCXCI.

Priuilegio rursus excusantur III. *Absentes reipublicae cauſſa*, id est, ob officium, vel munus publicum §. 2. l. b. t., vt praefides, proconsules, legati, et eorum comites, procuratores caesaris l. 32. l. 35. D. ex quib. cauſſ. mai., adeo, vt a *fuscienda noua*, et futura tutela non modo, quāndiu legitime absunt, sed et *absentes necessitatis publicae plebis Romanorum cauſſa* per annum continuum, ex quo reuersi sunt, vel redire debuerunt, immunes sint; qui *annus vacationis* dicitur l. 10. pr. et §. 3. D. b. t. Immo et qui, *fuscepta iam tutela*, vel cura, reipublicae cauſſa abesse ceperunt, quātenus absunt, excusantur, et interea curator datur §. 2. l. b. t., aut, si tam diuturna absentia, vt pupillus interea pubes fiat, aliis tutor l. 12. D. de tutel. l. 3. §. 10. D. de *susp. tut.*: reuersi vero, quas prius habuerunt tutelas, confessim recipiunt. Annus enim vacationis *ad futuras nouasque datur, non ad eas, quae resumi debent* l. 10. §. 2. D. et §. 2. l. b. t. Qui denique plane trans mare absunt reipublicae cauſſa, aut ex rescripto imperatoris domicilium alio constituerunt, *fusceptam tutelam omnimode deponunt*, et continuo absoluuntur a sollicitudine l. 11. §. 2. D. de min. l. 12. §. 1. D. b. t. Sed totum hoc priuilegium ad legationes liberas, seu ad eos, qui sub specie munieris publici, titulorenus indul-

ti,

ti, suae, aut alterius rei priuatae causa proficiscebantur CIC. III. de legib. 8. et XI. epist. ad fam. 1., minime pertinere, facile quisque animaduertet l. 14. D. de legation.

§. CCXCHI.

Eodem iure se excusare possunt ex rescripto D. Marci IV. *Magistratus*, qui aliquam habent potestatem §. 3. l. b. t., seu imperium, hoc est, qui coercere aliquem possunt, et iubere in carcerem duci, vel prehendere l. 2. D. de in ius voc. GELL. XIII. 13., ut consul, praefectus, praetor, proconsul l. 2. cit., et magistratus municipales maiores, seu Duumviri; quo sensu: remittuntur a tutela et cura magistratus ciuitatum l. 6. §. 16. D. b. t. Ast non excusantur aediles l. 17. §. 4. D. b. t., quoniam prehensionis potestatem non habent GELL. l. c., nec magistratus municipales minores l. 3. D. qui pet. tut. l. 23. pr. D. b. t., nec senatores. Sola enim dignitas nemini tribuit excusationem l. 15. §. 2. D. b. t. Speciale tamen est, quod, qui tutor fuerat, vel curator, postea vero fit senador, tutela vel cura liberetur personarum inferioris ordinis l. 15. §. 3. D. b. t. Alias enim enumeratae personae ceptam iam tutelam deserere hancit possunt §. 3. l. b. t.; quemadmodum et contra priuilegium suo priuilegio non experiuntur l. 15. §. 3. et l. 17. §. 7. D. b. t. Simili ratione in §. 15. l. b. t. excusantur V. Gramatici; non vtique ludimagistri, qui primis litteris pueros inducunt l. 11. §. 4. D. de mun. et bon., qui que grammaticae dicebantur, sed quos SENE-

ca latini sermonis custodes. epist. 95., SVETONIVS poetarum interpretes vocat de illistr. gram. IV. QVINTIL. l. I. O. 4. Hi Romae primitus ignoti, post Metelli tempora priuatum summo cum honore, tum sub principibus, stipendiis, et priuilegiis donati, publice docuerunt SVENTON. l. c. cap. 1. et 3. SPARTIAN. vita Hadriani XVIII. l. II. C. Theod. de med. et prof. Tum Rhetores, qui artis oratoriae paecepta initio inter domesticos parientes SVET. de clar. Rhet. III. seq., postea publice tradebant EVSEB. in Chron. n. MMCIV. acceptis salariis SVET. in VESPAS. XVIII. l. 6. §. 2. D. b. t. Excusantur quoque Medici; quales licet serui, ac liberti olim fuerint SVET. in Calig. VIII. SENECA. III. de benef. 24., a Jul. Caesare tamen dein ciuitate SVET. in Jul. Caes. XLII. ab Augusto, et successoribus vero etiam immunitate donati Dio LII. l. vlt. §. 30. D. de mun. et bon., sed intra numerum restricti sunt l. 5. §. 2. D. b. t. MENAG. amoen. XXXV. Dumodo hi omnes artes suas Romae, aut in patria exerceant, et intra numerum sint §. 15. l. b. t. Porro etiam Philosophi, qui publice iuuenibus profund l. 6. §. 5. D. b. t. Etsi enim hi saepius vrbe pulsi sint SVET. in Domit. X., ab Antonino tamen, et D. Marco mercedem annuam acceperunt IVL. CAPIT. vita Anton. XI. XIPHIL. LXXII. p. 815. Nec non Iureconsulti, olim qui Romae l. 6. §. 12. D. b. t., tum etiam, qui in aliis ciuitatibus docebant l. 6. C. de profess. Dein et aliarum litterarum professores l. 6. C. cit. modo senatus decreto numero concessos

inscripti sint, et industrii l. 6. §. 4. D. b. t. l.
2. et 6. C. de prof. Denique et artium qua-
rumdam artifices excusantur l. 1. et 2. C. de
excusat. artif., aliique in l. 6. §. 13. l. 17. §.
2. et 3. et l. 26. D. b. t. Ast non excusantur
poetæ l. 3. C. de prof., neque musici l. 4. C.
de excus. mun. Ev. OTTO aedil. colon. cf. HEI-
NECC. antiq. ad b. t. §. 15. seqq.

§. CCXCIII.

Ob IMPOTENTIAM excusantur, qui ge-
rendae tutelae minus idonei videntur, viri alio-
quin honesti (289.). Ita vacationem praestant
VI. Tria onera tutelæ vel curæ §. 5. l. b. t.,
ne forte omnium negligatur administratio. Nec
enim, ait IVSTINIANVS, facile credendum est,
etiam duabus rebus necessariis unum sufficere:
immo periculum est, ne, cum ad utrumque
festinat, neutrum bene peragat l. vlt. pr. et §.
1. C. de assēss. Quia vero non numerus pupillo-
rum, sed difficultas rationum conficiendarum,
et reddendarum consideranda est, facile patet,
cur et una, eaque diffusior l. 31. §. 4. D. b. t.,
aut tres in una domo, velut patris, et filii,
vel fratri in eiusdem potestate, ad periculum
patris spectantes, sufficient l. 5. D. b. t. Con-
tra, ne tres quidem proderunt, si honorariæ
tantum sint l. 15. §. 9. D. b. t., vel tenues
plurium pupillorum, sed eorumdem bono-
rum, veluti fratrum §. 5. l. b. t., aut affectatae,
id est, data opera susceptae, ut a grauiori im-
minentí parata sit excusatio l. 15. D. b. t. Ver-
bo: pleraque in hac re pendent a magistratum
iudi-

iudicio. VII. *Paupertas*, quae et cautioni, et oneri iniuncto imparem reddit propria indigentia oppressum §. 6. I. b. t. VIII. *Morbus*, non qualiscunque, sed talis, propter quem quis ne suis quidem rebus superesse potest §. 7. I. b. t. *Sonticum* vocant veteres GELL. XVI 4. l. 60. D. de *re iud.* IX. *Imperitia litterarum* §. 8. I. b. t., non vtique altiorum, sed popularis legendi et scribendi inscientia arg. l. 2. §. fin. D. de *vacat.* DVAREN. I. *disput.* 3.; vtpote quae et inuentarii, et rationum confectionem impedit l. 7. D. de *adm. tut.* l. 1. §. 3. D. de *tut. et rat. distr.* Quoniam tamen etiam *imperiti litterarum possunt ad administrationem negotiorum sufficere* §. 8. I. b. t., accepta, et expensa in re tenui memoria tenere, ac bacillis fissis notare COLVSELL. I. 8., rationes vero per alium reddere, eius excusationem admitti non debere, *si modo non sit expers negotiorum*, ex epistolis D. Adriani, et Antonini verissime obseruarunt PAVLVS, et MODESTINVS in l. 6. §. fin. D. b. t. cf. tamen IANVS A COSTA ad b. t. §. 8. X. *Senectus* septuaginta annos egressa §. 13. I. et l. 2. D. b. t.: ad similitudinem aliorum munera personalium l. 3. D. de *iur. immunit.* Evidem in l. vlt. C. qui aetat. vel prof. dicitur: *maiores QVINQAGINTA QVINQUE annis inuitos ad munera personalia vocari non posse.* Sed hoc de muncere *decurionatus* intelligendum esse ex l. 2. §. fin. D. de *decur.*, et coniunctis loco, quum alias in libr. V. Tit. 68. C. qui aetate se excusant ponenda lex fuisset, evicit Ev. OTTO ad §. 13. I. b. t. Ut correctione Heineccii post

CVIACIVM ad b. leg. et FORNER. III. ver. quot.
2. minime opus sit. Ceterum impotentia ex
 his caussis saepe tanta esse potest, vt tutelam
 prorsus reddat impossibilem, sicque in excusationem
 necessariam abeat (288.): licebit igitur
 has excusationes *mixtas* dicere cum **HEINNECCIO in antiq. ad b. t. princ.**

§. CCXCIV.

Denique ob **IMMINENS EXISTIMATIONIS PERICULVM** (289.) excusant **XI. Inimicitiae;**
 quas Romani pariter ac bellum publicum indicere solebant **LIPS.** *ad Tacit. ann. excurs. II.*
 Nimirum quum pater pupilli aut adulti *capitalem* inimicitiam aduersus tutorem exercuit,
 quae *caput*, id est, vitam, libertatem, statum (223.), existimationem, aut fortunas omnes
 petit *I. 103. D. de V. S. §. 12. I. b. t. iunct. I. 14. D. de bon. lib. ERNESTI Clau. Cic.* voce
caput, quin reconciliatio interuenierit, is se
 excusare solet §. 11. et seq. *I. b. t.* Non quod
 lex odio habendum esse inimicum putaret
MATH. V. 44.: sed vt tutori sinistram vindictae suspicionem, vi cuius et casus fortuiti aduersi inimicitiae tribuerentur, declinare, et
 anteuenire remotionem liceat *I. 3. §. 12. D. de susp. tut.* Similiter et a creato tute
 fata inimicitia aduersus patrem pupilli remissionem dat, nisi expressa secuta sit reconciliatio,
 aut tacita, velut si post inimicitiam in testamento datus esset *I. 6. §. 17. iunct. I. 36. D. b. t.* Quod si vero ideo dedisset, vt superstitione ini-

inimico onus imponat, malitia non indulgetur, et excusatio admittitur §. 9. l. et l. 8. §. 17. D. b. t.

§. CCXCV.

Sequuntur iam excusationes NECESSARIAE (288.), ad quas cum omnes illae pertineant, quae generatim homines ad sua vel aliorum negotia gerenda ineptos reddunt (207. 266.) §. 13. l. b. t., consequens est, ut excusentur I. *Furiosi, dementes*, qui ipsi curatore egent (268. seq.), muti quoque, et *surdi*, quoniam non tantum loqui, interponendo auctoritatem, sed et audire tutor debet l. 1. §. 2. et seq. D. de tutel., nec non *caeci* l. 1. qui *morb. se excus.* MERILL. III. obs. 39. II. *Minores* viginti quinque annis, qui ipsi *alieno auxilio in rebus suis administrandis egere noscuntur*, et ab aliis reguntur. §. 13. l. b. t. Olim quidem minorenitas erat excusatio voluntaria §. 13. cit., ita, ut minores, sumta utique iam toga virili (121.), tutores, si vellent, esse potuerint, quum plane impuberes ad legitimam tutelam vocarentur VLP. XI. 20. et 22.; ne tamen *alius* (scilicet eorum curator) *alieno onere praegrauetur*, et *immineat cuique pro sua tantum administratione periculum*, iure nouo a tutela, et curatione arcentur l. vlt. C. de legit. tut., §. 13. cit. Vnde TRIBONIANVS a VINNIO duplicitis erroris incensus ad b. §. 13. defendi omnino posse videtur. VLR. HVBER. III. digress. 24. Quod si dictae personae testamento tutores nomi-

nentur, illud valere, sed alium interim curatorem dari, iam alibi obseruauimus (206. 244.). III. *Milites*, cum nec procuratores esse possint *I. 8. §. 2. D. de procur.*, ne priuatis negotiis a signis auocentur *§. 14. I. b. t. I. 4. C. qui dar. tut.*; quare a tutela commilitorum haud excusantur *I. 17. §. 7. D. b. t.* (292.) IV. *Lis* cum pupillo vel adulto olim non excusabat, quod curator interim pupillo ad hoc iudicium daretur (255.); nisi forte de omnibus bonis, vel hereditate controuersia fuisset *§. 4. I. b. t.*, tunc enim vel invitus remouebatur *I. 20. D. b. t.* Sed iure nouo et debtor, et creditor pupilli a tutela vel cura excluditur *Nou. XXII. c. I. 2. 4.*, ne vel debitum subductis probationibus interueratur, vel inique imputetur *cap. I. cit.*, sicque hostis, et non curator adolescenti detur *Nou. cit. cap. 3.* Quod si dissimulet initio, creditor amittit ius suum, debtor vero solutione facta non liberatur *cap. 4. cit.*: siin obligatio superueniat curator adiungitur *cap. 2. cit.*: cessiones autem actionum tutori aduersus pupillum factae ipso iure nullae sunt *cap. 5. cit.* Excusationem necessariam porro habent IV. *Episcopi*, et *Monachi* *Nou. CXXII. cap. 5.*, quoniam, ut *CYPRIANVS* inquit, *singulari diuino sacerdotio honorati*, et in *clericō ministerio constituti*, *nonnisi altari*, et *sacrificiis*, et *precibus*, et *orationibus* *vacare debent*. *epist. IX.* Presbyteris tamen, diaconis, et subdiaconis permittitur tutela legitima, si intra quatuor menses apud iudicem competentem declarent, propria voluntate eam suscipi *cit. Nou. cap. 5.* Denique licet olim vxor

con-

conuentione in manum in perpetua mariti tutela esset Liv. XXXIV. 2., ea tamea obsoleta (202.), VI. *Maritus a cura vxoris excluditur l. 2. c. qui dar. tut. l. 14. D. de curat. fur.*, ne in bonis eiusdem grassetur, et a reddendis rationibus liberetur blanditiis. Ideo quoque tutorem, redditis nondum rationibus, pupillam ducere haud potuisse diximus (163. 2.). cf. VLR. HVBER. ad b. t. §. 16. Et quia sacer plane, qui nurui curator datus, se excusare debet, ne D. Marci sententiam, licet verba deficiant, offendat, et labem pudoris contrahat l. 17. e. b. t., procul dubio eiusdem oratione sub poena infamiae maritus quoque cura vxoris interdicebatur. Vnde TRIBONIANVS, qui ex Seueri, et Antonini rescripto ait: *maritum vxori suae curatorem datum excusare se posse, licet se immisceat* §. 19. I. b. 2., de eo exaudiendus est, qui, facto curator eius absens, et ignorans constitutus, se forte immiscuit, dein vero abstinere vult, vt ab infamia immunis sit l. 4. c. b. t. CYRILL. ad §. 19. cit.

§. CCXCVI.

Quemadmodum vero postrema haec causa ad solam curationem pertinere potest (149. 1.), ita ab hac speciatim excusat: quoque tutela antea gesta, vt alibi iam exposuimus (274.). Addimus nunc exceptionem de libertis. Hi enim etiam inuiti curatores dantur liberis patroni, vel patronae, licet eorundem tutelam iam administrauerint, ob insigne ni-

mirum libertatis beneficium *l. 5. c. b. t.* Inter hos tamen liberti fideicommissarii, aut qui propria pecunia libertatem emerunt, non connumerantur *l. 14. §. 3. et l. 24. D. b. t.*

§. CCXCVII.

Quum quisque tutelam, modo idoneus sit, teneatur suscipere, excusationes voluntariae porro, velut hypotheticae, non praesumantur, sed allegari, et probari debeant (288.), consequens est: I. Vt, qui datus est, *ipso iure tutor sit, antequam excusat* *l. 31. D. b. t.* II. Vt, si non competentibus allegationibus usus, et viectus sit, exinde ad eum omne periculum administrationis pertineat, ex quo datus est, *l. 1. c. si tut. vel cur. fals. alleg., quia non videtur leuis culpa, contra iuris auctoritatem mandatum tutelae officium detrectare. l. 39. §. 6. D. de adm. tut.* Ne igitur neglecta omnino tutela, aut ab altero male administrata alicui damnosa sit, tutissimum erit III. delatam mox suscipere, saluis tamen, mediante protestatione, excusationibus.

§. CCXCVIII.

Quia vero exceptio est quasi exclusio eius, quod in intentionem, vel condemnationem deductum est, *l. 2. D. de except.*, facile patet, excusationes quoque species exceptio-
nis esse (288.). Ex quo fit: I. Vt tutor da-
tus plures excusationes competentes allegare
possit. Nam *nemo prohibetur pluribus exce-
tio-*

ptionibus et defensionibus vti l. 8. D. eod. II.
Ne tamen trahantur pupilli negotia tutor omnes
vna nominare debet l. 13. §. 8. D. b. t., et
quidem coram tribunal, id est, caussa cog-
nita l. 3. §. 8. D. de bon. poss., non per libel-
los l. 25. D. b. t., seu de plano, sine ordine
iudiciali, vti res leuioris momenti expediri
solent: licet procurator propterea non videa-
tur excludi arg. l. 19. C. de adm. tut. et l. 5.
D. de tut. et cur. dat. Sed et successiue alle-
*gari excusationes plures poterunt, attamen *in-**
**tra tempora* constituta §. 16. I. b. t.; nimi-*
*rum intra quinquaginta dies *continuos* a tem-*
poore cognitionis, se tutorem datum esse l. 13.
§. 9. D. b. t., computatis scilicet diebus tam
*faustis, quam nefastis: non *viriles*, e quibus sub-*
ducuntur interuenientes nefasti l. 1. D. de diu.
temp. praese. Hoc, si tutor in eadem ciuitate
esset, vcl intra centesimum lapidem §. 16. I.
cit., id est, centum millaria; quoniam singu-
la millaria, seu mille passus geometrici co-
lumnis lapideis, spatiorum signa praeferen-
ibus, distincta erant, a Tib. Gracho PLVT. in
Grach. p. 838., initio ducto a columna aurata,
quae Romae ad aedem Saturni posita erat. cf.
BERGIER. de viis militar. Quod si ultra centesim-
um lapidem habitet, in singula viginti mil-
lia passuum geometricorum, seu pedum quin-
que, dantur singuli dies (satis humaniter arg.
l. 137. §. 2. D. de verb. obl. l. 38. §. 1. D. ex
quib. cauff. mai.) et amplius triginta dies ad ex-
cusandum adiiciuntur §. 16. I. b. t. Sed iam
veteres obseruarunt, ita euenire, vt saepe qui
longius distat, in deteriori ordine sit eo, qui

intra centum milliaria, vel in ipsa ciuitate est; nam v. c. centum sexaginta milliaribus absens haberet triginta octo dies, praefens vero semper quinquaginta. Hinc, *etsi maxime verba legis hunc habeant intellectum, tamen, ut ele-* ganter obseruat SCAEVOLA, mens legislatoris aliud vult. *I. 13. §. 2. D. b. t. (27. 28.).* Quare ita facienda interpretatio, ne vnquam minus sint, quam quinquaginta dies *I. cit. et §. 16. I. b. t.* Ideoque intra quadringentesimum lapidem degentibus prae scripti sunt quinquaginta dies, tam ad iter, quam ad excusationem proponendam: ultra id spatium vero morantibus deinceps proderit dicta triginta dierum adiectio THEOPH. *paraph. ad b. t. §. 16.* Ignoscitur tamen iis, qui casu impediti, constituto tempore venire non potuerunt *I. 13. §. 7. D. b. t.* Atque hi quinquaginta dies tantummodo ad proponendas excusationes pertinent, *peragendo enim negotio constituti sunt quatuor menses ex die nominationis I. 38. D. b. t.,* quo nimurum tutor excusationis caussas nominavit arg. *I. 13. §. 8. D. de excus. cf. GEBAVER excurs. VII. ad inst. §. 1.* Denique III. opponendae sunt excusationes coram magistratu, a quo quis datus est, non vero statim ad superiorem iudicem appellari debet *§. 16. I. b. t.* Nec enim grauatum se dicere potest, antequam eae cognitae sint ab inferiori magistratu, et reiectae. Est quidem alias regula: *qui ad aliquod munus vocantur, non aliter allegare possunt caussas immunitatis suae, quam si appellationem interposuerint I. I. §. 2. D. quand. appell., manifestam tamen exceptio-* nem,

nem, verbis praexceptiis conceptam, effecit D. Marcus in tutore. *Non oportet, inquit, eum prouocare, sed intra tempora praestituta excusationem ALLEGANDAM habet, et si fuerit REPVLSA, tunc demum appellare debebit; ceterum ante FRVSTRA appellatur l. 1. §. 1. D. quando appell. iunct. pr. cit. l. 1. et l. 4. in fin. C. de tut. qui sat. non ded.* Sane reliqua munera ab ordine decurionum solebant ipsis decurionibus deferri, in quos ordini decurionum non competit iurisdictio, maxime huius caussae, inter decurionem et ordinem, veluti partem cognoscendae. Contra tutelae a magistratibus populi Romani, vel horum iussu a municipalibus deferebantur. His igitur, ut in aliis caussis, ita in hac in hos tutores iurisdictionem relinquere aequum yidebatur GEBÄVER *Excurs. VI.* §. 2. Vnde quae appellationis meminerint leges, velut l. 4. D. b. t. l. 39. §. 6. D. de adm. tut. l. 2. et pen. D. de tut. dat. ex substrata materia intelligendae sunt de excusatione prius allegata, et reiecta. Improprie vero loquitur, MODESTINVS, quum inquit, tutores prouocare *neceſſe* non habere l. 13. D. b. t. Ita enim et captis bello ciuili, aut a latronibus postliminium non esse *neceſſarium* dicitur, quod tamen eis prorsus non competit l. 24. D. de capt. add. l. 13. §. 12. iunct. l. 16. in fin. D. b. t. §. 13. l. b. t. l. 32. §. 1. 7. 9. iunct. §. 16. D. b. t. occurrit. Simile responsum ad l. 16. D. b. t. Denique l. 18. c. b. t. rescriptum continet ad preces meticuloſi, qui statim appellatione ad excusandum opus esse, ut in aliis muneribus, putabat VLR.

HUBER. *praelect. ad b. t. §. 7. et 8. GEBÄVER exc. VI. cit. §. 2.*

§. CCXCIX.

Excusationes iure Austriaco fere eaedem sunt: ut aetas sexagenaria, morbus sortitus, paupertas, tria onera tutelae, aut vna satis diffusa, absentia reipublicae caussa, graue munus publicum, inimicitiae capitales, numerus sex liberorum, lis cum pupillo super maiori parte bonorum, et militia *l. c. T. 6.*, non vero matrimonium; immo maritus ordinarie curator vxoris est. *Pragmat. de a. 1753. §. 7.* Allegandae eae sunt a praesente intra 14. dies, ab absente intra mensem a die delatae sibi a magistratu tutelae *l. c. §. vii.*





T I T. XXVI.

DE SVSPECTIS TUTORIBVS.

§. CCC.

Communis tutoribus et curatoribus est quoque *remotio* (262.). Si enim saluti reipublicae expedit, ne impuberum, ac adolescentum personae, aut bona cura destituantur (202.), non minus eidem conuenit, ut ab ea remoueantur illi, qui eamdem dolose, vel segniter administrant. Quamobrem iam apud Athenienses huiusmodi tutores a propinquis, aut ceteris ciuibus in iudicium deducebantur ad quadruplum damni restituendum, cuius pars altera puero, accusatori altera deferebatur. PLATO de leg. II. DEMOSTH. Orat. 2. in Aphob. p. 395. in Oret. p. 919. in Nausimach p. 997. PETIT. ad leg. Attic. p. 492. Atque horum imitatione Romae quoque concepta fuit lex decemuiralis: *Si tutor dolo malo gerit, vituperato Tab. VII. et GOTHOFR. ibi: BALDVIN. l. II. in leg. Rom. et XII. Tab. p. 68.* Qui *dolus malus praecipue suspicio dicebatur veteribus TERENT. in Eunuch. III. 3. et ibi*

Do-

DONAT. Vnde est: quod **VPLANVS** suspecti crimen ex duodecim tabulis descendere, et, peruersis iam ciuium moribus, pernecessarium, ac quotidianum fuisse moneat *I. I. pr. et §. 2. D. b. t. iunct. SVET. in Galba IX. APVLEI Apolog. X. PERS. II. sat. v. 12.*

§. CCCI.

Nimirum *suspectus*, a verbo *suspicere*, is dicitur, cui diffiditur **SALLVST. bell. lugurth. LXX. CIC. pro Rosc. Amer. VII. QVINT. II. I. O. 2. I. I. §. I. D. de quaest.** Quare hoc loco *suspectus* audit, qui non ex fide tute-*lam gerit* §. 5. *I. b. t. I. 19. D. de adm. tut.*; ideoque is proprie, qui *dolo malo* pupillo nocet (300.) *I. 7. §. I. D. b. t.:* latius tamen, et qui fordide, seu plane negligenter tutelam administrat *I. 5. C. I. 3. §. 5. et 17. D. b. t. cf. VOLLENHOF. diff. de suspect. tut. cap. I. §. 3. et seq.*, licet soluendo sit §. 5. *cit.*, aut satisdatio-*nem offerat*, *I. 5. D. b. t.*; vtpote, quae pro-*positum tutoris malevolum, nocendi moribus,* aut rei familiari pupilli minime mutat *I. 6. D. b. t.* *Expedit autem pupillo, rem suam sal- uam habere, quam tabulas, rem saluam fore,* *cautionis* *I. 4. D. b. t. I. vlt. C. in quib. causs. in int. rest.* Quamobrem paupertas tutorem haud suspectum facit, quoniam hic *moribus talis est* *I. 8. D. b. t.*, et callida conuersatio-*ne, non facultatibus* *I. 31. §. I. D. de reb. auct. iud. pos.* Tutor enim, quamuis pauper, fide-*lis tamen, et diligens esse potest* *I. 8. cit. §. vlt. I. b. t. add. PETRON. LXXXIV.* Quid-*quod*

quod plerisque probitas caussa paupertatis esse
folet CVRTIUS IV. 1., quam sororem bonae
mentis vocat PETRON. XLVIII. TERENT. in
Phorm. V. 7. v. 10. Suspectus vero tutor di-
citur, non ratione facti perpetrati, sed futu-
rae administrationis, quatenus qui iam dolo-
se, vel sordide egit, iustum et in posterum
praebet mali suspicionem FABER *disput. anni-*
uers. ad inst. VI. tb. 1. Vnde est, ut etiam,
antequam quis tutelam incipiat gerere, quasi
suspectus remoueri possit §. 5. l. b. t., velut si
in priori tutela male versatus sit l. 3. §. 8. et
11. D. b. t., aut alia moueat iusta caussa l. 3. §.
12. D. b. t. l. 20. D. de excus. l. 27. §. 1. D. de
test. tut.

§. CCCII.

Vt itaque maximum hoc, ac sanctissimum
depositum tam nocuo custode liberetur, duo-
decim tabulis proditum est *crimen suspecti*
(300.), quod idem ac actio l. 1. §. 6. D. b. t.
l. 3. D. appell. rec., seu accusatio l. 7. D. de
accus. l. 5. D. de calumn. l. 21. D. de sc. t.
Silan. CIC. pro Rosc. Amer. XII. Hinc
definitur: accusatio quasi publica tutoris vel cu-
ratoris non *ex fide gerentis*, ad *remotionem*
eius, et aliquando *poenam arbitrariam* infli-
gendarum.

§. CCCIII.

Sane haec accusatio vere publica non est,
ut sibi persuadet PETIT. ad leg. Attic. pag.

495. Nam nec iniuriam reipublicae proxime persequitur (204.), nec ex lege quadam iudiciorum publicorum descendit (300.), nec accusator in crimen subscribit, quod intendit *I. 2. §. II. ad sc̄t. Turpil.*, nec coram praefecto vrbi extra ordinem suscipitur, sed coram magistratu maiori, veluti coram praetore Romae, praeside in prouinciis *I. I. §. 3. D. b. t.*, immo et coram iis, qui mandatam habent iurisdictionem *I. 4. D. de off. eius, cui mand. est iurisd. §. I. I. b. t.* Quae omnia in accusationibus vere publicis secus sunt *I. I. D. de publ. iud. I. I. §. 7. D. ad sc̄t. Turpil. I. 8. D. de publ. iud. I. I. §. vlt. D. de poen.* In eo autem publicae similis est, quod omnibus concedatur *§. I. I. de publ iud.*; vnde TRIBONIANVS inquit: *quasi publicam esse banc accusacionem, hoc est, omnibus patere §. 3. I. b. t.* Quemadmodum enim stoici particula *σοὶ οὐεῖ*, seu *quasi*, vtebantur, quum nomen quoddam pro parte tantum, ac improprie conueniret *PLVT. de solert. animal.*; ita quoque prudentes nostri (*§. 18.*) *quasi contractus, rubr. I. de oblig. quae quasi ex contr., quasi delicta, rubr. I. de oblig. quae quasi ex del., quasi possessio-* *nem I. 3. §. 17. D. de vi et vi armat. quasi usumfructum §. 7. I. de usuf., quasi dotem I. 39. D. de iur. dot. ac similia excogitabant. cf. BRISSON. de verb. sign. voce quasi.*

§. CCCIV.

Quum igitur haec accusatio ob faniorem pupilli, ac remote ob utilitatem reipublicae, ad

ad exemplum Atheniensium, omnibus de populo detur (300. 303.), facile patet, ad eam praeprimis admitti contutores *l. 3. D. b. t.*, et tutores honorarios, quoniam et ad ipsos periculum pertinet *l. 3. §. 2. D. de adm. tut.*, tum libertos pupilli, cuius commodo prospicere tenentur (231.) *l. 3. §. 1. D. b. t.*, tum etiam mulieres, necessitudinis vinculo pupillo iunctas, ut matrem, sororem, nutricem **PLAVT.** **Menoeb.** *prolog v. 19.*, *§. 3. I. b. t.*: immo et alias pietate productas, nec sexus verecundiam egredientes *§. 3. cit. l. 1. §. 7. D. b. t.*, etsi alias ad accusandum non admittantur *l. 1. et 2. D. de accusat.* Quin, licet regulariter nocens, nisi fuerit accusatus, damnari, non possit **CIC.** *pro Rosc. Amer. XX.*, fauore tamen pupillorum magistratus ex officio *l. 3. et 13. D. de off. praef.* in suspectos inquirere potest *l. 1. §. 3. D. b. t.* **CIC.** *I. in Verr. LVI.* cf. **LACTANT.** *VI. I. D. 12.* Denique etiam puberes curatores suos suspectos arguere possunt, ex consilio tamen necessariorum *l. 7. D. pr. et §. 4. I. b. t.*, ne id ex imperitia, vel iuuenili calore fiat arg. *l. 4. C. de auēt. praest.*; iis vero dissentientibus, iudicis officium interponendum erit arg. *l. 22. §. 6. D. sol. matr.* Impuberes vero ab accusatione tutorum arcentur *§. 4. et l. 7. cit.*, cum nec personam standi in iudicio habeant *l. 1. C. qui leg. pers. stand. in iud.*, nec stabilem satis mentem ad tam graue negotium tractandum *l. vlt. C. de test mil.*; quid quod eis stante tutela aduersus tutorem, qui patris loco est, non competat actio *l. 10. D. de*

de tut. et rat. diff. , crimen suspecti vero durante adhuc tutela obtineat l. pen. D. b. t. ?

§. CCCV.

Proponitur vero haec accusatio , vt persona et res pupilli vel adulti salua sit , id , quod et reipublicae interest (300.). Omnes itaque tutores , aut curatores , licet diuites , aut cautionem offerentes (301.) , suspecti postulari possunt , siue testamentarii sint , siue dati , immo et legitimi , ac patroni §. 2. l. b. t. Quum tamen famae illorum ob ignominiam in totam quodammodo familiam redundantem , horum vero ob reuerentiam (112.) non facile laceſſenda fit l. 38. §. 9. D. ad L. Iul. de adult. , eurema , seu cautio MODESTINI prodita est : *curatorem eis potius adiungi , quam cum notata fide , et existimatione remoueri l. 9. D. b. t.* CVIAC. XII. obf. 32. , aut , licet , vt suspectos remoueri expediat , famae tamen eorum parcendum est §. 2. l. b. t. , cauſa nimirum remotionis decreto non expressa , quo casu remotum *integrale esse famae* ait PAPINIANVS l. 4. §. 2. D. b. t.

§. CCCVI.

Scopus vero huius excusationis est , vt remoueatur tutor pupillo nocuus (302.). Vnde l. pendente etiam cauſae cognitione administratione vltiori interim prohibetur , ne diutius in re familiarī pupilli grassandi facultas prae-

praestetur §. 7. l. b. t. iunct. l. 14. §. 2. D.
 de solut.: vtique si grauia aduersus eum con-
 currant indicia, super quibus auditus est,
 quin ea eluserit ANT. FABER. Cod. def. 2. de
 susp. tut., quo casu alius interea in locum
 eius ordinandus erit l. 7. c. b. t. In ipsa ve-
 ro inquisitione II. an dolus tutoris, an culpa,
 et qualis subuersetur, a iudice perpendendum
 erit. Est autem dolus malus Romanis omnis
 calliditas, et machinatio ad alterum circumue-
 niendum adhibita l. 1. §. 2. D. de dol. mal.
 Culpa vero, licet late accepta dolum com-
 prehendat arg. l. 10. D. commod. l. 91. §. 3.
 D. de verb. oblig., stricte est omissio diligen-
 tiae ex defectu vincibili intellectus l. 31. D.
 ad leg. Aquil. Huius equidem gradus, consi-
 derando finem, et vires agentis philosophice,
 infiniti sunt, vt in iurisprudentia naturali do-
 cuimus (exercit. iur. nat. §. 194.), iurecon-
 sulti nostri tamen, ratione habita ad communem
 patrumfamilias diligentiam, tres tantum eius
 species faciunt, nempe culpam latam, seu defe-
 ctum infimae diligentiae, id est, illud non intelli-
 gere, quod omnes intelligunt l. 213. §. 2. D. de V.
 S., culpam leuem: omissionem mediae seu or-
 dinariae patrumfamilias diligentiae l. pen. §. 2. D.
 de iur. et fact. ignor, et leuissimam, praeter-
 missionem maxima l. 18. D. commod., vt suo
 loco latius explicabimus (784.). Iam tutorem
 ob dolum remouendum esse l. 5. D. b. t., im-
 mo et ob culpam latam, quia, vt VLPIANVS
 probat, lata negligentia prope fraudem accedit
 l. 7. §. 1. D. eod., facile admittunt omnes.
 Sed hac ipsa ratione, culpam leuem caussam

remotionis hand esse, contra Heineccium arguitur. Eo magis, quod ad eam leges omnes *call dam conuersationem l. 31. §. 1. D. de reb. auct. iud. poss., fraudem l. 1. 2. 4. C. b. t. cotumaciam l. 3. C. eod., segnitem, ignauiam, negligentiam*, quae dolo iungitur *l. 5. eod*, desiderent. Quin manifeste praecipit TRIBONIANVS: *Si idoneus non sit ad administrandum, nec tamen fraudulenter negotia administrat, solet ei curator adiungi. §. 5. I. de curat.* Praestat igitur malum minus ferre, quod alioquin actione tutelae vindicatur (263. 276.) *l. 1. D. de tut. et rat. distr.*, quam dum *vitiis nemo sine nascitur, et optimus is est, qui minimis urgetur* HORAT. *I. sat. 3.* imperitiorem, aut plane fraudulentum tutorem substituere. Praeterea qui ob dolum remouetur poena infamiae afficitur §. 6. *I. b. t.* Quod an et ad culpam latam extendendum sit, dubitant interpretes. Affirmat auctor noster cum BALDVINO, DVARENO, VOETIO, VOLLENHOVIO *diff. de suspecl. tutor.*, aliisque. Nobis vero contraria sententia et iustitiae naturali, et legibus Romanis longe conuenientior videtur. Illam enim si spectemus, manifesto praecipit, actionem culposam minus imputandam esse dolosa (*exerit. iur. nat. §. 191.*), mitiusque punendum esse eum, cuius industria excitanda, quod cuius malevolus animus corrigendus venit *prof. de iur. ciu. §. 134.*) Has vero ut ordine persequamur: (1.) Lege decemuirali, fonte illo omissis publici, priuatique iuris *LIV. III. 34.*, cautum erat: *Si tutor DOLO MALO gerar; vituperato Tab. VII.;* nihil de culpa additur. Quemadmodum et CIC. *I. de orat. 30.*, pro

M. Caecin. III., pro Sext. Rosc. Amer. XXXVIII,
et DONAT. ad Terent. Eun. III. 3. v. 9. doli
mali tantum ex duodecim tabulis meminerunt.
Quin (II.) aperte culpam excludit Imperator
in §. 6. I. b. t. Suspectus autem remotus, si
quidem ob dolum, famosus est, ob culpam non
aeque. Quod qui cum VENNIO ad b. §. ad
culpam leuem restringunt, interpretationem
faciunt, et iustitiae naturali, quam tamen ubi-
que spectandam esse nostri inculcant. l. 25. D.
*de leg. l. pen. D. de poen., et iuri decemuir-
ali, et substratae materiae aduersam; quoniam
*de remoto loquitur, ob leuem vero ne remo-
ueri quidem tutorem probauimus. Praestat
audire (III.) VLPINIANVM libr. I. de Tribun.
in l. 7. §. 1. D. b. t. Si fraus non sit admissa,
sed lata negligentia, quia ista prope fraudem
*accedit: remoueri hunc quasi suspectum opor-
tet. Quae vero differentia, eum non vere,
sed improprie, quasi suspectum (303.), tutela
abire, quam quod salua maneat existimatio?
*Sane idem VLPIANVS codem libr. I. de Tri-
bun. l. 4. §. 1. D. b. t. monet: Causam remo-
uendi decreto exprimi debere, (culpa scilicet,
an dolus fit), ut de existimatione appareat.
Ideo. (iv.) Contrario iudicio damnatus non erit
infamis: ecce autem? nam in contrariis non
de perfidia agitur, sed de calculo l. 6. §. 7. D.
bis, qui not. inf. add. l. 32. D. de condit. et
demonstr. Sed et (v.) DIOLETIANVS, et MAXI-
MIANVS de re dubia consulti rescribunt: Su-
spectos tutoros ex dolo, non etiam eos, qui ob
negligentiam remoti sunt, infames fieri, mani-
festum est, l. 9. c. b. t. Num vero de leui
*culpa post tam apertos iuris textus du-*****

bium superesse poterat? quidquod iidem legislatores alias dolum, latam, et leuem culpam claris sciungant verbis *l. 7. C. arb. tut.*? Extra dubium denique (vi.) rem omnem ponere videtur **VLPINIANVS** *l. 3. §. 18. D. b. t.* *Qui ob segnitiem, vel rusticitatem, inertiam, simplicitatem, vel ineptiam remotus sit: in hac causa est, ut integra existimatione tutela vel cura abeat.* Quibus si quis leuem modo, non latam culpam describi dicat, vescor, ne is bonae latinitatis scriptores sibi plane aduersos habeat. **FESTVS** *voc: segnities.* **TERENT.** in *Andr.* *I. 3. v. 1.* **IVSTIN.** *XXXIV. 2.* **ISIDOR.** *X. orig. pag. 1078.* **HORAT.** *I. ep. 11.* **CIC.** *IV. in Verr. 41.* **DONAT.** *in auct. ling. lat. pag. 1357. et 1454.* *l. vlt. C. arb. tut.* **OVID.** *Heroid. epist. XVI. v. 285.* Illud modo addimus (vii.) Romanos in puniendis delictis non modo capitalibus *l. 1. §. 3. et l. 7. D. ad l. Cornel. de siccari.*, sed et aliis grauioribus *l. 3. §. 21. seq. D. de sct. Silan.* *l. 25. §. 2.* *D. de bered. pet.* *l. 7. in pr. ei* *§. 4.* *D. de iurisd.*, ut et in famosis dolum sollicite a culpa quantumuis lata separare *l. 8. l. 11. §. 4.* *D. de his, qui not. infam vid.* *l. 9.* *D. de manum. vind.* *l. 8. §. 2.* *D. Quod met. causs.* **CIC.** *pro Quint. XV. et seq. cf. LIV. I. 28.* Iam aduersariorum argumenta expendamus. Aiunt. (a) in *§. 6. l. b. t.* culpam, vtpote simpliciter positam, non nisi leuem comprehendere arg. *l. 5. §. 2.* *D. commod.* *l. 23.* *D. de R. l. l. 8. D. de edend.* Sed quum huius regulae inconstantiam tot aliae leges prodant, velut *l. 31. D. ad l. Aquil. iunct.* *l. 7. D. ad l. Corn. de sic.* *l. 3. §. 1.* *D. de off. praef. vig.* *l. 22. §. 3.* *D. ad Sct. Treb.*, quibus no-

nomine culpae iam lata, iam leuissima venit, ea tunc demum valere poterit, quum substrata materia, aequitas naturalis, ac alia iuris auctoritas non suadet contrarium, quod in nostra specie esse, allata argumenta abunde docent. Vrgent (b) infamia notari eum indistinctim, qui tutelae iudicio suo nomine damnatur *l. 1. D. de de bis, qui not. inf.*; (c) nec non eum, qui *ignorantia* iuris mulierem duxit tempore luctus *l. 11. §. 4. D. eod.*, et (d) qui inuentarium confidere neglexit. *l. vlt. c. arb. tut.*: immo (e) capite puniri illum, qui etiam citra dolum malum poculum amatorium dederit. *l. 38. §. 5. D. de poen.* Enimuero, vti primum ad eum restringendum est, qui ob dolum damnatur arg. *l. 6. §. 7. D. de bis. qui not. inf.*, ne alias et ob leuem culpam cum infamia remoueat arg. *l. 7. c. arb. tut.*: ita in secunda, et tertia specie lex ipsa, citra iudicis sententiam, de qua nobis hic quaestio est, infamiam irrogat. In vltima vero radix saltem intercessionis dolus est. cf. FABROTT. *exercitat. amatorium pocul. sine fraude sua nemo dat. in Oration. Thes. iur. T. III. pag. 1149.* Quum autem (f) ad testimonium CICER. *pro A. Caecin. III., de orat. l. 36., pro Q. Rosc. com. VI., pro Sext. Rosc. Amer. XXXVIII.* prouocant; haec loca satis perpendisse non videntur. Priora enim nequaquam culpae, sed doli duntaxat mentionem faciunt, vltimum vero de mandato, non de tutela exaudiendum esse contextus abunde docet. Maior difficultas latere videtur in *l. 42. D. de verb. signif.* Verum hanc legem fugitiuam cum *l. 15. §. 6. D. de iniur. coniungendam esse*, nihilque nisi exem-

pla iniuriarum adferre, quae more ciuitatis tam
tum pro talibus habentur CORNEL. Nep. in
praefat. de vit. excell. imp., eruditus docuit DV-
KER. *de lat. vet. iurec. pag. 110.* Quod denique
addunt (g) culpam latam proximam esse fraudi,
quin immo dolo comprehendit l. 1. §. 1. D. si
men. fals. mod. l. 1. §. 5. D. de obl. et act. l.
2. §. 2. si is, qui test. lib. l. 8. D. de edend.,
id in iudiciis ciuitibus, quibus ad resarcitionem
damni libere dati agitur, (vid pos. iur. nat. 387.)
tum in quibusdam poenalibus pecuniaris.
ob expressam iuris auctoritatem concedimus.
In criminalibus vero, ac famosis, quominus
idem admittamus, prohibent allatae a nobis
supra leges. Denique (h) magnam negligentiam
culpam, magnam culpam dolum esse l. 226.
D. de V. s. largimur, si de culpa versutiae ser-
mo sit, vtpote quae verus quidem dolus est,
sed affectata tamen imprudentia, et negli-
gentiae velamine tegitur ZASIVS sing. respons.
I. c. 2. 13. cf. mea dissert. de susp. tut. Vien-
nae. 1778. Quod si III. tutor latitet, ne ali-
menta pupillo decernantur, secundum modum
in l. 2. §. vlt. l. 3. pr. et §. 1. D. vbi pup.
educ. propositum, a magistratu edicto euoca-
tur l. 7. §. 2. D. h. t. Si absens esse perseue-
rat, pupillus rei seruandae causa in possessio-
nem bonorum eius mittitur ad similitudinem
creditoris l. 12. D. quib. ex causs. in poss., res
porro, quae seruari non possunt, curatore da-
to, distrahuntur §. 9. l. b. t., atque ex earum
pretio alimenta pupillo constituenda esse proba-
bile est, ut poenas det suae absentiae arg. l. fin. D.
vbi pup. educ. deb. Si denique ad edictum
peremptorium l. 68. D. de iud. non compareat,
remo-

remoueri poterit, qui *sua sententia* suspectus factus est, vt inquit VLPIANVS l. 7. §. 2. D. b. t. add. l. 1. D. de confess. l. vlt. §. 6. D. de bon. eor. qui ant. sent. QUINTIL. Declam. 239.

§. CCCVII.

Quia denique ex granitate delicti defumenda est aestimatio poenae, facile patet, IV. cur, si insignis appareat tutoris malitia, vt si libertus fraudulenter gessit (112.) §. 11. l. b. t., vel si tutor alimenta decerni haud posse inscietur §. 10. l. eod., aut si, corruptis ministeriis praetoris, tutelam redemit §. 10. l. eod., praeter infamiam grauiori animaduersione dignus a praetore, qui corporaliter punire non poterat THEOPH. ad §. 10. l. b. t. l. 131. §. 1. D. de V. S., ad praefectum vrbi remittendus fuerit l. 1. §. 7. D. de off. praef. urb., vt pote a quo omnis iurisdictio criminalis intra urbem, et centesimum ab ea lapidem exercebat l. 1. pr. et §. 4. D. eod. cf. ord. bist. iur. ciu. V. §. 4. In prouinciis vero a proconsulibus, et praefidibus corporalis coercitio tali tutor infligi poterat, quoniam iis etiam ius gladii datum erat l. 6. pr. et l. 11. D. de off. proc. l. 3. l. 6. §. 8. D. de off. praefid. cf. SVETON. in Galba IX.

§. CCCVIII.

Ex eo denique, quod accusatio haec iudicia publica imitetur, ac ad remotionem tendat (300.), deriuatur, V. eam extinqui morte tutoris §. 8. l. b. t.; tum quod iam natura remotus sit (258.), tum quod generatim accusatiq;

tiones publicae morte terminentur *l. 20. D. de accusat.*, et satis iam actione tutelae aduersus heredes, aliosue prospectum sit (263. 276.). Atque ob eandem rationem finita quoque ante sententiam tutela hanc excusationem expirare manifestum est *l. pen. l. 3. §. 6. 7. 10. et II. D. et l. l. c. b. t.*

§. CCCIX.

Posteaquam hodie tutores omnes a magistratu confirmandi (217.), singulis praeterea annis ad rationes reddendas obstricti sunt, rarae admodum extant suspectorum accusationes. Nihilominus tamen iure Austriacō quoque cautum est, vt, praeter sanguine iunctos, contutores, etiam singuli magistratus administrationi tutorum diligenter invigilent. Quamprimum porro grauiora contra tutorē emercent indicia, magistratus eumdem tutela interim prohibere, cognita cauſa, si suspectus appareat, tutela remouere, tum, praeter damni resarcitionem, poena quoque eius factō digna adficere tenentur *Gerb. Ordin. T. 15.* Poena infamiae tamen ne in eum quidem, qui ob dolum remouetur, decernenda erit; vtpote, quae certis tantum delictorum speciebus adnexa est. *Constit. crim. Theres. Art. 103. §. 5.* Multo minus itaque culpa lata tutoris notabitur infamia, ob generalem iuris nostri regulam: nūnquam irrogandam esse infamiam, vbi non dolus, seu factum consultum, sed sola culpa, quantumuis lata, arguitur *Constit. cit. Art. cit. §. 8.*



FINIS LIBRI PRIMI.




UB WIEN



+AM242538205





www.books2ebooks.eu